



JOANNIS CIAMPINI ROMANI

Magistri Brevium Gratiae, Literarum Apostolicarum Majoris
Abbreviatoris, ac in utraque Signatura Referendarii,

OPERA IN TRES TOMOS DISTRIBUTA.

Editio Novissima,

CÆTERIS CORRECTIOR, ET AUCTIONIOR.

Accesserunt ejusdem Ciampini Opuscula quædam selectiora:

*Item Appendix, seu Notæ, in quibus nonnulla post ejus obitum
innovata recensentur:*

Ac demum Auctoris Vita, nunc primum ipsius Operibus addita.

TOMUS PRIMUS.



JOANNIS CIAMPINI ROMANI VETERA MONIMENTA,

IN QUIBUS PRÆCIPUE MUSIVA OPERA,

Sacrarum, Profanarumque Ædium Structura,


*Ac nonnulli antiqui Ritus Dissertationibus,
Iconibusque illustrantur.*

PRIMA PARS

A PRIMO CHRISTI SÆCULO AD QUINTUM.

PRÆCEDIT VITA AUCTORIS,

Nunc primum ipsius Operibus addita.



ROMÆ MDCCXLVII.

Sumptibus **CAROLI GIANNINI** Librorum **SUMMI PONTIFICIS** Provisoris
in Platea Capranicensi.


Ex Typographia Komarek.)(Superiorum facultate, & Privilegio.

*Eminentissimo ac Reverendissimo
Principi*

A L E X A N D R O

S. R. E. DIACONO CARDINALI

A L B A N O.



Ingulari DEI beneficentiâ ,
EMINENTISSE AC REVERENDIS-
SIME PRINCEPS, factum est , ut
Te ad id sublimitatis fasti-
gium evectum , quo Eccle-
sia Catholica decoratur , & sustinetur , tot
animi , corporisque dotibus locupletatum vi-
deamus ,

deamus , queis Excellentissimæ ALBANÆ Gentis decora magis magisque augeantur , & omnes , quibus difficillimis hisce temporibus datum est vivere , Principem & virtutibus ornatissimum admirari , & beneficentissimum experiri queant . Utrumque mihi fateor evenisse , ita quidem ut & Tuas laudes nunquam tacere possim , & liberalitate Tuâ sim maximoperè devinctus . Quæ enim in me abundè contulisti beneficia , id efficiunt , ut munificentiam Tuam omnibus prædicem , & magnanimitatis Tuæ encomia velim fieri manifesta ; licèt hoc iis non sit opus , quæ luce clariora universis patent . Noverunt Reges , & Principes , item Urbes , Universitates , Sodalitia , & quicunque vel res Tibi suas crediderunt curandas , vel a Te protegi certatim exoptant , & ambiunt . Multò verò minùs

Sum-

Summum Pontificem BENEDICTUM XIV. latent, qui Te tot EE. Cardinalium Congregationibus adscriptum, ferè in omnibus de maximis rebus consultationibus adhibet, & suffragium Tuum haud spernendum agnoscit. Idcirco liceat nunc mihi, PRINCEPS AMPLISSIME, egregii Viri JOANNIS CIAMPINI Opera novam in lucem emittenti, Primam eorum partem Tibi obsequentissimè offerre, Tuoque munire præsidio; sic enim & grati animi mei quisque fiet certior, & Auctoris menti satisfactum iri existimo, qui scilicet cùm in vivis existeret, CLEMENTI XI., nondum Pontifici Maximo, Patruo Tuo, utpotè illius beneficiis obstrictus, suas aliquot Elucubrationes nuncupavit; id certè nunc etiam facturus, si Editionem hanc ipsemet iterùm demandaret. Opus prætereà de Veteribus

Mo-

Monimentis Principi Antiquitatum amatori,
& Eruditorum fautori eximio ultrò venit
nuncupandum: quare & hoc præcipuè titu-
lo Volumen istud, & me sublimi Patroci-
nio Tuo enixè commendo, dum profundif-
simâ cum veneratione subscribor

EMINENTIÆ TUÆ REVERENDISSIMÆ

Humillimus, Devotissimus, & Obstrictissimus Servus
Carolus Giannini.



Lectori Antiquitatis Studiofo

CAROLUS GIANNINI.



U M JOANNIS CIAMPINI Opera, eruditione tum sacrâ, cum profanâ cumulatissima, ab Eruditis ferè omnibus expeti, & passim desiderari animadvertissem; publicis votis occurrere, & Rei Literariæ aliquo modo prodesse arbitratus sum, si nova eorundem Operum Editionem sumptibus meis, meâque industriâ exhiberem.

Ut verò nova hæc Editio aliquid novi, præter Typographi operam, tibi afferret, amice Lector; initio prioris Tomi ipsius CIAMPINI effigiem in ærea tabula incisam præmittere volui: deinde ejusdem Auctoris Vitam, ab erudito Viro JOANNE SANCTORIO Romano accuratissimè scriptam, addere decrevi: postmodum, in Tomo scilicet altero, nonnullas illustrationes, in quibus plurima a Summis Pontificibus, ac præsertim à SSmo Dño Nostro BENEDICTO XIV. post Auctoris obitum vel immutata, vel innovata recensentur: additis quoque Marmoreis Inscriptionibus, in quibusdam Sacris Ædificiis recens appositis.

Tandem ex Opusculis a CIAMPINO editis dum in vivis degeret, rariora quædam reimprimere, & in fine Tomi tertii reponere libuit, ea scilicet, quæ in subsequenti Elencho Literis præstantioribus adnotata sunt: omissis cæteris, quæ vel ad rem Antiquariam minimè pertinent, vel in Blanchiniana Anastasii Editione, & alibi prostant. Quippe de Opusculis ejusdem CIAMPINI ineditis nihil est quod subjiciam, cum enim illa in privatis Bibliothecis diù tineis, blattisque epulas ministrassent, in Salsamentarios denique malo fato inciderunt, è quorum manibus fragmenta vix pauca erepta in Vaticano Archivio nunc asservantur.

Reliquum est, ut pro mea ingenuitate fideliter tibi aperiâ, Volumen Primum De Veteribus Monumentis cum vetusto Codice M. S. fuisse collatum, & ad illius normam in aliquibus leviter immutatum, vel potius castigatum; id quod tibi non ingratum fore pro certo habui. Vale, & favorabili humanitate tua ad alias magnorum Operum Editiones volentem excita.

Par.I.

b

JOAN-

JOANNIS CIAMPINI

OPERUM EDITORUM

E L E N C H U S.

1. Oratio in Academia Romana Physico-Mathematica ab NN. (*Joanne Ciampino*) habita super Comete, qui Sextili mense anni 1682. apparuit; in qua & Observationes factæ recensentur. Romæ eodem anno, in 4. *Italica Lingua*.

2. De Tubis Opticis recenter inventis, in Academia Physico-Mathematica Romana a Carolo Neapolitano (*Joanne Ciampino*) Academiae Pro-Secretario declaratis. Romæ *Typis Jo: Jacobi Komarek*, 1686. in 4. *Italica Lingua*.

3. Conjecturæ de perpetuo Azymorum usu in Ecclesia Latina, vel saltem Romana. Romæ *Typis iisdem* 1688. in 4.

4. Examen Libri Pontificalis, sive Vitarum Romanorum Pontificum, quæ sub nomine Anastasii Bibliothecarii circumferuntur, cum Catalogo S.R.E. Bibliothecariorum juxta Chronologicum ordinem. Romæ eodem anno ubi suprâ.

5. Parergon ad Examen Libri Pontificalis, sive Epistola Pii II. ad Carolum VII. Regem Franciæ, ab Hæreticis depravata, & a Launojana calumnia vindicata. Romæ eodem anno, apud eundem, in 4.

6. Vetera Monimenta, in quibus Musiva Opera, sacrarum, profanarumque Ædium structura, ac nonnulli antiqui Ritus Dissertationibus, Iconibusque illustrantur. Pars I. Romæ 1690. apud eundem, in fol. *Secunda Editio* 1747.

7. DISSERTATIO HISTORICA, AN ROMANUS PONTIFEX BACULO PASTORALI UTATUR. Romæ 1690. in 4. apud eundem. *Editio altera* 1747.

8. De Abbreviatorum de Parco Majori, sive Assistentium S.R.E. Vice-Cancellario in Literarum Apostolicarum expeditionibus antiquo statu, illorumque in Collegium erectione, munere, dignitate, prærogativis, ac privilegiis, Dissertatio Historica. Romæ 1691. in fol. ex *Typogr. Rev. Cam. Apost.*

9. Enarratio Synoptica qualitatum, gestorumque Abbreviatorum de Parco Majori, S.R.E. Vice-Cancellario Assistentium, in expeditionibus Literarum Apostolicarum, quæ in Cancellaria Apostolica peraguntur. *In eodem Volumine*.

10. DE INCOMBUSTIBILI LINO, SIVE LAPIDE AMIANTO; DEQUE ILLIUS FILANDI MODO, EPISTOLARIS DISSERTATIO. Romæ 1691. in 4. *Iterum Romæ* 1747. in fol.

11. SACRO-HISTORICA DISQUISITIO DE DUOBUS EMBLE-
MATIBUS, QUÆ IN CIMELIO EMINENTISS. D. GASPARIS
CARDIN. CARPINEI ASSERVANTUR; IN QUORUM ALTE-
RO PRÆCIPUE DISCEPTATUR, AN DVO PHILIPPI IMPERA-
TORES FVERINT CHRISTIANI. Romæ 1691. in 4. *Typis Komarek.*
Iterum Romæ 1747. in fol.

12. DE VOCIS CORRECTIONE IN SERMONE VII. S. LEO-
NIS MAGNI DE NATIVITATE DOMINI, LITERVLÆ MVNV-
SCVLVM. Romæ in 4. 1693. *apud eundem. Iterum Romæ 1747. in fol.*

13. De Sacris Ædificiis a Constantino Magno constructis, Synopsis Histo-
rica. Romæ 1693. in fol. *apud eundem. Iterum 1747.*

14. Theatrum magnorum Virorum, Oratio Academica. Romæ 1692. in
4. *apud eundem, Italico idiomate.*

15. Investigatio Historica de Cruce Stationali. Romæ 1694. in 4. *ex offi-
cina Jo: Francisci Buagni. Iterum in Veteribus Monimentis, Parte II. Cap. VI.*

16. Abbreviatoris de Curia compendiaria Notitia. Romæ 1696. in 4.

17. Explicatio duorum Sarcophagorum, Sacrum Baptismatis Ritum in-
dicantium. Romæ 1697. in 4. *Et in Veteribus Monimentis, Parte II. Cap. IV.*

18. De S.R.E. Vice-Cancellario, illiusque munere, auctoritate, & potesta-
te; deque Officialibus Cancellariæ Apostolicæ, aliisque ab eodem dependenti-
bus. Romæ 1698. in 4. *Typis Bernabò.*

19. Vetera Monimenta &c. Pars II. post Auctoris mortem vulgata. Ro-
mæ 1699. in fol. *ex Typogr. Bernabò. Iterum Romæ 1747.*

OPERUM INEDITORUM

E L E N C H U S.

1. De Sacris, profanisque Calicibus.
2. De Sacris Indumentis.
3. De Sacrarum Imaginum usu, earumque veneratione.
4. De Terræmotibus Philosophica, & Historica Narratio, cum eorundem,
ac Cælestium Phænomenum, necnon diversorum terræ, marisque effectuum
chronologicâ descriptione ab anno VI. ante Christi Nativitatem.
5. De Sacris, profanisque Dypticis.

6. Musæum Pontificiorum Numismatum a Martino V. ad Innocentium X. a P. Philippo Odamo descriptum, & a Joanne Ciampino ad Innocentium XI. continuatum. *Ital. Idiom.*

7. Horæ Geniales, sive Conjecturæ Kempenses.

8. De Institutione Equitum aurei Calcaris, vulgò *Cavalieri dello Speron d'oro. Ital. Idiom.*

9. Sacra Romæ Legatio Excellentiss. D. Joannis Landi pro Canonizatione S. Laurentii Justiniani, sive brevis historico-encomiastica Narratio.

10. De dignitate, & præstantia sæcularis, & insignis Collegiæ S. Laurentii in Damaso de Urbe.

11. Sacrarum Imaginum anno 1689. repertarum Explicatio, ubi Formosi Sanctiss. Pontificis Vita ex variis Auctoribus novâ methodo est concinnata.

12. Epistola ad Illustriss. Nicolinum Vice-Legatum S. Sedis, Avenionem, cum exacta narratione Cardinalitiæ dignitatis, ab Eminentissimis Taja, & Riccio recusatæ. *Italica Lingua.*

13. Familiaris Epistola ad Reverendissimum P. D. Benedictum Bacchium &c. in qua nova quædam Philosophia demonstratur, cujus occasione, Vita, & nonnulla præclara gesta regnantis Pontificis Innocentii XII. breviter enarrantur.

14. Indices Ecclesiarum, Monasteriorum, Locorum sacrorum, & variorum ex Anastasio Bibliothecario, ac aliis Auctoribus collecti.

15. Dissertatio de Origine Regaliæ in Regno Galliæ. *Italica Dialecto.*


16. Index rerum præcipuarum, quæ in Ordine Romano a Cencio Camerario descripta indicantur.

17. Excerpta Ecclesiarum in partibus Infidelium, ordine Alphabetico.

18. Excerpta Ecclesiarum in Indiis Orientalibus, & Occidentalibus, ordine Alphabetico.

19. Episcoporum coetus ex Provisionibus, Alphabetico ordine, a Litera A. ad literam F.

20. Bibliotheca Scriptorum Vitarum Summorum Pontificum, & aliorum Antistitum.



P R Æ F A T I O

A U C T O R I S .



A est Mentis Divinæ benemerendi voluntas, eaque rerum utilitatem promovendi paterna sollicitudo, ut ab exiguis sæpè corporibus fœcundissimam eruat, traducatque beneficiorum propaginem. Ingentem arborum molem, exiguo semine inclusam, ad fructum ita componit, ut apprimè tenuitatis studiosus Deus videri possit, & ubertatis magnificentiam, coarctatâ prius largitate, majorem faciat. Suavissimâ eâdem lege universam propemodum vitæ nostræ rationem concinnat. Unde, si sedula animadversio ita paratos ad recipiendum nos redderet, ut Deus ipse ad donandum facilis est, nihil tam humile, nihil tam exile nobis occurreret, a quo uberem proficiendi copiam elicere non possemus. Quid verbo tenuius, quid fugacius videri potest? At hoc sæpius inconsultò inter loquendum elapsum, si animadversione Auditorum cultum veluti, ac nutrimentum nanciscatur, adeò fœcundum est excipientibus, ut vitæ totius rectiùs instituendæ, adipiscendæque æternæ salutis aliquando principium sit, & manu ductio. Simile quidpiam incitamentum sortitum hoc Opus fuit, quod apertiùs expedire non jus modò scribentis arbitror esse, sed & necessitatem. Cùm enim Auctorum mos sit operis sui propositum, divisionem, & compendiariam imaginem præseferre Lectoribus, piaculum fortè reputaretur, nisi Operis principium, progressum, ac finem exponerem. Accipe igitur, Lector candide, quæ olim me ad hæc, quæ proponuntur, scribenda excitare, excitatumque impulerunt.

Quidam genere, & ingenio prænobilis Vir, cujus nomen æquis de causis reticendum duco, animi, ut fit, levandi causâ, moresque & alia id generis addiscendi, quæ apud Exteros esse in pretio solent, Italiam peragrans, Romam accessit, ubi ut accuratiùs universa lustraret,

straret tam Sacrae, quam profanae antiquitatis monumenta, necessitudinem coluit Joannis Lucii, Viri, cujus dignitatem tum in aliis, tum in hoc potissimum studiorum genere praestantiam abunde testantur Historiae Regni Dalmatiae, & alii quamplures libri, quibus, dum Literariae Reipublicae consuluit, æternum nomini suo monumentum constituit. Temperabo a cæteris ejus virtutum laudibus, cum hæc laudandi officia necessitudinis meae erga illum jam publicus rumor prævenerit; & grati animi testimonia paucis indigeant apud eos, quibus antè beneficia constiterunt, quam Viri nomen. Hunc itaque cum frequentior adiret Vir ille, & eruditos sermones de more haberet, quadam die fortuito de Musivis Operibus quaestio orta est, ac de iis potissimum, quæ in Urbis Ecclesiis hodie visuntur. Hanc nactus occasionem Lucius, quotquot ibi præsto erant, quotquot erudita exercitatio suggerebat, testimonia recitavit, pollicitus plura, si cuperet, se allaturum ex probatissimis Scriptoribus excerpta, qui de nonnullis Urbis Ecclesiis aliquot retrò sæculis conscripssent. Ideoque eo tempore diligenter perscrutatus Auctores illos, qui de hujusmodi rebus plura tradiderant, & aliorum scripta cum Imaginibus, quæ ad hunc diem steterè, attentè conferens, Exteri studium illius oculari experimento excitare curabat. Sæpius & Ipse hujusmodi inspectionibus adfui; cum enim locorum distantia, & Lucii gravis ætas vehiculi opem exposceret, meo ut plurimum utebatur, rependebatque gratissimam mihi colloctionis suæ vicem, quam & Exterus interrogationibus suis utilissimam experiebatur. At ne frustraneus docto seni tam incommodus labor evaderet, digerebat in Codicem, quæ in Musivis Operibus repererat, prout eo tempore, quo scribebat, conspiciebantur. Lucii exemplo allectus, qui tantum descriptione contentus, Imaginum faciem, statumque, qualem nunc obtinent, paucis expressit, in memoriae potius auxilium, quam in historiae rudimentum præsentia profecutus sum; animum tamen longiùs intendi, & tum quæ supersunt, digna censui, quæ diligentius, ac proluxius describerentur; tum ea, quæ ab iis docemur, altiori indagine ab exordiis repeterentur. Hinc plura quandoque adnotavi ad Sacram eruditionem spectantia; plura interpretatus sum, quæ Hieroglyphicorum ambagibus continebantur; plures adduxi calculos Auctorum, sicubi aliquid probandum fuit; plures denique excitavi, si quando e revidebantur, & ad rem facere, quaestiones. Hæc tamen operis ex-

tra limites , quos illi præscripseram , evagatio , diutinaque productio me ab evulgandi confidentia arcuisset , nisi Amicorum suasionibus tutius , quàm privati iudicii mei conscientiæ morem gerere duxissem . Dulcissimâ ii me violentiâ impellebant , ut ederem ea , quæ propriæ eruditioni sedulâ observatione contuleram : quod ego ut detrectarem , ipsa operis difficultas , & Muneris mei curæ , vix otii brevioris capaces , monebant . Vicit tandem reverentia Amicorum ; & animum sibi diffidentem , horasque subsecivas , ac secundarias hoc in Opus impendens , expertus sum , satis temporis unicuique superesse , si eo uti velit . Adjeci itaque animum non modò Operi absolvendo , sed , si per me fieri posset , etiam ornando . Hinc e recensui facturum , si Picturarum Musivarum Icones , prout modò visuntur , adnecterem , illarumque descriptionem , & interpretationem adjicerem . Inde & cùm aliquid de Templorum erectione agendum videretur , ut scilicet ex illorum ætate fidelius colligeretur , tutiusque constaret ævum Picturarum , id quoquè prosequi conatus sum ; ac proinde in unaquaque Ecclesiarum describere foundationem , ut vocant , & reliqua , quæ ad brevem ipsius Historiam pertinent , opportunum existimavi . Mox ad Musiva descendo , quæ laminis æreis insculpta , exhibitaque sub oculos , præviâ descriptione , interpretor : si in posterum simile quidpiam occurreret , quo me utiliter exercere possim , ut hominum eruditorum expectatio , quæve ipse concepi , vota impleantur , pro virili curabo . Hanc enim meam desideriorum summam esse fateor , ut , præterquam quòd officiosus in Joannis Lucii cineres , & Amicorum suasionibus obsequens videar , Catholicæ potissimum veritati dilucidandæ studeam intervenire , dum apertissimè ex his , quæ scribuntur , elicitur , usum Sacrarum Imaginum , quem hodie colimus , Orthodoxæ Religioni admodum familiarem sæculis anteaçtis fuisse .

Operis partitionem brevi expediam , quam in quatuor partes distinguo . In prima species quædam est Prolegomenorum , ubi Sacrorum Ædificiorum varia genera prosequor , quæ cùm apud Ethnicos , tum apud Christianos in usu fuere . Deinde operum Musivorum originem , materiam , & compositionem explico ; quorum nonnulla in quinto reparatæ salutis sæculo concinnata fuere . In secunda autem parte de iis sermo erit , quæ a sexto usque ad totum decimum Sæculum constructa sunt . In tertia , quæ ab undecimo Sæculo usque ad totum decimumquintum . In quarta denique ea , quorum ætas ambi-

ambigua prorsus est, congeremus, & omnia, quæ ad hæc nostra tempora partim ævo graviore paululùm afflata, partim, immò pleraque illæsa permanent.

Primum igitur id a Te (Lector erudite) mihi petendum est: Veniam voluntati ne deneges, sicubi nisu salubriori præcessit ingenium; deinde Scriptoris animum excites benignâ eorum tolerantia, quæ homini in pluribus occupato cùm hæc scriberem, minùs fortasse accuratè exciderint, immò & corrigas; acriùs etenim incitabis in hæc studia suapte naturâ propensum, si castigationibus tuis ingenium docile, nec sui tenax ad meliora formaveris. Si quæ Tibi nova attulisse videar, opus: sin minùs, voluntatem tibi addictissimam probabis. Præterea verborum delectum, & si quæ sunt, quæ ab Instituto officii mei plurimùm distant, noli severiùs a me requirere. Duriùs quippe agere videreris, si a viro, quem plura distrahunt, detinentque, quæ sermonis nitorem, & elegantiam deterunt, & infirmant, omne verbum arceres, quod Tullium, Cæsaremque non sapiat; Nam & vitibus folia detrahimus, ut illarum fructus citiùs ad maturitatem promoveantur. Ornatùs operosior disquisitio, quæ nimiam moram operi attulisset, molesta erat animo tibi citò inservire cupienti, memorique Tertullianæ sententiæ: *Compendium sermonis & gratum, & necessarium est. Quoniam sermo laciniosus & onerosus, & vanus est.* Vale.

REIMPRIMATUR,

Si videbitur Reverendissimo Patri Sacri Palatii Apostolici Magistro.

F. M. de Rubeis Archiepiscopus Tarfi Vicesgerens.

REIMPRIMATUR.

Fr. Aloysius Nicolaus Ridolfi Sacri Palatii Apostolici Magister.

JOANNIS JUSTINI CIAMPINI

V I T A

A JOANNE SANCTORIO ROMANO P. A.

D E S C R I P T A,

Et Operibus Auctoris nunc primùm addita.



JOANNES Justinus Ciampinus natalem diem Romæ fortitus est anno Orbis redempti M. DC. XXXIII. 1633. Idibus Aprilis. Parentes habuit Antonium Ciampinum, honestum atque ingenuum Civem Romanum, & Margaritam item Romanam, ex vetusta, & patritia gente de Tagliettis, cujus nobilitatem sequens Sepulchralis Inscriptio penes Ædem SS. Laurentii & Damasi conspicuè testatur.

D. T. V.

*Bernardino, & Joanni De Tagliettis,
Germanis fratribus Rom. Patritiis,
Pro adultæ maturitate virtutis*

Immatura morte præreptis,

*Dum prior ad omnia literarum studia natus,
Philosophiæ, utriusque Juris, & Theologiæ Doctor
A Gregorio XV. Abbas S. Erasmi de Itro,
Ab Urbano VIII. Protonot.*

*Ad honores, & gubernia S. R. E. creatus
Ad majora imperia properabat:*

*Alter Armorum sectatus decora a S. P. Q. R.
Ad publica munera Nobilium adscitus,
Cosmo II. Mag. Etrur. Duci
Charissimus fuit.*

*Uterque morum suavitate, prudentia, pietate
Domum antiquissimam vel ante 100. ann.
Copiarum Ductoribus illustrem,
Gravemque subinde Laureis,
Et gloriarum plenam amplificavit.*

*Joannes Franciscus Tagliettus mæstiff. Senex
Sux, ac Filiorum universorum orbitatis
Solatium posuit.*

Obierunt Joannes VI. Id. Aug.

Anno Sal. CIOIOXXXV. æt. XXXIII. m. III.

Bernardinus IX. Kal. Aprilis CIOIOXXXVI. æt. XXVI. m. VI.

*Quanquam vivent in omnium lacrymis
Qui vixerunt in cordibus.*

Duplici nomine in Sacro Fonte insignitus fuit, primo scilicet, ut Joannis Taglietti Avi materni memoriam in familiæ posteris renovaret; altero verò, ut Sancti Philosophi, & Martyris, cujus Solemnitas eo die recurrebat, sub auspiciis, & patrocinio adolesceret.

Optimi Conjuges optimis moribus, ac præsertim pietate insigni præditi erant: & cum fortunæ bonis non nihil affluerent, nedum charitati erga egenos, aliisque piis vacabant operibus; verum etiam Sacras Ædes suppellectili ad sacros usus necessariâ instaurabant, & nonnullas assiduè providebant, illas præ cæteris S. Mariæ ad Martyres, S. Laurentii in Damaso, S. Joannis in Mica Aurea Transtiberim, S. Dorotheæ in eadem Urbis regione, & S. Petri in Monte Aureo.

Præterea ipsorum domus Patribus Seraphici Ordinis, Hierosolymâ Romam proficiscentibus, quotidie patebat, itaut omnes hospitio semper exciperet: cujus meriti gratiâ a P. Thoma Novariensi, qui spatium triginta annorum illic exegerat, dono obtinuerunt frustum de ligno, seu stipite ingentis Oleæ, ad quam Christum Dominum fuisse alligatum ex antiquissima traditione palàm asseritur: quod frustum tantæ molis, & magnitudinis erat, ut ex eo Pueri Jesus simulacrum fuerit insculptum. Hanc autem Oleam ante domum Annæ, qui Socer erat Caiphæ Pontificis, tunc extitisse, & hodiè etiamnunc virescere, & fructus parere publica Fidelium veneratio, & graves pariter Scriptores affirmant.

At quia Genitorum indoles in sobolem plerumque transfunditur, juxta illam auream Horatii sententiam:

*Fortes creantur fortibus, & bonis:
Est in juvenis, est in equis patrum
Virtus; nec imbellem feroces
Progenerant Aquilæ Columbam.*

Antonii, & Margaritæ pietas in filio statim apparuit, ac insuper eximius amor virtutis, & literarum discendarum anxietas maxima; ideò-
1642. que Puer illarum studio tam enixè insistebat, ut horas quieti ac somno debitas frequenter eriperet. Interea ætatis annum agens duodecimum,
1645. genitoris diuturno morbo confecti jacturam perpeffus est; & post menses aliquot, primis lacrymis nondum exsiccatis, genitricem etiam deflevit;

flavit; quapropter & ipse in morbum gravissimum incidit, a quo non 1647
sine magno labore, & discrimine vix tandem sese redemit.

Restitutâ in pristinum valetudine lucubrationibus pridem inter-
missis acrius incubuit, & legalibus disciplinis operam dedit. Cum ta- 1650.
men ab illarum asperitate veluti abhorreret, Petri Ciampini, fratris
nati majoris exemplum sequi, & in Cancellariâ Apostolicâ officiis se
exercere deliberavit, in quibus tantâ diligentia, & sagacitate excelluit,
ut pluribus honorificis ministeriis a Cardinali Francisco Barberino,
tunc temporis Vice-Cancellario, fuerit ornatus; donec metu, & pro- 1656.
ximitate pestiferæ luis, quæ in locis Romæ finitimis grassabatur, ad Sa-
binos transiit. Ibi offensus impudentiâ, & lenociniis cujusdam foemi-
næ, aliò se transtulit; ac denique Maceratæ consistens, a Comite Mon-
tano Tolentini Governatore (erat hic amicorum præcipuus) ad Bac- 1657.
chanalium solatia invitatus, accessit. Mox ab eodem Governatore ro-
gatus, ut ad populum exhilarandum aliquid novi, & ingeniosi inveni-
ret, excogitavit personatum Coetum componere, qui Anni figuram
cum quatuor illius temporibus repræsentaret, duodecim circa mensi-
bus, ac totidem Zodiaci signis ponè comitantibus; quæ omnia divite
vestium, & symbolorum ornatu, admirandum æquè ac jucundum,
unicuique spectaculum præbuerunt.

Elapsis Bacchanalium feriis Laureti Sanctuarium, & Anconæ Na-
valia invisit: mox iterum Maceratam contendit, ubi in utroque Jure
lauream adeptus, contagionis influxu jam vanescente Romam reverti-
tur. Hic a prænominato ipsius fratre ad Matrimonium, ut ille ajebat,
decens & utile acerrimè urgetur; Virgo enim proponebatur conspi-
cua, & quæ dotis nomine argenteorum septem & viginti millia affere-
bat. At Joannes strenuissimè repugnavit, & domo fratris indignantis
egressus, apud Sororem Viro officioso nuptam sese recepit, ibique
non sine aliqua valetudinis inconstantia duodecim ferè annis commora-
tus est; quo tempore consuetis lucubrationibus, & artium ingenuarum
studiis quotidie intentus, adeò profecit, ut a viris doctis, & rerum me-
morabilium Scriptoribus sæpe consultus, omnibus pro materia satisfac-
ceret, raras illis eruditiones, & peregrinas notitias subministrando;
quemadmodum iidem Scriptores in suis Operibus sincerè fatentur,
quos inter Michael Antonius Baudrand in suo Lexico Geographico de
Tuscania loquens, Ciampinum hoc elogio prosequitur: *De hac Urbe,*
uti de aliis plurimis ditionis Pontificiæ, multa præclara nobis communica-
vit vir doctissimus Joannes Ciampinus, Secretarius, & Minutista Brevium
Summi Pontificis, & de re literaria optimè meritus.

Demum ex universali acclamatione id obtinuit, ut fraternam Pe- 1669.
tri benevolentiam, & amissum jamdiu favorem recuperaret: quapro-
pter illius industriâ & operâ a Clemente IX. Magister Brevium Gra-
tiæ, & Præfectus Brevium Justitiæ creatus est: quæ munera ab ipso non-

1670. dum assumpta ob mortem Pontificis, Clemens X. subsequenter electus, libentissimè in ejus persona firmavit.

Sed renatam inter fratres concordiam, atque lætitiæ luctus, & moeror illicò perturbarunt; nam Petrus eodem anno decessit. Hæc jactura fratrem superstitem summoperè contristavit, sed Reipublicæ Litterariæ quodammodò profuit; solutus enim reverentiæ freno erga virum, cui a teneris obsequi consueverat, Joannes sibi ipsi indulgere, & pro libito desiderii vela explicare liberè potuit. Tunc itaque libros omnes evolvere, eruditos omnes alloqui, de rebus omnibus disserere, facultates omnes addiscere aggressus est. Tunc pretiosas antiquæ Urbis reliquias, aliaque elapsi temporis monumenta ritè perlustrans, multiplices eruditiones, varias doctrinas, & innumeras cognitiones obtinuit: ac proinde characteres, symbola, inscriptiones, numismata, gemmas, sigilla, tesseras, picturas, sculpturas, anaglypha, emblemata, & quæcunque aliis obscura, aut ignota erant, aperuit, & explicavit. Multarum item Nationum mores, leges, ritus, ordines, magistratus, ludos, funera, sacrificia, solemnitates, triumphos, ac denique sapientiam, pulchritudinem, & potentiam, quibus transacta sæcula clauerunt, abundè novit.

Expendens autem quantæ sit utilitatis Mechanice ad inquirenda naturæ opera arcana, & admirabiles illorum effectus, huic etiam studio totis viribus sese addixit, eoque pervenit, ut cum audisset a Samuele Morland Equite Anglo inventam fuisse tubam Stentorophonicam (sic appellatam a Stentoris nomine, apud Homerum præclari ob vocis sonoritatem) tubam scilicet, quæ voces articulatas in eximiam, longinquitatem traducit; solito ingenii acumine, atque præstantiâ plures ejusmodi tubas non sinè omnium admiratione & ipse perfecit.

At quanquam tot curis, & occupationibus implicatus, non tamen iis acquiescens, recogitavit Academiam Ecclesiasticam, quam Nonus Clemens excitare meditabatur, & præmortui Pontificis desiderium statuit adimplere. Anxius igitur omnem lapidem movit, omnemque operam impendit, ut id exequutioni citissimè demandaret; congregatisque viris idoneis, ac præsertim in Ecclesiastica historia valde peritis, singularem & proficuum Academiam, in qua de rebus ad Concilia, Canones, ac triplicem Theologiam, Sacram videlicet, Scholasticam, & Moralem pertinentibus ageretur, in Collegio *De Propaganda Fide* nuncupato, summa cum laude fundavit.

1672. Meritorum incremento præmia acceperunt; subsequenti enim anno inter Abbreviatores, quos *de Parco Majori* dicimus, connumeratur: & successivè *A Secretis* illius Collegii unanimi omnium consensu eligitur. Verùm onera, & ministeria reduplicata consuetis Ciampini studiis nihil detraxerunt; quippe ille a labore vividior, mirâ corporis, animique constantiâ omnia, & singula de more prosequabatur: quinimò

ex uno ad alterum properans, & quasi advolans, ita unus omnibus sufficiebat, ut semper ad exploranda veteris Romæ vestigia, & rudera, quæ in agris etiam propinquis effodiebantur, aliquantulum otii, & temporis lucraretur.

Tanta sedulitas fortunæ invidiam offendit: nam progressus quandoque extra Portam Urbis (olim *Næviam*, & *Prænestinam*, & *Labicanam*, nunc verò *Majorem*) ut subterranea Sepulchri antiqui introspiceret; dum per satis obscurum tramitem socios præit, ambiguo deceptus lumine, in foveam non exiguæ profunditatis ad infernum conclave præceps delabitur, unde nec statim, nec sinè magno conatu exemptus, osse tamen sinistri cruris infracto, septem supra triginta diebus, medicas manus, & lecti angustias perferre debuit.

Quamvis autem ægritudinis tempore universi literarum Cultores, & quamplures Principes Viri (inter quos amplissimi Cardinales Carolus Pius, Joannes Bona, & Vincentius Maria Ursinus, deinde Benedictus XIII. Pont. Max.) ad ejus ædes frequenter accesserint: postquam convaluit, ut facilius eruditos omnes deinceps attraheret, ac quodam veluti pabulo detineret, domesticam Bibliothecam mirificè auxit ad septem millia voluminum selectorum, intermixtis Codicibus ferè octingentis, qui decimum, qui octavum, qui sextum sæculum redolentibus. Musæum pariter, quod jampridem incæperat, ingenti Statuarum, Inscriptionum, Numismatum, aliarumque Antiquitatum copiâ ita amplificavit, ut omnia Palatii conclavia, tum etiam atrium, impluvium, anguli, scalæ, aditus ruderibus undequaque dispositis angustarentur.

Celebrem insuper in sua eadem domo erexit Academiam, ubi naturalia experimenta, & Mathematicæ demonstrationes frequentarentur. Lex Academicis lata erat, ut de rebus Anatomicis, Philosophicis, Mathematicis, & Mechanicis agere deberent, ita tamen ut Anatomicæ observationes non solum cujusque corporis animati, & vegetabilis singulas partes inquirerent, verum etiam figuram, constitutionem, & materiam cujusque rei inanimatæ, & non vegetabilis scrutarentur, in Chemicis præsertim, atque Spargiricis. Philosophicæ autem speculationes Elementa, Animalia, Vegetabilia, Fossilia, & alia quæcunque hujusmodi examinarent. Mathematicæ disquisitiones circa argumenta Geometrica, Geographica, Hydrologica, Nautica, Meteorologica, Arithmetica, Musica, & Astronomica versarentur. Mechanicæ tandem exercitationes Architecturam, Picturam, Sculpturam, Opticam, Prospectivam, Gnomonicam, cæterasque ingeniosas artes respicerent. Et nè quid inexploratum, aut intentatum relinqueretur, statuas, tabulas, numismata, gemmas, bullas, hieroglyphica, aliaque hujus generis recognoscere, explicare, & interpretari liceret.

Providus interim, & solers Ciampinus sumptibus maximis omnia instrumenta, omnesque machinas, quæ ad experimenta qualiacumque usui

usui esse possent, diligenter paraverat: ideòque Academicæ exercitationes statim incæptæ initio singulis hebdomadis, mox verò singulis mensibus, summo cum plausu, & concursu celebratæ sunt.

Inter doctissimos, & illustrissimos Viros, qui Ciampini Academiam decorare consueverunt, recensendi præcipuè sunt Joannes Franciscus Albanus, ad apicem Apostolatûs deinde evectus, & Undecimus Clemens nuncupatus: Carolus de Tournon, postmodum S.R.E. Presbyter Cardinalis, & ad Sinarum Imperium de Latere Legatus: Joseph Maria Thomasius, ex Ducibus Palmæ in Sicilia, mox etiam Presbyter Cardinalis, pietate, doctrina, & nobilitate præclarissimus: Dominicus Riviera, hodie S. R. E. Presbyter Cardinalis, & Sacræ Congregationis Boni Regiminis Præfectus meritissimus.

Hic assiduis experimentis intenti liberalium artium primarii Professores, observationum factarum testimonia, unusquisque pro sua facultate, brevi ediderunt. Inter primos Joannes Antonius Borellius commisit prælo *Tractatum de motu Animalium*: Lucas Antonius Portius *de Fontibus*: Raphael Fabrettus *de Aquis, & Aquæductibus veteribus Romæ*: Paulus Manfredi *de novis observationibus circa oculum, & aurem*: Matthæus Campanus *de novis experimentis Physico-mathematicis*; item *de Horologio, solo naturæ motu, & ingenio dimetiente momenta temporis*: Franciscus Elchinardi Societatis Jesu *de Impetu*; item *de Cursu Physico-mathematico*, & alia: Joseph Tertius *de Curiositatibus Physicis*: Franciscus de Honuphriis *de Abortu bicorporeo*: Urbanus Davisius *de Fontium, & Fluminum origine*: Joseph Dionysius Ponthius *de Cometicis observationibus, habitis ab Academia Physico-mathematica annis 1680. & 1681*. Thomas etiam Petruccius, ejusdem Academiæ Socius, typis mandavit *Spicilegium Anatomicum de Structura, & usu capsularum renalium*: Franciscus Brunaccius, & Franciscus Maria Honoratus (qui tamen in fronte Operis Cursus Francobacci, & Africanus Scirota Romanus inscripti sunt) *Ad Placidianam doctrinam additamenta, excerpta ex tertio libro Astronomicarum rerum*: & alii quamplures quamplura alia Italico idiomate concinnata vulgarunt.

Mirum est quantum in hac scientiarum palæstra Mathematicæ disciplinæ reffloruerint, & quantum illis accesserit incrementi. Microscopia elegantiori modo constructa, Tubi Optici summo studio, & novâ mechanice inventi, Telescopia ad palmos biscentum & quinque amplificata, multa quæ in tenebris prorsus delitescabant, luce clariora ostenderunt. Tunc novarum rerum indagatores, inter alia spectatu digna, admirati sunt in gemmarum Electuariis minutissimas particulas, seu fragmenta, quibus illæ constabant: in succis stillatitiis plantarum consolidatis lineamenta, frustula, & folia, quæ initio habebant: in alis, & lanugine Papilionum tenuissima fila, & exiles herbarum stipites, unde nascuntur. Tunc periti Coelestium corporum scrutatores in astris non ante,

ante, visa viderunt, ac præcipuè in Saturni systemate, in ejus annulo, atque in ejus Satellitibus. Tunc sive Eclipsis contingeret, sive Cometa oriretur, sive aliud quodcunque in Cœlo Phænomenon fulguraret, hîc expendendum, ac trutinandum proponebatur. Hîc demum quidquid insoliti, aut peregrini vel Natura, vel Ars produxerat, diligenti & severo examine ingeniosissimi hominum discutiebant, præsertim ipse Ciampinus, acerrimus rerum omnium investigator, & judex. Quippe continuis observationibus inhians, & semper aliquid novi in medium afferens, nunc demonstrabat, quomodò cîsia, sive curriculi, aut plaustra facili negotio movenda sint, etiam sinè quadrupedum adjumento: nunc exponebat, quo pacto volucres tranent aera, & qua ratione alæ artefactæ adaptari, & ad volatum compelli possint: nunc docebat gravium descensum, & eorum in motu velocitatem: nunc proportionem inter pondus mobilis, & vim moventis sive naturalem, sive rotis & vectibus excitatam: nunc gravitatem, pressionem, & elasticam aeris virtutem, necnon electricam virtutem magnetis: nunc suspensionem liquorum, & ad varias altitudines elevationem, juxta eorum pondera, in tubulis vitreis Turricellianis: nunc quousque ascendant, sive extollantur Mercurii spiritus, & quare vitrum, aut christallum neutiquam penetrent; & alia plurima, quæ diutinum esset hîc recensere.

At veluti in tot operibus otia retur, novum aliquid assiduè meditabatur; ac proinde Sodalitium ex præcipuis eruditorum instituit, qui orto vespere in ejus domum convenirent, & de rebus literariis cum ipso differerent. Ex iis, qui meritis & doctrina præstabant, silentio prætermittendi non sunt Ludovicus Sergardi, Franciscus a Turre, Antonius Malagonelli, Paulus Falconerius, Gaspar del Torto, Joannes Antonius Baldinus, Paulus de Maphæis, Marianus Patritius, Baptista Sardinus, Laurentius Zaccagni, Cælestinus Guicciardinus, Franciscus Serra, Vitalis Jordanus, Raphael Fabrettus, Georgius Baglivus, Franciscus Blanchinus, Joannes Vincentius Gravina, Joannes Marius de Crescimbenis, Jo. Baptista Zappius, Jo. Baptista Lucinus, Cæsar Bigolottus, Justus Fontaninus, Franciscus Maria Malaspina, Joannes Filingerius, Nicolaus Antonius Cuggiò, Joannes Baptista Riccardus, Joseph Ignatius Corderius, memorati Joannes Franciscus Albanus, Carolus de Tournon, Dominicus Riviera, alique famæ & nominis immortalis.

Doctissimi Sodalitii disputationes mirum in modum fovebat, immò excitabat insignis antiquorum rudum copia, quæ adstantium oculis circumquaque offerebatur: unde Carolus Bartholomæus Piazza in *Traçtatu de Bibliothecis Romanis*, Ciampini ædibus hoc encomium attribuit: *Tota domus Gymnasium est*. Anfaldus item de Anfaldis Romanæ Rotæ Auditor, in Discursu Generali de Commercio, & Mercatura, sub finem, Ciampini domum, & Musæum ità celebrat: *Ut liquet*
ex

ex antiqua formula quarundam sententiarum, in marmore per vetusto registrata, & modò asservata in nobili Museo Joannis Ciampini, in Curia Prælati supra invidiam commendatione dignissimi, dum præter ceteras ac generosas illius animi dotes, in ejus propria domo Amphitheatrum aperuit omnibus ferè facultatibus scientiisque, multoties ab aula Magnatum exulantibus; unde inter celebriores hujus sæculi Academias meritò censetur. Et P. Franciscus Vanni Societatis Jesu in Præfatione investigat. moment. talibus Ciampinum ipsum alloquitur: *Gratulantur sibi liberales facultates, quod tam splendidum domicilium obtinuerint non modò in tuo Museo, ac Bibliotheca, & in singulis conclavibus Ædium tuarum, quæ jam pretiosa eruditæ antiquitatis cimelia, & lectissimos libros non capiunt; sed, quod præcipuum, & rarissimum est, in mente tua.*

1688. Varios interim eruditos Tractatus, & varia de rebus variis opuscula elucubravit, quorum illud primum omnium comparuit: *Conjectura de perpetuo Azymorum usu in Ecclesia Latina, vel saltem Romana*: quod Summo Pontifici Innocentio XI. consecravit. Deinde illud accessit: *Examen Libri Pontificalis, sive Vitarum Romanorum Pontificum, quæ sub nomine Anastasii Bibliothecarii circumferuntur*: Quod opusculum magis magisque exornavit superaddendo *Catalogum Bibliothecariorum Sanctæ Romanæ Ecclesiæ*, chronologico ordine dispositum: necnon opellam, cui titulus: *Parergon ad examen Libri Pontificalis, sive Epistola Pii II. ad Carolum VII. Regem Franciæ, ab Hereticis depravata, & a Launojana calumnia vindicata*: quam Hieronymo Cardinali Casanate dicavit.

Verùm hæc, & plura his similia, quæ nominatim in Editoris Præfatione indicantur, quasi levia & inania contemptui habens, animo semper ad majora aspirante, egregio Operi *de Sacris Ædificiis, a Constantino Magno constructis, manum admovit.*

Quis Ciampinum tantæ molis structurâ satis superque oneratum non credidisset? Et nihilominus aliud pondus totis ingenii viribus bajulandum, unâ simul, eodemque tempore assumpsit, nempe Opus *de Veteribus Monimentis*, rerum copiâ, & varietate, tum etiam eruditione, & doctrinâ longè præstantius. Quippe hoc quatuor constare partibus debuit, ut ipse Auctor in Præfatione pollicitus est, licet morte intempestiva præreptus duas tantùm perfecit, quarum prior in præsentī volumine, altera verò in altero continetur. Tertiæ autem, & quartæ Partis jacturam nunc, & olim Posteritas deplorabit.

1690. Ut prima Pars in publicam lucem prodiit, quot vigeabant ea tempestate Scriptores huic Operi plaudere, & summas laudes conferre non desierunt; sed nè Lectoris longanimitate abutamur, de pluribus paucissimos referemus. Joannes Mabillon Itinerarii Italici part. 1. de illo hæc habet: *Ad Illustrissimi Joannis Ciampini Ædes profecti, Opus ejus curiosissimum de antiquis Musivis, cui manus extrema nondum imposita erat,*

erat, cum magna voluptate vidimus. Ludovicus Antonius Muratorius Anecd. part. 1. dissert. 17. Non sum denique eorum immemor, quæ tu in egregio Opere de Veteribus Monimentis Cæmeteria illustrando protulisti. Acta Eruditorum Lipsiæ, sive illorum Collectores, examinatâ hac primâ Operis parte, sic de ea pronunciant: Nos ista excerpisse contenti, Illustrissimo Ciampino vires corporis, animique firmas, ac vegetas apprecamur, ut non reliquas tantum tres partes de Musivis Operibus, sed & Tractatus alios, quos sub manu habet, in publicum possit emittere. Cardinalis Joseph Saens de Aguirre in Collect. Max. Concil. Hispan. Tom. 1. dissert. 9. Mitto plura alia de Templis ædificatis, non solum magnæ Mariæ, sed etiam nonnullis Apostolorum mortalibus adhuc, legenda apud Auditores nuper laudatos &c. & novissimè D. Joannem Ciampinum, rerum antiquarum indefessum scrutatorem, illustratoremque in Veteribus Monimentis &c. Cardinalis Henricus Noris in Præfatione secundæ Dissertationis de Cyclo Paschali, quam Ciampino dedicat, de eodem sententiam suam sic aperit: Tu ipse memet a scribendo eximia, ac singulari tua eruditione deterres. Etenim nemo nescit quantum tibi tot præclarissima vetustioris Ecclesiæ monumenta debeant, quæ tuo beneficio ex veterum parietinarum squallore, ac ruinis eruta, ac non modò elegantissimis Iconibus expressa, verum etiam doctissimis commentationibus exornata, per ora, manusque hominum cum ingenti tui nominis commendatione perennant, itaut ineditis abs te veterum Musivorum imaginibus pulcherrimam summæ tuæ eruditionis imaginem nullo unquam ævo interituris lineamentis erexeris.

Cum autem in hujus primæ Partis capite XV., ubi de Baculis, & de mystica eorum significatione sit sermo, variis rationibus, & argumentis firmaverit, Romanos Pontifices ad duodecimum usque sæculum Pastoralis Baculo usos fuisse; admonitus a sapientissimo Cardinali Vincentio Maria Ursino de contraria doctrina Innocentii III., qui in capite unico de Sac. Unction. asserit, Baculum Pastoralem a Romano Pontifice neutiquam gestari; arrepto protinus calamo Historicam exegit Dissertationem, in qua discutiens, an Romanus Pontifex Baculo Pastoralis utatur, sententiam, quam pronuntiaverat, affabrè tuetur.

Idcirco ab omnibus, quæ tunc temporis Romæ florebant, Academiis, summa cum ambitione desideratus, in illam, quæ antiquæ Arcadiæ imaginem repræsentat, & ab Arcadiæ Pastoribus mores, ritus, ac etiam nomina mutuatur, assumptus est: id quod Viro ad scribendum de omnibus paratissimo, ansam præbuit intexendi Epistolarem Dissertationem de incombustili Lino, sive de Lapide Amianto, & de ejus filandi modo, ex eo præsertim, quod hujusmodi Lapide Arcadiæ montes exuberant, ut habetur in Plinii Historia lib. 17. cap. 10.

Mox ut erat & otii impatiens, & in agendo indefessus, immo & captandis scribendi occasionibus apprimè deditus, statim aliud elaboravit opusculum sub hoc nomine: Sacra Historica Disquisitio de duobus Em-

blematibus, quæ in cimelio Eminentissimi D. Gasparis Cardinalis Carpinei asservantur. Examinauit in hoc opusculo duo vasculorum fragmenta, alterum vitreum, alterum verò metallicum, quæ a figuris, & symbolis ibi cælatis, referri ad Sacros Calices, quibus antiquæ Ecclesiæ utebantur, conjecturavit: dispunctâ in vitreo Emblemate, & absolutissimè definitâ controversiâ, an duo Philippi Imperatores Christiani fuerint.

Hanc verò disquisitionem inclyto Viro Josepho Mariæ Thomasio dicatam voluit, simili ejusdem urbanitate compulsus, utpotè qui librum editum sub nomine Josephi Mariæ Cari cum hoc titulo: *Antiqui libri Missarum Romanæ Ecclesiæ*, Ciampino primus dicaverat, præstito ibidem sequenti de Amici virtute ac meritis testimonio: *Sinceri sit officii fateri, me tuis sermonibus profecisse plurimum, tuaque valde studiis meis profuisse opera, eruditione multâ ornata, atque referta.*

Hæc inter Innocentius XII. ad summum Pontificatum pridem evectus, dum Centum-Cellas aquarum copiâ cogitat providere, ut mercibus illuc navigantibus Portum liberum, & a vectigalibus immunitatem exhibeat; magnificum Trajani Aquæductum Ciampini consilio, & operâ instaurare designat. Ille igitur in faciem loci profectus, imperata diligentissimè exequitur, explorata Principi refert, expensas adhibendas enunciat, faciliorem agendi modum ostendit. At dilatâ Pontificis intentione, Ciampinus Operis gloriâ frustratus est.

His diverticulis a priori itinere veluti distractus, grande argumentum *de Sacris Ædificiis a Constantino Magno constructis* penè intermiserat. Cæteris igitur expeditus Opus absolvit, & prælo excusum. 1693. eidem Summo Pontifici dedicavit. De hac elucubratione ab universo Literatorum cœtu ingentes plausus, atque immensa præconia retulit. Quia verò in celebri controversia de corpore S. Bartholomæi, non Beneventi, sed Romæ illud servari asseruit, allegando Bullam Pii IV. de ejusdem corporis translatione; prælaudatus Cardinalis Ursinus in Synod. Beneventan. edit. anno 1694. talibus ipsum de sua sententia redarguit, & de Operis venustate commendat: *Dum hæc sub prælo essent, Romæ nobis transmissæ sunt præclarissimæ lucubrationes de Sacris Ædificiis a Constantino Magno constructis, quibus consuetâ humanitate nos ditavit doctissimus Præsul Joannes Ciampinus, de universa Eruditorum Republica optimè meritis. Has cum avido studio perlegeremus, in eum locum incidimus, quo Amicus optimus, suavissimusque alapam nobis Beneventanis impingere videtur, hæc narrans pagina 58. Sub silentio prætereundum &c. Nobis non aliud tanto Viro, quem maximi facimus, respondere lubet, immò veriùs nec aliter debemus, quàm quia Romanus est, videlicet patrio ex affectu ea adnotasse; quia verò Ciampinus, doctrinâ scilicet, ac veritate præstantissimus, Breve Pii IV. in medium haud protulisse, sed ad Turrigium ablegasse Lectorem.*

Occasione hujusmodi controversiæ cùm a P. Josepho Maria Thomasio intellexisset, in Sermone septimo S. Leonis Magni de Nativitate Domini, ob vocem *Aræ* suspectam, sive corruptam, genuinam illius lectionem graviter depravari; continuò *Dissertationem* composuit *de ejusdem vocis correctione*, ubi (consultis omnibus exemplaribus dicti Sermonis in omnibus Bibliothecis Romæ, atque Italiæ) vocem *Aræ* in vocem *Areæ* commutandam esse probavit. Unde eximias dupliciter laudes meruit, tum ex pluribus, quibus opellam ditavit, eruditionibus, tum ex eo quod errorem a duodecim sæculis indeprehensum, Reipublicæ tam Christianæ, quàm Literariæ detexisset.

Item Opus Operi, & laborem labori addens, hortante eodem P. Thomasio, *Historicam Dissertationem produxit de Cruce Stationali*, quæ 1694. in secundi Tomi capite IV. inserta legitur, ac subinde aggressus *Tractatum de Sanctæ Romanæ Ecclesiæ Vice-Cancellario*, & manû ultimâ non adhuc impositâ, suscepit, & raptim emisit Tractatum alterum, qui *Compendiaria Notitia Abbreviatoris de Curia* inscriptus est, ut nimirum 1696. de tali munere, novissimè sibi collato, debitas Pontifici gratias ageret: ac demùm elegans, & doctum opusculum molitus est, quod *Explicatio duorum Sarcophagorum, Sacrum Baptismatis ritum indicantium* denominatur; & hoc etiam in secundi Tomi cap. VI. studiosus Lector inveniet. 1697.

Tum denique secundam Vet. Monument. Partem absolvere, ac publicæ expectationi indulgere statuit; ac proinde triclinio dimissam, prælo commisit. Sicuti autem in Parte prima Musiva omnia, quæ novæ 1698. verat, ad quintum usque sæculum jam descripserat: in Parte altera Musiva item omnia a quinto ad usque decimum sæculum complexus est. Progressurus in tertia Parte ad Musiva, quæ sequentibus quinque sæculis prodierunt; ac demùm in quarta Parte ad ea, quæ memoriæ, sive ætatis incertæ sunt, nisi morte occupatus, hæc & alia quæ vel conceperat, vel inchoaverat Opera ad sepulchrum se cum ipso traxisset.

In exitium tanti viri ipse amor adipiscendæ Virtutis, ipsumque studium vestigandi, & discendi plurima conjurarunt. Cùm enim plusquam par erat sollicitus explorandi Naturæ arcana, Chemicis etiam operationibus cœpisset incumbere: periculi fortasse immemor, aut contemptor, fumiganti Mercurio se exponere, ejusque arsenicali spiritu afflari non timuit, donec lethalis veneni haustu sensim labefactatus, duodecimo morbi die absumptus est.

Suprema ejus voluntas ostendit, quanto literas fervore dilexerit, cùm Literatos ex assè hæredes instituit. Ultimis nempe tabulis jussit, ut ex pecunia hæreditaria Hospitium, sive Collegium erigeretur, in quo duodecim Juvenes singulis mensibus Academiam *de rebus Physico-mathematicis*, nec non Academiam alteram *de Conciliis* vicissim haberent. Mandavit insuper, ut Bibliotheca, & Musæum nedum Hospitibus Collegii erigendi, immò etiam omnibus scientiarum Cultoribus,

acsi publici juris essent, patere deberent. Verum hæc utcunque optima dispositio (quod est infauftum Sydus bonarum artium) nullum adhuc adimplementum sortiri potuit.

Delatus ad SS. Laurentii & Damasi, ut ipse præceperat, depositus est in Sepulchro cognatæ Familiæ de Tagliettis, & supra plumbei Sarcophagi tegumentum incisa fuit luculenta & verax Inscriptio, quam Franciscus Maria Honoratus, ut Amico dulcissimo parentaret, mœrens composuit, & Carolus Bartholomæus Piazza in suis Operibus promulgavit, ut infrà.

D. O. M.

*Joannes Justinus Ciampinus Romanus,
Pluribus in Romana Curia Prælaturis auctus,
Arduis pro Rep. Christiana Consultationibus adhibitus,
Bonis artibus promovendis natus:
Moribus placidis, & liberalibus, integrisque,
In omnes officiosus, & beneficentissimus,
Eruditione sacra, & profana
Per totum Orbem celeberrimus,
Monumentis literariis præclarissimus
Impensis maximis editis:
Academiarum plurium Institutior, & Sator, & Cultor
Munificentissimus, incomparabilisque:
Promotor, Defensor, & Mecenas perpetuus
Eruditorum,
Quos futuros similes sibi
Ex asse hæredes fecit.
Natus anno MDCXXXIII. Aprilis die XIII.
Ferè occidente Sole:
Denatus damno ingenti Urbis, & Orbis
Anno MDCLXXXVIII. die XII. Julii, hora XIX.
Depositus in hac Ecclesia SS. Laurentii & Damasi
Requiescit in pace.*

Huic Inscriptioni liceat subnectere Elogium, quo Prosper Eques Mandosius omnes Ciampini prærogativas attingere, ejusque proclamam Academiam, necnon magnificam Musæi supellectilem celebrare conatus est.

D. O. M.

*Nosce, Lector:
Inter decora, quæ Aulæ Romanæ Præsules
In primis ornant,
Nil adeò splendidum,
Quàm in iis scientias florere, atque virtutes.*

Hiscæ

*Hisce potissimum fulgoribus
Civitas Romana coruscat,
Et omni tempore bonos, utilesque Cives produxisse
Gloriatur;*

*Quos inter hodie emicat
Joannes Ciampinus
Clarus honestissimis Insulis,
Morum commendatus laude,
Literis omnibus deditus,
Nunquam a studio sejunctus:*

*Qui
Ingens patriæ lumen præbet
Benè de Republica meritis literaria:
Cujus varia Opera,
Multiplici doctrina concinnata,
Invidi est
Non mirari, nec laudibus prosequi.*

*Eruditus oportet
Semper ex se aliquid promat,
Quo alios delectet, & juvet,
Aut se ipsum meritis illustret.
Eminus, & cominus
Studiosi cuncti Joannem cognitum habent:*

*Quis etenim
Bonarum artium sectator advena
Romam advenit,*

*Quin
Academiam Physico-mathematicam,
A Joanne domi erectam
Haud frequentet?*

*Quis
Præclarum ejusdem Musæum perlustrando,
In quo rariora, magnæque æstimationis
Visuntur,*

*Proprios non oblectet oculos,
Propriam non erudiat mentem?
Præstantissimus igitur Joannes,
Gratiarum omnium numeris absolutus,
Præsentibus stimulus est ad sapientiam,
Posteris verò erit*

*Exemplum ad virtutem.
Perge, calame;
Elogio donetur tantus vir.*

Siste,

*Siste, calame;
Nam
Haud brevi elogio, sed uberiori oratione
Extollendus est.*

Nec fas omittere quod recensendum in primis erat, nobile monumentum, quo celebrer, atque insignis Arcadum Coetus Virum ipsius Coetus amantissimum decoravit, erecto honorifico lapide, quem nonnisi Pastoribus magni nominis decernere, & erigere consuevit, cum hac Epigraphe.

C. V. C.
Θ IDMONI OEIO P. A.
OMNI DOCTRINA ERUDITO
SYLVAGGIUS APHRODISIUS P. A.
B. M. P. OLYMP. DCXXI. AN. III.
AB A. I. OLYMP. V. AN. II.

In qua Epigraphe nomina Pastoralia *Imon Oeius*, & *Sylvaggius Aphrodisius* denotant tum ipsum Joannem Ciampinum, cui lapidem Arcadum Coetus erexit, tum literatissimum Præsulem Franciscum Blanchinum, cui lapidis erigendi curam idem Coetus mandavit, id quod Eruditis omnibus in comperto est.

Fuit Ciampinus (ut Synchroni tradiderunt) corpore valido, staturâ honestâ, facie albicante, oculis cæruleis, crine subfusco, animo sublimi, & ingenio maximo. Moribus autem officiosis, & perurbanis; ac præsertim pietate, fide, justitia, liberalitate ornatissimus. Sed temperie igneâ, & ad iram pronâ: ideòque sententiæ suæ tenax, & propugnator penè inflexibilis, sicuti & alienæ impugnator vehemens. Ad aggredienda difficillima facilis, & sibi ultra modum fidens in arduis, licet plerumque feliciter audax esset: In omnibus quidem promptus, & fervidus, at in scribendo velox, & quasi præceptus: unde a nonnullis & lucidior in ejus Operibus ordo, & severior in sermone cultura desideratur: quod nec ignarus admittebat, nec imperitus, sed compulsus anxietate exprimendi quæ cogitaverat, & desiderio largiendi aliis quæ scripserat: ut ipsemet videtur innuere, immò etiam fateri in proxima Præfatione, ubi Lectorem sibi satagit conciliare talibus admonens: *Primum igitur id a te, Lector erudite, mihi petendum est, veniam voluntati nè deneges &c. deinde Scriptoris animum excites benignâ eorum tolerantia, quæ homini in pluribus occupato, cum hæc scriberet, minus fortasse accuratè exciderint &c. Præterea verborum delectum, & si quæ sunt, quæ ab instituto officii mei plurimum distant, noli severius a me requirere: durius quippe agere videreris, si a Viro, quem plurima distrahunt, detinentque, quæ sermonis nitorem, & elegantiam deterunt,*
& in-

& infirmant, omne verbum arceres, quod Tullium, Cæsaremque non sapiat &c. Ornatùs operosior disquisitio, quæ nimiam moram Operi attulisset, molesta erat animo, tibi citò inservire cupienti.

Tandem cùm esset Ciampinus ex Coetu illorum, qui ineunte anno M. DC. LXVIII. *Diarium Literatorum* instituerunt, ac de eo prosequendo adeò sollicitus, ut nec laboribus parceret, neque impensis: idcirco Literati complures, sive ut supremum defuncto honorem tribuerent, sive ut Amico, & Mecænati amoris vicem rependerent, nobilibus Epicediis ejus funeri ingemere contenderunt: ex quorum numero nos Epithaphium feligere, & pro coronide hujus Vitæ hîc subjicere honestissimum judicavimus.

VIA TOR,
 INDULGE LACRYMIS.
 MORS INVIDEA
 CONDIDIT SUB HOC LAPIDE VIRUM
 MENTIS FOECUNDITATE,
 INGENII MAGNITUDINE,
 CALAMI CELERITATE
 SINGULAREM.
 VIRUM PRÆ OMNIBUS IN OMNIBUS
 ERUDITUM,
 QUIA AD OMNIA SPECULANDA,
 ET DISCENDA NATUM.
 LITERATORUM SUI ÆVI
 FACILE PRINCIPEM:
 SCRIPTORUM SUI ÆVI
 NULLI SECUNDUM.
 QUI NUMERUM ANNORUM, QUOS VIXIT,
 OPERIBUS IN LUCEM EDITIS
 FERE ÆQUAVIT:
 INCHOATIS, ET NON COMPLETIS
 EDITA SUPERAVIT.
 QUID PLURA?
 JOANNES JUSTINUS CIAMPINUS
 HIC EST
 IN CINEREM VERSUS.
 LACRYMAS AUGE.

BENEDICTUS P. P. XIV.

Ad futuram rei Memoriam.

CUM sicut dilectus filius Carolus Giannini Romanus, cui Librorum pro nostra privata Bibliotheca comparandorum onus incumbit, Nobis nuper exponi fecit, ipse magna sua impensa Opera, seu scripta hoc nomen: Magistri Joannis Ciampini, quorum tituli: *Vetera Monimenta, in quibus præcipue musiva opera, Sacrarum, profanarumque ædium structura, ac nonnulli antiqui Ritus, Dissertationibus, Iconibusque illustrantur* Tomi duo: *De Sacris Ædificiis a Constantino Magno constructis Synopsis Historica*, Tomus alter: *Dissertatio Historica, an Romanus Pontifex Baculo Pastoralis utatur: De incombustibili Lino, sive Lapide Amianto, illiusque filandi modo Dissertatio Epistolaris. De duobus Emblematis, quæ in Cimelio Casparis Cardinalis Carpinei asservantur, in quorum altero præcipue disceptatur, an duo Philippi Imperatores fuerint Christiani, Sacro-Historica Disquisitio: De Vocis Correctione in Sermone VII. Sancti Leonis Magni de Nativitate Domini, in tres partes separata una cum centum & octoginta una figuris in ære Cyprio insculptis, ac effigie ipsius Magistri Joannis itidem celata, nec non rerum ab ipso Magistro dum viveret gestarum narratione adhuc nunquam impressa, nonnullisque Annotationibus in fine Secundæ partis, typis ad publicam utilitatem in Alma Urbe nostra mandare intendat; vereatur autem, ne postquam in lucem prodierint, alii, qui ex alieno labore lucrum querunt, opus præfatum, seu libros hujusmodi in ipsius Caroli præjudicium iterum imprimi facere curent. Nos ejusdem Caroli indemnitati providere, ipsumque specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum, harum serie absolventes, & absolutum fore censentes; supplicationibus ejus nomine Nobis super hoc humiliter porrectis inclinati, eidem Carolo, ut decennio proximo a primæva Operis hujusmodi, seu librorum impressione computando durante, dummodo tamen illud, seu illi prius a dilecto filio Magistro Sacri Palatii Apostolici approbatum sit, nemo tam in Urbe prædicta, quam in reliquo Statu Ecclesiastico mediatè, vel immediatè Nobis subiecto dictum Opus, seu libros sine speciali dicti Caroli, vel ab eo causam habentium licentiam imprimere, aut ab alio, vel aliis impressum vendere, aut venale habere, seu proponere possit, auctoritate Apostolica tenore præsentium concedimus, & indulgemus. Inhibentes propterea utriusque Sexus Christianis fidelibus, præsertim librorum Impressoribus, & Bibliopolis sub quingentorum ducatorum auri de Camera, ac amissionis librorum, ac typorum, pro una Cameræ nostræ Apostolicæ, pro alia eidem Carolo, ac pro reliqua tertiis partibus Accusatori, & Judici exequenti irremissibiliter applicandis, eo ipso absque ulla declaratione incurrendis pœnis, ne dicto decennio durante prædictum Opus, seu libros, aut aliquam ejus partem sine hujusmodi licentia imprimere, aut ab aliis impressum vendere, seu venale habere, vel proponere quoquomodo audeant, seu præsumant. Mandantes propterea dilectis filiis nostris, & Apostolicæ Sedis de Latere Legatis, seu eorum Vice-Legatis, aut Præsidentibus, Governoribus, Prætoribus, aliisque justitiæ Ministris, Provinciarum, Civitatum, Terrarum, & Locorum Status Nostri Ecclesiastici prædicti, quatenus eidem Carolo, seu ab eo causam habentibus prædictis, in præmissis efficacis defensionis præsidio assistentes, quandocumque ab eodem Carolo requisiti fuerint pœnas prædictas contra quoscumque inobedientes irremissibiliter exequantur. Non obstantibus Constitutionibus, & Ordinationibus Apostolicis, ac quibusvis statutis, & consuetudinibus etiam juramento, confirmatione Apostolica, vel quavis firmitate alia roboratis; privilegiis quoque, indultis, & literis Apostolicis in contrarium præmissorum, quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis, ac de verbo ad verbum insertis habentes, illis aliàs in suo robore permanentibus ad præmissorum effectum hac vice dumtaxat specialiter, & expresse derogamus, cæterisque contrariis quibuscumque. Volumus autem, ut præsentium literarum transumptis etiam in ipso Opere, seu Libris impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis, eadem prorsus fides in judicio & extra adhibeatur, quæ adhiberetur ipsis præsentibus, si forent exhibitæ, vel ostensæ. Datum Romæ apud Sanctam Mariam Majorem sub Annulo Piscatoris die XX. Septembris MDCCXLVII. Pontificatus Nostri Anno Octavo.*

D. Cardinalis Passioneus.

INDEX CAPITUM

Quæ in hac prima Parte continentur.

- Cap. I. **D**E Sacrorum *Ædificiorum* *Structuris*, tam apud *Ethnicos*, quàm apud antiquos *Christianos*. pag. 1.
- Cap. II. De singularibus partibus intra *Ecclesias*, ad sacra peragenda spectantibus. 12.
- Cap. III. De nonnullis antiquis ornamentis, sive *Hieroglyphicis*, *Ecclesiarum* januis apponi solitis. 26.
- Cap. IV. De *Valvis æneis* in *Ecclesia S. Pauli* extra muros *Urbis*, in *via Ostiensi*. 35.
- Cap. V. De *æneis Valvis*, in *Vaticana Basilica* nunc extantibus. 43.
- Cap. VI. De antiquis *Valvis æneis* *Primitialis Ecclesiæ* *Pisarum*. 46.
- Cap. VII. De nonnullis ornamentis, quæ erant in *Basilica Siciniana*, postea *S. Andreæ* in *Barbara* appellata. 52.
- Cap. VIII. Quomodo ex *structura*, atque *cæmentis*, *constructionis ædificiorum* tempus argui possit. 65.
- Cap. IX. Quomodo ex numero, amplitudine, ac forma *fenestrarum*, tempus, quo *ædificia constructa* sint, deduci valeat. 73.
- Cap. X. De *Musivorum* operum origine, nominibus, & speciebus. 78.
- Cap. XI. Ex quam materia opera *musiva* componantur, & quomodo ipsæ materiæ præparentur. 84.
- Cap. XII. Quid requiratur ad *Musivi* operis pulchritudinem, & elegantiam. 88.
- Part. I.
- Cap. XIII. *Dissertatio de Monogrammate L.*, & de nonnullis aliis literis, seu signis, in vestium fimbriis antiquitus pingi solitis. 89.
- Cap. XIV. De *Coronis*, aliisque capitis ornamentis. 105.
- Cap. XV. De antiquo *Baculorum* usu, & symbolo. 116.
- Cap. XVI. De *Evangeliorum Volumine*, & quanta apud *Christifideles* fuerit *Evangelii veneratio*. 126.
- Cap. XVII. *Dissertatio*, qua contra *A catholicos* demonstratur, in tribus primis *Ecclesiæ sæculis*, persecutionum tempore, publica *ædificia* fuisse, in quibus *Christifideles* *Sacras Synaxes* peragebant. 137.
- Cap. XVIII. *Ecclesiarum Elenchus*, in tribus primis *Ecclesiæ sæculis* per universum terrarum Orbem a *Fidelibus* constructarum. 154.
- Cap. XIX. De formis *Sepulchrorum*, tam apud *Ethnicos*, quàm apud *Hebræos*, & antiquos *Christifideles*: de memoriis *Martyrum*, seu *Martyriis*, aut *Confessionibus*, vel *Ciboriis*, necnon de *Basiliculis*. 161.
- Cap. XX. De *Ecclesia S. Agathæ Majoris* in *Civitate Ravennæ*: ac de opere *musivo*, in ea constructo ab *Exuperantio*, ejusdem *Civitatis* *Episcopo*, Anno *Christi* circiter *CCCC.* 184.
- Cap. XXI. De *Musivis* operibus, in *Ecclesia S. Sabine* a *Cælestino I. Summo Pontifice* Anno circiter *424.* constructis; & de ejusdem *Ecclesiæ* antiqua

- qua fundatione. 186.
- Cap. XXII. De Basilica Liberiana, si-
ve S. Mariæ Majoris: ac de antiquis
Musivis operibus a Xysto III. Anno
443. in ea concinnatis. 195.
- Cap. XXIII. De Ecclesia SS. Nazarii &
Celsi, vulgò Gallæ Placidie appellata,
in Civitate Ravennatensi; ac operi-
bus Musivis ab eadem Galla Placidia
Anno 440. constructis. 224.
- Cap. XXIV. De majori arcu Basilicæ
Sancti Pauli via Ostiensi a S. Leo-
ne I. Anno 441. musivo opere exor-
nato. 228.
- Cap. XXV. De Ecclesia S. Joannis in
fonte in Civitate Ravennatensi a Neo-
ne ejusdem Civitatis Episcopo Anno
451. musivo opere ornata. 233.
- Cap. XXVI. De Oratoriis SS. Joan-
nium Baptiste, & Evangeliste in
Lateranensi Baptisterio, ac Musivis
operibus in iisdem Oratoriis, Hilario
Papa jubente, Anno 462. elabora-
tis. 238.
- Cap. XXVII. De profanata Ecclesia
S. Andreæ in Barbara, seu Cata-Bar-
bara Patritia, Musivo opere, nuper
in ea exiunte, a Simplicio Papa An-
no 463. decorata. 242.
- Cap. XXVIII. De Ecclesia S. Agathæ
in Suburra, Musivogue opere, olim
in ea a Fl. Ricimero circa Ann. Domi-
ni 472. constructo. 250.

I N D E X

TABULARUM, ÆRE INCISARUM.

I N P R I M A P A R T E.

Tabula Operis frontem exornans.
Auctoris effigies, ejus Vitæ præponenda.

| TAB. I. | Pag. |
|-------------|------|
| II. _____ | 4. |
| III. _____ | 4. |
| IV. _____ | 9. |
| V. _____ | 9. |
| VI. _____ | 10. |
| VII. _____ | 11. |
| VIII. _____ | 12. |
| IX. _____ | 12. |
| X. _____ | 12. |
| XI. _____ | 14. |
| XII. _____ | 19. |
| XIII. _____ | 23. |
| XIV. _____ | 24. |
| XV. _____ | 26. |
| XVI. _____ | 29. |

| TAB. XVII. | Pag. |
|---------------|------|
| XVIII. _____ | 33. |
| XIX. _____ | 35. |
| XX. _____ | 44. |
| XXI. _____ | 47. |
| XXII. _____ | 52. |
| XXIII. _____ | 56. |
| XXIV. _____ | 56. |
| XXV. _____ | 60. |
| XXVI. _____ | 63. |
| XXVII. _____ | 67. |
| XXVIII. _____ | 70. |
| XXIX. _____ | 71. |
| XXX. _____ | 80. |
| XXXI. _____ | 81. |
| XXXII. _____ | 82. |
| XXXIII. _____ | 82. |
| XXXIV. _____ | 82. |

TAB.

| | | | | | | |
|--------------|------|------|-------------|------|------|------|
| TAB. XXXV. | Pag. | 104. | TAB. LVII. | Pag. | 217. | XXXV |
| XXXVI. ——— | | 107. | LVIII. ——— | | 218. | |
| XXXVII. ——— | | 133. | LIX. ——— | | 218. | |
| XXXVIII. ——— | | 164. | LX. ——— | | 219. | |
| XXXIX. ——— | | 165. | LXI. ——— | | 220. | |
| XL. ——— | | 168. | LXII. ——— | | 222. | |
| XLI. ——— | | 169. | LXIII. ——— | | 223. | |
| XLII. ——— | | 170. | LXIV. ——— | | 223. | |
| XLIII. ——— | | 178. | LXV. ——— | | 226. | |
| XLIV. ——— | | 181. | LXVI. ——— | | 227. | |
| XLV. ——— | | 183. | LXVII. ——— | | 227. | |
| XLVI. ——— | | 184. | LXVIII. ——— | | 230. | |
| XLVII. ——— | | 188. | LXIX. ——— | | 234. | |
| XLVIII. ——— | | 191. | LXX. ——— | | 235. | |
| XLIX. ——— | | 200. | LXXI. ——— | | 236. | |
| L. ——— | | 212. | LXXII. ——— | | 236. | |
| LI. ——— | | 212. | LXXIII. ——— | | 239. | |
| LII. ——— | | 214. | LXXIV. ——— | | 240. | |
| LIII. ——— | | 214. | LXXV. ——— | | 242. | |
| LIV. ——— | | 215. | LXXVI. ——— | | 243. | |
| LV. ——— | | 215. | LXXVII. ——— | | 271. | |
| LVI. ——— | | 216. | | | | |

I N P A R T E I I.

| | | | | | |
|-------------------------------------|------|-----|--------------|------|------|
| T Abula in fronte Voluminis. | | | TAB. XXV. | Pag. | 89. |
| TAB. I. | Pag. | 2. | XXVI. ——— | | 91. |
| II. ——— | | 4. | XXVII. ——— | | 95. |
| III. ——— | | 6. | XXVIII. ——— | | 102. |
| IV. ——— | | 16. | XXIX. ——— | | 104. |
| V. ——— | | 16. | XXX. ——— | | 106. |
| VI. ——— | | 20. | XXXI. ——— | | 109. |
| VII. ——— | | 23. | XXXII. ——— | | 111. |
| VIII. ——— | | 24. | XXXIII. ——— | | 114. |
| IX. ——— | | 26. | XXXIV. ——— | | 114. |
| X. ——— | | 44. | XXXV. ——— | | 118. |
| XI. ——— | | 44. | XXXVI. ——— | | 121. |
| XII. ——— | | 46. | XXXVII. ——— | | 122. |
| XIII. ——— | | 47. | XXXVIII. ——— | | 125. |
| XIV. ——— | | 48. | XXXIX. ——— | | 128. |
| XV. ——— | | 58. | XL. ——— | | 128. |
| XVI. ——— | | 60. | XLI. ——— | | 134. |
| XVII. ——— | | 63. | XLII. ——— | | 140. |
| XVIII. ——— | | 68. | XLIII. ——— | | 142. |
| XIX. ——— | | 67. | XLIV. ——— | | 142. |
| XX. ——— | | 68. | XLV. ——— | | 144. |
| XXI. ——— | | 70. | XVI. ——— | | 147. |
| XXII. ——— | | 73. | XLVII. ——— | | 147. |
| XXIII. ——— | | 78. | XLVIII. ——— | | 150. |
| XXIV. ——— | | 81. | XLIX. ——— | | 151. |
| | | | | | L. |


| | | | |
|-------------|-----------|-------------|-----------|
| TAB. L. | Pag. 153. | TAB. LIV. | Pag. 166. |
| LI. ————— | 156 | LV. ————— | 170. |
| LII. ————— | 160. | LVI. ————— | 176. |
| LIII. ————— | 162 | LVII. ————— | 177. |

I N P A R T E I I I.

T Abula in fronte Libri.

| | | | |
|-------------|----------|---------------|----------|
| TAB. I. | Pag. 10. | TAB. XVIII. | Pag. 59. |
| II. ————— | 11. | XIX. ————— | 59. |
| III. ————— | 14. | XX. ————— | 65. |
| IV. ————— | 14. | XXI. ————— | 66. |
| V. ————— | 17. | XXII. ————— | 68. |
| VI. ————— | 30. | XXIII. ————— | 75. |
| VII. ————— | 31. | XXIV. ————— | 75. |
| VIII. ————— | 33. | XXV. ————— | 101. |
| IX. ————— | 34. | XXVI. ————— | 116. |
| X. ————— | 34. | XXVII. ————— | 123. |
| XI. ————— | 35. | XXVIII. ————— | 123. |
| XII. ————— | 37. | XXIX. ————— | 130. |
| XIII. ————— | 42. | XXX. ————— | 130. |
| XIV. ————— | 49. | XXXI. ————— | 130. |
| XV. ————— | 56. | XXXII. ————— | 131. |
| XVI. ————— | 57. | XXXIII. ————— | 150. |
| XVII. ————— | 57. | XXXIV. ————— | 182. |
| | | XXXV. ————— | 185. |





THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF LONDON



E.P.L. Ghazzi del.

P. Lanzani sc.

Effigies
Joannis Ciampini Romani
Magistri Brevium Gratiae, Literarum
Apostolicarum Majoris Abbreviatoris,
ac in utraque Signatura Referendarii &c.



JOANNIS CIAMPINI ROMANI

VETERA MONIMENTA

In quibus Musiva præcipuè Opera, Sacrarum, profanarumque
Aedium Structura, ac nonnulli antiqui Ritus, Disserta-
tionibus, Iconibusque illustrantur.

CAPUT I.

*De Sacrorum Aedificiorum Structuris,
tàm apud Ethnicos, quàm apud
antiquos Christianos.*



OÆVA mundo Re-
ligio devotam se-
prodidit summo
Numini, statim ac
nata est cum pri-
mis humani ge-
neris parentibus.

Quippè quid aliud mortalibus inge-
rebat maximum hoc mundi tem-
plum, nisi unicè colendum, adoran-
dumque Deum, eumque esse Aucto-
rem, quem prædicant universa? Ac-
cedebat iis vivida, ac luculenta divi-
ni Conditoris imago, Adæ, & ne-
potum animis altè impressa, quæ Ara

Par. I.

erigi poscebat in hominum menti-
bus, non *ignoto Deo*, ut Athenis, sed
præstantissimo Illi, cujus ipse ho-
mo species erat, & imago simillima.
Hinc uniuscujusque mens originis
suæ conscia, religionis ingenitæ præ-
ceptis, domestico veluti Architecto
præeunte, privatas ædes in semeti-
psa Numini eidem statuit, & con-
secrat. At quia monente Apostolo
*ad Romanos 10. Corde creditur ad ju-
sticiam, ore autem confessio fit ad sa-
lutem*; idem animus, qui arcanum,
& intimum Dei cultum nos docet,
extimæ quoque adorationis officia,
exposcit, quæ ut honestiùs, ac di-
gniùs perficiantur, nonnulla eis loca
constituit, designatque, profanis exem-
pta commerciis, & nobilissimo huma-
norum operum, Dei scilicet adoratio-
ni, tantùm potentia. Sub ipsum mundi

A

exor-

exordium Abel, & Cain Deo munera primi obtulisse narrantur *Genes. cap. 4.* Noe autem postquam subsidentibus aquis periculum, imò excidium Orbis evasit, altare Domino ædificavit, ut habetur *Genes. 8.* Aram construxit obsequentissimus Abraham, nobilitate victimæ, obedientiâ parentis, Divino miraculo abundè conspicuam *Gen. 22.* Altare Domino Moyse erexit *Exodi 17.* hæres avitæ religionis, dignusque qui sacre suppellectilis exemplar à Deo receptum transmitteret posteris. Plures denique sacrorum curam suscepisse compertum est, quos omnes mirum quantum superexcelluit unus Salomon, qui celeberrimum, ac omninò mirabile Hierosolymis templum ædificavit, ut *Regum lib. 3. cap. 6.* fusè dilucidèque narrat historia. Pessima tamen peccati pedisequa impietas, ut in primi parentis labe, divinas sanctiones violare hominem malè suavit, & intimum cordis altare, Deo suapte naturâ dicatum excindere. Posteris quoque in id facinus impulit, ut effronti pervicaciâ Diis mendacibus ea loca inaugurarent, quæ uni terrarum, Cælique Conditori, ac Domino sacrandæ fuerant. Hinc sacra in historia impias Aras falsis gentium numinibus erectas non procul ab institutione divinorum offendimus, ut *Deuter. c. 3.* ubi Moyse mansisse dicitur contra Fanum Phogor, quod Moabitarum, & Madianitarum numen erat, ac Baalpeor, sive Belphegor fuit appellatum. Plura de hoc falso numine collegit recens Hofmannus, quæ brevitatis causâ omittuntur, cum apud ipsum videri possint in voce *Baalpeor*.

Horum verò ædificiorum structura qualis fuerit non satis constat. Multa

quidem de Hierosolymitano templo divinis literis sunt consignata, ex quibus aliqui absolutum illius exemplar describere conati sunt, quo tamen eventu, alii judicent. De Moabitarum Fano nulla certè extat descriptio; quapropter irritus labor foret, si vetustissima hæc vellemus profèqui, ut aliquam veterum templorum Iconem Lectoribus exhiberemus.

Pedem itaque ab iis referentes, quæ sua vetustas caligine involvit, & impervia prorsus reddidit, ad minùs discessit, nec tam altè sepulta rudera divertamur, Græcorum, Romanorumque superstitionis, & impietatis monumenta. Græcos igitur ab Hebræis, Hebræos verò ab Ægyptiis, utpotè vicinis, multa desumpsisse, facilè conjecturandum est, ut docet Annalium Ecclesiasticorum Parens Baronius ad ann. 44. n. 80. & nos infra in Cap. XIX.

E Græco autem fonte hausere Romani, qui eos non solum in turpi, & innumero Deorum grege, verum etiam in Ædificiorum venustate antecellere curarunt, ut ostendit quintus ordo regulis architectonicis additus, qui *Latinus* ab Inventoribus suis, sive *Compositus*, tanquam ex aliis quatuor Ordinibus desumptus, denominatur.

Cum igitur de Sacris Ædificiis apud Romanos sermo habendus sit, in quot species iidem illa deviserint, operæ præmium judicamus præmittere, ut omnia deinde clariora sint.

Hanc Ædificiorum divisionem nobis suggerit Lex 25. Cod. Theodof. sub titulo de *Paganis Sacrificiis, & templis*, ubi cuncta Paganorum Fana, Tempia, & Delubra, si quæ integra restabant, destrui jubebantur. Singularum

larum verò istarum vocum etymon, ac significatio perpendi debet, ut meliùs infra narranda noscantur.

Fana igitur à *Faunis* dicta fuisse nonnulli existimant, vel quia *Fanus* prima templa construxit, vel quia *Faunis* error Gentium illa excitabat. Alii verò *Fanum* à *fando* duxisse originem autumant, quòd fata inde petebantur; sive quia Pontifex loci istiusmodi consecrans certa verba facit, ut videri potest apud Liliū Gregorium Gyraldum To. 1. Syntag. 17. de *Sacrificiis*, ubi fusè de Fanis, & aliis templis, falsis numinibus dicatis: ac apud Io. Gerardum Vossium in suo Etymologico, ubi multorum Auctorum sententias in unum congeffit. Hujus vocis varias audivimus definitiones, sed nullam Fani descriptionem invenimus. Eruditissimus Machael Baudrand, necessitudine mihi conjunctissimus, quem honoris causà hic nōmino, in suo Lexico Geographico multas refert Urbes, & Oppida sub nomine Fani, inter quæ sunt *Fanum Fortunæ*, *Fanum Luciferi*, *Fanum Martis*, *Fanum Saturni*, *Fanum Vacunæ*, *Fanum Voltumnæ*. Hæc etiam vox in alio sensu quandoque accepta fuit, ut in Gruterianis inscriptionibus legimus *Fanum Dianæ*, *Fanum Dominarum*, *Fanum Plutonis*, & *Fanum Matris Deum*, & *Isidis*, quæ sub pag. 27. n. 2. sic se habet.

MATRI. DEVM ET ISIDI.
C. MENATIVS. C. FIL. FAB.
SEVERVS. FANVM. REFECIT.
ET. PRONAVM. DE SVO FECIT
EX VOTO.

In hoc igitur lapide satis firma videbimur vestigia ponere, si dicamus

Par. I.

Fana eadem fuisse ac templa. Vox enim illa *Pronaum* (quæ componitur, ex Græca præpositione *πρὸς*, idest *ante*, & nomine *Nais*, quod *templum* latine sonat; junctim verò anteriorem templi denotat partem) aperte indicat *Fana* eadem fuisse, ac quæ nunc templorum nomine accipimus. Hanc nostram sententiam videtur confirmare *Strabo lib. 17. Rerum Geograph.* qui apud Aegyptios qualis esset *Fani* forma ita demonstrat. *In ingressu Fani est pavimentum, latitudine quidem jugeri, aut paulò minùs: longitudine verò tripla, quadrupla ve, & quibusdam in locis etiam magis, atque hoc quidem Dromus (quod est cursus) dicitur, ut & Callimachus inquit:*

Est Dromus hic sacratus Anubidi. Per totam verò longitudinem deinceps ex utraque latitudinis parte sunt positæ lapideæ Sphinges, vicens cubitis, vel paulò pluribus inter se distantes, ut altera Sphingum series sit à dextera, altera à sinistra. Post Sphinges vestibulum ingens, & ubi processeris ulterius, aliud vestibulum, rursusque aliud. Sed neque vestibulorum, neque Sphingum certus est numerus; sed alius, atque alius pro diversitate longitudinis, & latitudinis Dromorum. Post vestibula est templum, quod ingens atrium habet, ac memoratu dignum, & delubrum mediocre: simulacrum verò aut nullum, aut non ad hominis formam, sed bestie alicujus effectum. Ex utraque parte Atrii projectæ sunt quæ pinnae appellantur, sunt autem duo muri, æquè alti atque templum, in initio inter se distantes paulò plus, quàm est latitudo crepidinis templi. Postea prorsum procedunt ad inclinantes invicem lineas, usque ad L.

A 2

aut

aut LX. cubitos . Hi parietes ingentium simulacrorum sculpturas habent , Etruscis , & antiquis Græcis operibus persimilium . Extat etiam ædes quædam multis columnis structa , sicuti Memphi , at Barbaricâ fabricâ ; nam præterquam quod columnæ multæ sunt & quidem ingentes , & multiplici ordine constitutæ , nihil pictum , aut elegans habet , sed potius inanem quendam laborem arguit . Romani autem sacros Etruriæ ritus , ut plurimum , imitantes , non omnibus Diis in omni loco templa ponere consueverunt ; nam qui Paci , qui Pudicitia , qui bonis artibus Dii præerant , eos intra mœnia collocandos existimarunt ; qui verò voluptatibus , rixis , incendiis præsidebant , ab urbibus excludendos , ut fusè Architecturæ Princeps Vitruvius docet *lib. 1. c. 7.* ubi plura Philander eruditissimè . Sicuti autem certa loca certis Diis antiqui assignare fuere soliti , ita etiam certa ornamenta , videlicet uni Doricum ordinem , alteri Jonicum , sublimioribus verò Diis Corinthium attribuerunt , ut sedulò observavit Vincentius Scamozzi in sua *Idea Architecturæ parte 2.* Italico idiomate scriptâ , in qua collegit ex antiquorum Scriptorum auctoritatibus , præfertim ex Pausania , plura insignia ædificia , à variis Nationibus in honorem falsorum numinum , diversis temporibus , diversisque Architecturæ ordinibus constructa .

Nonnulla exempla ex Vitruvianis regulis concinnata sub oculos ponimus , quæ in Tabulis I. II. III. conspici possunt . Nunc ad Templi vocem declarandum , in præcitata lege expressam , procedamus .

Templa propriè à *tuendo* , seu con-

templando appellata , ea loca fuere , quæ Augur vel in Cælo , vel in terra notasset , quæque vel quamlibet Cæli partem videre possent , vel ipsa ab omni parte videri . Hinc Cælum ipsum quandoque templum vocatum fuit , ut apud Ennium .

Contremuit templum magnum Jovis altitonantis .

Cæterum Templorum partes quatuor sunt ; sinistra ab Oriente , dextera ab Occasu , antica ad Meridiem , postica ad Septentrionem , ut demonstrat Varro de Lingua latina *lib. 6.*

Ex hac Templorum definitione colligimus templa ipsa absque ullo tecto fuisse , unde Cælum facillimè aspici posset . Hujusmodi Templi exemplum non procul à Lacu Gabino superioribus annis inspexi , cum curiositatis gratiâ ad invisenda antiquorum Gabiorum rudera cum CCLL. VV. Emmanuele à Schelestrate Vaticanæ Bibliothecæ Præfecto , ac Raphaele Abate Fabretto , nec non Abate Francisco Blanchino me contulisset . Ejusdem Templi Ichnographiam , & Orthographiam exhibeo in Tabula I. sub Fig. 1. & 2. Templum est ex lapidibus Gabinis quadrilateris formatum , quod apertum fuisse colligitur ex ipso ingressu , cum nullum ullius epistylî vestigium , sive arcus in Janua appareat , sed sit aperta , ut Icon ipsa demonstrat , & ita omnes existimavimus ; sicuti & ante ingressum duas columnas Ordinis Corinthii , ex illarum fragmentis , quæ in proximo reperiuntur , olim stetisse censuimus .

Similium Templorum formam antiquissimam esse putamus ; in quorum deinde locum alia successisse testudine , sive fornice cooperta , ac in testudinis summitate , sive medio , unicum , & ma-

Fig. 1.




Fig. 2.




Fig. 3.




Fig. 7.




Fig. 6.




Fig. 5.





Fig. 4.



ponunt. Nunc ad templi vocem declarandum, in præcitata lege expressam, procedamus.

Templa propriè à *tuendo*, seu con-

tiqummanne putamus; in quorum deinde locum alia successisse testudine, sive fornice cooperta, ac in testudinis summitate, sive medio, unicum, & ma-







Fig. 4.





Fig. 3.




Fig. 8.




Fig. 7.

Fig. 2.





Fig. 1.




Fig. 6.



Fig. 5.

& magnum foramen, five fenestram relictam, unde unicè Cælum intueri, & auguria capi possent; ut observare est Romæ in celeberrimo Pantheo, ac in templo Romuli, aut falsi alterius numinis, quod adhuc integrum extat, & in vestibulo Ecclesiæ SS. Cosmæ, & Damiani in Foro Boario.

Quandoquidem Gabinorum lapidum mentionem fecimus, à rectâ viâ paulisper deflectere nobis liceat, nè quid omittamus, quod explicatu dignum sit, vel eruditionis, vel lucis necessariæ accessionem facere possit. Gabinus itaque lapis ejusdem speciei est ac Albanus, quem nos Itali vocamus *Peperino*, & ex Agro Oppidi Mareni nostris diebus effoditur: quare si in denominatione placitum antiquorum sequi velimus, lapis Marenus denominandus esset, cùm antiqui lapidibus, & lapicidinis nomina indiderint à proximioribus locis. Gabinus autem lapis differt ab Albano in duritie, quia iste mollior, ille durior est, utpotè qui silicea quædam frustula diversæ magnitudinis interclusa, & inhærentia contineat. Præcitatus Scamozzius observat, lapides è propriis lapicidinis avulsos, aerique expositos alios indurescere, alios verò temporis progressu se comminuere, ut se habet iste Marenus. Hæc obiter. Iterum ad Delubri explicationem revertimur, de qua, ut diximus, voce in eadem lege fit mentio.

Delubrum nihil aliud esse, nisi Sacrarium, in quo Sacra reposita asservabantur, arguere possumus ex D. Hieronymo, qui in Joelis Proph. exposit. hæc ait: *Vespasianus & Titus, Romæ templo Pacis ædificato, vasa templi (Hierosolymitani) & universa dona-*

ria in Delubro illius consecrarunt. Sacra tamen illa ædificia fuisse communior sententia est, quæ plures Deorum cellas templo additas, ad instar nostrarum cappellarum continebant. Illorum definitionem affert Quintus Asconius, qui asserit Delubra esse multarum ædium conjunctionem sub uno tecto à diluvio pluviae munitarum. Plura, si libet, vide apud eruditissimum Gothofredum ad dictam l. 25. de *Paganis*.

Pro Delubri exemplari affertur à nobis præfatum inclytum Pantheon, quod Plin. *lib. 36. cap. 15.* Jovi Ultori ab Agrippa factum, Dion verò *lib. 53.* ab Agrippa perfectum asserunt, atque cum simulacris Martis, & Veneris, multas, & penè omnes Deum imagines eundem posuisse; ad quas conciliandas auctoritates cum Nardino *lib. 6 c. 4.* proferre valemus templum longè antiquius, quàm porticum, ædificatum fuisse, ut ipse architectonicus ordo demonstrat; nam porticus meliori formâ contracta, imò à templo disjuncta intuentibus clarissimè apparet. Visuntur adhuc tam intus, quàm extra nonnullæ cellulae, in quibus ipsorum Deorum imagines antiquitus collocatas fuisse, credibile est. Idcirco non solum Ichnographiam, & Orthographiam, sed etiam Scenographiam ejusdem exhibere voluimus, ut qui Romam non inviserunt, figuras observando, suæ curiositati indulgere valeant, ut in Tab. II. sub Fig. 1. 2. 3.

Coopertis igitur templis, ut supra narravimus, cùm nullum ampliùs fannum inter, & templum discrimen esset, fani vocabulum sensim obsolevisse, illudque templi mansisse credimus. Eorum verò templorum formæ à Vitruvio

truvio *lib. 3. cap. 1.* in octo dividuntur species, nempe in Antes, Græcè *πρὸς ἐν* *πρὸς ἐν* deinde Prostytos, Amphiprostylos, Peripteros, Pseudodipteros, Dipteros, Hypæthros. Singulas hæc ædium species jam in annexis Tabulis expono.

In Tabula III. Fig. 1. exemplar est Antis, quando scilicet in Ædificii fronte erunt ante parietem, & in medio duæ columnæ, ac super iis tympanum. Eadem Fig. 1. denotat Ichno-graphiam cum parastatis in fronte, & in angulis, ac duabus columnis in medio, videlicet ubi sunt duæ literæ AA. est columnarum locus: BB. parastata. Figura 2. repræsentat Orthographiam cum eisdem parastatis, & duabus columnis, ac tympano C.

Prostylos ejusdem structuræ est cum Ante. Addendæ tantum sunt in utroque angulo anteriori binæ hinc inde columnæ, hoc est, altera quæ ad frontem, altera quæ ad latus spectet, locandæque sunt ante angulorum parastatas, ut Figuræ 3. & 4. satis abundè indicant.

Si unica facies templi ita ornetur, vocatur ædificium Prostytos, ut indicat Fig. 3. lit. A. si verò etiam in adversa parte simile ornamentum excitetur, ut in eadem Fig. lit. B. ædes dicetur Amphiprostylos.

Peripteros, quod latinè circumcirca alas habens sonat, columnis quaquaversum cingitur, itaut in fronte sex assurgant, totidem in postica parte: in lateribus verò (exclusis duabus, quæ frontibus etiam communes sunt, utpotè in angulis positæ) octo utrinque. Inter columnas, & parietem interjacet Ambulacrum. Dilucidè omnia videbis in Fig. 5. & 6.

Pseudodipteros est, quando in fronte sunt duo ordines columnarum, ac in unoquoque ordine columnæ num. 8. In lateribus verò quindecim, angularibus computatis, ut Figura 7. & 8. exhibent: Icnographia non est integra ob loci angustiam. Orthographia frontem, ac intercolumnii spatium, & ambulacra demonstrat.

Dipteros duabus alis, hoc est duplici columnarum ordine circumdatur. Differt ab antecedenti eodem prorsus modo, ac Prostytos distinguitur ab Amphiprostylos; Dipteros enim tam in fronte, quàm in adversa parte, hoc est in postica, octonas habet columnas: Pseudodipteros verò tantum in Antica parte, & in lateribus; columnis ornata est.

Hypæthros itidem duplici ordine columnarum construitur, decem pro quolibet ordine in fronte; servatque eandem regulam ac Dipteros. In interiori verò parte duplicem habet ordinem columnarum à parietibus distantium, ita ut inter columnas, & parietes ambulacrum remaneat; medium verò sub dio sine tecto est, ut apparet ex Tabula II. sub Fig. 4. quæ trunca remanet ob loci angustiam. Fig. 5. quæ Orthographiam repræsentat, frontem & deambulacra denotat.

Huc usque Vitruvius templorum formas quadrilateras, ac similes descripsit: in *lib. verò 4. cap. 7.* breviter differit de rotundis templis, quæ in duas dividit species, nempe in Monoptera, ac in Periptera, quorum primum sine cella est, secundum cum cella; utraque verò columnis circumdata, uti Philader explicat in *adnot. ad lib. 4.* ejusdem Vitruvii *cap. 7.* cujus hæc verba: *Cæli naturam imitati ve-*

teres, in primis delectati sunt rotundis. Eorum quæ sinè cella sunt, sed columnis tantum circumvallata, *Menoptera* dicuntur; quæ cellam habent, *Periptera* vocantur. Peripteri templi exemplar in hac Urbe visitur B. M. dicatum, sub denominatione Solis, olim S. Stephani *delle Carrozze* ad ripam fluminis. Tiburi etiam adjacet templum haud abfimile, *Sibyllæ Domus* vulgò indigitatum, quod Cluverius in sua Italia antiqua existimat Herculis Ædem fuisse.

Tabula II. exhibet utrumque ordinem in Fig. 1. 2. 3. 6. & 7. propterea ab explicatione facilè abstineo.

De templorum forma apud antiquos Romanos recepta, hucusque à nobis actum est. Superest ut de Basilicarum structura quidpiam addamus; ad priscarum enim exemplar plures constitutæ sunt ædes Sacræ à Christianis, quæ etiam hodie nomen Basilicæ retinent: quin imò quamplures quoquè ex antiquis in sacros usus conversæ sunt, & divino cultui sacratæ.

De Basilicis summatim egit laudatus Vitruvius *lib. 1. cap. 1.* Ex recentioribus verò Andreas Palladius *lib. 3. c. 19.* Vincentius Scamozzi *lib. 3. cap. 5.* Leo Baptista Albertus *lib. 17. cap. 14.*

Cum autem vocis istius etymon, illiusque varia significatio non omnibus nota sit, ideò ab incepto Laconico stylo aliquantulum in majorem Lectoris gratiam deflectere non injucundum existimo.

Basilicam igitur omnes conveniunt Scriptores à Græca voce *Βασιλική* derivari, quæ Regiam denotat, cum *Βασιλεύς* Regem, sive Imperatorem significet. Initio Basilicæ à Romanis ædificatæ fuere, ut Populus in

eis ad jus dicendum convenire posset. Illarum forma ut plurimum sic erat. Cingebantur porticibus, concaemeratis ex coaxatis contignationibus, immixtis in parastata columnis, aut pilis adjunctis, superque contignationem altera erat, & superior porticus, cujus tectum testudinatum aliis postibus, parastatis, & arctariis sustinebatur. Medium spatium, & quasi superior porticus, Pluteus vocabatur, qui in utrumque latus per intercolumnia peristyliorum liberum habebat prospectum. Parastatæ verò duplæ erant ad rectitudinem porticûs, sicut & columnæ perpetuò Scaporum ductu ad Basilicæ latitudinem. Solebant enim in eisdem quatuor adesse Tribunalia, in quibus stabant Oratores, ac in orbem Judices. Duæ aderant porticus, inferior, ac superior; in inferiori Judices, Advocati, ac aliorum litigantium turba. In superiori verò ex una parte feminæ, ex alia viri, qui judiciis intererant, stare consueverunt, ut videre, & judicantes audire possent. Harum Basilicarum Iconismum refert Spanhemius expressum in quodam Numismate, ubi visitur Basilica Aemilia. Et nè graveris Spanhemium adire, idem Numisma exhibeo in Tab. XXI. sub fig. 4. Earundem Basilicarum itidem forma, inverso tamen ordine porticûs, cum intus sit, adhuc videri potest Romæ in Basilica Sanctæ Agnetis extra Urbis mœnia, & in Basilica Sancti Laurentii in Agro Verano, ubi & porticus duplex est; sicuti & in Ecclesia Aquisgranensi, ut à Reverendissimo Domino N. Vander Linden, meritissimo ejusdem Ecclesiæ Decano accepimus, qui ex emplar Musivi operis, illic à Carolo Magno con-

construēti nobis transmisit, de quo suo loco. Interim audiamus Plinium easdem Basilicas describentem, qui lib. 6. epist. 33. *Sedebant, inquit, Judices centum & octoginta, ingens utrinque Advocatorum, & Adstantium corona latissimum Judicium multiplici circulo ambiebat. Ab hoc stipatum Tribunal, atque etiam ex superiori BASILICÆ parte, quā feminae, quā viri, & audiendi quod erat difficile, & quod facile, visendi studio imminebant;* unde Seneca de Ira lib. 3. c. 33. *fremitu judiciorum Basilicæ resonant.* Postea cum à Senatoribus, qui illuc veniebant, vel à Judicibus, qui ibi omnis generis causas cognoscere, vel ab hominibus peritis, qui clientibus inibi de jure respondere solebant, locus vacaret, Mercatores ibidem, ac Nummularii negotiari cœperunt; quod innuit Basilica Argentariorum, in octava Urbis Regione, de qua meminit P. Victor; nisi potius dicendum, quod Mercatores ad Basilicarum formam construxerint loca, in quibus convenire possent, ut etiam hodie in aliquibus Civitatibus, & præcipuè in maris Portibus obtinet.


Quare eisdem locis ad Basilicarum formam constructis Basilicæ nomen Priscos indidisse conjecturari haud temerè potest. Novemdecim Romæ Basilicas fuisse idem Victor narrat. Locus verò ubi Tribunalia stabant hemicycli formam retinebat, quare ab ipso Tribunali Tribunæ nomen sortitus est, qui etiam ab aliquibus Absida dictus fuit, de qua voce S. Paulinus in Epist. 12. ad Severum, ait: *Sed de hac Absida, an Abside magis dicere debuerim, tu videris; ego nescire me fateor, quia hoc verbi genus nec legisse remini-*

scor. Isidorus lib. 15 c. 8. *Absida, inquit, Græco sermone, Latinè interpretatur lucida, eò quod lumine accepto per arcum resplendeat. Sed utrum Absidam, an Absidem dicere debeamus, hoc verbi genus ambiguum quidam Doctorum existimant.* Præbuit etiam hæc eadem vox altercandi occasionem inter Orthographiæ Professores, an cum B. vel P. scribenda sit. Joannes Gerardus Vossius in suo Etymologico asserit scribendam esse cum B. suamque opinionem variis rationibus fulcit, cui obstat Claudius Dausquius in sua Orthographia, per P. pingendam contendens. Quare cum Grammatici certent, & adhuc sub Judice lis sit, Orthographiæ studiosis relinquimus dirimendā.

Verùm Basilicæ, unde diverteram, ut evaderet amplior, intus à lateribus antiqui addidère unicam Porticum, deinde duplicem. Insuper & ante Tribunal transversam Navim, quam aliquando bifariam adinstar Porticūs cum columnis diviserunt, hancque Causidicam denominarunt, quia in ea Notarii, & alii Causarum Patroni conveniebant: quare Navis hæc literæ T. figuram repræsentabat; & ut commodior evaderet, exteriores superaddidère Porticus in Servorum usum. Has prope Forum Basilicas antiquis construere solemne erat, & ad meridiem fronte aspicientes, ut in eas hyeme finè ulla temporis injuria Negotiatores se conferre possent. Earum latitudines nec minus quàm ex tertia, neque plus quàm dimidia longitudinis parte constare solebant. Fenestræ quoquè ad lumen uberius excipendum, satis amplè patebant, ut litigantium commodo in perlegendis, examinandisque tabellis consulere-
Pri-


Ortothographia Basilicæ Sessorianæ

TAB.VI





TAB·IV.
Ichnographia Basilicæ Sesforianæ



Prisci etenim Christifideles in ædificiis construendis Gentilium imitatores, ad eorum similitudinem sacra templa erigebant, vel ab Ethnicis jam erecta, ab omni profanæ superstitionis labe expiata, divinos in usus aptabant, ut innuit Ausonius in gratiarum actione pro Consulatu: *Basilicæ olim negotiis plenæ, nunc votis pro tua salute susceptis*. Et Isidorus Originum lib. 5. *Basilicæ prius vocabantur Regum habitacula, nunc autem idè Basilicæ Divina templa nominantur, quia ibi Regi omnium Deo cultus, & sacrificia offeruntur*.

Supradicta Architectonica præcepta observata animadvertimus in Basilica Siciniana ab Ethnicis constructa, ac etiam in aliis Christianorum Basilicis, nempe Sessorianâ, S. Pauli, S. Laurentii in Agro Verano, & aliis, de quibus infra.

Ut autem quæ narravimus clariores sint, ejusdem Sicinianæ Basilicæ Ichnographiam, & Ortographiam sub oculos ponimus, ut in superallata Tabula I. Fig. 3. & 4.

Istius Basilicæ longitudo est pal. 85. latitudo verò 65. diameter, sive chorda hemicycli, vel absidis est pal. 44. semidiameter 28. Ejusdem absidis, quæ lit. A. denotatur, & retroacto anno diruta fuit, 24. Porticûs longitudo 68. latitudo 23. Tres in quolibet latere habet fenestras: singulorum latitudo pal. 15. altitudo sesquialtera: tres istarum ad Meridiem versæ, muro clausæ sunt.

Porticus Occidentem hybernium respiciens, quatuor habet januas, quarum prior Septentrionem versus; aliis tribus minor est. In angulis quoque geminæ aliæ patebant, sicuti Ortho-

graphia demonstrat in dicta Tabula Fig. 4. Super porticum aderant quatuor fenestræ, superque tectum porticûs tres, quarum mediæ imminet fenestra orbicularis.

Sessoriana autem Basilica in tria deambulacra, seu Naves distinguitur, ut in Tab. IV. quæ Basilicæ Ichnographiam demonstrat. Earundem Navium longitudo à liminibus usque ad arcum triumphalem, sive Navim transversam, est pal. 118. medianæ Navis 42. lateralium 22. transversæ longitudo 86. latitudo 35. Ad ipsam per tres gradus ascenditur. In medio Altare majus assurgit cum Ciborio incumbente quatuor porphyreticis columnis. Literæ A. & B. descensum ad subterraneam Cappellam Sanctæ Crucis denotant; de qua suo loco disseremus.

Duodecim magnæ columnæ è Numidico marmore Naves distinguunt, pro qualibet parte sex. Diameter absidis est palm. 68. semidiameter verò 32. Ex quolibet latere quinque magnas fenestras habet, ut Tab. V. Orthographica indicat; & sub eisdem totidem sunt arcus latitud. palm. 20. altitud. verò duplicatâ proportionem. Fenestrarum eadem est latitudo, altitudo sesquialtera. Lateralis fenestra propè absidam, quæ Boream respicit, bifariam dividitur à columna marmorea, quâ intersecatur. Reliquæ verò tres muro obductæ sunt, sive, ut veriùs dicam, coarctatæ, reverâ enim totus fenestræ hiatus oppletus non fuit, sed ingestis hinc inde lateribus, tantum spatii relictum est, ut in altitudine palmis viginti quatuor, in latitudine verò tribus tantummodò pateat. In quarta solummodò fenestra nullus


aperturæ locus relictus est, sed muro penitus occupata fuit, quod contigit etiam arcubus, qui fenestris subjacent, ut ex ipsa Orthographia colligi potest, quam simul cum Ichnographia contemplare.

Porticum ante faciem Basilicæ sex columnæ suffulciunt, quarum aliæ ex Numidico, aliæ verò ex Phrygio marmore constant. Hac olim in porticu duæ aderant Cappellæ: at hodie una tantum. Neutram tamen illarum fuisse cum Basilica inchoatam existimo, sed posterioribus sæculis additam. Supra porticûs tectum, fenestræ olim amplitudinis non exiguæ laxabantur; cum altitudine pal. 30. latitudine verò 20. æquarent. Hæ tamen hodie ducto muro occluduntur. Porticum autem ingredientibus à dextris occurrit turris campanaria, quæ maximam vetustatem præfert.

Augustior est celeberrima Doctoris Gentium Basilica cum mole, tum auctoribus. Magnus enim Constantinus illam primò construxit; auxerunt verò, vel potiùs denuò à fundamentis in splendidiorem hanc formam, quâ modò visitur, excitârunt Valentinianus, Theodosius, & Arcadius A A A. Latius de illa disse remus in nostro tractatu, quem post præsentem in lucem edituri sumus, *De sacris Ædificiis tam in Occidente, quàm in Oriente à Magno Constantino constructis*. Nunc enim ejus structuram brevibus prosequi satis fuerit. Basilica hæc septem continet porticus, sive Naves, quinque in longum, duasque transversas: ut Ichnographia demonstrat in Tab. VI. Quinque Navium longitudo est pal. 404. latitudo verò medianæ 110. lateralium 40. In totum Basilicæ la-

titudo, comprehenso quod occupant bases columnarum spatium, est pal. 304. Ascenditur ad transversas Naves per quinque gradus, quarum longitudo est pal. 324. Singularum latitudo pal. 52. ambarum simul, comprehenso columnarum spatium, 120. In prima istarum Confessio est, sive Altare majus, & Presbyterium, sive Absis, in qua aderant viginti columnæ, inde à Xysto V. occasione restorationis asportatæ, ut scribit Severanus *De Septem Urbis Ecclesiis*. Navis medianæ columnæ sunt numero quadraginta; viginti videlicet à quolibet latere ordinis Corinthii, quarum sexdecim non sunt perfectè elaboratæ, sed in aliqua parte rudes; aliarum verò viginti quatuor, quatuordecim ex duabus marmoris partibus constructæ sunt. In aliis Navibus totidem numero columnæ, sed minoris magnitudinis, & altitudinis. Narrat idem Severanus nonnullas ex eisdem columnis fuisse desumptas ex mole Hadriana. Perfectò in omnibus non apparet eadem Architectonica regula; quod etiam basibus contigit. Hinc existimo, illas, quæ politiores sunt, ex eadem mole desumptas, alias verò rudiores fuisse elaboratas ætate supradictorum Imperatorum Theodosii &c. quo tempore bonæ artes in deterius labebantur.

Facies Ecclesiæ, quæ Occidentem hyemalem respicit, quinque habebat januas, quarum media tantum aperta est; aliæ verò muro obstructæ: tempore autem Jubilæi, sive Anni Sancti ea referatur; videlicet quæ in Ichnographia signatur lit. A. Ad sinistrum latus est turris campanaria, ut lit. B. denotat. In quolibet Navis medianæ latere






| | | | | | |
|------|------|------|------|------|------|
| 1 | 2 | 3 | 4 | 5 | 6 |
| 7 | 8 | 9 | 10 | 11 | 12 |
| 13 | 14 | 15 | 16 | 17 | 18 |
| 19 | 20 | 21 | 22 | 23 | 24 |
| 25 | 26 | 27 | 28 | 29 | 30 |
| 31 | 32 | 33 | 34 | 35 | 36 |
| 37 | 38 | 39 | 40 | 41 | 42 |
| 43 | 44 | 45 | 46 | 47 | 48 |
| 49 | 50 | 51 | 52 | 53 | 54 |
| 55 | 56 | 57 | 58 | 59 | 60 |
| 61 | 62 | 63 | 64 | 65 | 66 |
| 67 | 68 | 69 | 70 | 71 | 72 |
| 73 | 74 | 75 | 76 | 77 | 78 |
| 79 | 80 | 81 | 82 | 83 | 84 |
| 85 | 86 | 87 | 88 | 89 | 90 |
| 91 | 92 | 93 | 94 | 95 | 96 |
| 97 | 98 | 99 | 100 | 101 | 102 |
| 103 | 104 | 105 | 106 | 107 | 108 |
| 109 | 110 | 111 | 112 | 113 | 114 |
| 115 | 116 | 117 | 118 | 119 | 120 |
| 121 | 122 | 123 | 124 | 125 | 126 |
| 127 | 128 | 129 | 130 | 131 | 132 |
| 133 | 134 | 135 | 136 | 137 | 138 |
| 139 | 140 | 141 | 142 | 143 | 144 |
| 145 | 146 | 147 | 148 | 149 | 150 |
| 151 | 152 | 153 | 154 | 155 | 156 |
| 157 | 158 | 159 | 160 | 161 | 162 |
| 163 | 164 | 165 | 166 | 167 | 168 |
| 169 | 170 | 171 | 172 | 173 | 174 |
| 175 | 176 | 177 | 178 | 179 | 180 |
| 181 | 182 | 183 | 184 | 185 | 186 |
| 187 | 188 | 189 | 190 | 191 | 192 |
| 193 | 194 | 195 | 196 | 197 | 198 |
| 199 | 200 | 201 | 202 | 203 | 204 |
| 205 | 206 | 207 | 208 | 209 | 210 |
| 211 | 212 | 213 | 214 | 215 | 216 |
| 217 | 218 | 219 | 220 | 221 | 222 |
| 223 | 224 | 225 | 226 | 227 | 228 |
| 229 | 230 | 231 | 232 | 233 | 234 |
| 235 | 236 | 237 | 238 | 239 | 240 |
| 241 | 242 | 243 | 244 | 245 | 246 |
| 247 | 248 | 249 | 250 | 251 | 252 |
| 253 | 254 | 255 | 256 | 257 | 258 |
| 259 | 260 | 261 | 262 | 263 | 264 |
| 265 | 266 | 267 | 268 | 269 | 270 |
| 271 | 272 | 273 | 274 | 275 | 276 |
| 277 | 278 | 279 | 280 | 281 | 282 |
| 283 | 284 | 285 | 286 | 287 | 288 |
| 289 | 290 | 291 | 292 | 293 | 294 |
| 295 | 296 | 297 | 298 | 299 | 300 |
| 301 | 302 | 303 | 304 | 305 | 306 |
| 307 | 308 | 309 | 310 | 311 | 312 |
| 313 | 314 | 315 | 316 | 317 | 318 |
| 319 | 320 | 321 | 322 | 323 | 324 |
| 325 | 326 | 327 | 328 | 329 | 330 |
| 331 | 332 | 333 | 334 | 335 | 336 |
| 337 | 338 | 339 | 340 | 341 | 342 |
| 343 | 344 | 345 | 346 | 347 | 348 |
| 349 | 350 | 351 | 352 | 353 | 354 |
| 355 | 356 | 357 | 358 | 359 | 360 |
| 361 | 362 | 363 | 364 | 365 | 366 |
| 367 | 368 | 369 | 370 | 371 | 372 |
| 373 | 374 | 375 | 376 | 377 | 378 |
| 379 | 380 | 381 | 382 | 383 | 384 |
| 385 | 386 | 387 | 388 | 389 | 390 |
| 391 | 392 | 393 | 394 | 395 | 396 |
| 397 | 398 | 399 | 400 | 401 | 402 |
| 403 | 404 | 405 | 406 | 407 | 408 |
| 409 | 410 | 411 | 412 | 413 | 414 |
| 415 | 416 | 417 | 418 | 419 | 420 |
| 421 | 422 | 423 | 424 | 425 | 426 |
| 427 | 428 | 429 | 430 | 431 | 432 |
| 433 | 434 | 435 | 436 | 437 | 438 |
| 439 | 440 | 441 | 442 | 443 | 444 |
| 445 | 446 | 447 | 448 | 449 | 450 |
| 451 | 452 | 453 | 454 | 455 | 456 |
| 457 | 458 | 459 | 460 | 461 | 462 |
| 463 | 464 | 465 | 466 | 467 | 468 |
| 469 | 470 | 471 | 472 | 473 | 474 |
| 475 | 476 | 477 | 478 | 479 | 480 |
| 481 | 482 | 483 | 484 | 485 | 486 |
| 487 | 488 | 489 | 490 | 491 | 492 |
| 493 | 494 | 495 | 496 | 497 | 498 |
| 499 | 500 | 501 | 502 | 503 | 504 |
| 505 | 506 | 507 | 508 | 509 | 510 |
| 511 | 512 | 513 | 514 | 515 | 516 |
| 517 | 518 | 519 | 520 | 521 | 522 |
| 523 | 524 | 525 | 526 | 527 | 528 |
| 529 | 530 | 531 | 532 | 533 | 534 |
| 535 | 536 | 537 | 538 | 539 | 540 |
| 541 | 542 | 543 | 544 | 545 | 546 |
| 547 | 548 | 549 | 550 | 551 | 552 |
| 553 | 554 | 555 | 556 | 557 | 558 |
| 559 | 560 | 561 | 562 | 563 | 564 |
| 565 | 566 | 567 | 568 | 569 | 570 |
| 571 | 572 | 573 | 574 | 575 | 576 |
| 577 | 578 | 579 | 580 | 581 | 582 |
| 583 | 584 | 585 | 586 | 587 | 588 |
| 589 | 590 | 591 | 592 | 593 | 594 |
| 595 | 596 | 597 | 598 | 599 | 600 |
| 601 | 602 | 603 | 604 | 605 | 606 |
| 607 | 608 | 609 | 610 | 611 | 612 |
| 613 | 614 | 615 | 616 | 617 | 618 |
| 619 | 620 | 621 | 622 | 623 | 624 |
| 625 | 626 | 627 | 628 | 629 | 630 |
| 631 | 632 | 633 | 634 | 635 | 636 |
| 637 | 638 | 639 | 640 | 641 | 642 |
| 643 | 644 | 645 | 646 | 647 | 648 |
| 649 | 650 | 651 | 652 | 653 | 654 |
| 655 | 656 | 657 | 658 | 659 | 660 |
| 661 | 662 | 663 | 664 | 665 | 666 |
| 667 | 668 | 669 | 670 | 671 | 672 |
| 673 | 674 | 675 | 676 | 677 | 678 |
| 679 | 680 | 681 | 682 | 683 | 684 |
| 685 | 686 | 687 | 688 | 689 | 690 |
| 691 | 692 | 693 | 694 | 695 | 696 |
| 697 | 698 | 699 | 700 | 701 | 702 |
| 703 | 704 | 705 | 706 | 707 | 708 |
| 709 | 710 | 711 | 712 | 713 | 714 |
| 715 | 716 | 717 | 718 | 719 | 720 |
| 721 | 722 | 723 | 724 | 725 | 726 |
| 727 | 728 | 729 | 730 | 731 | 732 |
| 733 | 734 | 735 | 736 | 737 | 738 |
| 739 | 740 | 741 | 742 | 743 | 744 |
| 745 | 746 | 747 | 748 | 749 | 750 |
| 751 | 752 | 753 | 754 | 755 | 756 |
| 757 | 758 | 759 | 760 | 761 | 762 |
| 763 | 764 | 765 | 766 | 767 | 768 |
| 769 | 770 | 771 | 772 | 773 | 774 |
| 775 | 776 | 777 | 778 | 779 | 780 |
| 781 | 782 | 783 | 784 | 785 | 786 |
| 787 | 788 | 789 | 790 | 791 | 792 |
| 793 | 794 | 795 | 796 | 797 | 798 |
| 799 | 800 | 801 | 802 | 803 | 804 |
| 805 | 806 | 807 | 808 | 809 | 810 |
| 811 | 812 | 813 | 814 | 815 | 816 |
| 817 | 818 | 819 | 820 | 821 | 822 |
| 823 | 824 | 825 | 826 | 827 | 828 |
| 829 | 830 | 831 | 832 | 833 | 834 |
| 835 | 836 | 837 | 838 | 839 | 840 |
| 841 | 842 | 843 | 844 | 845 | 846 |
| 847 | 848 | 849 | 850 | 851 | 852 |
| 853 | 854 | 855 | 856 | 857 | 858 |
| 859 | 860 | 861 | 862 | 863 | 864 |
| 865 | 866 | 867 | 868 | 869 | 870 |
| 871 | 872 | 873 | 874 | 875 | 876 |
| 877 | 878 | 879 | 880 | 881 | 882 |
| 883 | 884 | 885 | 886 | 887 | 888 |
| 889 | 890 | 891 | 892 | 893 | 894 |
| 895 | 896 | 897 | 898 | 899 | 900 |
| 901 | 902 | 903 | 904 | 905 | 906 |
| 907 | 908 | 909 | 910 | 911 | 912 |
| 913 | 914 | 915 | 916 | 917 | 918 |
| 919 | 920 | 921 | 922 | 923 | 924 |
| 925 | 926 | 927 | 928 | 929 | 930 |
| 931 | 932 | 933 | 934 | 935 | 936 |
| 937 | 938 | 939 | 940 | 941 | 942 |
| 943 | 944 | 945 | 946 | 947 | 948 |
| 949 | 950 | 951 | 952 | 953 | 954 |
| 955 | 956 | 957 | 958 | 959 | 960 |
| 961 | 962 | 963 | 964 | 965 | 966 |
| 967 | 968 | 969 | 970 | 971 | 972 |
| 973 | 974 | 975 | 976 | 977 | 978 |
| 979 | 980 | 981 | 982 | 983 | 984 |
| 985 | 986 | 987 | 988 | 989 | 990 |
| 991 | 992 | 993 | 994 | 995 | 996 |
| 997 | 998 | 999 | 1000 | 1001 | 1002 |
| 1003 | 1004 | 1005 | 1006 | 1007 | 1008 |
| 1009 | 1010 | 1011 | 1012 | 1013 | 1014 |
| 1015 | 1016 | 1017 | 1018 | 1019 | 1020 |
| 1021 | 1022 | 1023 | 1024 | 1025 | 1026 |
| 1027 | 1028 | 1029 | 1030 | 1031 | 1032 |
| 1033 | 1034 | 1035 | 1036 | 1037 | 1038 |
| 1039 | 1040 | 1041 | 1042 | 1043 | 1044 |
| 1045 | 1046 | 1047 | 1048 | 1049 | 1050 |
| 1051 | 1052 | 1053 | 1054 | 1055 | 1056 |
| 1057 | 1058 | 1059 | 1060 | 1061 | 1062 |
| 1063 | 1064 | 1065 | 1066 | 1067 | 1068 |
| 1069 | 1070 | 1071 | 1072 | 1073 | 1074 |
| 1075 | 1076 | 1077 | 1078 | 1079 | 1080 |
| 1081 | 1082 | 1083 | 1084 | 1085 | 1086 |
| 1087 | 1088 | 1089 | 1090 | 1091 | 1092 |
| 1093 | 1094 | 1095 | 1096 | 1097 | 1098 |
| 1099 | 1100 | 1101 | 1102 | 1103 | 1104 |
| 1105 | 1106 | 1107 | 1108 | 1109 | 1110 |
| 1111 | 1112 | 1113 | 1114 | 1115 | 1116 |
| 1117 | 1118 | 1119 | 1120 | 1121 | 1122 |
| 1123 | 1124 | 1125 | 1126 | 1127 | 1128 |
| 1129 | 1130 | 1131 | 1132 | 1133 | 1134 |
| 1135 | 1136 | 1137 | 1138 | 1139 | 1140 |
| 1141 | 1142 | 1143 | 1144 | 1145 | 1146 |
| 1147 | 1148 | 1149 | 1150 | 1151 | 1152 |
| 1153 | 1154 | 1155 | 1156 | 1157 | 1158 |
| 1159 | 1160 | 1161 | 1162 | 1163 | 1164 |
| 1165 | 1166 | 1167 | 1168 | 1169 | 1170 |
| 1171 | 1172 | 1173 | 1174 | 1175 | 1176 |
| 1177 | 1178 | 1179 | 1180 | 1181 | 1182 |
| 1183 | 1184 | 1185 | 1186 | 1187 | 1188 |
| 1189 | 1190 | 1191 | 1192 | 1193 | 1194 |
| 1195 | 1196 | 1197 | 1198 | 1199 | 1200 |
| 1201 | 1202 | 1203 | 1204 | 1205 | 1206 |
| 1207 | 1208 | 1209 | 1210 | 1211 | 1212 |
| 1213 | 1214 | 1215 | 1216 | 1217 | 1218 |
| 1219 | 1220 | 1221 | 1222 | 1223 | 1224 |
| 1225 | 1226 | 1227 | 1228 | 1229 | 1230 |
| 1231 | 1232 | 1233 | 1234 | 1235 | 1236 |
| 1237 | 1238 | 1239 | 1240 | 1241 | 1242 |
| 1243 | 1244 | 1245 | 1246 | 1247 | 1248 |
| 1249 | 1250 | 1251 | 1252 | 1253 | 1254 |
| 1255 | 1256 | 1257 | 1258 | 1259 | 1260 |
| 1261 | 1262 | 1263 | 1264 | 1265 | 1266 |
| 1267 | 1268 | 1269 | 1270 | 1271 | 1272 |
| 1273 | 1274 | 1275 | 1276 | 1277 | 1278 |
| 1279 | 1280 | 1281 | 1282 | 1283 | 1284 |
| 1285 | 1286 | 1287 | 1288 | 1289 | 1290 |
| 1291 | 1292 | 1293 | 1294 | 1295 | 1296 |
| 1297 | 1298 | 1299 | 1300 | 1301 | 1302 |
| 1303 | 1304 | 1305 | 1306 | 1307 | 1308 |
| 1309 | 1310 | 1311 | 1312 | 1313 | 1314 |
| 1315 | 1316 | 1317 | 1318 | 1319 | 1320 |
| 1321 | 1322 | 1323 | 1324 | 1325 | 1326 |
| 1327 | 1328 | 1329 | 1330 | 1331 | 1332 |
| 1333 | 1334 | 1335 | 1336 | 1337 | 1338 |
| 1339 | 1340 | 1341 | 1342 | 1343 | 1344 |
| 1345 | 1346 | 1347 | 1348 | 1349 | 1350 |
| 1351 | 1352 | 1353 | 1354 | 1355 | 1356 |
| 1357 | 1358 | 1359 | 1360 | 1361 | 1362 |
| 1363 | 1364 | 1365 | 1366 | 1367 | 1368 |
| 1369 | 1370 | 1371 | 1372 | 1373 | 1374 |
| 1375 | 1376 | 1377 | 1378 | 1379 | 1380 |
| 1381 | 1382 | 1383 | | | |

Orthographia Basilicæ S. Pauli

TAB.VII.



latere una & viginti fenestæ, quarum latitudo, oculo iudice, est duodecim circiter palm., altitudo verò duplicata; modò autem aliæ apertæ sunt, aliæ clausæ.

Nonnullæ bifariam divisæ per columnam interpositam, ut in Ecclesia Sanctæ Crucis supra diximus: totidem fenestris ornantur duæ reliquæ Naves laterales: magnitudo tamen, & altitudo illarum minor est, prout ex ipsa Orthographia argui potest, quam habes in Tabula VII. In transversis etiam Navibus, ad sinistrum ingredientium latus, aderant tres aliæ maximæ fenestæ, indicatæ per literas C.D.E, singularumque latitudo 20. circiter palmorum, altitudo verò 40. His imminuebant tres aliæ orbiculares, quarum diameter est pal. 12. Item in facie, quæ turrim campanariam prospectat, ubi sunt lit. A. B. geminæ aliæ ejusdem cum superioribus tribus & longitudinis, & latitudinis, totidemque iis orbiculares supererant, quarum diameter est pal. 12. ut in aliis. Plagæ etiam Orientali sex aliæ respondebant cum orbicularibus superpositis, & numero & magnitudine, æquantibus eas, quas in Occidentali pariete descripsimus.

Antiquas inter Basilicas referri meritò potest vetustissima Ecclesia S. Clementis: licet enim nomine Basilicæ Nostrates illam minimè nuncuparent, attamen ob formam structuræ Basilicam refert. Insignis est hæc sacra Ædes titulo Cardinalis, referente Ugonio, ipsius S. Pontificis natalibus illustrior; asserit enim hanc olim extitisse paternam Domum S. Clementis, in qua & D. Barnabas, cum Romam advenisset, ab eodem exceptus fuit.

Par. I.

In hac eadem Ecclesia Coelestius Pelagii sectator, præsentē Zosimo Summo Pontifice, erroneum dogma (licet luforiè) abjuravit; ut habetur in Epistola ipsius Pontificis *ad Africanos Episcopos*, data Honorio Augusto XI. & Flavio Constantino Cofs. scilicet anno 417. Itidem de hac Ecclesia meminit Divus Hieronymus in *Illustrium Virorum* libro, de eodem Sancto Clemente ita scribens: *Nominis ejus memoriam usque hodie extructa Ecclesia custodit.* Quòd autem titulo Cardinalis perantiquo nobilitata sit, patet ex Epistola S. Leonis Magni ad Flavianum Episcopum CP. in ordine 24. juxta nuperrimam, ac eruditam Quesnelii editionem; in qua Epistola cujusdam Romani Presbyteri tituli S. Clementis mentio fit. Eiusdem autem Epistolæ data est Idibus Junii, Asterio & Protogene Cofs. qui floruerunt anno Christi 449. Hic obiter notandum, quod Asterius præponitur Protogeni contra communem Consulorum catalogum, à diversis Scriptoribus concinnatum. Urbicum etiam Presbyterum tituli S. Clementis reperio subscriptum in Concilio I. Romano, sub Symmacho Papa anno Domini 499. celebrato. In hac eadem Basilica Divus Gregorius Magnus Homilias 33. & 38. recitavit; ac in quarto Dialogorum lib. narrat, Servulum nomine, patrimonio pauperem, sed meritis divitem, longâ correptum paralyfi jacuisse, quousque supremum vitæ diem, morbo & egestate patienter toleratis, sanctissimè obierit.

Pompejus Ugonius supracitatus *De Stationibus Urbis*, autumat Basilicam hanc à Nicolao I. Summo Pontifice fuisse restauratam, suamque elicit

conjecturam ex annexo monogrammate, in quinque locis *septi* marmorei insculpto, quod explicat *Nicolaus*; fulcitque ejusmodi conjecturam satis probabili rationum apparatu. Datur tamen aliquis dubitationi locus ex ipsa literæ conformatione, quæ ad vocem *Nicolai* exprimendam trahi non posse videtur, cum litera principalis H. voci *Nicolaus* aptari nequeat. Desiderantur præterea literæ C. & L. nisi Ugonius asserat L. formari à linea transversa sub S. composita cum antecedenti hastula literæ N. Utcunque sit, invenienda adhuc erit in monogrammate litera C. Ugonii sententiam sequuntur Alemannus *de Lateranensibus Parietinis* cap. 3. & eruditissimus Du Cange in suo *Magno Glossario* in hac voce *Monogramma*, pag. 666. Ego verò divinare tento, si meam profero sententiam, dum hoc monogramma JOHANNES denotare assero: qualis autem iste Joannes fuerit, fateor me ignorare. Ejusdem Basilicæ interiorem Scenographiam exhibemus, ac Orthographiam porticûs, nec non faciei lateralis, quæ Austrum respicit, ut in Tabulis VIII. & IX. Plura de partibus interioribus dicenda forent, sed de his infra cap. 2. ubi Tabulam Ichnographicam exponemus.

Præterea pro coronide harum sacrarum Ædium, faciem templi Sanctæ Mariæ in Cosmedin, aliàs *Schola Græca*, quæ Diaconia, ac etiam Collegiata est, libuit annectere, quæque cum vetustissima sit, & in ea (uti fama est) Divus Augustinus Rhetoricam docuerit, observatione non perfunctoriâ digna est. Turris ibi campanaria visitur altitudine spectabilis, nam septem ordinibus Archite-


ctonicis constat, ut in Tab. X. conspici potest. In porticûs ingressu super columnis, ferrum quadratum ad columnarum concatenationem positum est, in quo nonnulli annuli ferrei, è quibus antiquitus vela suspendebantur. Qui annuli adhuc visuntur in similibus antiquis porticibus aliarum Ecclesiarum, nempe supradicti Sancti Clementis, S. Cosmati, S. Alexii, S. Georgii in Velabro, ac S. Præxedis.

De hac eadem Basilica plura dici possent, sed nolo falcem ponere in messem alienam, cum de illa amicus noster D. Abas Carolus Bartholomæus Piazza, ejusdem Ecclesiæ Archipresbyter (Reipublicæ eruditorum ob sacras memorias, quas in lucem indefessis laboribus revocavit, ac revocare minimè cessat, satis notus) in suo tractatu *De Titulis, ac Diaconiis EE. & RR. DD. Sanctæ Romanæ Ecclesiæ Cardinalium*, quem propediem Typis mandare intendit, fusè ac eruditè, ut vidimus, agat.

C A P U T II.

De singularibus partibus intra Ecclesias, ad sacra peragenda spectantibus.

CUM apud sacros Canones, antiquosque Auctores de nonnullis sacrarum ædium internis partibus sæpè mentio fiat, quarum cum usus jam obsolverit, ob quosdam vel in melius mutatos ritus, vel omninò sublatos, ita suadente temporum conditione, minùs propterea singulis apertus est, & ignotus quamplurimis: hinc nostri muneris esse duximus, nihil hujusmodi obscurum relinquere, sed iconi-




conject
 mate, in
 insculp
laus; fi
 jectura
 num ap
 dubitat
 formati
 primen
 cum lit
 aptari n
 literæ C
 formari
 posita c
 N. Ute
 erit in r
 nii sent
de Late
 eruditil
Glossari
 pag. 66
 meam
 monog
 assero:
 rit, fate
 licæ int
 bemus,
 nec non
 respicit
 ra de pa
 rent, fo
 lam Ich

Præ
 crarum
 Mariæ
Græca,
 legiata
 cum vo
 fama el
 ricam
 perfund
 campan
 bilis, r

Facies Porhicus Basilicae S. Clementis

TAB. IX









iconibus, & descriptione congruâ partes illas exponere: quippè qui inter antiquas Ecclesiarum imagines illud potissimùm inquirimus, quod ad ritus ecclesiasticos pertinet.

Majori igitur, quâ possumus, diligentia ad antiquarum Ecclesiarum declarandas partes nos convertimus. Selegimus proinde inter cæteras, quæ Romæ supersunt Ecclesias, supra-memoratam Sancti Clementis, quæ inter Lateranensem Basilicam, & Amphitheatrum Vespasiani Cæsaris, ferè mediâ viâ locata est. Singulas pro-pemodùm partes adeò integras servat, ut religione, quam adhuc ingerit intuentibus, vel sola valeat priorem Ecclesiam unico obtutu explicare. Antequam tamen ad hujus Basilicæ interna, præcipuaque accedamus, aliquid de illius extimis partibus prælibabimus. Sed ad hoc præmittendum, præmonendumque omninò esse putamus (quod non tam ad hanc, cæterasque quarti, & quinti sæculi Ecclesias, sed etiam ad aliquot profana ædificia examinanda multum lucis nobis afferet) nimirùm, quod labentibus jam cum Romano Imperio bonis artibus, ad barbariem adeò deven-tum est, ut exciderent passim ex veterum Imperatorum nobilissimis ædificiis columnæ, bases, capitula arte, cultissimâ elaborata, illisque adjicerentur incondita quæque à novis illis Cæmentariis potiùs, quàm Architectis, per artis contumeliam rudi, crassâque Minervâ, coagmentata. Hinc in illis ædificiis multa reperies eodem tempore sibi adversantia, puta columnas unius ordinis, alias Corinthiis, alias Jonicis basibus, & capitulis junctas, pavementum partim sa-

cris, partim profanis inscriptionibus quâ mutilis, quâ integris stratum; unum eundemque Zophorum, aut Epistylum quâ elaboratissimum, quâ omninò barbarè excissum veriùs, quàm sculptum. Testis sit arcus ille Magno Constantino à S. P. Q. R. dicatus, in quo apertè dignoscitur sæculi ejusdem infelicitas, cum Trajani ex arcu directas statuas, coronides, columnas, & fortassis etiam molis symmetriam inde deductam, ipsi Cæmentarii cor-ruperint barbaris cælaturis, quas in basibus supra curvaturam arcus, & alibi collocârunt. Evidentiùs dignoscitur ex adhæsiōe operum adeò dissimilium artificum, illorum inscitia, qui ævo Constantini vigeabant, quò propiùs admoventur elaboratissimis superiorum temporum cælaturis, infelicia postremæ ætatis anaglypha.

Quo argumento satis docemur, quantam cladem tractu temporis passa fuerit cum cæteris artibus Architectura, cum quarto nostræ salutis sæculo (quo adhuc quidam primorum ingeniorum igniculi supererant) adeò à veteri sua dignitate prolapsa jaceret.

Verùm hæc combinatio, & incompta conglutinatio uniuscujusque ordinis columnarum, epistyliorum, & omnis generis cælaturarum, quas è collapsis Imperatorum ædificiis, & ex Idolorum dirutis templis rudes artifices recollegerant, & in novas fabricas nullâ Architectonicæ artis lege servatâ congefferant, patet quoque in quamplurimis sacris Basilicis, sicut benè advertentibus notum erit.

Ex multis aliis præcipuum exemplum sit pervetusta Basilica, Sancto Laurentio dicata in Agro Verano. In hac omnes ferè bases, capitula, & colu-

columnæ inter se discrepant. Quin & in Zophoro ambonis insculpta prominent vasa quamplurima, atque instrumenta Sacris Gentilium adhiberi solita, ut videri potest in sequenti Tab. XIII. Fig. 1. lit. C. D. Ex quo quis non arguat, marmor illud ex aliquo Ethnicorum ædificio fuisse desumptum?


Hæc igitur prænotanda judicavimus, ut cum hujusmodi dissimilium partium coagmentationes, tum in hac S. Clementis, tum in cæteris per vetustis Basilicis passim occurrant, nè harum Ecclesiarum vestibula intrantes scrupulosâ, ac inutili animadversione hæreant, sed potiùs ad utiliores præcipuarum internarum partium observationes nobiscum, si libet, procedant.

Ichnographiam itaque exponit Tab. XI. ubi lit. A. Prothyrum denotat, sive parvam porticum, in qua sunt quatuor columnæ ex Numidico marmore. Bases verò non visuntur, quia terra eas obruit. Duæ columnæ anteriores capitula habent Ionica, & invicem connectuntur ferreâ quâdam virgâ quadratâ, utramque tangente suis extremis. Excurret per ferream virgam annuli tres pariter ferrei, quorum ope appensa olim detinebantur vela, dum festis diebus solennioribus templa prisco ritu ornarentur. Aliæ duæ columnæ muro adhærentes, Corinthiis donantur capitulis, quibus imminent marmorea Epistylia cum Zophoris, & Coronis.

Fulcitur hisce partibus testudo, Crucis in morem assurgens, decussatâ concameratione, & picturâ olim ornata, cujus tamen vestigia tractu temporis sensim erosa, vix hodie supersunt. In interiori parte Epistylîi dextrorsum

depictæ sunt aves nonnullæ, se invicem insequentes. At Epistylîis imposita interiùs sunt triangularia tympana, sive frontes, marmoreis mensulis elaboratæ. Fornici denique tectum fastigiatum incumbit. Prothyri latitudo est pal. 7. longitudo verò 10. Litera B. Januam denotat lititudinis pal. 10. per quam patet ingressus ad ambulacrum longitudinis palm. $20\frac{1}{2}$, ex quo itur in impluvium. Dexteram partem ornat porticus C. senis Numidicis sustentata columnis, quarum prima post ingressum duabus è Pario marmore partibus constat. Sub eadem porticu in medio scalæ sitæ sunt D. per quas in Coenobium ascenditur. E. est ipsum impluvium longitudinis pal. 83. latitudinis 87. F. est ingressus in porticum G. ubi sunt quatuor columnæ Numidici marmoris cum Ionicis capitulis; basibus verò Doricis. Hac in porticu veteres publicè Pœnitentes adstabant, qui ad pœnitentiam admissi, palàm crimina confitentes, cilicio & cinere horridi, plorantesque, veniam ac preces ab introeuntibus exposcebant. Porticus à sinistris assurgebat, nunc demolita. H. campanaria turris, sed recentiorum temporum opus.

Tota Ecclesia parallelogrammi figuram obtinet, cujus longitudo est pal. 188. latitudo verò 103. Tribus distinguitur Navibus rudi mole constructis, & vix ullum inter se ordinem servantibus: mediana namque lata est palm. 53. dextera, quæ respectu ingredientium Boream spectat, palm. 19. sinistra, quæ ad Austrum tendit 25. Reverâ tamen hæc amplitudinis discrepantia in Navibus consultò potiùs, quàm casu servata est, cum alibi etiam reperiatur, ut modò subdam.





Diligentissimus antiquarum historiarum indagator Baronius in apparatu ad Annales Ecclesiasticos n. 52. ac in Annalibus ad annum 57. nu. 123. & seqq. ostendit veterem, ac laudabilem morem, qui diù in Ecclesia permansit, ut seorsim à viris feminae convenirent in Ecclesia, nec non distinctim ab aliis virgines orantes persisterent.

Amalarius verò Ecclesiasticus Scriptor, qui floruit in principio noni sæculi, in suo tractatu, quem reliquit *De Ecclesiasticis officiis* li. 3. cap. 2. hanc seminarum à viris in Ecclesiis segregationem sic describit. *In conventu Ecclesiastico seorsum masculi, & seorsum feminae stant, quod accepimus à veteri consuetudine &c.* & infra: *Masculi stant in Australi parte, & feminae in Boreali, ut ostendatur per fortiores sexum firmiores sanctos semper constitui in majoribus tentationibus æstus hujus mundi; & per fragiliorem sexum infirmiores sanctos.* Pro majori dictorum firmitate addimus inscriptionem, in antiqua Basilica Vaticana, olim existentem, quam refert prælaudatus Baronius; ac Severanus in suis *Memoriis sacris septem Ecclesiarum Urbis* asservari asserit in Archivo ejusdem Basilicæ. Tenor illius est.

AD S. PETRUM APOSTOLUM
ANTE, REGIA IN PORTICV, CO-
LUMNA SECUNDA QUANDO IN-
TRAMUS, SINISTRA PARTE VI-
RORUM, LUCILLUS, ET JANUA-
RIA HONESTA FEMINA.

Mos iste etiam deducitur ex Pontificali libro in Symmachi vita, qui fecit *Oratorium S. Crucis à parte virorum:* & in vita Sergii I. *Hic fecit imaginem*

auream B. Petri Apostoli, quæ est in parte mulierum: & in Gregorio III. *Hic fecit Oratorium intra Basilicam S. Petri, juxta arcum triumphalem in parte virorum.*

Non solum in præmemorata Ecclesia S. Clementis hanc Navium disparitatem observavimus, verum etiam in Ecclesia S. Anastasiæ, quæ itidem antiquissima est, ubi Navis Meridiem respiciens est palmorum 16. altera verò ad Boream vergens palmorum 22.

Hicce nos non contenti observationibus, extra Urbem animum adduximus, an in aliis Civitatibus eadem forma observata fuerit, percepturi. Ex colloquiis igitur, quæ cum amico nostro Gaspare del Torto, Patritio Pisarum, sacrique Romani Imperii Nobili, habuimus, nonnullas in eadem Civitate adhuc extare Ecclesias intelleximus, quæ magnam redolebant vetustatem; ideoque illum rogavimus, ut earundem Ecclesiarum Ichnographias ad nos transmitti curaret. Nostræ huic petitioni libentissimè indulgit, cum pauca temporis intercapedo intercesserit, quin nobis nonnullas earundem Ecclesiarum Ichnographias tradiderit, quarum contenta breviter referimus, reductâ Pisanâ mensurâ ad Romanam.

Primitialis Ecclesia in eadē Civitate vetustissima adhuc visitur, quæ in summitate ad Crucis formam constructa, ac quinque distincta Navibus est. Illæ quæ propinquiore muro sunt, singulæ habent columnas quatuordecim; aliæ verò duæ juxta medianam Navim habent columnas duodecim cum duabus parastatis; in transversa verò Navis, quæ ad summitem Basilicæ est, sunt

sunt columnæ sexdecim, ultra octo earundem Navium lateralium, quæ cum illis sexdecim eundem transversum ordinem constituunt, sicque in tota Basilica sunt columnæ num. 68. ex Numidico marmore, altitudinis circiter palmorum 34. Totius Ecclesiæ longitudo est palmor. 403. latitudo autem palmorum $34\frac{1}{3}$. Naves, quæ Septentrionem respiciunt, sunt in latitudine palmorum $35\frac{1}{2}$, quæ ad Meridiem tendunt, sunt palmorum $33\frac{2}{3}$.

In eadem Civitate est etiam alia antiquissima Ecclesia, in qua vetusta traditio extat, Sanctum Clementem, primum hujus nominis Pontificem, ibi Missam celebrasse, ibique adhuc altare servatur, necnon columna, cui S. Petrus cymbam alligare solebat. Templum hoc tribus est distinctum Navibus, quarum mediana habet palmos 117. in latitudine; altera ad Boream $32\frac{1}{2}$, altera verò ad Meridiem $30\frac{1}{4}$. Totius Ecclesiæ longitudo est palmorum 239. cum duabus tribunis, sive hemicyclis, quæ tam in capite, quàm in pede Ecclesiæ, è conspectu invicem sunt.

Visitur quoque in dicta Civitate, non inelegans alia Ecclesia sub nomine S. Xylti, quæ tribus etiam Navibus est divisa. Navis ad Aquilonem vergens, est palmorum 13. illa verò ad Meridiem palmorum $12\frac{1}{2}$.

Nolo sub silentio prætermittere, aliam pariter Ecclesiam S. Pauli *ad ripam Arni* appellatam, quæ juxta consuetam formam antiquarum Ecclesiarum tres habet Naves: illa ad Boream tendens est palmorum 16. sita verò ad Meridiem 13.

Pro coronide istius celebris, & antiquæ Civitatis alteram adduco Eccle-

siam S. Perino dicatam, quæ licet inæqualis sit formæ, attamen in tres etiam distincta est Naves. Illa, quæ ad Aquilonem sita est, habet in latitudine palmos 18. quæ verò ad Meridiem palmos 13.

Animadvertendum tamen est mensuras nobis traditas fuisse in brachia, solidos, & quadrinos mensuræ Pisanæ, quam ad Romanos palmos reduximus, sed non scrupulosè: & quia etiam observavimus, Naves angustiores esse propè Ecclesiæ frontem, in capite latiores, ideò scrupula omisimus tanquam minimè necessaria ad ostendendam intentionem nostram.

Allatis notitiis alias subdimus, quas nobis communicavit etiam amicus noster Abas Franciscus Blanchinus, asserens se id observasse Veronæ in Æde Divi Petri *in Arce*, quam omnium vetustissimam dicit Panvinus in suo Tractatu *De Antiquitatibus Veronensibus*, & in qua anno Christi 513. S. Verecundus ipsius Civitatis Episcopus sepultus fuit; additque Panvinus ipse Luitprandum eandem Ecclesiam *pretiosi operis* appellare, ejusque Borealem Navem esse palmorum $27\frac{1}{2}$, Meridionalem verò $23\frac{2}{3}$.

Præter supra adductas, habemus etiam Ecclesiam S. Sabinæ Urbis, cujus Navis Aquilonaris est palmor. $22\frac{1}{2}$, Meridionalis verò palm. 29. quod aliis observationibus à laudatis amicis del Torto, & Blanchino factis confirmatur. Ulteriùs in Ecclesia S. Michaelis *in Burgo* appellatâ Pifarum, Navis Borealis est pal. 12. Australis verò 13.

Idem Blanchinus in itinere, quod Româ ad patriam fecit, Otricoli animadvertit, Navem Australem latiorē esse Boreali, nam illa est pedum $10\frac{1}{2}$, ista

ista verò pedum 9. Itidem Narniæ Cathedralis Ecclesiæ Navis, quæ Meridiem respicit, est pedum 20. quæ verò ad Aquilonem tendit, 15. Adjacet tamen isti alia Navis minor, lata pedes 13 $\frac{1}{2}$, quam ille arbitratus est posterius adjectam; Frons enim, quæ triplicem habet januam, optimè connectit cum Navium structurâ, si tres tantummodò ab initio supponantur constructæ. Ex hæcenus dictis colligi potest, varium fuisse usum hujusmodi construendi Naves, nam quandoque ad Boream angustiores, quandoque verò latiores erant.

At quia putamus, forsan Baronii lectionem ad dictum annum 57. n. 124. aliquibus dubitandi ansam præbere, posse, quod auctoritatibus Sancti Gregorii Nazianzeni, ac Metaphrastes, in vita S. Joannis Chrysostomi demonstratur, supra Ecclesiæ porticum mulierum locum fuisse, quod contrarium esset hæcenus dictis, nempe mulieres in Navi constitisse: huic moto dubio respondemus, aliquibus in Civitatibus ab Imperatoribus, & aliis Magnatibus, sacra loca, scilicet cœnobia pro conservandis virginibus Deo dicatis (quæ Ancillæ Dei antiquitùs denominabantur) constructa fuisse; ac nè ipsæ extra cœnobia, in assistentiâ ad sacra mysteria, vagari cogerentur, Ecclesias etiam juxtà cœnobia fuisse ædificatas, in nonnullis tamen Architecturæ ordine immutato: cùm Ecclesiæ pro communi populo recipiendo constructæ, constantem ordinem trium, aut quinque Navium retineant; aliis verò, quæ & communi populo, & virginibus Deo sacratis inservire debebant, lateralibus Navibus duæ superadditæ fuerunt, quæ Porticus

Par. I.

denominatæ sunt, ut in illis Ancillæ Dei ad sacra visenda mysteria se recipere. Ecclesiæ similis formæ exemplum habemus prope hanc Urbem, scilicet Ecclesiam Sanctæ Agnetis viâ Nomentanâ, juxtà quam Magnus Constantinus & cœnobium, & ipsam Ecclesiam ædificavit, de qua plura dicturi sumus in nostro tractatu *De sacris Ædificiis, à Magno Constantino constructis.*

Tempus nunc est, ut post longam digressionem, quam non injucundam fore credimus, ad Ecclesiam S. Clementis, unde discessimus, gradum iterum faciamus.

Columnæ, quæ Naves formant, diversi ordinis, & lapidis sunt: quippe duæ proximiores Tribunæ sub nu. 1. & 2. sunt ex marmore Numidico; sequentes duæ striatæ sub n. 3. & 4. sunt ex Pario marmore; post has duæ aliæ sub nu. 5. & 6. sunt etiam ex marmore Numidico: item duæ aliæ sub nu. 7. & 8. pariter striatæ, sunt ex Pario marmore, quarum altitudo est circiter palmor. 30. Has columnas excipiunt duæ pilæ lateritiæ, ut sub nu. 9. & 10, latitudinis palmor. 10, antiquissimis imaginibus pictæ. Post pilas eodem ordine disponuntur aliæ columnæ sub n. 11. & 12. ex Pario marmore: item aliæ duæ sub n. 13. & 14. quarum una, idest 13. ex Pario, 14. ex Numidico marmore: sub n. 15. & 16. sunt etiam columnæ Pariæ: columna sub nu. 17. non apparet, utpotè muro inclusa: columna sub n. 18. etiam Paria, muro cohæret.

Ecclesiæ pavimentum ex opere tessellato variis marmoribus affabrè elaboratum est. Area Ecclesiæ tota non est in eodem horizontali plano, sed

C

Pre-

Presbyterium, Altare majus, & vicinæ partes elevatiores sunt, ita ut ad illas ascendatur per plures gradus, quemadmodum videre est in omnibus fermè Basilicis. Clariora tamen universa hæc fient, si Figuram Ichnographicam denuò repetentes, singulas partes explicemus.

A. Est Altare majus sub Ciborio.

B. Cathedra Episcopalis marmorea super gradus, sub abside.

C. Confessus Presbyterorum sub abside.

D. Presbyterium à præfato confessu ita dictum.

E. Sanctuarium, sive area inter duos majores arcus.

F. Septum marmoreum Sanctuarii ad Septentrionem.

G. Septum marmoreum Sanctuarii ad Austrum.

H. Cancelli Sanctuarii, sive Presbyterii.

I. Ostium Cancellorum in medio.

L. Gradus Sanctuarii hinc & illinc dispositi.

M. Chorus marmoreus, peribolo septus, ubi Subdiaconi, Clericique minores, & Cantores consistebant.

N. Ostium Chori.

O. Ambo marmoreus ad lectionem Evangelii in parte Australi. Figurâ peculiari in Tab. XIII. exhibendum ambonem curavi, ut illius orthographica ornamenta distinctiùs expressa, videri possent. Sed quoniam hic de ambone mentio occurrit, non incongruū fore arbitramur, si præter illius Figuram, aliquid de voce, origine, & usu breviter prælibemus. Nomen igitur *Ambonis* originem sumpsit vel à Græco verbo ἀμβάινειν, quod *ascendere* significat, ut placet Panvinio; vel à

Latino *ambio*, eò quia circumquaque ambiat, ut scribit Walafridus Strabo *De Ecclesiasticis officiis* cap. 6. qui illius affert definitionem, nempè *Ambo* ab *ambiendo* sic dictus, quia intrantem ambit, & stringit. Ego verò huic subscribere minimè ausim, cum ἀμβάειν vox sit Græca, & ab antiquis usurpata, ideoque à Latino sermone originem traxisse rationi absoum est. S. Cyprianus ambonem tribunal vocavit, ut docet Amalarius *De Ecclesiast. offic.* c. 17. Pulpitum fuit etiam nuncupatum, quia in publico statutum, ut qui ibi stant, ab omnibus videantur.

P. Ambo marmoreus ad lectionem Epistolæ in parte Aquilonari.

Q. Senatorium in parte Australi, ubi Senatores consistebant.

R. Septum lapideum Senatorii.

S. Ostium Senatorii.

T. Matronæum à parte Aquilonari, ubi Matronæ consistebant.

V. Septum lapideum Matronæi.

X. Ostium Matronæi.

a. Pars, sive locus virorum ad Austrum, nunc Navis appellatus.

b. Aula Ecclesiæ viris potissimùm destinata.

c. Pars, sive locus, aut Navis mulierum ad Aquilonem.

d. Cathecumenorum, & poenitentium virorum stationes.







e. Cathecumenarum, & poenitentium mulierum stationes.

f. Secretarium.

g. Regia, sive janua Ecclesiæ ad Orientem.

h. Ubi antiquitus Monachos constituisse aliqui putant.

i. Ubi antiquitus Ancillæ Dei, sive sacratæ Virgines constitere, tabulas septi separatas habentes, cujus rei meminit



minit S. Ambrosius *Ad Virg. lapsam*, cap. 6. *Nonne (ait) vel illum locum tabulis separatum, in quo in Ecclesia stabas, recordari debuisti, ad quem religiosæ Matronæ, & nobiles certatim currebant, tua oscula petentes, quare sanctioris & dignioris &c.*

l. Demonstrat lineam, quæ à septem Cereostatis in pavimento positæ formabatur, ab Austro in septentrionem, statim atque canebatur *Kyrie Eleison, Christe Eleison.*

m. Lineam aliam ostendit, à septem Cereostatis similibus descriptam, priori ad rectos angulos incumbentem, ita ut hæ lineæ se invicem decussantes, Crucis figuram imitarentur. Accendebantur postrema hæc luminaria, ex Oriente in Occidentem disposita, post recitatam collectionem.

Ut autem omnia, quoad fieri possit, magis perspicue intelligantur, exhibeo Orthographiam Chori, uti in Tab. XII. Fig. 1. Hic animadvertendum est, Figurarum Incisorem illarum pervertisse ordinem, quas si Lector juxta proprium situm concipere velit, oportet ut paginam impressam, versâ illius facie ad lumen, à tergo aspiciat.

A. Est Altare majus sub Ciborio quatuor columnis suffulto. Utor autem hac voce Ciborii tanquam expressivâ, quæ licet multas significationes obtineat, ut videre est passim apud Lexicographos; attamen in libro Pontificali tam in Magni Gregorii, quàm in aliorum Pontificum vitis, ad tegumen altaris significandum fuit adhibita: sic enim in ipsius Gregorii vitâ Bibliothecarius ait: *Hic fecit Ciborium B. Petro Apostolo cum columnis suis quatuor ex argento puro.*

B. Est locus sub altari, in quo San-

ctorum corpora sunt recondita. Parvula antè fenestra prominet, intus verò eleganti concameratione cellula est excitata, in qua lampades, & lumina accendi solent in honorem Sanctorum ibi quiescentium. Ab aliquibus Scriptoribus locus iste Confessio denominatur, ut inter alios ostendit necessitudine mihi valde conjunctus Illustris. & Reveren. D. Angelus de Nuce, olim Archiepiscopus Rossanensis, in suis eruditissimis Notis ad Chronicon Casinense sub nu. 853. Nec omitendum, aliquando nomine Confessionis intelligi locum, in quo Sacerdos consistit ante Missæ introitum, ut notat Bellet. *De divin. off. cap. 33.* qui ait: *Est locus in templo, ubi Sacerdos priusquàm cantet Missam, confessionem pronunciat.* Hanc opinionem sequitur Goldastus in Notis ad c. 9. lib. 1. *Alemannicarum rerum.* Nec incongruè à Sacerdotis confessione Conditorium hoc Sanctorum corporum, sub altari situm, nomen desumpsit. In illis enim Ecclesiis, ubi tale Conditorium constructum est, locus, in quo Sacerdos recitat confessionem, cellulæ eidem imminet, quam propterea Confessionem appellarunt.

C. Septum marmoreum, quod Presbyterium claudit.

D. Lapideæ tres fenestræ, retis ad instar perforatæ, quæ Transennæ dicebantur: unde illarum observatione ingens controversia circa vocem *Transennæ* inter eruditos jam excitata, omninò posse solvi mihi videtur. Nam Vossius in suo *Etymologico* in hac eadem voce sic inquit: *Transenna quid sit, etiam inter eruditissimos homines disputatio est, quod nemo negarit, qui legerit Turbenum lib. 5. cap. 9. Budeum*

daum lib. 4. c. 19. Lambinum ad Bacch. act. 4. sce. 6. & alios, qui post illos scripserunt. In eo dissensu dicam quid ego maximè probem. Transenna est opus cancellatum, sive reticulatum, atque ut Græci vocant, διπτωτόν, atque appellatio ex eo, vel quia aspectus transeat, contra quàm fit in corpore solido: vel quia perticæ, unde Transenna fit, se mutuò transeant, ut quæ lignis constet transversis: unde Varro in lib. 3. de RR. cap. 5. ubi de turdis loquitur, requirit perticâs inclinatas ex humo ad parietem, & in iis transversas gradatim modicis intervallis perticas annexas ad speciem cancellorum scenicorum, & theatri. Nimis laxè Nonius Transennam interpretatur fenestram: neque enim quælibet fenestra sic dicitur, sed ubi spatium fenestræ implent cancelli, hoc est, quum fenestra, vel janua est reticulata. Unde Δυρὶς δεικνυμένη vocatur τοῖς ἐξδομήκοντα. 3. Reg., aliis εἰδὲ δῆτρητον, Polybio Δύρα δῆφανης, quo modo & perlucem Transennam dixit Paulinus in epist. 12. ad Severum. In Glossis legas: Transenna, κυκλῖς, at κυκλῖς idem ac κύκελλοι, ut ex οὐρανο Pollucis, & Aristophanis Scholiaste, constat. Quare ex his colligimus, Transennam, sive Transenam dici, sive aspectûs ratio habeatur, sive perticarum transversarum, ut diximus. At omnino Becmanus durius, qui ait conflari ex trans & Senna, hoc autem esse ex אנשנ, hoc est transenna, uti hoc à שנשנ. Transennam propriè, ut dixi, notare opus cancellatum, sive reticulatum, indicat locus Ciceronis lib. 1. de Oratore, quem & Nonius adduxit. Huc usque de hac voce Transenna eruditissimus Vossius disseruit.

Hæc Auctorum discrepantia com-

poni facilè potest solâ inspectione ecclesiasticæ hujus Transennæ. Illi enim apprimè convenit nomen operis cancellati, sive reticulati, cùm per cancellos se decussantes retis in morem contexta videatur. A transitu luminis, nec non aspectûs per ea foramina, Transennæ etymon colligi potuit. Fenestræ nomenclatura non ineptè illi attribuitur, cùm reverà vices obeat fenestræ, tum in admittenda luce, tum in prospectu ad exteriora promovendo. Uno verbo, adjuncta omnia complectitur, quæ ab Auctoribus in opinionum suarum varietate recensebantur. Illius exemplar ab antiquis fuisse desumptum arguere non est difficile, cum plura, ut supra innuimus, prisca fideles desumpserint ab ethnicorum ædificiis, quippè quæ obvia illis, & permixta erant. Existimo igitur antiquos Romanos ligneis septis triclinia clausisse, ideoque ad illorum formam, ubi sacra ministrabantur, fideles transennâ claudere voluisse. Adhuc hodie ritus illius umbram videre est in aulis EE. DD. Cardinalium, ubi Abaci sub umbraculis positi, ligneis cancellis obvallati conspiciuntur.

E. Septum marmoreum Senatorium claudens.

F. Septum marmoreum claudens Matronæum.

G. Gradus, & transitus ad Senatorium, & Matronæum.

H. Orbiculus, in quo Monogramma est expressum, ut in Fig. 6. ampliori formâ demonstratur, de quo supra cap. 1. differuimus.

In secunda Figura ejusdem Tabulæ est septum marmoreum ad dexteram partem ingredientium Basilicam, in quo litera

I. Ambo-

I. Ambonem ad Boream pro facris lectionibus recitandis indicat.

L. Legile marmoreum sacros Codices sustinens, quos Lector legit, conversâ semper facie ad altare, nullo Orientis, sive Occidentis habito discrimine.

M. Legile marmoreum in primo ambonis ingressu, ad quod Cantor conversâ ad Orientem facie Graduale, sive Responsorium, aut Alleluja decantat, ut tradit Duran. *lib. 4. cap. 20. num. 8.* Liceat hîc ad hanc vocem *Graduale* orationem parùm inflectere, & illius vocabuli significationem ex antiquis Ritualibus attingere. Honorius Augustodunensis in *lib. 1. De antiquo ritu Missarum cap. 96.* nuperriimæ editionis apud Bibliothecam Patrum, *Graduale* (inquit) à *gradibus* dicitur, quia in *gradibus* canitur. Hoc etiam Responsorium vocatur, quia Choro cantante, ab uno versus respondetur, & illo versum cantante, à Choro respondetur &c. & infra addit: *Graduale* ideò cantamus, quia de virtute in virtutem gradatim ire debemus. Amalarius etiam in Prologo *De ordine Antiphonarii* circa finem, de *Graduali* ait. Notandum est, volumen quod nos vocamus *Antiphonarium*, tria habere nomina apud Romanos. Quod dicimus *Graduale*, illi vocant *Cantatorium*: quia adhuc juxtâ morem antiquum apud illos in aliquibus Ecclesiis in uno volumine continetur. Sequentem partem dividunt in duobus nominibus: Pars, quæ continet *Responsores*, vocatur *Responsoriale*: & pars, quæ continet *Antiphonas*, vocatur *Antiphonarius*. Utraque partes sub titulo, *Responsorialia*, & *Antiphonaria Romanæ Ecclesiæ*, à S. Gregorio Magno disposita, hîc Romæ typis

mandavit in præsentî anno MDCLXXXVI. dum hæc scribebamus, sacrorum, & antiquorum Rituum studiosissimus, Joseph Maria Thomasius, & eruditissimis Notis illustravit. Quis autem Gradalis, sive Gradualis fuerit Auctor, Du Cange diligenter inquirat, qui in ea sententia est, ut à Coelestino I. hujus nominis Pontifice institutum fuisse arbitretur; & hanc lucem asserit se deduxisse ex Cod. MM. SS. Anastasii, qui in ejusdem Pontificis vitâ ait: *Constituit Graduale, post Officium ad Missas cantari.* Quod scripsit Bibliothecarius, Sigibertus in suo Chronico ad ann. 426. & alii confirmant. Radulphus verò Decanus Tungrensis *De Canonum observantia* propos. 23. docet, hunc ritum recitandi Graduale defluxisse ex Sancto Ambrosio.

Animadvertendum hîc est, Legile istud ad Orientem, haberi in iis tantum Ecclesiis, in quibus Lector, stans in superiori ambonis gradu, terga vertit ad Orientem; nam si ad altare conversus, unâ pariter Orientem aspiceret, in eodem loco Cantor consisteret ad Graduale cantandum.

Figura 4. idem Septum marmoreum exhibet, sicut in externa parte dextrorsum conspicitur. In orbiculo super literam N. visitur Monogramma, de quo superiùs, anaglyphicè insculptum, & extuberans, quemadmodum reliqui ornatus ejusmodi cælaturâ extantès.

Respondet à sinistro Ecclesiæ latere pars altera ejusdem Septi, cujus exterior prospectus Figurâ 5., internus verò Figurâ 3. adumbratur. Lit. H. denotat ascensum ex parte altaris. I. denotat ascensum versùs Ecclesiæ januam. Hîc rei

rei opportunitas poscit, ut antequam ulterius progrediamur, duplicem graduum ordinem amboni appositum fuisse demonstramus, ita ut unâ ex parte pateret ascensus, ex aliâ verò descensus. Indicatur mos iste antiquus ab Hittorpio in Ordine Romano I., sic enim ritus in Evangelii lectione ab ipso describitur. *Deinde Diaconus osculans pedes Pontificis, petitaque benedictione, venit ante Altare, & osculans Evangelium, levat in manus suas Codicem, in quo lecturus est, & partem ejus in dextero humero ponens vadit ad ambonem; & procedunt ante ipsum duo Subdiaconi cum duobus thuribulis, sive uno, levantes Thymiamaterium de manu Subdiaconi sequentis, mittentes incensum, & duo Acolyti portantes duo Cercostata venientes ante ambonem dividuntur à se, & transeunt Subdiaconi, & Diaconus cum Evangelio per medium eorum. Subdiaconi autem duo cum thuribulis ante Evangelium in ambonem ex una parte ascendentes, & ex altera parte statim descendentes, redeunt stare ante gradum descensionis ambonis. Ille autem absque Thymiamaterio vertens se ad Diaconum, porrigit ei brachium suum sinistrum, in quo ponit Evangelium, ut manu Subdiaconi aperiatur ei locus, in quo signum lectionis positum fuerit; inventoque loco lectionis, ascendit in ambonem in superiorem gradum, & dicit Dominus vobiscum &c.* Notanda sunt verba *in superiorem gradum*, quem nemo ascendebat nisi Diaconus, ut innuit idem Ordo Romanus alio loco, videlicet: *Subdiaconus, qui lecturus est, mox ut viderit post Pontificem Presbyteros residentes, ascendit in ambonem, ut legat: non tamen in superiorem gradum, quem solus solet ascen-*

dere qui Evangelium lecturus est. Marmoreum istum gradum omnibus in ambonibus observavi separatim ab aliis, estque in Periboli, sive Pulpiti ascensu.

Pariter hîc verba illa, in eodem Ordine sic expressa, perpendi possunt: *Subdiaconi autem duo cum thuribulis ante Evangelium in ambonem ex una parte ascendentes, & ex altera parte statim descendentes, redeunt stare ante gradum descensionis ambonis.* Audiendus est Durandus, qui lib. 4. cap. 14. nu. 10. sic ait: *In Ecclesia Romana, & in quibusdam aliis, Subdiaconus per unam viam, & Diaconus per aliam in pulpitu[m] ascendit.* Quæ autem fuerint istæ viæ, non exprimitur. Puto igitur Diaconum per gradus, nempe per I. januam Ecclesiæ, & Subdiaconum per illos, videlicet per H. altare respicientes ascendisse: econtra in descensu observabatur; nam per illos gradus, per quos Subdiaconus ascenderat, Diaconus descendebat, eò quia brevior reditus erat ad altare; quare verba illa *Subdiaconi redeunt stare ante gradum descensionis*, sic intelligenda existimo, quod Subdiaconi sistebant ante gradum descensionis Diaconi, nempe in H. Sed unde cœpimus, redeamus.

P. Columna marmorea pro Cereo Paschali.

Q. Ambo marmoreus, in quo Diaconus legit Evangelium versâ facie ad Aquilonem.

Figura 5. Septi marmorei, in præfata Fig. 3. expressi, faciem exteriorem demonstrat, ubi lit. R. indicat aliam ambonis faciem, in qua Lector ad Austrum se convertit.

S. Est item columna pro Cereo Paschali.

T. Alius

Fig. 1.




Fig. 2.




Fig. 3.





Fig. 4.



T. Alius orbiculus, in quo itidem expressum est supramemoratum Monogramma, quod in Fig. 6. ostenditur.

In isto Septo marmoreo peculiari observatione dignus est duplex ambo, cum alibi unicus reperiatur. In aliis enim Ecclesiis hemicycli formam repræsentat: hinc verò ex utrâque graduum parte dimidius prominet orbiculus, peribolo septus, hoc est, duplex ambo. Hinc fit, ut iudicem hanc Basilicam esse antiquiorem aliis pluribus, cum illa duplicis ambonis structura ritum denotet vetustissimum, quo Diaconus Evangelium lecturus modò ad Aquilonem, modò ad Austrum convertebatur, ut Romanus Ordo declarat. *Ipse verò Diaconus stat versus ad Meridiem, ad quam partem viri solent confluere, aliàs autem ad Septentrionem.*

Aperta igitur verba videntur, quæ dicunt, Diaconum aliquando legisse Evangelium versâ facie ad Austrum, quandoque ad Aquilonem, & sic intelligenda esse censeo. Si Ecclesia virorum numero adeò referta erat, ut ipsi non solum Navim ad Austrum positam, sed etiam medianam repleant; tunc Diaconus se ad Aquilonem vertebat, & è conspectu feminarum insimul, & virorum, qui media in Navis versabantur, Evangelium legebat: si verò pauciores viri fuissent, & Navis ad Meridiem sita omnes caperet; tunc Diaconus in ambone ad Austrum posito, ac in eandem plagam versâ facie, Evangelium recitabat: quem ritum ad utramque partem se vertendi in sæculo octavo, & sequentibus non ubique fuisse observatum comperio, ut ex Albino Flacco, sive Alcuino, qui floruit circa finem ejusdem sæculi,

Bedæque discipulus, ac Caroli Magni Præceptor fuit, in libro *De Divinis officiis* cap. *de celebrat. Missæ*: ac ex Jvone Carnotensi, qui vixit circa finem XI. sæculi, in sermone *De Convenientia veteris, & novi sacrificii*. Et cum ambo isti Auctores degerent in Galliis, de Ecclesiasticis Ritibus, qui tunc in eisdem Regnis observabantur, scripsisse autumo.

Insuper ex Micrologo Jvoni synchrono *De Eccles. observat.* cap. 9., ex Honorio Augustodunense, qui floruit in sæculo XII., in sua *Gemma Animæ* cap. 16. sive in tractatu *De antiquo ritu Missarum* lib. 1. cap. 22. & ex Durando qui vixit in sæculo XIII. in *Rationale divini off.* lib. 4. cap. 24. n. 21. Ritus iste antiquitùs, ut diximus, promiscuus erat, prout se offerebat occasio; postmodum verò certus factus est, ut legentis facies Aquilonem tantum respiceret, ut ex ipsorum ambonum situatione, qui adhuc hinc in Urbe superstitès sunt, facillimè colligi valet.

Huc usque de ambonibus dicta, erudire eos poterunt, quibus veterum Ecclesiarum singulas partes addiscere statutum est. Attamen, ut ulterius indulgeam legentium humanitati, & facultati imaginatrici latius consulam, plura eorundem exemplaria proponam, ex prototypis Romæ adhuc stantibus diligenter excerpta. Sequentis itaque Tabulæ XIII. Fig. 2. orthographiam exhibet ambonis, ad Epistolam legendam constructi, in Basilica S. Laurentii in Agro Verano adhuc conspiciui. Alterum etiam exprimit Fig. 1. sicuti hodieque visitur, in quo Evangelium recitari consueverat, Amboni adstat columnâ marmorea, Paschalis Cerei fulcimentum. Gradus columnæ pro-

proximi ascensui patent; oppositi verò A. & B. descensui addicti erant, antequam marmoreo lapide A. interposito (recenter id contigit post abolitum ambonis usum, & post gradus ad aream Ecclesiæ amplificandam sublato) via descendentibus obstrueretur. Animadvertendum est, hic quoque Incisorem pervertisse Figurarum ordinem, nam ea quæ ad dexteram sunt, posuit ad sinistram, & gradus C. hodie non extant. In inferiori Zophoro, lit. C. D. indicato, vides ornatus plurimos ad Ethnicorum sacrificia spectantes, ut sub initium Operis observavimus, ubi diximus tam Imperatores, quàm Pontifices, in Basilicarum constructionibus usos fuisse marmoribus ab Ethnicorum edificiis desumptis.

Præfatis ambonibus duos jam indicatos addo, in Ecclesia S. Pancratii adhuc extantes, ut in Fig. 3. & 4. qui non ob solam structuræ elegantiam spectabiles sunt; verùm etiam quia in ambone Evangelii (ut in Fig. 3. ubi sunt A. B. C. D.) legitur tempus ipsius constructionis, ex quo deducitur argumentum, ad eam usque ætatem usum ambonis in Evangelii lectione durasse; sed in oblivionem transiisse credo, cum Apostolica Sedes Avinionem translata fuit. Ea, quæ leguntur antiquo rudi caractere, & abbreviatè, ac barbarè insculpta, hæc sunt.







IN NOIE DNI ANNO DNICE INCARNATIONIS MCCXLVIII. SE-
TO PONTIFICATVS Dñi INNOCENTII III. INDICT. SEPTIMA
MENSE IANVARII DIE XV. DETVB
PANCRA TI CELESTIS GRATIA
DONI HOC OPVS ABBI FIERI QVI
FECIT HVGONIS.

In quibus fidelissimè expressis vocibus eæ notandæ sunt, SETO pro

SEXTO, DETVB, pro DETVR, ABBI pro ABBATIS, ex quibus quàm gravis esset temporis barbaries facilè arguitur. In eadem Ecclesia degebant Monachi Sancti Benedicti, à Magno Gregorio Pontifice suffecti in locum Presbyterorum secularium, qui curam Ecclesiæ negligebant, ut deducitur ex Epist. 18. lib. 3. ejusdem S. Gregorii ad Maurum Abbatem S. Pancratii. In altero verò ambone (ut denotat Fig. 4.) in Zophoro ubi literæ E. F. musivis characteribus infra scripta tantùm leguntur, cum reliqua temporis injuria oblitteraverit.

HIC LAVS DIVINA LECTOR CANITVR LEGIT ADTEN
DAT AD QUID SACRA LECTIO
TENDAT AD CVLMEN
HIT OMNES VOCE

In superioribus Tabulis quasdam columnas marmoreas indicavimus, quæ in Ecclesiis ad sustinendum Cereum Paschalem collocabantur; propterea silentio obvolvenda non est ea, quæ pro eodem usu olim in Basilica S. Pauli viâ Ostiensi fixa erat, nunc verò visitur extra Ecclesiam, in formam pyramidis erecta, eique tres monticuli impositi sunt, quorum è summitate Crux eminet. Hujus columnæ cum anaglyphicis figuris, aliisque ornamentis, ut ad præsens se habet, exemplar sub oculis ponitur in Tab. XIV. ubi A. B. denotant ipsam columnam. B. C. recentem stylobatam. A. D. monticulos cum Cruce, ad ornatum superimpositos. Tota altitudo, secundum aspectum, est palmarum 36. In stylobatæ facie, quæ viam publicam respicit, incisum est Ecclesiæ, sive annexi Monasterii (quod Monachi Casinenses incolunt) Stemma, vide-



videlicet Brachium ensem nudatum tenens, quæ pro S. Pauli symbolo accipimus. In opposita autem facie Stemma Casinenſis Congregationis conſpicitur, nempe tres monticuli cum Cruce Archiepiſcopali, ac voce PAX. In facie, quæ Urbem reſpicit, hæc leguntur.

HANC SACRIS VETERES
FACIBVS STATVERE
COLUMNAM,
QVAM CASINENSES
RESTITVERE
CRVCI.

In oppoſitâ verò hæc:

OLIM IGNES NVNC
CLARA DEI VEXILLA,
TRIVMPHVM
DEVICTÆ MORTIS,
SYMBOLA PACIS
HABET.

Super ſtylobatam eſt columna, cujus prima, quæ occurrit pars, eſt baſis B. E. anaglyphicis profanis figuris inſculpta. Hujus quatuor aſpectus exhibeo, ut eos meliùs recognoſcas, ſub num. 1. 2. 3. & 4. Ad angulos videre eſt virum ſtantem, ſeu quendam Genium, Sphinges, aliaque animalia amplectentem, ut ex iſſdem figuris liquet. In ipſius baſis aſtragalo antiquis characteribus incifa leguntur hæc:

ARBOR POMA FERT, ARBORE COLUMINA
GESTO.

PORTO LIBAMINA, NVNCIO GAVDIA,
SED DIE FESTO.

SURREXIT CHRISTVS, NAM TALIA MV-
NERA PRESTO.

Hi verſus alludere videntur ad diem Sabbati Sancti, in quo Cereus accenditur, quare alluſionem ſic explico: *Arbor poma fert*, ſcilicet Crux fert Chriſtum crucifixum. *Columina ge-*
Par. I.

ſto, Cruce ſalutem affero. *Porto libamina*, Innocentiæ munera. *Nuncio gaudia*, Alleluja. *Sed die feſto*, in die Paſchatis.

Surrexit Chriſtus, nam talia munera præſto.

Ideſt: hæc ſunt munera, quæ in hac die Fidelibus elargior.

In infimâ parte columnæ, ſeu regulâ, nonnulla etiam incifa ſunt, aliquâ fui parte corroſa, ideòque lectu difficillima. Ut licuit tamen ea tranſcripſi, & hæc ſunt.

O QVI TRANSITIS VITAM ROGO POSCITE CELSI.

OTHONVS FIERI MONACHVS ME IVSSIT
OLIM PIVS.

In aſtragalo, literâ G. denotato, minutis characteribus hujus columnę Artificum nomina expreſſa ſunt, nempe: EGO NICOLAUS DE ANGELO CVM PETRO PASSALLETIO HOC OPVS COMPLEVI.

E. F. Secunda columnæ pars eſt, frondentibus arborum ramis ornata. Tertia F. G. quædam Dominicæ Paſſionis myſteria refert, nempe ſub num. 1. cùm Chriſtus Dominus noſter ad Annam ductus fuit, qui eum interrogavit, teſte Evangeliftâ Joanne. Sub num. 2. Malchum exprimit in terram lapſum, cui Petrus auriculam ſcidit. Sub num. 3. Caipham Pontificem ſedentem. Sub num. 4. Chriſtum à Judæis, & militibus illuſum, qui eum per ludibrium ſalutantes dicebant: *Ave Rex Judæorum.*

G. H. Alia ejuſdem Paſſionis myſteria denotant: etenim ſub num. 1. Pilatus manus lavat. Sub num. 2. Chriſtus cum latronibus è Cruce pendet. Sub num. 3. Vir quidam titulum Cruci apponendum attollit, alius verò malleum tenet. Demùm ſub nu. 4.
D adſunt

ad sunt illi, qui Christi Domini crucifixionem spectaverant, & revertebantur percutientes pectora sua.

H. I. Alia similia myſteria repræſentant, nempe num. 1. Reſurrectionem Chriſti Domini: nam in Icone ſarcophagum vides, in cujus medio minutis characteribus compendiariò ſcriptum eſt, *Sepulchrum*. Stat ſupra ſarcophagum Chriſtus Albâ indutus, dexterâ coronam, ſiniſtrâ Crucem gerens, quibus indicatur Triumphus, quem reſurgendo de humani generis hoſte, & de ipſa morte retulit. Num. 2. Chriſti Aſcenſionem exhibet; ibi enim ſunt quatuor Angeli, qui cum in Cælum è terra evolantem efferre videntur. Num. 4. oſtendit Animas, quas ſecum Chriſtus è Limbo in Cælum adduxit. Num. 3. Milites ſuprà, ac propè ſepulchrum dormientes.

I. L. & L. M. Duæ aliæ partes columnæ ſunt, ramis ac frondibus circumſeptæ. M. N. Hypotrachelium eſt, nonnullis figuris conſpicuum. N. A. ipſum columnæ capitulum, elegantibus canaliculis, & aſtragalis exornatum.

C A P U T III.

De nonnullis antiquis ornamentis, ſive Hieroglyphicis, Eccleſiarum Januis apponi ſolitis.

E Gimus ſupra Cap. II. de ornatibus intra Eccleſias ad Sacra peragenda ſpectantibus; reſtat modò de ornamentis, ſive hieroglyphicis in earundem Eccleſiarum januis apponi ſolitis, aliquid diſſerere; cum nonnullæ ſacræ januæ, quæ adhuc ex antiquis ſuperſunt, leonibus, ſtatuis, aliisque animalium figuris inſignitæ conſpiciantur. Nolo hîc in januæ vocis ety-

mologiâ explicandâ immorari, cum aliquibus ab hinc annis luculentum Tractatum ediderit eruditiffimus vir Gaſpar Sagittarius, ſub titulo *De Januis veterum*, ac in primo ejus capite vocis iſtius etymon retulerit, multaque alia ad januas ſpectantia fuſè enucleaverit. Nihilominus cum in illo nonnulla adhuc deſiderentur, præſertim ad Eccleſiaſticam hiftoriam ſpectantia, ideò de iis hîc aliqua tradere congruum duximus, ut ſecundùm noſtri Operis inſtitutum, Eccleſiæ, maximè veteris, ſacræ renoventur memoriæ.

Ex hujus inclytæ Urbis Eccleſiarum januis, tres inter alias obſervatione dignas exiſtimavimus. Prima eſt janua Eccleſiæ S. Pudentianæ, cujus exemplar habes in Tab. XV. Hæc ex Pario marmore non ſolùm ob elegantem ſtructuram, cum Corinthiâ ratione ſimilitudinem habentem, verùm etiam ob faciem Cherubim, quam in ſaſtigii tympano habet anaglyphicè ſculptam, & ob alias figuras, quibus affabrè cælata eſt, oculos in ſe rapit. Hæc tamen omnia recentioris ſtructuræ eſſe judico: antiquæ ſunt Zophorus, & Epifylium, quod columnis imminet. Ipſæ columnæ ſunt ſtriatae in formam ſpiræ, ſeu cochleæ: capitula ſunt foliis tenuiſſimis Corinthii ordinis ornata, ſicut Epifylium, in quo leguntur hæc carmina.


AD REQUIEM VITÆ CVPIſ O TV QQ.
VENIRE.

EN PATET INGRESSVS FVERIS SI RITE
REVERSVS.

ADVOCAT IPSE QVIDEM VIA DVX ET
JANITOR IDEM.

GAVDIA PROMITTENS, ET CRIMINA
QVÆQVE REMITTENS.

Zophorus etiam variis truncis, foliisque itidem anaglyphicè cælatus eſt, eiſque



eisque interpositi sunt quinque circuli, sive orbes, veluti tot numismata, in quorum singulis cum imago quædam promineat, earundem descriptionem aggrediar. Ut verò meliùs oculis, & mente concipi possint, eas grandiori formâ, quàm in Zophori exemplari expressæ sunt, in medianâ ipsius januæ aræ subsignatis numeris reportavimus.

Circulus igitur, qui in Epistylîi medio locatur n. 1., continet Agnum, qui gestat diadema cruce distinctum, & dexterum pedem elevat, quo crucem sustinet. Hoc hieroglyphicum satis omnibus notum est, cum prisci Fideles per Agnum cruce insignitum, Christum Dominum cruci affixum exprimere consueverint. In hujus Emblematis peripheriâ, seu fasciâ Agnum circumambiente, sequentes versus incisi sunt, singuli, ut vides, cruce notati.

✠ HIC AGNVS MVNDVM RESTAV-
RAT SANGVINE LAPSVM.

✠ MORTVVS ET VIVVS IDEM SVM
PASTOR ET AGNVS.

Secundus circulus, Agno dexterior, & n. 2. notatus, Virginis imaginem præfert, pretiosis vestibus indutæ, ac turritam in capite coronam habentis; signum (ni fallor) fortitudinis, quâ enituit, dum mundi delicias, Dæmonis astus, & carnis illicia, stimulosque subëgit, quâ jejuniis, cæterisque poenitentiae rigidioribus armis, quâ perpetuâ, maximâque curâ illibatam virginitatem servandi, ut indicat accensa lampas, quam sinistrâ tenet: figurat enim hanc esse unam ex illis quinque Virginibus prudentibus, quæ accensis lampadibus exierunt obviam Sponso, ut in Evang. Matth. cap. 15. Notanda hîc est forma lampadis, seu vasis lampadem continentis, quod for-

Par. I.

tasse antiquitùs omnibus commûne, erat, cum ejusdem similitudinis aliud expressum sit in musivo opere in facie Ecclesiæ S. Mariæ Transtiberim, ubi decem illæ Virgines, quinque fatuæ, & quinque prudentes, quæ in prædicto Evangelio describuntur, expressæ sunt. Vult Macrus in suo Hiero-lexico simile vas Cantharum denominari, de quo vide eundem in voce, *Cantharus*. In peripheriâ hujus hieroglyphici sequentia carmina habentur.

✠ VIRGO PVDENQTIANA CORAM
STAT LAMPADE PLENA.

✠ PROTEGE PRECLARA NOS VIR-
GO PVDENQTIANA.

Notandum etiam est, pretiosas vestes illas non ad libitum sculptoris cælatas fuisse, sed ad denotandam Virginis nobilitatem, cum Senatorii generis esset, utpotè filia Pudentis, cujus ædes in hanc Ecclesiam celsere.

Ad Agni sinistram est alter circulus, n. 3. indicatus, ubi alia similis præcedenti figura cernitur, dexterâ quoque ardentem lampadem sustinens. Hæc imago Praxedem sororem ejusdem Pudentianæ repræsentat, nam ambæ Sanctæ Virgines fuere. In hujus circuli peripheriâ hæc leges.

✠ OCCVRRIT SPONSO PRAXEDIS LV-
MINE CLARO.

✠ NOS PIA PRAXEDIS PRECE SAN-
CTAS CONFER AD EDIS.

In explicando hoc Emblemate diutius non hæremus, cum ea quæ diximus de S. Pudentiana, S. Praxedi ejus forori convenient.

Redeamus igitur ad Agni dexteram, ubi orbicularis imago columnæ capitulo imminet, eamque in ordine sub n. 4. ponimus. Hæc virum refert prætiosâ veste decorum, & diadema-

D 2

tum,

tum, qui veluti actu benedicat, elevat dexteram, velatamque finistram habet, quâ librum occlusum sustinet. Quinam sit vir iste, versus in peripheria sculpti fat indicant.

✠ HIC CUNCTIS VITÆ PASTOR
DAT DOGMATA SANCTÆ.

✠ SANCTE PRECOR PASTOR PRO
NOBIS ESTO ROGATOR.

Pastor autem fuit Presbyter; quam sacram dignitatem ipse benedicendi actus, ac liber, quem manu tenet, Codicem Evangeliorum repræsentans, demonstrant. Hic S. Praxedis Acta conscripsit, ac ejusdem Sanctæ corpus sepulturæ tradidit, ut docet Baronius ad ann. 164. n. 24.

Ultimò, scilicet num. 5. vir alter inspicitur, caput & ipse diademate ornatum habens, ac dexterâ complicatum volumen retinens: quis autem sit, epigraphe circa orbem ostendit.

✠ ALMVS ET ISTE DOCET PV-
DENS AD SIDERA CALES.

✠ TE ROGO SANCTE PVDENS NOS
PVRGA CRIMINA TRVDENS.

Vir iste Sanctus ex ordine Senatorio fuit, ut idem volumen innuit; licet volumen non Senatoriæ solum & Consularis, verum etiam alterius dignitatis indicium sit. Vir sanè dignus, qui liberos tam admirandæ Sanctitatis haberet, cum eos ipse vivum exemplar præcederet. Ejus tamen, imaginem, utpotè Viri laici, in infimo loco positam arbitror.

Meritò igitur tota hæc Sanctissima familia in januæ Epythilio, illiusque Zophoro expressa fuit, cum S. Pio hujus nominis primo Pontifici, propriam S. Pudens domum tradiderit, ut in sacrum, & publicum Fidelium usum converteret, & consecraret; im-

mò à nonnullis piè creditur, primam hanc Ecclesiam in Urbe fuisse, ubi Fideles ad Sacras Synaxes peragendas congregarentur.

Quo autem tempore hæc Janua constructa fuerit, plurimâ licet curâ, & diligentia usus fuerim, nullibi repêri. At conjectari si liceat, tam è characteribus, quàm ex Agni supra indicati figurâ, existimo redolere tempora VI. vel VII. sæculi, præsertim ex Can. 82. Conciliabuli Quini-sexti, sive Trullani, ubi ausu nimis improbo Pseudosynodus illa Romanam Ecclesiam corrigere præsumpsit, quæ legalem Agnum parieti appingere consueverat. Decrevit igitur, nè *Christus Dominus sub Agni forma depingeretur*: quare Agnum istum expressum dicerem aut ante dictam Synodum, vel paullò post in dicti Canonis confutationem, de quo latè Lupus in Notis ad hoc Conciliabulum.

Scio tamen ab eruditis hîc objici posse, longè sæculum sextum, vel septimum excedere, & potius duodecimum redolere, argumento desumpto ex versibus, qui circa Iconum peripherias leguntur, & Leonini censentur; cum eorum aliqui nihil ab illis differant, quorum inventor dicitur Leo quidam Poeta, coævus Ludovico, sive Philippo Augusto Regibus Franciæ, qui floruerunt sæculo XII. & XIII. ut scribit Stephanus Paschasius *lib. 7. disquisit. Francicarum cap. 2.* à Du Cange allatus. At hujusmodi carminum usum aliquem prædictis sæculis XII. & XIII. antiquiorem esse tradit Stiglianus *De Arte versificandi cap. 14.* primò Virgilianum illud adducens.

I nunc, & verbis virtutem illude superbis.
Dein-





Fig. 1.



Fig. 2.



Fig. 3.



Deinde aliud ex Ovidio .

*Quot cælum Stellas, tot habet tua
Roma puellas .*

Item alia duo Horatii in Arte Poetica .

*Non satis est pulchra esse poemata,
dulcia sunt;
Et quocunquè volent, animum audito-
ris agunto .*

Quibus addimus ex ejusdem Ovidii Metamorph.

Colligit amentes, & adhuc terrore paventes

Phæbus equos .

Et ex Idyllio 11. Ausonii .

*Vel tria potanti, vel ter tria multi-
plicanti .*

Quarè non satis mihi probatur judicium illorum, qui ex hujusmodi carminum texturâ tempus arguunt; quovis quippe sæculo accidere potuit, ut reperirentur Poetæ, qui artem pangendi similes versus amarent. Verùm quid sit de istius Januæ antiquitate, suo quisque pro arbitrato judicet.

Animadvertendum tamen est, præfatam Januam locum, seu situm antiquum non retinere, cùm olim Henricus Cardinalis Cajetanus, ejusdem Ecclesiæ Titularis, hanc collabentem non solum restauraverit, verùm etiam altiùs extulerit, dum ob assiduè supervenientem è monte proximo terram, obruta ferè jacebat: quarè amotâ terrâ, & novo fornice ad mediam Ecclesiæ altitudinem constructo, penè viâ anteriori coequavit, reliquâ Ecclesiæ medietate sub novo fornice remanente: unde Januam è loco humiliori amovere, & altiori locare oportuit.

Ex ostensis notandum, quanta fuerit antiquorum Patrum religionis, ac pietatis in Populo excitandæ solici-

tudo, cùm non solum voce, picturis, & musivis operibus, verùm etiam ad id assequendum sculpturis niterentur. Sed jam ad cæteras Januas accedamus.

Secunda igitur ex iis, quas peculiari animadversione dignas censemus, est janua Ecclesiæ S. Laurentii in Agro Verano, cujus exemplar pono in Tab. XVI. In infimis hujus oris, seu in postium extremitate conspicitur Leo, sub ipso poste jacens, sive inde profiliens, eique veluti pro basi est. In medio Epistylîi stat Aquila expansa alis, & ungue Serpentem tenens. Hæc animalia non ad simplicem ornatum, sed & ad aliquod symbolum demonstrandum profectò posita sunt: hoc autem quale sit indagemus. Audio statim afferri, Leones Familiæ alicujus gentile Stemma fuisse, idque colligi posse ex Aquila Serpentem unguibus stringente, quæ Insigne Guelforum esse putatur.

Notum abundè illis est, qui vel primis labris historias libaverint, quinam fuerint isti Guelfi; unde ut memoriam excitem potius, quàm instruam, brevem eorundem historiam referam, quam hisce verbis narrat Sigonius *De Regno Italiæ* ad an. 1228. *Itaque ab hoc tempore Italia apertè in duas partes distracta, aliis Imperii, aliis Ecclesiæ auctoritatem sequentibus, quorum Guelfi hi, Gibellini illi vulgò vocati: quæ factiones nuper ex Germania traductæ, Italiam per multos annos obtinere, atque ad ultimum exitium redegere. Nequè enim solum aliæ Civitates Imperatorem, aliæ Pontificem secutæ, infestis inter se animis decertarunt; sed in ipsismet etiam Urbibus eò furoris, ac vesaniæ processerunt, ut alii Ecclesiæ, alii Imperatori studerent, ac se inter se pelle-*

re Urbibus, & spoliare bonis, in expiabili odio stimulante, contenderent. Quare Clemens IV. Guelfis Florentinis, ejus partem tuentibus, Insignia concessit: quod factum Ciaconius in ejusdem Pontificis vitâ sic exprimit. *Exules Florentini Pontificem adeuntes, ut illos Carolo Regi commendaret rogarunt, strenuam ipsorum operam in bello contra Manfredum polliciti. Pontifex eorum audaciam, & excellentiam admiratus, insigne belli ministerium in eorum fiducia reponens, eorum oblationem grato animo suscepit, eosque Glypeos, quos receperat, ornatos in bello ferendos dedit. In illis imago rubescentis Aquilæ, cæruleum Deaconem unguibus subjectum prementis; quod Insigne Guelfis Clemens targitus est, illudque Urbi deinde restituti Guelfi continuarunt: erat enim Aquila coccinea, argenteæ impressa areæ, Draconem cæruleum sibi subjectum acutis unguibus calcans.* Quæ Insignia pluribus in locis & hodie Florentiæ visuntur, eorumque exemplar habes in eadem Tab. XVI. Fig. 1. ubi etiam in Fig. 2. videre poteris quale Stemma fautori- bus suis Gibellinis Fridericus II. Imperator concefferit; quæ bina Stem- mata quàm ab iis diversa sint, quæ in medio Epistylîi januæ Sancti Lauren- tii expressa sunt, nemo non videt.

Ulteriùs pro rejicienda illorum opinione, qui hæc (ut diximus) Guel- forum Insignia esse credunt, aliam conjecturam adducimus, Januam vi- delicet Ecclesiæ Sanctorum Joannis, & Pauli, quæ valdè conformis huic est Sancti Laurentii, cùm & Leones, & Aquilam habeat in Epistylîo, eodem modo expressam, ut videre est in Fig. 3. solùmque in hoc differt, quod Aquila loco Serpentis Leunculum un-

guibus tenet, sive aliud animal, nam vera species dignosci minimè potest, cùm ævo longiori illius imago corrofa ferè delitescat.

Pro coronide demum adjiciam, nullum me Auctorem reperisse, qui easdem Januas, sive Ecclesias, Guel- forum tempore restauratas vel unico verbo testatus sit: quapropter prædi- ctas Januas ipsis Guelfis admodum ve- tustiores existimo; & idèd morem hunc foribus Ecclesiarum Leones, & alia id generis apponendi, multo altiùs indagandum.

Illum igitur ab Ægyptiis defluxisse docet Causinus in suo Tractatu de Symbolica Ægyptiorum sapientia, eosque horum Symbolorum inventores fuisse tradit, ac tam Leonum, quàm Sphingum simulacra templorum ja- nuis posuisse, teste Plutarcho de Iside, & Osiride. *Λέοντα τιμῶσι, καὶ χασμα- σι λεοντείοις τὰ τῶν ἱερῶν θυριώματα κοσμεῖ- σιν, ὅτι πολυμυρεῖ Νεῖλος ἡελίου τὰ πρῶ- τα σωερχομένου λέοντι.* Idèst: *Leonem colunt, & rictibus leoninis templorum januas exornant: restagnat enim Nilus Sole primùm Leonem ineunte.* Clemens verò Alexandrinus Stromat. V. *Ægyptii (ait) ante templa ponunt Sphinges, quia doctrina, quæ de Deo est, enigmatica est, & obscura.* Pierius Valeria- nus lib. 1. cap. 4. scitè admodum nar- rat: *Non tantùm Mycenarum portis, sed etiam reliquorum ædificiorum, præcipuè verò Fanorum valvis, ædiumque sacrarum vestibulis, Leones, tanquam divinorum Custodes, ut passim cernere est, statuebantur.* Hæc Valerianus de- sumpsisse videtur ex Horo Apollin- ne lib. 1. cap. 19. qui sic inquit: *Ε' τρηγορότα δὲ τράφοντες, ἢ καὶ φύλακα, λέοντες τράφει κεφαλὴν, ἐπειδὴ ὁ λέων ὦν*

τῷ ἐγρηγορέναι, μέμυκε ἐπὶ ὀφθαλμοῖς, κοιμώμενος δὲ ἀνεγρότας τιέτοις ἔχῃ, ὅπως ὅστις, τῷ φυλάσσαν σημεῖον. Διότι καὶ συμβολικῶς τοῖς κλειδοῖς τῶν ἱερῶν λέοντας ὡς φύλακας πρὸς αἰλήφασαι. Idest: *Vigilantem autem, sedulumque hominem, aut etiam Custodem ostendentes (Ægyptii) Leonis caput pingunt: quoniam Leo vigilans oculos claudit, eosdem quum dormit apertos habet; quod quidem custodiæ, atque excubiarum signum est. Quocirca non absque significatione templorum claustris Leones, qui Custodem loco sint, appinxerunt.* Notat hic Caussin, hieroglyphicum hoc non modò in profanis, sed etiam in sacris rebus usitatissimum, nempe ut Leones in symbolum majestatis appingerentur, idque etiam in thronis, fontibus, & sepulchris. Nec solùm Ægyptiis, ut supra ex Horo Apolline narratum est, verùm etiam Judæis commune; ut conjicit Villalpandus, qui in altaris angulis Leonum species insculptas fuisse arbitratur. De thronis habemus *lib. 3. Reg. c. 10.* Salomonem thronum grandem, & habentem sex gradus de ebore fecisse, ac vestivisse eum auro; & summitas throni rotunda erat in parte posteriori, & duæ manus hinc atque inde tenebant sedile, & duo Leones stabant juxtà manus singulas, & duodecim Leunculi super sex gradus hinc atque inde. Ornatiorem etiam cujusdam Romani Consulis, nomine Anastasii, thronum cum Leonibus exhibet Alexand. Wilthelmus in suo *Diptycho Leodiensi*, à quo transcripsit Ferrarius in suis *Analectis De re Vestitaria*, pag. 60. Tab. D. & hæc de thronis.

De Fontibus testatur Sidonius Apollinaris *lib. 2. epist. 2. Ad Domi-*

tium, piscinam describens: *In hanc ergo (inquit) piscinam fluvium de supercilio montis elicatum, canalibusque circumactis per exteriora Natatorie latera curvatum, sex fistule prominentes Leonum simulatis capitibus effundunt, quæ temerè ingressis veras dentium crates, micros oculorum furores, certas cervicum jubar imaginabantur: & Anonymus à Du Cange citatus in sua Constantinopoli Christiana lib. 3. num. 22. Εἰ ποῖνσε δὲ εἰς τὴν φιάλῃ γύροθεν τοὰς φρεατεκὰς δώδεκα, καὶ λέοντας λιθίνους ἐρεύγεσθε ὕδωρ εἰς ἀπόνησεν τῷ κοινοῦ λαῷ.* Circa verò phialam fecit Porticus XII. in quibus erant putei, vel fontes, Leonesque aquam eructantes, è quibus vulgus lavaret.

Quod etiam sepulchris, maximè fortium virorum, Leonum statuæ apponerentur, testis est Pausanias in *Boeoticis*, ac tumulis Thebanorum, qui in acie adversus Philippum gloriose occubuerunt. En ejus verba: *προσιόντων δὲ τῇ πόλει πολυάνδριον Θηβαίων ὅστιν, ὃν τῷ πατρὶ Φίλιππον ἀγωνίᾳ ἀποδανόντων, ἔκ ἐπιγεγραπταὶ καὶ δὴ ἑπτάγραμμα, ἐπίσημα δ' ἐπεσιν αὐτῷ λέον.* Scilicet: *Proximo Urbi loco commune est sepulchrum Thebanorum, qui in pugna contra Philippum defuncti sunt. Inscriptio nulla quidem inscripta est; Insigne verò tumuli Leo.* Cujus consuetudinis initium ab Hercule fuisse, tradit Ptolemæus Hephæstion, qui septem libros *De novis ad variam eruditionem historiis* edidit. Hic enim *lib. 2.* apud Photium ita scribit: *Ὅτι Ἡρακλῆς, ἀποβρωθέντος αὐτῷ τῶν δακτύλων ἐνὸς ἑκαστοῦ Νεμεαῖος λέοντος, συνεαδάκτυλος γέγονε, καὶ ὅστις πάρος τῷ ἑκκεκομμένος δακτύλος. οἱ δὲ κέντρῳ τραγόνος ἀποβαλεῖν τὸν δακτύλον ἔφασαν. Λέοντα δ' ὅστις ἰδεῖν τῷ τῷ δακτύλῳ πάρος ἐφεσώτα λίθινον ἐν λακεδαίμονι, συμβο-*

Ἡρόλον ἢ τὸν Ἡρακλέους ἀλκῆς . ἐξ ἧκείνης
δεξιᾷ τοῖς ἄλλωι πάφοις λιθίνους ἐφεστῶσι λέων-
τας . *Herculem* (inquit) *devorato à Ne-*
mezo Leone digito uno , novem dumta-
xat digitos habuisse , extareque tumulum
digiti avulsi : alii tamen Pastinacæ pi-
scis aculeo digitum amissum ferunt . Leo-
nem verò ex lapide Lacedemone videre
est , digiti tumulo impositum , Symbolum
vimirum Herculei roboris . Unde mos
inolevit , in reliquorum quoquè sepulchris
lapideos statuere Leones .

Elegans etiam hodie sarcophagus
visitur in villa Excellentissimi Ducis
Matthæii , ubi sunt duo Leones sar-
cophagum ipsum sustinentes , cujus
exemplar refert Sponius in suis *Mi-*
scellan. eruditæ antiquitatis , Sect. 2.
art. 9.

Præter allata loca , in quibus Leo-
num simulacra locare Antiquitas con-
suevit , alterum subnectam , in quo
Romani Leonum capita insculpere ad
ornatum solebant . Hæc loca tecto-
rum coronæ erant , è quibus fortissi-
mæ hujus Belluæ ora prominebant ,
erumpebantque ex eorum rictu cana-
les , per quos aquæ pluviales corriva-
bantur . Harum ego coronidum non-
nullas antiquas è marmore spectasse
memini , & adhuc quædam videntur
in Foro Boario , tribus columnis Co-
rinthii ordinis superimpositæ , propè
Ecclesiam S. Mariæ Liberatricis .

Præterea adeò usitati apud Roma-
nos in ædificiorum ornatibus Leones
fuere , ut in Pyramidibus loco basium ,
sive talorum , quos nonnulli astraga-
los vocant , positi fuerint . Pulcher-
rimum erat exemplum in Vaticano
Obelisco , antequam è suo loco amo-
veretur : & quamvis Dominicus Fon-
tana Architectus in suo Tractatu *De*

Translatione Vaticani Obelisci , necnon
Michael Mercatus historicus , & Fon-
tanæ synchronus , in suo *De Obeliscis*
Romæ , nè minimâ quidem mentione
Leones pro basi in eodem Obelisco
antiquitûs positos attigerint ; nihilo-
minus Jannotus Manetti *De Vita , &*
Gestis Nicolai V. de illis luculenter
meminit . Is enim in suo Tractatu ,
qui M. S. servatur in Bibliotheca Me-
dicea , ac etiam in Vaticana sub num.
2046. sic ait : *In hac amplissima , & or-*
natissima area , & ut Græci expressius
dicunt , Platea , ingentissimum illum , ac
maximum Obeliscum , in ipso area medi-
tullio , è regione ad intermediam prædicti
vestibuli portam , in hunc modum pul-
cherrimè simul , atque devotissimè collo-
cabat ; nam pro quatuor pusillis , æneisque
Leonibus , quibus Colossus ipse nunc pro
basibus , ac sustentaculis , paullo superfi-
cie soli altioribus , utitur , quatuor ma-
gnas totidem Evangelistarum Statuas ex
solido , liquefactoque ære in staturam hu-
manam sabrefactè conflatas , in superficie
soli , distantibus inter se proportionibus ,
secundum Colossi latitudinem ponebat ;
super quibus æneis Statuis , diversis in-
vicem figuris , juxta varias cujuscunque
personæ conditiones perpolitissimè scul-
ptis , Colossæa moles sustentabatur : in
summitate verò ipsius Colossi alteram
Jesu Christi Salvatoris nostri Statuam ,
dexterâ manu auream Crucem bajulantis ,
ex ære confectam , accommodabat . Hacten-
us Manettus . Cur autem præfati
Mercatus , & Fontana rem suis tem-
poribus notissimam silverint , sanè ne-
scio : at si conjicere permittatur , cen-
ferem eos idè Leonum simulacra ,
ejusmodi monumentis multò ante ad-
dita , conticuisse , ut credulæ poste-
ritati suaderent , se illa priores exco-
gitaf-

gitasse, & operibus Xysti V. eâ tempestate sedentis, apposuisse: cùm augustam tanti Pontificis magnificentiam aptissimo hieroglyphico nobilissimoque, necnon ejusdem Insignia gentilitia Leones exprimerent.

Haftenùs de Leonibus generatim, in quibus nempe locis olim illos aptare mos fuerit. Pergimus modò unde digressi sumus, ad Leones nimirum, quorum adhuc visibilis in Urbe memoria superest. Si ad superiùs dicta reflectimus, duorum in Regia janua Ecclesiæ S. Laurentii in agro Verano meminimus, quorum primus, sinister videlicet ingredientibus, anterioribus unguibus Aprum arreptum tenet; dexter verò (quem potiùs Leænam dicerem) excipit inter ungues Puerulum humi sedentem, ac secum veluti jocantem; ille enim inferiorem belluæ mandibulam palpat. Hic tamen animadvertendum est, exemplar inverso ordine incisum fuisse. Quid autem Leæna cum puero jocans innuere possit non video, nisi mansuetudinem, quam habere debet Ecclesia erga Fidei Tyrones, & novella germina sanctitatis, quos *Serm. 1. in octava Pasche*, Neophytos vocat Sanctus Augustinus; quippe Leo in supplices clemens est, ac parcit prostratis, teste Plinio *lib. 8. cap. 15*. Quid verò Aper Leonis unguibus comprehensus, ac fortè laniandus significet, nos prorsùs latet; nisi dicamus, sub Leonis typo venire Episcopum, sive alium Ecclesiæ Rectorem, qui juxtà doctrinam Principis Apostolorum, *epist. 1. cap. 5*. sobrii esse debent, & vigilantes, adeout Fideles à viâ Domini aberrantes, ad semitam veritatis redire cogant, nolentesque, ac

Par. I.

interdum in propriam matrem surgentes, unguibus dentibusque, centuris videlicet, aliisque Ecclesiasticis poenis dilanient. Videri etiam potest hæc Leonum appositio in templorum januis, Christifideles olim symbolicè docuisse, vigiles ergà Deum oculos mentis habendos, fortemque, ac perfectam sacrarum rerum custodiam.

Quod autem de Leonibus, idem & de Aquilâ interpretandum putaverim; cùm hæc volatiliū Regina dicatur fulmen despicere, Solemque acie constanti intueri: ac proinde Romanorum emblema sit; Serpens verò Diaboli symbolum. Quamobrem veteres Christi affectu hoc hieroglyphico forsitan animis ingerere contendērunt, ut domum Domini ingredientēs, tanquam Aquilæ mentem ad Deum, Solemque justitiæ Christum erigerent, ac victoriam de teterrimo humani generis hoste referrent; quod bellè argui potest ex Aquilâ, quæ unguibus veluti laniatura Serpentem sustinet.

Non absimile quid in præfatâ antiquissimâ Ecclesiâ SS. Joannis, & Pauli cernitur, ubi in vestibulo ad dexteram Leo est, Hystricem tenens; aliisque ad lævam Puerulum sinistrâ manu premens, alterâque caput Arietis, ut in Tab. XVII. Fig. 1. & 2. At in epistyllo stat Aquila, quæ unguibus non Anguem, sed Leunculum arripit, aut quidpiam aliud animal, cum præ vetustate, ut jam diximus, distingui minimè valeat. Porro si est Leunculus, Diabolum denotat, juxtà illud notissimum S. Petri in *Epist. 1. cap. 5. num. 8. Sobrii estote, & vigilate, quia adversarius vester Diabolus tanquam Leo rugiens circuit, querens quem devoret:*

E

voret : cui resistite fortes in fide .

Duo itidem Leones etiamnum oculis obijciuntur in Ecclesia S. Sabæ, non quidem in janua, sed in basi duarum columnarum ad ingressum Porticûs; alique duo in limine Ecclesiæ B. MARIÆ Purificationis, in regione vulgò *Banchi* denominatâ; totidemque in Ecclesia S. Laurentii in Lucina, ut in eâdem Tab. XVII. Fig. 7. & 8.

Leones præterea ante Patriarchii Lateranensis januam olim adfuisse, accepimus ab Ugonio in Statione SS. Joannis, & Pauli, quos fel. mem. Papa Xystus V. transtulit, & in suo inclyto fonte ad Thermas Diocletianas locavit: suntque illi exteriores ex Patrio marmore, ut in Fig. 5. & 6. alii enim duo interiores ex Basalto, exhibiti in Fig. 3. & 4. stabant ante januam S. MARIÆ ad Martyres, vulgò *la Rotonda*, ex quâ idem Pontifex amovit; ut narrat idem Ugonius, qui ibi eos vidisse testatur. Illorum profectò basis, seu suppedanei exterior facies, hieroglyphicis Ægyptiis ornata erat, in quorum enucleatione laudandæ memoriæ, ac eruditionis P. Kircherus operam optimè navavit in suo *Oedipo Ægyptiaco* tom. 3. Syntagm. 15. cap. 2. ubi statuas hujusmodi Leones Niloticos, seu Memphæos appellat.

Capitolium ascendentibus bini adhuc impræsentiarum occurrunt Leones, pariter ex Basalto, aquam ore per fistulam effundentes; stabantque ante Ecclesiam S. Stephani vulgò *del Cacco*, inde Pii IV. tempore amoti, & illuc translati, ut scribit Flaminius Vacca in quadam sua epistola MS. cujus exemplar me panes asservatur. Donatus, & Nardinus de Urbis Antiquitatibus differentes (si eo-

rum conjecturis adhærere velimus) asserunt, propè Ecclesiam S. MARIÆ supra Minervam stetisse olim Templum Isidis, necnon illud Serapidis, Numinum Ægyptiorum; idque ex diversis Ægyptiis marmoribus, circum hæc loca erutis, conjiciunt. Quare cum prædicti Leones essent ante Ecclesiam S. Stephani *del Cacco*, istaque sit proxima Templo B. MARIÆ supra Minervam, non incongruum erit asserere, illos in altero ex præfatis Templis fuisse. Huc etiam accedit, quod tempore Pontificatûs sanctæ mem. Alexandri Papæ VII. è fundamentis Cœnobii Fratrum Ordinis Prædicatorum parva, humilisque pyramis fuit effossa, solitis Ægyptiorum notis, ac symbolis inculpta, quam idem Pontifex, egregius Urbis restaurator, in platea ante prædictam Ecclesiam erigi jussit, ubi & hodie visitur.

Memini audivisse à laudato viro Joanne Lucio, in eorundem fundamentorum effossione erutam fuisse, prægrandem, acephalamque statuam, magnitudinis duodecim palmorum & ultra, cujus vestimentorum rugæ multis in locis dilaceratæ, sive potius infractæ erant, vidique egomet postea restauratam; ac exinde in Gallias transmissam, collocatamque Versaliis in celeberrimo Regis viridario accipi. Statua hæc, ni fallor, Isidis simulacrum repræsentabat, quod unà cum illo Serapidis, eorumque Aris eversum fuit L. Calphurnio Pisone, ac Gabinio Coss.; quorum Consulatus contigit, secundum Calvisii supputationem, ante CHRISTUM natum an. 56. & de hujusmodi everfione loquitur Tertullianus in *Apologet.* cap. 6. his ver-

Fig. 1.



Fig. 2.



Fig. 3.




Fig. 4.



Fig. 5.




Fig. 6.




Fig. 7.



Fig. 8.



verbis: *Liberum patrem cum mysteriis suis Consules Senatûs auctoritate non modo Urbe, sed universâ Italiâ eliminaverunt. Serapidem & Isidem, & Harpocratem cum suo Cynocephalo, Capitolio prohibitos, idest curiâ Deorum pulsos, Piso & Gabinus Coss. non utique Christiani, everfis etiam Aris eorum, abdicaverunt.*

Licet ex hætenus dictis probare conati simus, Leones non ad simplicem ornatum in Ecclesiarum januis, sed ad aliquid allegoricè demonstrandum appositos; nihilominus non negamus, in proximis elapsis sæculis Fideles, exemplo veterum, non ad allegoriam, sed ad ornatum, in liminibus, januisque Ecclesiarum simulacra animalium hujusmodi collocasse; ut cerni potest in Ecclesia S. Salvatoris in Lauro, nunc sub invocatione B. MARIE Lauretanæ, Nationis Picenæ, ubi loco duorum Leonum sunt duo Ursi, qui Stemma gentilitium nobilissimæ familiæ Ursinæ referunt, cum ipsa Ecclesia à claræ mem. Card. Latino Ursino circa annum 1450. ædificata fuerit; cujus familiæ ad præsens decus est Eminen. & Rev. D. Vincentius Maria S. R. E. Card. Ursinus, ac Ecclesiæ Beneventanæ dignissimus Archiepiscopus, qui suam erga divinum cultum religionem, ac sollicitudinem, suamque erga pauperes pietatem, & misericordiam, cum populi plausu mirum in modum ostendit.

C A P U T IV.

De Valvis æneis in Ecclesia S. Pauli extra muros Urbis, in Via Ostiensi.

OCCASIONE, quod nuper descriptimus columnam, quæ olim
Par. I.

in Basilica S. Pauli extabat, & ostendimus antiquas Januas Ecclesiarum S. Pudentianæ, & S. Laurentii in Agro Verano; dignas quoque peculiari mentione existimamus æneas Valvas, quæ in Regiâ ipsius Basilicæ Januâ adhuc sunt. Dignas inquam, tum propter illarum cælaturam, quâ varia sacra Mysteria, ac multorum Sanctorum figuræ exprimuntur; tum etiam propter insignem hujus donarii Datorem, nec non ob locum, in quo conflata fuere. Ut autem facilius ea, quæ dicturi sumus, Lector animo concipere possit, earundem Valvarum exemplum exhibemus in Tabula XVIII.

Istæ Valvæ solummodò in exteriori parte æneæ sunt, in interiori verò ligneæ; unde propriè dici possunt laminæ æneæ lignum obducentes, quippe earum crassitudo est duorum minorum circiter uncia palmarum Romani.

Figuræ in iisdem laminis expressæ, non quidem anaglyphicè sculptæ sunt, sed scalpri incisæ, & scalpri cavitates filamentis argenteis repletæ; ideoque admodum visui fuerunt gratæ cum recentes erant. Nunc autem ita splendorem pristinum amiserunt, ut ex qua materia sint dignosci vix possit, cum pleraque argentea filamenta ceciderint, vel ablata fuerint.

Eadem Valvæ in altitudine distinguuntur in sex segmenta, quorum inter unum & aliud, veluti quædam angusta Parastasis, truncis ac foliis cælata, media est, ut numeris 1.2.3.4.& 5. indicatur.

In singulis istis segmentis, perpendiculari descriptione retentâ, novem sunt quadrata, sive Parallelogramma, in quorum singulis Figuræ cum Græcis literis, Græco idiomate ip-

fas Figuras declarantibus, incisæ sunt.

I. In primo quadrato Annunciatio B. MARIE VIRGINI ab Angelo Gabriele facta, figuris infimul, & verbis repræsentatur, scilicet: Ο ΧΕΡΑΙΘΗΜΟC ΧΕΡΑΙ ΚΕΧΑΡΗΤΟΜΕΝΗ Ο ΚΕΜΕΤΑCΟ. Idest: *Salutatio. Salve gratia plena Dominus tecum.*

Evidens est in istis Valvis gravis barbaries temporis, quo fuerunt elaboratæ, non solum ob ipsam cælaturam, quæ rudis, & invenusta est, verum etiam ob ipsos characteres, qui eodem laborant morbo, quanquam cælati sint in Regia Urbe Græcorum, nempe Constantinopoli; & quod pessimum est, voces ipsæ erroribus sca-
rent, ut docet super allata descriptio, quæ sic legenda est: ὁ Χαρατισμὸς, Χαῖρε κεχαρισμένη, ὁ Κύριος μετὰ σε.

Hæc tantummodò indicasse sufficiat in dicta prima descriptione: in reliquis brevitas gratiâ à simili declaratione abstinēbimus.

II. Secundum quadratum Christi Baptismum, in fluvio Jordani à Joanne Baptista ministratum, exhibet; ac proinde adstant duo Angeli, Syndonem ad tergendam aquam manu tenentes. Ad Christi pedes ipsius vestimenta cernuntur, cum inscriptione. ΒΑΠΤΙCΗC. Idest: *Baptismus.*

III. Tertium patens est, cum Christum crucifixum exhibeat, & ad ejus dexteram Beatam MARIAM Virginem, ad sinistram S. Joannem Evangelistam. Epigraphe est. CΤΑΥΡΩCΙC. IC. XC. nempe: *Crucifixio. Jesus Christus.*

IV. Licet Icones hujus loculamenti, prout ipsa epigraphe, quæ *vestibulum clausum* indicat, sint explica-

tu difficiles; eas tamen referrem ad cap. 20. Joannis, ubi sic: *Venit Jesus januis clausis, & stetit in medio* (scilicet Discipulorum) *& dixit: Pax vobis. Deinde dicit Thomæ: infer digitum tuum huc, & vide manus meas, & affer manum tuam, & mitte in latus meum, & noli esse incredulus, sed fidelis.* Hæc autem omnia satis in iisdem Figuris repræsentantur: Jesus enim dexteram elevat, ac sinistrâ latus detegit. Thomas verò paullò acclinis & ipse manum attollit, in latus Christi digitum immissurus. Epigraphe est. ΤΟΝ ΘΥΡΟΝ ΚΕΚΛΗCΜΕΝΟΝ.

V. Quintum loculamentum habet Crucem Græcam, cum Christi nomine hinc inde abbreviato sic: IC. XC. Idest: *Jesus Christus.*

VI. Fatemur quidem, nos hujusmodi Figurarum explicationem quandoque potiùs divinando, quàm certè aliquid affirmando tentare, quod si unquam, nunc profectò accidit: in hoc enim quadrato sunt tres Figure, quarum duæ stantes, ac veluti datis in amicitia tesseram dexteris colloquentes, indicantur hac inscriptione: IC. XC. Ο ΑΓΙΟC ΠΑΥΛΟC. *Jesus Christus. S. Paulus.* Tertia verò, quæ humi prostrata jacet, Oedipum quærit, cujus ego partes licet implere non possim, exponam tamen quid sentiam. Puto igitur has Figuras referri ad caput 18. Act. Apostolor., ubi habemus D. Paulum Corinthum venisse, ac ibi testificasse Christum JESUM; nec non plurimos Corinthiorum Paulum audientes, credentesque, Baptismum suscepisse: Dominum autem nocte per visum Paulo dixisse: *Noli timere, sed loquere, & ne*

cæcedis; propter quod ego sum tecum, & nemo opponetur tibi ut noceat te, quoniam populus est mihi multus in hac Civitate. Quæ allocutio satis per Figuras stantes exprimitur; per aliam verò jacentem Paulus dormiens repræsentatur.

VII. Septimum quadratum S. Andreæ Apostoli crucifixionem designat. Titulus est: Ο ΑΓΙΟC ΑΝΔΡΕΑC ΕΝ ΠΑΤΡΑ CΤΑΥΡΩΘΗC ΤΕΛΗΘΥΤΕ. Nimirum: *S. Andreas in Patra crucifixus moritur.*

VIII. In Octavo quædam Viri Figura est cum inscriptione. Ο ΙΩΑΝΝΕC ΘΕΟΛΟΓΟC, scilicet: *Sanctus Joannes Theologus*: quippe apud Græcos idem est, ac apud nos Latinos, *Joannes Evangelista*, ut habetur in illorum Menologio ad diem 25. Septembris, in quâ ipsius Sancti dies festus ab iisdem celebratur; sic enim in eorum Liturgiâ ad hanc diem scribitur: τῇ αΐνῃ Ἀποστόλῃ Ἰωάννῃ Θεολόγῃ, *S. Apostoli Joannis Theologi*; ac ostendit Baronius ad an. 97. num. 12.

IX. Nonum Aquilam continet alis expansis, quæ tamen utrum ad placitum sculptoris, vel potius ad denotandam Imperialem Aquilam posita sit, ignoratur, cum hujusmodi loculamentum epigraphe careat.

X. Decimum Nativitatem Christi designat, ut ex hisce verbis colligitur. Η ΧΥ ΓΕΝΝΗCIC. Id est: *Christi Nativitas*. In medio visitur puer Jesus in Præsepe, à quo Bos paulùm distat: & in parte laterali idem Jesus, in pelvi, sive labro positus lotionis causâ.

XI. In undecimo Christi *Transfigurationem* insinuat verbum hoc: Η ΜΕΤΑΜΟΡΦΟCIC. Ibi enim Jesus super montem Thabor nitenti-

bus radiis coruscat. Ad dexteram & sinistram Moses, & Elias; in inferiori parte Petrus, Joannes, & Jacobus, quos secum duxerat, conspiciuntur, ut Marcus cap. 9. narrat.

XII. Duodecimum Christi depositionem è Cruce repræsentat. Ejus titulus: Η ΑΠΟΚΑΘΗΛΟCIC IC. XC. Hoc est: *Refixio, seu avulsio Jesu Christi*. Ibi manus dextera Domini clavis liberata pendet, & à B. MARIA Virgine sustinetur: sinistra à quodam viro (nempe Josepho ab Arimathæa) deprimitur, qui scalæ innixus, eam clavo educere nititur: ex pedibus dexter liber est, sinister Cruci affixus. Ad Crucis basim S. Joannes Evangelista genuflexus venerationis, & doloris signum exhibet.

XIII. Decimum tertium Assumptionem B. Mariæ Virginis hoc verbo exprimit: Η ΑΝΑΛΗΨIC, quod idem significat.

XIV. Decimum quartum quadratum: his versibus insignitum est.

TV QVOQVE QVI SACRI SVCCEDIS LIMINA TEMPLI
HAS PER QVAS INTRAS STVDIOSIVS
INSPICE PORTAS
ET SIC INGRESSVS DOMINO FER CVM
PRECE FLETVS
VT DEVS HVIC REQVIEM CONCEDAT
HABERE PERENNEM
IMPETRET HOC ILLI SIMVL INTERCESSIO PAVLI
QVEM QVIA DILEXIT DECORAVIT MVNERE TALI.

XV. In decimo quinto S. Petri Crucifixio expressa est his characteribus. Ο ΑΓΙΟC ΠΕΤΡ. ΥΠΟ ΝΕΡΟΝΟC CΤΑΥΡΩΘΗC ΤΕΛΗΘΥΤΕ. Nempe: *S. Petrus sub Nerone crucifixus moritur.*

XVI. Decimum sextum habet Figuram

guram stantem, quæ S. Andream designat, cum inscriptione: Ο ΑΓΙΟC ΑΝΔΡΕΑC. *Sanctus Andreas.*

XVII. In decimo septimo vir est Cruci affixus, per quem ipse S. Andreas denotatur, licet ex literis non appareat.

XVIII. In decimo octavo est Figura viri stantis, quæ designatur Sanctus Thomas, ut docent literæ: Ο ΑΓΙΟC ΘΩΜΑC. *S. Thomas.*

XIX. Decimum nonum Circumcisionem Domini repræsentat, quæ cum ex se notissima sit, explicatione non indiget. Ejus titulus est: ΗΥΠΟΠΛΗCΙC. *Circumcisio.*

XX. Viceſimum quadratum Palmarum ſolemnitatem exhibet. Ibi Chriſtus aſino inſidens, ac turbæ veſtimenta in viâ ſtrata cernuntur, cum hac voce: Η ΡΑΙΟΦΟΡΟC. *Feſtum Palmarum.*

XXI. In viceſimo primo Matthæi locus in cap. 27. num. 52. explicatur, ubi: & Petræ ſciſſæ ſunt, & monimenta aperta ſunt, & multa corpora Sanctorum, quæ dormierant, ſurrexerunt &c. Id planè Figuris exprimitur, cum Chriſtus in medio Sanctorum promineat, crucem alterâ manu geſtans, veluti de morte triumphans; alterâ verò ipſos mortis captivos ſecum ducens; & declaratur hac inſcriptione: ΑΝΑCΤΑCΙC. quæ *Revocatio ad vitam*, æternam ſcilicet, interpretanda eſt. De hac voce plura congeſſit eruditus vir Gaſpar Svicerus in ſuo *Theſauro Eccleſiaſt.*

XXII. Contentis in præſenti Tabulâ illud innuitur, quod in cap. 2. Act. Apoſtolor. narratur, ſcilicet: Et cùm complerentur dies Pentecoſtes, erant omnes pariter in eodem loco, & factus

eſt repente de Cælo ſonus, tanquam advenientis Spiritus vehementis, & replevit totam domum, ubi erant ſedentes. Id Titulus ipſe declarat, nempe: Η ΠΕΝΤΙΚΟCΤΗ. *Pentecoſte.*

XXIII. Designat hæc Tabula Sanctum Bartholomæum catenâ, ſeu vinculo conſtrictum. Titulus ſic ſe habet: Ο ΑΓΙΟC ΒΑΡΘΟΛΟΜΕΟC ΚΡΕΜΑCΘΕΙC ΕΠΙ CΤΑΥΡΟΥ ΤΕΛΕΙΟΥΤΑΙ. *S. Bartholomæus pendens in Cruce moritur.*

XXIV. Hac Figura S. Petrus Apoſtolus repræſentatur, ut ex literis: Ο ΑΓΙΟC ΠΕΤΡΟC. *S. Petrus.*

XXV. Loculus iſte tranſitum, ſive potiùs humationem S. Joannis Evangeliftæ oſtendit, cùm Sarcophagi operculum in pavimento appareat, ut indicat lit. A. Superimpoſita inſcriptio ſic ſe habet. Η ΜΕΤΑCΤΑCΙC ΤΟΥ ΑΓΙΟΥ ΙΩ ΤΟΥ ΘΕΟΛΟΓΟΥ. *Translatio S. Joannis Theologi.*

XXVI. Hæc Imago S. Bartholomæum Apoſtolum designat, habet enim ad latera epigraphen: Ο ΑΓΙΟC ΒΑΡΤΟΛΟΜΕΟC. *S. Bartholomæus.*

XXVII. In hac Tabula exhibetur martyrium S. Thomæ Apoſtoli, qui lanceâ perfoditur. Inſcriptio eſt. Ο ΑΓΙΟC ΘΩΜΑC ΛΟΧΙ ΥΠΟ ΗΝΔΙΑ ΤΕΛΗΟΥΤΕ. *S. Thomas lanceâ in India moritur.*

XXVIII. Forma martyrii Sancti Philippi Apoſtoli hîc deſcribitur. Ο ΑΓΙΟC ΦΗΛΗΠΠΟC ΚΑΤΑΚΕΦΑΛΗC CΤΑΥΡΟΘΗC ΤΕΛΙΟΥΤΕ. *S. Philippus adverſo capite crucifixus moritur.*

XXIX. S. Jacobi cognomento Minoris imago, nam de Majori dicitur infra ſub num. 46. Titulus eſt: Ο ΑΓΙΟC

Ο ΑΓΙΟC ΙΑΚΟΒΟC. *S. Jacobus.*

XXX. Hic exhibetur cadaver S. Matthæi, Hebræorum more fasciis involutum, & in sarcophago positum, necnon sarcophagi operculum signatum lit. B. Inscriptio est: Η ΚΥΜΗCIC ΤΟΥ ΑΓΙΟΥ ΜΑΤΘΕΟΥ.

Obitus S. Matthæi.

XXXI. Hæc Tabula S. Lucam Evangelistam exponit, inscriptio enim est. Ο ΑΓΙΟC ΛΟΥΚΑC. *S. Lucas.*

XXXII. Designatur hic Moses, qui apertum volumen sinistrâ tenet, cum epigraphe. Ο ΠΡΟΦΗΤΗC ΜΩΥCIC: *Propheta Moses.* Ejus volumen characteribus Latinis hæc exprimit.

V I D E
V I T I S
V I T A
V R A
P E N
D E N

Quæ sic (ni fallor) legenda sunt: *Videbitis vitam vestram pendentem:* Christum scilicet crucifixum (qui Peccatorum omnium vita fuit) è Cruce pendentem.

XXXIII. Sequitur Davidis imago, cum titulo: Ο ΠΡΟΦΗΤΗC ΔΑΔ. *Propheta David.* Iste etiam volumen explicat, ubi hæc leguntur.

A V D I
F I L I A
E T V I D E
E T
I N C L I N A
A V R E M
T V A M.

XXXIV. Propheta Hieremias in hac Tabula denotatur, ut docet titulus: Ο ΠΡΟΦΗΤΗC ΙΕΡΕΜΙΑC. In ejus volumine hæc conspiciuntur.

H I C

D S N R

E T N

I M P V

T A B I

T V R

A L I V S

XXXV. Succedit Propheta Elias, eundem ferè aliorum aspectum referens, cum inscriptione: Ο ΠΡΟΦΗΤΗC ΗΛΗΑC. *Propheta Elias.* In volumine notata sunt Græco charactera verba subsequencia.

E Γ Ν Ω
.. Π Α C
Ο Λ Α Ο C
Ο Τ Ι C
.. C I M
Ω Ν Ο C
Κ C Ο Θ Ο
Η Λ Κ Α
Γ Ω Δ Ο Υ

Quæ inscriptio, cum lacunis quibusdam informis sit, legi non potuit, & ideo ab illius versione abstinere, cogimur. Attamen si conjectari licet, in prima lacuna literas K E desiderari censeo, quibus appositis sensus erit: *Cognovit omnis populus, quod tu solus Dominus Deus.....* A duabus postremis lineis penitus abstineo, cum mendis corruptissimæ appareant.

XXXVI. Ultimum istius columnæ locum obtinet Propheta Habacuc, eodem habitu quo superiores delineatus, habetque in volumine:

D S A L I
B A N O
V E N I
E T D E
S C S
D E M O
N T E.

Ad utrumque latus ita scriptum est:
Ο ΠΡΟΦΗΤΗΣ ΑΒΑΚΟΥΚ. *Propheta Habacuc.*

XXXVII. Hæc Figura S. Philip-
pum Apostolum repræsentat, ut li-
quet ex literis. Ο ΑΓΙΟΣ ΦΗ-
ΛΗΠΠΟΣ. *S. Philippus.*

XXXVIII. In sequenti Tabula
S. Simonis Zelotæ crucifixio inscul-
pta est, ibi enim legitur. Ο ΑΓΙΟΣ
ΣΙΜΩΝ Ο ΖΗΛΟΤΗΣ ΣΤΑΥ-
ΡΩΘΗΣ ΤΕΛΗΘΥΤΕ. *S. Simon
Zelota crucifixus moritur.*

XXXIX. In hoc numero S. Mat-
thæum insinuant hæc verba: Ο Α-
ΓΙΟΣ ΜΑΤΘΑΙΟΣ. *S. Matthæus.*

XL. Mors S. Marci Evangelistæ
hîc describitur, ut docet sequens in-
scriptio: Ο ΑΓΙΟΣ ΜΑΡΚΟΣ Ο
ΕΥΑΝΓΕΛΙΣΤΗΣ ΕΝ ΑΛΕΞΑΝ-
ΔΡΙΑ ΤΕΛΗΘΥΤΕ. *Sanctus Mar-
cus Evangelista Alexandria moritur.*

XLI. In Tabula Quadragesima
primâ Figurarum loco hæc carmina
descripta sunt.

✠ PAVLE BEATE PRECES DOMINO NE
FUNDERE CESSES
CONSVLE MALFIGEENO PRO PAN-
TALEONE ROGANDO
DVCTVS AMORE TVI QVI PORTAS
HAS TIBI STRVXIT
ERGO SIBI PER TE RESERETVR JA-
NVA VITAE
SVPLEX ERGO PETIT DOMINO QVI
SEMPER ADESTIS
HVIC PRECIBVS VESTRIS DS ANNVAT
ESSE QVOD ESTIS.

XLII. Cernitur hîc Propheta Isaias
ambabus manibus volumen extensum
tenens, cum hisce verbis.

EC
CE
VIR
GO N
OT...

Ultimæ literæ desiderantur. Titu-
lus verò est. Ο ΠΡΟΦΗΤΗΣ ΙCA-
HAC. *Propheta Isaias.*

XLIII. Figuratur hîc Propheta
Ezechiel, qui etiam volumen fini-
strâ suspensum tenet, ubi hæc le-
guntur.

INDV
XIT
ME PER
VIAM
PORTE
BO
REALIS.

Titulus, qui hinc inde visitur, est.
Ο ΠΡΟΦΗΤΗΣ HEZEKIAH. *Pro-
pheta Ezechiel.*

XLIV. Subsequitur Elisæus eo-
dem modo expressus quo alii, præ-
ter ea, quæ in volumine continentur,
Græcè descripta, nempe:

ΕΓΩ
ΑΠΟΣ
ΤΟΜΑ
ΤΟΣ
ΥΨΙC
ΤΟΥ ΕΞ
ΗΛΘΟ
Ν.

Quæ latinè reddita sic sonant: *Ego ab
ore Altissimi exivi.* Epigraphe sic
adnotatur. Ο ΠΡΟΦΗΤΗΣ ΕΛΙ-
CAIE. *Propheta Elisæus.*

XLV. Postremum locum obtinet
Sophonias, qui in suo volumine habet.

EX
PEC
TA
IN DIE
RESVR
REC
TION
EM.

Ejus

Ejus nomen: Ο ΠΡΟΦΗΤΗΣ ΚΟΦΟΝΙΗΣ. *Propheta Sophonias.*

XLVI. Loculus iste Martyrium B. Jacobi Apostoli, Majoris appellati, ostendit his verbis: Ο ΑΓΙΟΣ ΙΑΚΩΒΟΣ ΜΑΧΕΡΑ ΥΠΟ ΗΡΩΔΟΥ ΤΕΛΙΟΥΤΕ. *S. Jacobus gladio sub Herode moritur.*

XLVII. In hac Tabula S. Simonis Apostoli effigies est, ut nomen indicat: Ο ΑΓΙΟΣ ΣΙΜΩΝ. *S. Simon.*

XLVIII. Hic S. Lucæ Evangelistæ obitus designatur. Ejus corpus sepulchro mandari cernitur: tres circa eum legentes stant, necnon Presbyter cum thuribulo Græcorum more cadaver fumigans. Lemma est: Ο ΑΓΙΟΣ ΛΟΥΚΑΣ ΕΝ ΙΡΗΝΗ ΤΕΛΙΟΥΤΕ. *S. Lucas in pace moritur.*

XLIX. Visitur hic imago S. Marci Evangelistæ, ut patet ex titulo: Ο ΑΓΙΟΣ ΜΑΡΚΟΣ. *S. Marcus.*

L. Hic est Græca Crux, ut in oppositâ parte delineata, cum Christi nomine ad latera. IC. XC.

LI. Propheta Ezechias cum extenso volumine hic repræsentatur, juxta suum lemma. Ο ΠΡΟΦΗΤΗΣ ΕΖΕΚΙΑΣ. *Propheta Ezechias.* In volumine hæc scripta sunt:

CY
MON
OC KC
Y YHC
TOCE
ΠΙ ΠΑΣ
ΑΙC ΤΑ
ΙC ΒΑ
CΙΑΕ
ΙΑΙC.

Quæ verba latinè sic sonant: *Tu solus Dominus Altissimus super omnia Regna.*

LII. Exprimitur in hoc loculamento Figura Danielis Prophetæ, cum ejus nomine: Ο ΗΡΟΦΗΤΗΣ ΔΑΝΙΗΛ. *Propheta Daniel:* & cum solito volumine, in quo hæc habentur:

CONSTITVET BS
CELI
REGNUM
QVO
B. ERIT
IN
ÆTERNVM.

LIII. In penultima harum valvarum parte figuratur Jonas Propheta, ut ex inciso ibi nomine: Ο ΠΡΟΦΗΤΗΣ ΙΟΝΑΣ. *Propheta Jonas.* In volumine, quod sinistrâ tenet, hæc adnotantur.

CLAMAVI
DE
TRIBVLATIO
NE.

LIV. Postrema, five infima earundem valvarum pars continet Aquilam, ut in parte oppositâ sub num. IX. dictum est.

Hactenus Figuras, & Inscriptiones in eis contentas ostendimus, & explicavimus: superest pro hujusmodi descriptionis coronide nonnullas alias inscriptiones, quæ in eadem Janua literis A. B. C. D. notatæ leguntur, recensere.

Porrò in A. hæc habentur, & prout jacent, hic referuntur.

F ΠΑΝΤΑ

PANTA
LEON STRA
TVS VENIAM
MIHI POC
CO REATVS.

In B. inscriptio est characteris Arabici, quam sic interpretatus est clar. Vir Joannes Matthæus Naironus, in Bibliotheca Vaticana Orientalium, linguarum scriptor, & interpres, videlicet. *Operatus est in hac janua Virtute Dei Oportet ut quisquis legit, oret pro eo:*

In C. tertia est inscriptio characteris, atque idiomatis Græci, quam sic exponimus.

ACTVM EST MANV MEA
STAVRACII TVCHITI.
LEGENTES,
ORATE ETIAM PRO ME.

In D. alia legitur inscriptio ex rudi characterè Latino, quæ quibusdam mendis, Latinæ linguæ peritis satis patentibus, est informis. Illius exemplar, licet melioribus literis, sic exhibeo.

ANNO MILLESIMO SEPTVAGESIMO AB INCARNATIONE
DNI TEMPORIBVS DNI ALEXANDRI SANCTISSIMI PAPÆ
QVARTI ET DNI ILDEPRANDI VENERABILI MONACHI
ET ARCHIDIACONI CONSTRUCTE SVNT PORTE ISTE
IN REGIA URBE CONP. ADIVVANTE DNO PANTALEONE
CONSVLI QVI ILLE FIERI IVSSIT.

Ultra errores Linguæ Latinæ, evidens ille est numeri designantis Pon-

tificem, cum anno 1070. non regnaret Alexander IV. sed Alexander II. nec dici potest in numeri characteribus errorem esse, cum iste ad longum literis expressus sit. Procul dubio est Alexander II. qui vivebat eodem anno 1070. Alexander verò IV. floruit anno 1254. atque ita neutiquam de hoc Pontifice intelligi potest. Notandum prætereà, quod nomen ILDEPRANDI Monachi, & Archidiaconi, in eisdem valvis expressum est, quem pro certo habeo fuisse Hildeprandum illum, qui primò Monachus fuit Cluniacensis, postea Subdiaconus S. R. E., deinde Archidiaconus, ac demum Romanus Pontifex sub nomine Gregorii VII. cujus egregia, atque præclara facinora plures Scriptores enarrant.

Licet ad prototypi formam, è characteribus in valvis æreis incisis, transcripserim hanc inscriptionem; subaudio mihi objici, Baronium ad an. 1070. aliter eam referre, nempe non *Alexandrum quartum*, sed *secundum* scripsisse. Cui objectioni respondeo, me propriis oculis illam vidisse, ac fideliter transcripsisse, & ita etiam illam referre P. Margarinum in suis Inscriptionibus antiquis Basilicæ S. Pauli pag. 2. nu. 8. & Pompejum Ugonium in Historia Stationum Romæ pag. 235. Quod autem Baronius aliter ediderit, excusandus est, quia in texenda Historia occupatus, non potuit omnia oculariter videre, sed Amanuenses mittebat; quare existimavit illam corruptam fuisse, & absque ulteriori indagatione illam correxit, non solum in hac voce, sed in omnibus aliis.

Denique hanc valvarum S. Pauli descri-

descriptionem non injucundam Lectori fuisse existimamus, tum propter Figurarum diversitatem, tum etiam propter eruditionem in illis contentam; quare rem gratam facturos putamus, si similes aliarum Ecclesiarum valvas eodem modo exponemus.

C A P U T V.

De æneis Valvis, in Vaticana Basilica nunc extantibus.

NOSTRÆ intentionis est, ut jam demonstravimus, vetera Ecclesiarum monimenta in lucem revocare; ideoque inter alia, nonnulla antiqua hieroglyphica in Ecclesiarum januis adhuc extantia, ac duas etiam januas, seu valvas æneas, quæ in D. Pauli Basilica adhuc cernuntur, ostendimus, & descripsimus. Nunc proprium erit si etiam hic alias æneas valvas Vaticanæ Basilicæ referamus, quæ licet longam annorum non redolent seriem, redolent tamen quid magnificum, & Regale, tum propter earum magnitudinem, tum ob cælaturam, sacrasque historias, in eisdem anaglyphico opere expressas. Utinam adhuc superessent illæ valvæ argenteæ, à S. Pontifice Honorio hujus nominis I. qui floruit anno 626. constructæ, de quibus Bibliothecarius in ipsius Pontificis vitâ sic scribit. *Hic temporibus suis multa bona fecit. Erudit Clerum temporibus suis, renovavit omnem familiam B. Petri Apostoli, & investivit Confessionem B. Petri ex argento puro, quod pensat libras centum octuaginta & septem. Investivit regias januas in ingressu Ecclesiæ majores, quæ appellantur medianæ, ex*

Par. I.

argento, quæ pensant libras noningentas septuaginta quinque &c.

Has pretiosas valvas mirâ magnificentia, ac liberalitate à tanto Pontifice factas, inexplibilis Saracenorum avaritia anno 846. diripuit: quare Beatiss. Leo Papa IV. easdem paullò post direptionem pristino splendori restituit, ut narrat idem Scriptor, videlicet: *Ipse insignis Præsul, cum innumera summi decoris opera in Basilica B. Petri Cæli Clavigeri perfecisset, portas quas destruxerat Saracena progenies, argentoque nudarat, crexit, multisque argenteis tabulis lucifluis, salutiferisque historiis sculptis decoravit, & in meliorem speciem, quàm pridem fuerant, reparavit, ut omnes qui in eandem Basilicam ingredi volunt, laudes Deo omnipotenti, sanctoque suo Præsulatui referant, & exposcant, ut multa annorum suæ vitæ curricula extendantur, quia tanti fulgoris opere, tantoque pulchritudinis pondere, aulam Dei argento pensante libras septuaginta, ornavit.* Hæ etiam valvæ periære, cum nil sub Sole sit, quod temporis ingluvies non devoret: quomodò autem perierint, ignoratur; sed non abs re conjectandum est, argenteas laminas, quibus valvæ ipsæ fuerant investitæ, paulisper temporis progressu ablatas fuissæ: unde san. mem. Eugenius IV. denuò has æneas valvas, quas nunc videmus, construi fecit; & licet istæ antiquas in metalli pretiositate non æquent, excellunt tamen (ni fallor) in cælaturis, cum posteriora sæcula in similibus operibus Leonina superaverint, ut pluribus exemplis demonstrari potest, quæ brevitati consulendo omittuntur. Earundem valvarum altitudo est palmorum 33. latitudo

F 2

verò

verò 16 $\frac{1}{4}$. Turrigius antiquarum rerum Vaticanæ Basilicæ diligentissimus Scriptor, in suis *Cryptis Vaticanis* pag. 155. præfatas æneas valvas ab Antonio Philarete Florentino elaboratas fuisse asserit; & in earum fabrica duodecim ferè annorum spatium impendisse. Occasione autem constructionis novæ Basilicæ, à san. mem. Paulo V. factæ, ab eodem Pontifice restauratas fuisse legitur in ipsarum valvarum fastigio. Has valvas (ut diximus) jussu Eugenii IV. fabricatas testabantur carmina, in eis, aut propè eas incisa, quæ carmina. Honuphrius Panvinus *De Septem Urbis Ecclesiis* pag. 37. sic refert:

*Ut Græci, Armeni, Æthiopes, hinc
aspice ut ipsa*

*Romanam amplexa est Gens Jacobi-
na Fidem.*

*Sunt hæc Eugenii monumenta illustria
Quarti,*

Excelsi hinc animi sunt monumenta sui.

Earundem valvarum Iconem, sicut ad præsens sunt, in Tab. XIX. exponimus, ut eam contemplando, curiositati tuæ, benigne Lector, plenius satisfacere possis; ac pro majori Figurarum in eisdem valvis expressarum intelligentiâ, sequentes notas addidimus.

1. Numerus Insignia Gentilitia Pontificis Eugenii IV. denotat.

2. Duas claves, Romani Pontificis Insignia demonstrat, nempe utranque Potestatem ligandi, & solvendi, Romano Pontifici a Deo concessam.

3. Salvatoris Imaginem repræsentat, ut ipsa epigraphe docet.

4. Effigiem habet B. Virginis Mariæ; ad cujus pedes legitur Salutatio

Angelica: *Ave Maria gratiâ plenâ.*

5. 6. In hac areola duos hos numeros continente, Imperatoris Palæologi accessus Ferrariam, pro unione Græcorum cum Latinis, ostenditur. Hanc historiam refert Raynaldus in suis Annalibus Ecclesiasticis ad annum 1438. num. 6. & 7. Anaglyphicum igitur opus sub num. 5. Pontificiæ navis, sive potius triremis, nec non Imperatoris à Venetis littoribus discessum, ac in Ferrariense littus appulsum exprimit, qui accidit die 8. Martii præmemorati anni. Sub num. 6. designatur Eugenius IV. Papali tiarâ redimitus, ac sedens, dexteramque Imperatori porrigens, qui nudato capite, & altero genu provolutus cernitur.

7. 8. Altera areola duos hos numeros comprehendens, alias actiones ejusdem Imperatoris demonstrat, nempe sub num. 7. Sessionem publicam Oecumenici Concilii Florentini, habitam die 6. Julii, anno 1439. in qua interfuerunt Summus Pontifex Eugenius IV., & Imperator Constantinopolitanus Joannes Palæologus. In eadem Sessione decretum fuit Fidei Symbolum à Juliano Cæsarino Presbytero Cardinali Tit. S. Sabinæ, & à Bessarione Archiepiscopo Niceno. Sub num. 8. repræsentat Imperatoris à Florentia discessum, Venetias, & Constantinopolim versûs. Has Figuras sub præfatis quatuor numeris contentas, in majori forma ostendit Petrus Lambecius in sua Bibliotheca Cæsarea tom. 8. pag. 504. Itidem Macrocrus unicam tantum refert, illam videlicet sub num. 7. occasione vocis *Calyptra*, quam diadematis genus esse declarat, panno purpureo, & au-

PAVLVS.V
PONT. MAX.

T.XIX
ESTAVRAVITA
PONTIFICA.XV



PAVLVS.V
PONT. MAX.



ISALVAT. MVNDI



S. PAVLVS APOSTOLVS



T.XIX
RESTAVRAVITA
PONTIFICA.XV



IAVE MAR. CRAT. PLERN



S. PETRVS APOST.



ro intexti, sursumque vergi, ac ad pyramidem superficie diffundi.

9. Præfens area Figuram exhibet stantem D. Petri Apostolorum Principis, qui dexteram Eugenio IV. genuflexo, ac deosculanti porrigit, quasi tradens eidem Pontifici claves: sinistra verò librum, scilicet Evangeliorum, tenet.

10. Exprimitur in hac area S. Paulus, qui dexterâ enssem, sinistra itidem librum tenet. Ad pedes vas est, per quod repræsentari puto vas illud, de quo in Act. Apost. c. 9. 15. ubi Dominus dixit Ananiæ. *Vade, quoniam vas electionis est mihi iste.* Quem locum exponit S. Isidorus Pelusiota lib. 4. Epistolâ ad Arsenuphium Lectorem sub num. 80. scilicet: *Vas electionis, idest electum mihi est iste.*

11. 12. Hoc Parallelogrammum, divisum est in duas partes. In primâ signatâ num. 11. exhibetur ingressus Legatorum Æthiopum in Urbem Romanam anno 1441., quorum primarius Andreas S. Antonii Abas: miserat enim Eugenius ad illos, nempe ad Jacobitas Orientales, Albertum Minoritam, ut eosdem à schismate revocaret, & ad Catholicæ Romanæ Ecclesiæ unionem reduceret; qui egregiè navatâ operâ profecit, ut Legatos ad Summum Pontificem pro hac unionem impetranda mitterent. Legati igitur ad Florentinum Concilium convenerunt, & in Congregatione habita die 21. Augusti ejusdem anni, in qua interfuerunt Pontifex, ac Cardinales, alique Magistri & Doctores, idem Abas comparuit, & Syriaco idiomate, quod etiam in Latinum translatus fuerat, sui adventûs causas, quarum præci-

pua erat præfata Unio Æthiopum Jacobitarum cum Ecclesia Romana, exposuit. Quarè hujusmodi petitioni benignè assensit Eugenius Pontifex, ut in secunda parte, signata num. 12. ubi visitur Papa sedens, qui Fidei formulam tradit eidem Abati. Historiæ seriem invenies apud laudatum Raynaldum ad annum 1441. num. 1. & seqq. Ambas has Icones separatim in ampliori forma expressas invenies etiam apud dictum Lambecium loco citato post pag. 504.

Procedamus modò ad alterum Parallelogrammum, quod in tres dividimus sectiones, seu numeros. In iis designantur duo Legati missi ex parte duarum Nationum, nempe Chaldæorum, & Maronitarum, ad Sanctissimum Pontificem Eugenium, qui cum de cunctarum animarum salute valde esset sollicitus, jam ante in Cyprum Andream Archiepiscopum Colocensem miserat, ut ad Orthodoxæ Fidei puritatem illas Nationes reduceret; quarè ii, qui Nestorii hæresi eoque imbuti fuerant, vel Macarii impietatem sequebantur, easdem hæreses, suadente ipso Andreâ Archiepiscopo, abjurare decreverunt. Timotheum igitur Chaldæorum Metropolitam, & Eliam Episcopum Maronitarum, ad profitendam omnium nomine Catholicam Fidem coram Romano Pontifice, illicque ritè ac demissè obedientiam præstandam, designarunt. Legationem suscepit Timotheus, Elias verò suo nomine Isaac delegavit. Hi ambo in Romanam Urbem, ubi tunc Eugenius degebat, equitantes ingressi, sub n. 15. ostenduntur. Sub num. 13. iidem repræsentantur, qui ad pedes Romani Pontifi-

tificis provoluti, in publica Sessione, in ædibus Laterani habitâ, omnibus honoribus, ac privilegiis, quibus alii Catholici fruuntur, donati fuere. Sub num. 14. eorundem ab Urbe discesum denotari autumo. Quæ hîc retulimus, narrat laudatus Raynaldus ad annum 1445. num. 20. & seqq.

16. In hoc quadrato Beati Petri Apostolorum Principis Crucifixio in monte Janiculo demonstratur. Visitur in throno sedens impius Nero Imperator, Apostoli Crucifixioni adstant, cum innumera Populi multitudine. Cernitur etiam Tyberis fluvius, propè quem est Hadriana moles, & juxtâ eam Pyramis, nunc demolita, ubi olim Scipionem Africanum sepultum fuisse fama est; quam etiam in ampliori forma infrâ referemus Cap. XIX., ubi *de Sepulchrorum formis* sermo erit, in Tab. XL. Fig. 4. Procul ab Hadriana mole cernitur alia Pyramis, quæ pro illâ ad portam Trigemina apposita est. Nec finè consilio ambæ hæ Pyramides fuerunt hîc exculptæ, sed datâ operâ, ad denotandam ejusdem Apostoli Crucifixionem, quam inter duas metas, scilicet inter duas Pyramides, secutam fuisse narrat Torrigius in suis *Cryptis Vaticanis* pag. 194. antiquorum Scriptorum auctoritate suffultus. Non ignoro D. Petri martyrium Romæ passum ab aliquibus Heterodoxis in dubium revocari; sed vide quæ eruditè, & copiosè scripsit Franciscus Maria Florentinus in suo Martyrologio Lucensi ad diem 29. Junii.

17. In hoc itidem Quadrato exprimitur S. Pauli Apostoli ad Aquas Salvias decollatio, præsidente eodem Imperatore.


CAPUT VI.

De antiquis Valvis æneis Primitialis Ecclesiæ Pisarum.

PISARUM Urbem inter Italiæ nobilissimas jure connumerari, nemo est qui ambigat. Nam si vetustatem ejus inspiciamus, Romanorum Colonia fuit; si belli decora, sæculis antea actis adeò floruit in armis, ut tercentum triremium Classem instituerit. Nec in spiritualibus minori honore refulget, cum Corsicæ Metropolis, Sardiniaque Primas, ac mirandis quibusdam tam sacris, quàm profanis ædificiis, eorumque ornamentis conspicua adhuc sit. Ex iis autem illas maximas ex ære Valvas propriæ Metropolitanæ Ecclesiæ, huic nostro Operi tribuit, quarum exemplar nobilis Vir Abas Gaspar del Torto, dignissimus ejus Urbis Patritius, officiosè nobis exhibuit, qui eas tum propter cælaturam, seu potius anaglyphicum opus, tum etiam ob varias Figuras, sacram Historiam representantes, inter vetera sacra monimenta adscribendas esse censuimus. Antequam autem ad illarum descriptionem deveniamus, quo tempore constructæ fuerint demonstrare operæ pretium esset; sed cum id penitus ignoretur, filere cogimur. Scimus tamen non in eadem Urbe conflatas, sed aliunde adductas fuisse; verum an ex Hierosolymis, vel potius ex Insulis Balearibus, à Pisanis sub sæculo XII. subactis, incertum est. Hanc secundam opinionem, (ultraperantiquam in eadem Urbe traditionem) confirmat recens Annalium Pisa-









Pifarum Scriptor Paulus Tronci pag. 56. ubi eam victoriam relatam enarrat anno 1117. ac inter alia opima spolia, manubiasque à victis hostibus reportatas, duas fuisse columnas porphyreticas, & quasdam valvas æneas asserit, quas Metropolitanæ Ecclesiæ Pifarum dono sacrarunt. Has igitur, quarum exemplar ob oculos ponitur, eas esse ambigendum non est, tum si cælaturæ genus inspicias, tum etiam si barbaras voces in eisdem insculptas legas, ut infra clariùs apparebit.

Hic verò Lectorem monitum cupio, quod æris incisor in incidendo exemplaris perturbavit ordinem, ea enim quæ sunt ad dexteram, posuit ad sinistram, & econtrà. Ego igitur genuinum sacræ Historiæ ordinem sequens, initium sumam ab infima areola dextri lateris, nempe a literâ

A. in qua demonstratur Annuntiatio B. Mariæ Virginis, ut Figuræ, & ipsa Epigraphe, AVE MARIA GRATIA PLENA, satis, & abundè docent.

B. Clarum æquè ac superius est hoc Mysterium, quo Visitatio B. Mariæ Virginis, & occurfus S. Elifabeth, & utriusque salutatio exhibetur. Inscriptio tamen barbara, & obscura est, nempe SLA LISABE, quæ vox SLA *Salutatio*, vel *Sancta* exponi debet.

C. In tertia hac area Nativitas Christi Domini exprimitur. Visitur mons, ac super eum oves, atque Pastores, necnon duo Angeli, Domini Nativitatem Pastoribus annunciantes: inferiùs verò Maria Virgo veluti in antro, per quod Præsepe repræsentatur. Ibidem & nonnullæ ima-

gunculæ sunt, quæ nisi ex superiùs dictis, & ex ipso Tabulæ titulo conciperemus, quid indicent, arguere nullo unquam pacto possemus.

D. Vides in hoc quarto loculameto tres Magos, qui cum magnâ hominum, fervorum scilicet multitudine, sarcinis onustâ, ad Jesum Puerum adorandum accedunt; ut fusè narrat Matthæus cap. 2. 2. & seqq.

E. Habes in hac area Christi Pueri præsentationem in Templo, quam S. Lucas cap. 2. 27. sic tradit: *Et cum inducerent Puerum Jesum parentes ejus, ut facerent secundum consuetudinem legis pro eo: & ipse accepit eum in ulnas suas, & benedixit Deum, & dixit: Nunc dimittis servum tuum Domine, secundum verbum tuum in pace &c.*

F. Hujus loci Epigraphe est: FUGA IN EGIPTV. P. cum scilicet Angelus apparuit in somnis Joseph, & dixit ei: *Surge, & accipe Puerum, & Matrem ejus, & fuge in Ægyptum*: teste Matth. cap. 2. 13.

G. Paucis hisce Figuris immanissima Puerorum strages ostenditur, quam habes apud Matthæum c. 2. 16. *Tunc Herodes videns quoniam illusus esset à Magis, iratus est valde, & mittens occidit omnes Pueros, qui erant in Bethlehem, & in omnibus finibus ejus à bimbatu, & infra, secundum tempus, quod exquisierat à Magis &c.*

H. In hac tabula Christi Jesu Baptismus in Jordane, Joanne ministro, & duobus Angelis in obsequium, famulatumque adstantibus, perspicuus est. Inscriptio: BAPTIZAT.

I. Magna hîc premerer obscuritate, nisi ipsa licèt confusa inscriptio, TEMPTATADABOLO (quæ legi debet: *Tentatur à Diabolo*) hoc mihi Hic-

Hieroglyphicum explicaret . Sedet hîc supra rupem Christus, supra aliam verò humiliorem stat Diabolus, alas uti Angelus gerens . Ponè hunc duæ columnæ confurgunt, quas ferrum, sive quid aliud connectit, atque inde è medio lampas pendet . Columnis imminet arcus, eique constructio quædam incumbit, quâ fortè Templum significatur, ut habemus apud Matthæum cap. 4. 5. *Tunc assumpsit eum Diabolus in sanctam Civitatem, & statuit eum super pinnaculum Templi.*

K. In hoc decimo loculamento Transfiguratio Domini repræsentatur, ut ipsa licèt rudis inscriptio sat indicat . Mysterium hoc Evangelista Matthæus cap. 17. 1. & seqq. sic prosequitur : *Et post dies sex assumit Jesus Petrum, & Jacobum, & Joannem Fratrem ejus, & ducit illos in montem excelsum seorsum : & transfiguratus est ante eos, & resplenduit facies ejus sicut Sol : vestimenta autem ejus facta sunt alba sicut nix . Et ecce apparuerunt illis Moyses, & Elias cum eo loquentes .*

L. Lazarum à Christo resuscitatum hîc habes, quod quidem ex Figurarum obscuritate, nisi ipsa epigraphe docuisset, ignoraremus . Bis ibi Lazarus repræsentatur: primò cùm in sepulchro jacebat, quod inter duas columnas situm est, lapide qui os sepulchri occludebat, aliquantulum ab eodem amoto: secundò cùm è tumulo egressus, ad pedes Domini eum vocantis accurrit . Supra columnas quid veluti mœnianum attollitur, unde tres viri miraculum admirantur . Inscripção autem est: DE LAZAR. idest: *De Lazaro resuscitato .*

M. Palmarum Festum hîc designatur, quod Evangelista Matth. cap. 21.

sic tradit: *Euntes autem Discipuli fecerunt sicut præcepit illis Jesus, & adduxerunt asinam, & pullum; & imposuerunt super eos vestimenta sua, & eum desuper sedere fecerunt . Plurima autem turba straverunt vestimenta sua in via; alii autem cedebant ramos de arboribus, & sternebant in via . Turbæ autem quæ precedebant, & quæ sequebantur, clamabant dicentes: Hosanna filio David &c.*

N. In decimatertia areola Christus pedes Apostolorum lavat, ut ex literis: LAVATIO PEDV. , quarum postremæ aliam, videlicet M. addas necesse est, ut *pedum* sonet . Stat Christus tanquam altercans ante Petrum sedentem, cui proxima est pelvis, & à tergo sunt alii Apostoli, supra Christum quiddam veluti Luna dimidiata dependet, quo nihil aliud, nisi duas lucernas denotari pro certo habeo .

O. Nisi ex inscriptione quidnam significant Figuræ in hac areola contentæ edocerer, divinari certè non possem . Inscripção autem est: CENA DOMINI .

P. Infandum in hoc loculamento Judæ proditoris crimen exprimitur, qui, ut ait Joannes cap. 18. 3. & 12. *cùm accepisset cohortem, & à Pontificibus, & Phariseis ministros, venit illic cum laternis, & facibus, & armis . Cohors ergo, & Tribunus, & ministri Judæorum comprehenderunt Jesum, & ligaverunt eum, & adduxerunt eum ad Annam .*

Q. Quadratum hoc nullâ omninò eget explicatione . Visitur enim ibi Christus cruci affixus; propè crucem à sinistris B. Virgo Maria in lacrymas, gemitusque soluta: duæ aliæ

Figuræ

Figuræ à dextris, totidemque in aere Angeli, qui omnes Magistri, & Creatoris sui acerbissimum funus commiserantur.

R. In decimo septimo quadrato legitur: **DESPOLIATIO INFER.** scilicet *Inferorum*: exprimiturque sat luculenter articulus Symboli Apostolici, *Descendit ad Inferos*, quem Beatus Bruno Herbipolensis Episcopus sic exponit. *Descendit ad inferna, tertia die resurrexit à mortuis: & manente corpore in sepulchro, Anima ejus ad inferna descendit: de quo inferno SS. Patriarchas, scilicet Abraham, Isaac, & Jacob, & SS. Prophetas Esaïam, Jeremiam, & reliquos: & cæteros omnes, quos elegit, misericorditer liberavit, & tertia die victor resurrexit.* Consistit in medio Christus sinistrâ manu Crucem, quasi victoriæ trophæum ferens: dexteram verò quibusdam porrigens, quos ex antro, sive speluncâ deducit. Ad ejus pedes quidam prostratus jacet, quo fortasse artifex animas antiquorum Patrum in inferis quiescentes significavit. A tergo Christi Domini stant aliæ animæ jam è ferilibus mortis claustris educæ, & liberatæ, prout indicat arbor Palmæ, quæ victoriæ symbolum est.

S. In decimo octavo quadrato videtur Christi sepulchrum, ut ex inscriptione. In sepulchro Angelus sedet, & Mariæ ad illud accedunt, ut narrat Evangelista Matthæus in cap. 28. qui duas tantum nominat, scilicet Mariam Magdalenam, & alteram Mariam. Hic tamen artifex in Sacra Scriptura parum versatus, tertiam addidit, & ad basim sepulchri milites dormientes expressit.

T. Habes in hac area Christi Do-
Par.I.

mini Ascensionem, tum ex literis AS. quæ legi debent *Ascensio*, tum ex Figuris, quarum lex à dextris sunt, quinque à sinistris, & una in medio; denotantque undecim Apostolos cum MARIA matre JESU: ubi notandum est, duodecimum Apostolum consultò omissum, cum Judas mortuus esset; Matthias verò nondum electus. Super MARIAM Christus attollitur, & in coelum ascendit nube quadam elyptis, idest ovalis formæ, obvolutus, brachiis pectori admotis, & hinc inde duobus Angelis famulantibus, ac veluti nubem ferentibus. Quæ quidem omnia desumpta sunt ex cap. 1. 9. Actuum Apostolorum, ubi sic: *Et cum hæc dixisset, videntibus illis elevatus est, & nubes suscepit eum ab oculis eorum.* Quia verò alia quædam, quæ in eodem capite non habentur, solertia Pictoris expressit; nè alicui dubium pariant, ad trutinam revocanda sunt.

Primum est, in medio Apostolorum B. Virginem à Pictore positam esse; cui tamen favet Lorinus, qui in notis ad dictum caput & versiculum, præter Apostolos, gloriosissimam matrem Domini, & alios Discipulos interfuisse testatur, idque nonnullis Patrum sententiis comprobatur. Præter à Lorino allatos, consentiunt & Gaspar Sanctius, & Ludovicus de Ponte in meditat. *de Ascensione.*

Objici etiam potest, JESUM non raptum, non translatum, non Angelorum adminiculo, sed propriâ virtute subnixum, non gradientem, sed totum simul elevatum, in coelos super nubem ascendisse; quapropter malè in hac Figura duo Angeli, qui nubem elevant, adjecti sunt. Hoc

G

tamen

tamen Sacrae Scripturae, ac Patrum sententiis non repugnat, si D. Augustini Ecclesiae Doctoris iudicium expendamus. Ipse enim Serm. 176. *Super excelsa ergo Caeli* (inquit) *terrenum corpus imponitur, ossa intra sepulchri angustias paullo ante conclusa, Angelorum caetibus inferuntur: in gremium immortalitatis mortalis natura transfunditur.* Ac deinde: *Dum audis elevatum, agnosce militiae caelestis obsequium.* Et quidem Sacrae Scripturae, & Patrum sensibus Angeli apppositi non repugnant, quos cum eodem S. Augustino in obsequium Christi Domini affuisse credendum est. Quod autem nubem attollere, & elevare videntur, id Pictoris inscitiae tribuendum.

V. Transitus B. M. V. hic indicatur. Multa quidem de hoc sacro Mysterio dicenda essent, nisi me ab initio proposita compendiosa narratio, atque ipsius materiae gravitas ab hoc revocarent. Aliqua tamen cogimur prolixiori calamo prosequi; nam hac de re non una eademque antiquorum Patrum opinio est: Sed an Beata Virgo una cum corpore assumpta fuerit, nec ne, secum dissentiant.

Eruditissimus, & Ecclesiasticae Historiae, ac eruditionis parens Baronius, in notis Martirologii ad diem 15. Augusti, plures tam Graecos, quam Latinos Patres adducit, qui de Assumptione B. Dei Genitricis MARIAE tractarunt, & demum concludit, Dei Ecclesiam in eam partem propensio-riorem videri, ut una cum carne in coelum assumpta fuerit; nam in huius diei solemnitatem illas SS. Patrum Homilias legendas proposuit, quibus eadem de illius Assumptione firman-
tur. Quae quidem sententia tum plu-

rimorum Theologorum auctoritate, tum etiam communi Fidelium consensu jam probata, ac recepta est. Baronium sequitur Raynaldus in suis *Diptychis Marianis*, puncto 10. ubi fusius quaestionem tractat. Hanc Beatissimae Virginis Assumptionem nonnulli *Transitum*, seu *Dormitionem*, alii aliis vocibus appellarunt, ut videre est apud nuperum Scriptorem Petrum Lambecium in ejus Bibliotheca Caesarea tom. 8. pag. 129. quae omnia eruditè collegit R. D. Claudius Joly, Canonicus inclytæ Metropolitane Ecclesiae Parisiensis. Hæc autem idè præmittenda esse putavi, ut ea quæ infra referam, clariùs innotescant.

Petrus de Natalibus in suo Catalogo Sanctorum lib. 7. cap. 65. de Sanctis in mense Augusti occurrentibus, celebre hoc Festum Assumptionis facundè prosequitur. Ejus narrationis particulam, quæ Figuras nostras potissimum respicit, ad earundem explanationem adjiciam, cum reliqua apud præcitatos Auctores videri possint. *Cum igitur* (inquit Petrus) *die quadam cor Virginis in Filii desiderium vehementer esset accensum, itaut in lacrymas prorumperet abundanter; Gabriel Angelus eidem cum lumine adstitit, eamque reverenter salutavit, ac eidem ex parte ejus Filii dixit, quod post triduum esset à carne migratura, & cum Christo perpetuò regnatura. Ramum quoque palmæ eidem de Paradiso allatum præsentavit, quem antè ejus feretrum portari mandavit. Virgo autem de Nuncio læta, Deo gratias egit, & duas petitiones ab Angelo postulavit. Primò, ut Filii ejus fratres omnes Apostoli ad ipsam pariter congregarentur, quibus præsentibus spiritum Deo redderet, & omnes sibi*

sibi sepulture officium exhiberent . Secundò, ut cum spiritum emitteret, malignum Sathanam non videret . Porro hæc quæ in Petro legis, vides in nostro Iconismo, ubi Gabriel Angelus è coelo descendit, manu aliquid ferens, quod fortasse palma est. Colloqui etiam cum proxima Figura videtur, quæ brachia protendit, ac procul dubio Beatissimam Virginem aliqua ab Angelo postulantem significat. Feretrum, quod inferius est, & quod nonnulli circumstant, denotat ipsius Virginis dormitionem, & Apostolos circumstantes, & laudes Mariæ canentes. Literas verò M.G.S.M. (si divinari fas est) sic legerem: *Maria Gabriel significat mortem*, idest transitum ex hoc mundo. Verumtamen in hac narratione certi aliquid affirmare non audeo, Figuras tantummodo declarasse contentus.

X. His explicatis, remanent quatuor anguli, in quorum primo, nempe in parte superiori, signato lit. X., visitur Christus in throno sedens, ac benedictionem impartiens, cum tribus Angelis ad dexteram, totidemque ad sinistram, ipsum venerantibus. Legitur ex utraque parte hymnus Angelicus, qui & *Trisagios* appellatur, ab Apostolis institutus, & à B. Pontifice Sixto I. stabilitus, videlicet: *Sanctus, Sanctus, Sanctus Dominus Deus Sabaoth: pleni sunt Cæli & Terra gloria tua, Osanna, benedictus qui venit &c.* quæ ultima verba Angelorum alis obducta sunt. Circa Christi Domini caput leguntur hæc: *Ego lux Mundi.*

Y. In angulo ad sinistram, lit. Y. signato, Assumptio B. Mariæ Virginis exhibetur; quod quidem Myste-

rium, nisi ipsæ literæ indicarent, melateret omninò. In medio hujus loculamenti conspicua est Beatissima Virgo, veluti in quodam throno sedens. Ad dexteram duo Angeli cum duabus arboribus, totidemque ad sinistram, ac desuper titulus: **ASVNTA EST IN CELV.** legito: *in Celum.*

Z. In angulo dextero inferiori, lit. Z. signato, sex veteris legis Prophetæ repræsentantur, ut ex nominibus super adnotatis. Media etiam inter unum & alterum Palmæ arbor affurgit, quam semper in picturis apponere Christi Fideles consuevere; nam penes ipsos pro hieroglyphico, ut alibi dictum est, habebatur: ex qua animadversione colligimus, has valvas longè ante millesimum conflatas fuisse. Et licet in exemplari habeas illorum nomina, nihilominus cum lectu perdifficilia sint, nonnullaque compendiosè incisa, hîc ea repetere non incongruum existimamus. Subsequentia igitur sunt:

AMOS PROPHETA.

SOPHONIAS PROPHETA.

ZACARIAS PROPHETA.

JOHEL PROPHETA.

MICHEAS PROPHETA.

Sexti verò nomen deest.

A A. In sinistro inferiori angulo litt. A. A. signato, sunt aliæ sex Figuræ cum totidem arboribus, antiquos Prophetas item referentes, ut ex nominibus superpositis, scilicet:

A B A C H V C.

J O N A S.

D A N I E L.

Reliquorum trium nomina desiderantur.

CAPUT VII.

*De nonnullis ornamentis, quæ erant
in Basilicâ Sicinianâ, postea
S. Andreæ in Barbara
appellatâ.*

OMNIBUS in architectura vel leviter versatis notum est, Architectos consuevisse publica ædificia devictorum hostium Figuris ornare. Docet hoc ipse Vitruvius, artis illius princeps lib. 1. cap. 1. ubi pro columnis erecta fuisse ait marmorea simulacra, quæ Matronas Caryathides in in servitutem redactas repræsentarent: similiterque debellatorum Persarum statuis à Lacedæmoniis victoribus porticus exornatas. Qui mos inde ad Romanos transiit, itaut Arcus Triumphales Figuris hostium subactorum, ac spoliis insignirentur, uti eorum nonnulli Romæ adhuc stantes fidem faciunt. Imò prædictus mos adeò invaluit, ut non in Arcubus modò, sed etiam in Basilicis ad parietum ornatum ac decus, cum penè omni triumphî pompâ, triumphantium victorum imagines ponerentur.

Hæc omnia evidentissimè colliges è sequentibus Tabulis, extantibus olim in Basilicæ Sicinianæ parietibus, sive Ecclesiâ S. Andreæ in Barbara, de qua infra Cap. XXVII. fusiùs dicemus. Libet igitur hîc eas Tabulas plurimâ eruditione refertas, operosiùs contemplari, & historias, quæ in illis cælatae sunt, exponere.

Prima Tabula, quæ est in ordine XXI. adeò ornata est, ut in ea desiderari nihil possit, cum nonnullæ ibi contentæ areolæ, nempe tres, lepidis

historiis insignitæ sint; licèt aliæ areolæ historiis careant, quas temporum ingluvies partim devoravit; partim verò lapsæ, in alium usum conversæ fuerint, ut infra demonstrabimus.

Prima ex iis tribus areola, sive Figura, triumphalem currum exhibet, quem bini Leones trahunt. Sedet supra currum Vir, dexterâ Imperii scepro, more triumphantium, innixus. Currum præit eques, ipsique pedes quidam præcedit, ut vides. Cum diù hæsitassem in hujusmodi Historiæ enodatione, succurrit mihi Plinii senioris locus lib. 8. cap. 16. ubi legi, M. Antonium Triumvirum fuisse primum, qui Romæ Leones sub jugum conjunxerit, & currus trahere coegerit. Et quidem cum dimicatum esset civili bello in Pharsalicis campis, non sinè quodam ostentu temporum, generosos spiritus jugum subire illo prodigio compulsos significavit: nam quòd ita vectus est cum Mima Cytheride, supra monstra illarum calamitatum fuit. Quæ mea conjectura si admittatur, dubia quædam insurgunt, quibus solutis, historiæ non parva lux afferetur. Primum igitur dubium excitat Ciceronis locus in Philippica 2. contra M. Antonium, ubi ait: *Etenim quod unquam in terris tantum flagitium extitisse auditum est? tantam turpitudinem? tantum dedecus? Vehebatur in effredo Tribunus Plebis: Lictores laureati antecedeabant, inter quos apertâ lecticâ Mima (idest Cytheris) portabatur; quam ex Oppidis municipales homines honesti obviam necessario prodeuntes, non noto illo, & mimico nomine, sed Volumniam consalutabant. Sequebatur Rheda cum Lenonibus, comites nequissimi.*

Hunc

Fig. 1.




Fig. 2.

Fig. 3.




Fig. 4.



Fig. 5.



Fig. 6.




Fig. 7.



Fig. 8.





Hunc Ciceronis locum accuratissimus Victorius in suis variis lectionibus lib. 16. cap. 3. sic corrigendum putat: *Sequebatur Rheda cum Leonibus*, contra opinionem Hieronymi Ferrarii, qui maximam sedulitatem in Ciceronis Orationibus emendandis adhibuit, ut ipsemet Victorius fatetur, ejusdem Hieronymi Orationes adducens.

Secundum dubium est, quod locus Plinii Tulliano non consonat. Nam Plinius narrat Mimam Cytheridem in curru cum Antonio Romæ vectam fuisse; Cicero verò non Romæ, sed per Italiam; non curru, sed lecticâ. Hanc Auctorum discrepantiam benè animadvertit prælaudatus Victorius, additque: *Quod enim Plinius hoc factum narrat ab Antonio cum dimicatum esset in Pharsalicis campis, quod discrepat ab eo, quod à Cicerone hic, & in epistola ad Atticum traditur, negligentia illius Scriptoris assignandum puto, qui in temporibus lapsus sit, ut in multis aliis rebus sæpè peccat; & certè major fides Ciceroni habenda est rerum, quæ ipsius ætate factæ sunt, quàm Plinio, qui multis postea seculis vixit.* Pro quo notandum hîc obiter, inter Ciceronis, & Plinii obitum centum novendecim annos circiter intercessisse; nam Cicero occisus fuit ann. 40. ante Christi Nativitatem, Plinius verò in Vesuvii conflagratione decessit anno post Christum natum 79. Verùm unde digressa est, eò revertatur oratio, paulisper tamen suspensâ meorum dubiorum solutione, quæ ex infra dicendis apparebit.

Præcitata Figura demonstrat, ut diximus, M. Antonium curru triumphali vectum præcedente equite,

quem Anaxenorem Citharædum, à Plutarcho in ejusdem M. Antonii vita descriptum, arbitror: consueverat enim illum secum ducere; nam sic Plutarchus: *Ociosus ipse, & in pace agens, ad pristinam luxuriam revolutus est, & jam circa eum Anaxenor Citharædus, Xuthus Tibicen, Metrodorus Histrio, Chorusque totius Asiæ Musices confluebant &c.* Item Strabo lib. 14. *Anaxenorem Citharædum extulerunt quidem theatra; sed multò magis Antonius, qui eum tributi exactorem è quatuor Urbibus fecit, ac milites stipatores concessit.* Et cum Plinius fortasse ex traditione accepisset, M. Antonium in triumphum duxisse Mimam Citharædum, putavit illum ex nominis affinitate fuisse Mimam Cytheridem, quod remotissimum à veritate videtur. Duxit enim in triumphum, non Mimam Cytheridem, sed Mimam Citharædum, non curru vectum, sed equo ante currum, ut nostra Figura ostendit. Porro neminem, præter Plinium invêni, qui Mimam Cytheridem curru vectam fuisse asserat, sed lecticâ; id quod pluribus M. Tullius prosequitur, Antonium objurgans; cujus locus non videtur emendandus scribendo *cum Leonibus*, ut vult Victorius; sed in sua puritate relinquendus scribendo *cum Leonibus*, *comites nequissimi*, ut legitimus sensus suadet; nam cujus rei gratiâ epitheton *nequissimi*? certè Leonibus applicari nequit, cum idem denotet ac *improbi*, *perfidi*, *scelesti*, quæ voces ad mores, & ad animi pravitatem referuntur, & Leonibus nunquam competent, utpotè irrationalibus, utpotè brutis. Ulteriùs vocem illam *nequissimus* nulli, nisi homini, aptatam,

tam invenio, imò nec ulli aptari posse autumo. Item quo pacto Leones Antonii *comites* dici unquam poterunt? Siquidem illi propriè dicuntur *comites*, qui aliquem tanquam ducem sequuntur, non verò qui præcedunt, ut dicti Leones; & id variis Auctorum testimoniis patet. Valla inquit: *Comes est qui sequitur, & ducem habet*. Item Labeo §. *Si quis Virginis* ff. De injuriis, & famosis libellis: *Comitem accipere debemus eum, qui comitetur eam, & sequatur*. Plaut. Merc. 7. 63. *Nequè matrem illa satis honestè tuam sequi poterit comes*. Terent. Eunuch. 2. 3. 54. *Comites sequuti scilicet sunt virginem*. Ovid. 8. Metam. 5. *Terga sequentes comites*. Unde comes ab eodem Labeone sic definitur: *Qui frequentandi cujusque causa, ut sequeretur destinatus, in publico privatoque abductus fuerit*.

Idem ex orationis contextu apertè liquet: nam Tullius meritò *Lenones* nominat eos, qui M. Antonium à regia virtutis via avertebant. Sed quidnam isti? *Anaxenor Citharædus, Xuthus Tibicen, Metrodorus Histrio, Chorusque totius Asiæ Musices; Sergius Mimis, Cytharis quidam ex eadem Palæstra mulierculam amans; ac denique Scorti, & Mimi, quibus undequaque stipantibus circumvallatus ubique progrediebatur*.

Mea hæc conjectura duabus aliis fulcitur. Una est, quod si M. Antonius secum duxisset in triumphali curru Mimam Cytheridem, procul dubio duxisset etiam Cleopatram Reginam, quam perditè adamabat, cum triumphum Alexandriæ de Rege Armeniæ celebravit, idque minori famæ dispendio egisset. Altera, quod

Cicero M. Antonio infensissimus, Orationem suam ampliasset, ac infandum dixisset, quod cum triumpharet, severioris, militarisque virtutis oblitus, ac mulierosus, meretriculam sibi triumpho sociam adscisceret. Nec Ciceronem facinoris ignarum dicas, cum id populo inspectante actum fuerit: unde si ea tam graviter amplificavit, quæ per Italiam Antonius gessit, quidnam de gestis ab eodem in Urbe scripsisset? Notandum est etiam, præcitatam equitantis Figuram stapedes non habere, quibus antiqui carebant.

Secunda Figura satis clara est, cum duplicis rotæ vehiculum à geminis mulabus tractum ostendat. Quale autem huic vehiculo nomen tribuendum sit ambigo, cum Scriptores varia curribus indiderint, sive à forma, sive etiam ab ipsis inventorum nominibus. De Vehiculis copiosè scripsit Joannes Laurentius, ac postremò Joannes Schefferus.

Seriò tamen opinionibus meis inhærendo, videlicet quod Figuræ in hac Tabula expressæ M. Antonii historiam denotent, addo, vehiculum supradictum Effedum denominandum esse, de quo Cicero in eodem loco Philippicæ secundæ redarguit M. Antonium verbis supra relatis. Ponderat hunc locum laudatus Schefferus lib. 2. c. 5. & nescire se ait, cur istiusmodi currus usum Cicero objiciat Antonio. *Num quod esset peregrinum vehiculum, nequè Magistratum publicum deceret? An quod vilius haberetur?* Cui ego paucis satisfaciam.

Effedum vehiculi genus erat tum apud Britannos, tum apud Gallos usitatissimum, duarumque specierum, unius

unius ad bellum, alterius ad iter agendum: utrunque verò tam campeltre, quàm urbanum à Romanis etiam usurpatum. Porro urbana Effeda culta fuisse atque ornata, docet probatque idem Schefferus loco citato; ac propterea de nimio fortasse illius ornatu, ac luxu Cicero M. Antonium redarguit; vel quia tam celebri pompâ Mimam Cytheridem secum ducebat.

Ulterius Effedum esse conjicio ex eo, quod M. Antonius tam in Galliis, quàm in Oriente versatus, ab iisdem nationibus quandam vivendi normam, & genium hauserat. Nam à Gallis Effedum, ab Orientalibus fortè Mulas desumpsit, quæ apud eodem in pretio habebantur, ut scribit Spanhemius differt. 7. *De usu, & præstantia Numismatum*, occasione Nummi Agrippinæ, in quo ex una facie Agrippinæ caput conspicitur, ex altera Carpentum, ut expono in eadem Tabula Fig. 8. Illud autem idem est eum nostro in Figura 2. expresso, licet unicè differat in ornatu, cum simplicissimum illud sit, nostrum cultissimum, quod Tullius Antonio objiciebat. Cum tamen Nummus hic, quem refert Spanhemius, detritus sit, & corrofus, & Figurarum tantum delineationes appareant; id recognoscitur etiam ex collatione aliorum duorum Numismatum ejusdem Agrippinæ apud Oiselim, quæ hic habes in Fig. 6. & 7., cum alio simili Nummo Domitillæ, in ejusdem Oiseli Tab. 98. ubi duo superiora Agrippinæ Numismata reperies. In omnibus his visuntur Carpenta cum ornamentis diversis tamen à nostris, quæ differentia nominis diversitatem effi-

cere potuit: quippe ego inter Carpentum, & Effedum nullam, aut saltem minimam differentiam fuisse duco, cum ambo duabus rotis constarent, & illorum descriptiones ab Autoribus allatæ utrique conveniant. Addimus præterea Carpentis nomen, non ipsum vehiculum, sed vehiculi partem esse; idque deducimus ex Leg. 30. *de cursu pub.* in Cod. Theodol. ubi sancitur, nemini licere in Carpentis rhedarum mensuram excedere mille pondo: quare Carpentum credimus currum, cui superimposita erat sedes, sive rheda, uti hodie conspiciamus currus nostrarum rhedarum, quæ varia nomina sortitæ sunt, vel à magnitudine, vel à forma, cum Italico idiomate *Cocchio*, *Carrozza su le cingie*, *Carrozza sopra i ferri*, *Carrozzino*, *Poltrona*, *Poltroncina*, *Stufiglia*, *Manza*, aliisque id genus vocibus indigentur, sine ullo respectu, ab equisne, an à mulabus trahantur. Idem puto de Effedis, Carpentis, reliquisque istiusmodi, quæ cæteroquin similia, ornatu dumtaxat, vel perexiguâ sui parte differebant.

Tertia Figura ejusdem Tabulæ Consulem habet milites alloquentem, quorum unus eidem humanum caput, hastili summo infixum, exhibet. Unde non fallar judicio meo, si Consulem illum, Antonium esse asseverem; caput verò super hastam, Ciceronis esse: Nam in Comitibus M. Antonio concionem contra Tullium habente, allatum fuit à satellitibus Tullii caput, quod amputari mandaverat, ut in ejusdem vita Plutarchus innuit his verbis: *Fugulatus est autem collum ex lectica protendens, annum ætatis agens sexagesimum & quartum. Caput ejus,*
& ma-

& manus, quibus Orationes in Antonium Philippicas scripserat, jussu hujus amputavit Herennius; quæ cum essent Romam allata, Antonius, qui tum fortè Comitia habebat, audita re, & visis membris, exclamavit, finitas jam esse proscriptiones; ac pro rostris poni manus, caputque Ciceronis jussit, horrendum Romanis spectaculum. Plura Numismata cum similibus allocutionibus ad milites affert Oisellius in Tab. LXXXIX. itemque Sebastianus Erizius in quarta sui Operis editione, in M. Antonio, in Severo, in Antonio Caracalla, ac in Probo.

Tabula XXII. tria continet emblemata, in quorum primo visitur Hippocentaurus clavam sinistrâ tenens, & alas in humeris habens. Quid verò monstrum hoc denotare possit ignoro, quanquam in parietibus præfatæ Basilicæ extitisse pro certo habemus, & ejus emblematis exemplar desumpsimus ex Codice Vaticanæ Bibliothecæ sub num. 5407. pag. 100. Quod similia monstra extiterint inter Scriptores disceptatur: neutram tamen opinionem tueri volo, licet affirmativam defendere possem contra malè philosophantem Lucretium, & ejus asseclas. Solùm hîc indicasse lectori sufficiat, quod Balthasar Bonifacius Rhodiginus in sua Historia ludicra lib. 7. cap. 16. Hieronymus Magius lib. 1. miscell. cap. 10. Natalis de Comitibus lib. 7. cap. 4. hujusmodi monstra dari posse arbitrantur.

Secundum emblemata continet Leopardum, qui Cervum devorat; sed ut in pictura videre est, non modicam illius partem tempus absumpsit.

Tertium continet Leonem, qui Taurum dilacerat; omnia autem ex

opere sectili constructa sunt. Campus, qui aream repræsentat, ex Ophite est, sicut etiam delineationes, tractusque nigri coloris, quibus istarum belluarum icones, non sinè quodam decore, ac venustate variegantur. Quod terram refert, est ex Alabastrite Ægyptio: Taurus verò, & reliquæ Leonis partes, è Pario marmore. Duo hæc emblemata posteriora, pluribus ab hinc annis egomet suis locis affixa vidi, prout sub literis A. & B. in præcedenti Tabula XXI. indicatur: nunc verò in duas mensas conversa apud Patres S. Antonii servantur. Etiam hæc tria emblemata ad M. Antonii historiam spectare autumo, cum Figura 1. Hippocentaurum exprimens, alludere videatur ad ejusdem Antonii profapiam ex Hercule, qui excidium de Centauris sumpsit, ut in suo Hercule infano meminit Euripides v. 1272.

Τυφῶνας ἢ γίγαντας, ἢ τετρασκελεῖς
Κετάρο πληθὺν πόλεμον ἐκ ἑήνυσσας;
Typhonas, aut Gigantes, aut Quadrupe-
drupedes.

Prælio Centauris referto non confeci?
Leopardus cum Cervo, & Leo cum Tauro ad ferarum spectacula, ludosque in Theatro, occasione triumphî M. Antonii celebratos, revocari possunt.

Diximus in præcedentis Tabulæ explicatione, Figuras in areis quadratis sub num. 1. 2. 3. expressas, M. Antonii gesta præferre, idque apertis conjectationibus firmare conati sumus. Ejusdem modò Triumviri historiam in præsentî etiam Tabula XXIII. continuari non levibus argumentis, indicîisque probabimus. Utinam tamen Oedipus sim, & à plurimis ambiguitati-





Fig. 1.



Fig. 2.



Fig. 3.



tatibus me expediam. Primò itaque Triumphum hîc designari Romani Ducis, demonstrant captivi in facie currûs expressi, qui manus ante pectus revinctas demittunt; docetque tum habitus triumphantis, qui sago, seu clamyde, vel paludamento Romano more superinduitur; & è cuius humero sinistro subnectitur lateri dextero latus clavus, qui Senatorum insigne erat, tum etiam biga ipsa quâ vehitur: unde in illo neminem melius repræsentari putaverim, quàm M. Antonium, qui (ut inquit Plutarchus) animi sui impos, & veneficiis, seu præstigiis Cleopatraz captus, post devictos Porthico bello hostes, Artabazum quam pluribus promissis ad se pertractum, veluti captivum, Alexandriam in triumphum duxit: de quo triumpho loquens idem Plutarchus, non modicam Romanis offensam M. Antonium irrogasse ait, utpotè qui ornamentum, majestatemque Patriæ propter Cleopatram Ægyptiis communicaverat. Ad nostram hanc opinionem confirmandam, addimus ejusdem Auctoris verba, quibus M. Antonium adamussim describit: *Inerat ei in vultu liberalis dignitas, ac barba non indecens: facies lata, & nasi aduncitas, videbantur masculam oris formam, qualis Herculis pingitur, ac fingitur, exprimere. Rumor verò etiam antiquus tenebat Antonios ab Hercule genus trahere, prognatos ab ejus filio Anteone: quem ille rumorem videbatur & figurâ corporis, & habitu confirmare; nam quoties in conspectum multitudinis esset proditurus, tunicam ad femur cingulo adstringebat, sago denso velabatur, & magno gladio se accingebat. Quæ sanè descriptio nostræ Iconi per-*

Par. I.

fectè consonat: si enim rectè perpendatur, amplum utique vultum præfert, decenti barbâ præditum, Herculi que perfimilem. Quod si habitûs qualitas inspectetur, sagum virgatum, quod militare, ac Imperatorium insigne esse probat Ferrarius *De re vestiaria*, satis M. Antonium ostendit, qui sago in conspectu Populi uti solebat, & cingulo femori alligato. Demum superest assignare gladium; quo cingebatur; & hic sub tegumento, præcipuè à picturæ studiosis, facillimè conspici potest.

Explicationi, quam de hac Tabula dedimus, mirificè suffragantur adstantes ex utroque bigæ latere viri, quorum alter alterius caput sinistrâ comprimens, veluti feriturus, malleolum, sive quid simile, dexterâ attollit: quæ Figuræ nil aliud profectò denotant, nisi humanas victimas occasione triumphî cæsas. Fortè enim M. Antonius, tanquam Herculis agnationem ostentaturus, homines obtulit in holocaustum, cum antiquitus crudelissimæ, & prorsus infandæ religionis instinctu, humanis hostiis Herculi sacrificaretur, ut de Poenis testatur Plinius lib. 36. c. 5.

Notandi itidem in nostro hoc Iconismo duo equi veluti ramulum supra caput habentes; quem nonnulli ramum laureum putant, in signum victoriæ. Nos tamen potiùs Pictoris libitum fuisse putamus ex duobus Iconismis Abatis Raphaelis Fabretti in sua *Columna Trajana*, sive *Tabel. Iliad.* pag. 340. & 238. quæ cum ad manus nostras pervenissent, illa eidem, de Domini licentiâ, cum exemplari ære inciso communicavimus. In primo ex Iconismis prædictis exponitur vitrea

H

lamel-

lamella picturata, ubi quadriga conspicitur, cujus equi non abſimili ornatu præditi ſunt: in ſecundo autem occurrit auriga, qui dextrâ coronam, ſiniſtrâ palmam ſupra humerum geſtat, veluti victor; ejus tamen equi in verticibus nullo lauri ſigno exornantur. Unde (ſi conjectare fas eſt) dicerem, ſignum illud ex arbitrio Pictoris Struthio-Cameli plumam referre, præcipuum equorum ornatum, quo etiam hodie inſigniti ad aſſequendum brabium in Hippodromum producuntur.

Diſpunctâ jam ſuperiori Tabellæ parte, quæ adhuc ſupereſt, ac hodie viſitur ad areolam ſcalarum ſupra fenestram, quæ atrium reſpicit Palatii olim Cardinalis de Maximis, antiquitatum amantiffimi; nunc verò Cardinalis Nerlii, ſacrarum eruditionum ſtudioſiffimi: quod Palatium ſitum eſt *Ad quatuor Fontes*, ut vulgò dicitur, angulumque conſtituit, quâ ad Thermas Diocletianas itur, dextrorſum; quâ verò ad Liberianam Baſilicam, ſiniſtrorſum. Reliquum nunc eſt ad inferiores illius reliquias pergere, quarum ornatus ex celebri, eruditoque Cimelio Illuſtriſs. D. Equitis Caroli Antonii à Puteo deprompſimus, cui multa nos debere fatemur.

Licet Figurarum exiguitas, & Ægyptiorum myſteriorum icones potuiſſent me ab harum indagatione revocare: nihilominus nè quid intentatum relinquam, earundem enodationem aggredior, in qua me oppidò juvit perſpicax, ac ſtudioſiſſimus vir, Abas Philippus Bonarota.

Opinor itaque præſatas ordinis inferioris Figuras Ægyptiorum pompas importare, unam præcipuè ex illis

decem, quæ pertinent ad honorem, eorum, qui apud illos pro Diis habentur, ac Ægyptiacam continent religionem, ut ſcribit Clemens Alexandrinus Stromat. lib. 6.

In hiſce pompis (ut Ægypto mos erat) quamplurimæ Deorum imagines circumferebantur, additis aliis myſticis ſignis, quæ Sacerdotes præferrent; & quibus veluti Hieroglyphicis, ſeriem, hiftoriamque earum rerum exprimerent, quæ ſuis Diis accidiffent: proptereaque eorundem geſta per illa myſteria ſe imitari contendebant; ut videre eſt in Diodoro Siculo lib. 1. & in Apulejo Metamorph. lib. 5.

Quod Iſidis myſterium ibi repræſentetur, probamus ex Tab. XXIII. nu. 1. ubi Iſis Horum puerum, quem ex inceſtu, & adulterio ex Oſiride, fratre ſuſceperat, quemque ejus vir Typhon in aquis merſerat, repertum ante Oſiridem ſtatuit, qui accipitris (ut puto) Æthiopici capite inſignitus eſt, ſicut vides ſub num. 2. Oſiris enim ex Ægyptiorum ſententiâ idem interpretatur ac multoculus, videlicet Sol; & Sol ob oculorum præſtantiam, & vim ad ſe attrahendi, ab eiſdem Ægyptiis effingitur ſub accipitris forma, tanquam acutiſſima acie præditi, ac devorantis. Horus ergo Mundus eſt, ortui & interitui obnoxius, cujus mater Iſis, ideſt Luna, in aqua repertum filium vitæ reſtituit, ac immortalem reddidit. Generandi quippè aquæ vis, & Luna Mundum per varias, & novas viciffitudines, quaſi immortalem faciunt. Rectè ergo Oſiridi puer exhibetur, cùm eam vim Luna à Sole participet; atque ille ſub veſte manus abſcondit, ut oc-
cul-

cultam esse significet hanc virtutem, quâ & ipse per Lunam Mundum reparat. Tabula hæc à Minucio sic concipitur: *Isis perditum Filium cum Cynocephalo suo, & calvis Sacerdotibus luget, plangit, inquit; & Isiaci misericædunt pectora, & dolorem infelicissimæ Matris imitantur. Mox invento Parvulo gaudet Isis, exultant Sacerdotes, Cynocephalus inventor gloriatur: nec desunt annis omnibus vel perdere quod inveniunt, vel invenire quod perdunt.*

Sub Cynocephali nomine, hîc à Minucio descripti, nil aliud intelligendum esse putamus, nisi Anubin, cujus operâ Isis Horum invênit; & quia canis insigni usus fuit, ideò sub canis aspectu ab Ægyptiis colebatur. Et hoc meliùs percipitur ex duobus illis canum capitibus, in extremitatibus nostræ Tabulæ sub numeris 3. & 3. occurrentibus supra hermulas, scilicet tumulos Mercuriales: Anubis enim apud Ægyptios idem est ac Mercurius apud Græcos; imò (ut ait Plutarchus *De Iside, & Osiride*) quando suprema ostendit Anubis dicitur, quando inferna Hermanubis vocatur. Verùm si pinguiùs erudiri in votis habes, adi Kircherum, qui multa in hanc rem congerit in *Oedipo Ægyptio* tom. 1. p. 2. ac etiam fusè in *Obe-lisco Pamphilio*.

Sub num. 2., ut dictum est, habes Osiridem accipitris capite insignitum: idem sequitur sedens in proxima Icone sub nu. 4. tenetque sacrum Pedum sinistrâ. E conspectu stat Isis sub num. 5. quæ capiti superimpositum tegumentum, tribus distinctum titulis gerit, Sacerdotalis dignitatis indicium, cui assimilem ornatum describit Apulejus lib. 11. *Metamorph.*

Par. I.

dum sacris Isiacis initiaretur. Sequitur sub num. 6. idem Osiris, qui pariter sedet, & sinistrâ aspidem stringit; Isisque stat sub num. 7. manu Lunam bicornem excipiens. Pompæ medium parva occupat ara sub nu. 8. in quâ quædam superimposita sunt, ob Figurarum tenuitatem ignota. Nos autem ea ad fructus significandos revocamus, itaut conjunctam Solis, & Lunæ vim ad quorumcunque fructuum productionem, maturitatemque ostendant: nisi fortè aram hanc cum fructibus ad Cæremonias primitiarum referre velis, de quibus idem Clemens Alexandrinus loco citato. Sub num. 9. succedit Figura sedens, simulacrum Serapidis fortasse repræsentans, quem Osiridis patrem volunt, quique locum suum in mysteriis obtinebat. Ex opposito sub num. 10. stat Sacerdos, qui Mystas ducit, alterâ manu diadema Regium, ac Ægyptiorum Deorum insigne, alterâ verò serpentem gerens, quæ ad stellas & Solem referri narrat præfatus Clemens Alexandrinus Stromat. lib. 5. Sequitur sub num. 11. alter Sacerdos, qui Pedum Sacerdotale gestat; & sub num. 12. geminæ hinc inde imagines ferulam habentes, quam sacrum signum fuisse conjicimus ex Herodoto in *Euterpe*, ubi sic: *Verberantur enim post sacrificium cuncti, & cunctæ, multa sanè hominum millia; quo autem verberentur non est mihi fas dicere.* In cistulâ mysticâ Eleusinorum ferula erat, unde ad Solem, & Osiridem referri quamplura numismata, gemmæque probant, in quibus Sol cum hujusmodi ferulâ insculptus est, sicuti tradit Macrobius de celebri illo Apollinis Hieropolitani simulacro: &

H 2

in

in annulis Gnosticorum Deus Jao, qui idem cum Sole erat, sæpiùs cum hac ferulâ occurrit. Visitur sub num. 13. Figura quædam veluti gestiens, quæ forsitan gaudium ob Horum reperi- tum significat: & sub num. 14. ad sunt aliæ duæ Figuræ cernuæ, ac pronæ in signum adorationis, quarum quæ à læva est, manum ori admovent, cul- tûs ipsius actum exprimere credi po- test: ambæ verò videntur in stagno quodam locatæ, fortè ad aquas allu- dente, in quibus Horus repertus fuit, dum amissum, ac fato functum, fu- nebri naniâ labentabantur.

Nec silentio prætereunda sunt quæ- dam vasa, iisdem imaginibus inter- posita, quæ aquaria esse, & in pompis ferri solita, colligitur ex Vitruvio in Procem. lib. 8. unde fortasse Julius Fir- micus lib. 2. Ægyptios aquam ado- rasse asservit. Porro hæc vasa non- unius speciei sunt, quatuor enim al- tiora collum arctius habent, labrum latissimum: reliquis verò duobus, quæ humiliora sunt, latius collum est, la- brum angustius. Omnia autem ad Niloticas urnas referri possunt, quæ ideò in pompis, ac Hieroglyphicis ap- ponebantur, ut maximè opportunum, ac salutare subsidium significaretur, quod Ægyptiacis arvis afferre solet Nilus exundans, ac diù stagnans; ut benè sentit Kircherus in suo *Obelisco Pamphilio* lib. 5. Schematism. 1. pag. 446. In peristromatis inversione hinc inde sub numeris 15. & 15. cuidam Aræ, seu basi superpositus stat Har- pocrates, sive Horus, manu ori ad- motâ silentium indicans. Harpocra- tem enim inter præcipua numina Ægyptii connumerarunt, quem cum immaturo, ac penè abortivo fetu edi-

tus esset, atque ideò elinguis, silentii Deum reputaverunt, eumque in tem- plorum vestibulis collocabant, ut Sa- cerdotibus, cæterisque sacrorum Mi- nistris, ac spectatoribus rituum arca- norum, mysteriorumque silentium suaderet. Ad Harpocratis latus visi- tur quædam parastasis, quæ fortasse januæ indicium est, cum Harpocra- tis statuam propè januas collocare consueverint. Spectatur sub num. 16. Propheta cum hydria, quem sic de- scribit Clemens Alexandrinus Stro- mat. lib. 6. *Post omnes (inquit) exiit Propheta, qui apertè in sinu gestat hy- driam &c.* Tandem sub num. 17. oc- currit Isis cum amphora, & scepro exornato desuper Loti flore, qui ei sacer est, ut in aliis monumentis cla- riùs apparet.

Sed jam ad alteram Tabulam, sci- licet XXIV. accedamus, quæ pariter in eadem Basilica Siciniana extabat, at modò visitur in supradiçto Palatio Cardinalis Nerlii, in summitate sca- larum sinistrorsum, supra primam ambulacri januam; ipsa quoquè ex opere sectili, ac variis marmorum in- crustationibus composita. Hæc Tabu- la fabulosum Hylæ raptum continet, quem nos, antequam ad Figurarum indagationem deveniamus, hic repo- nere necessarium existimavimus. Her- cules (ut scribit Apollonius Rhodius Argonaut. lib. 1. Theocrit. Idyll. 13. Valerius Flac. lib. 3. & alii) cum Ar- gonautis, quorum Jason dux erat, na- vigaturus, Ceycis filium nomine Hy- lam secum duxit, speciei singularis adolescentulum. At cum ventorum vi, ac maris fluctibus diù jactatus, littora tandem tenuisset, ejus socii ut à laboribus se reficerent, coenam para-





parant. Alcides verò misit Hylam cum amphora ad amnem Ascanium, qui Myliæ, quò appulerant, sylvas interfuit, ut aquam exinde afferret; sed eximiâ illius formâ correptæ Nymphæ fluminis, factò impetu Puerum tenuerunt, projeceruntque in fluenta. Alcides moræ longioris impatiens, relictis fociis nemus omne lustravit, Hylam quærens, & Hylam ubique vocitans: quare attonitæ Nymphæ, timentesque nè raptus Puer apud ipsas inveniretur, illicò effecere ut invisibilis vocanti domino responderet. Sed cùm ille nil præter vocem referre posset, navim repetiit, solvitque, relicto Polyphemo, qui Puerum otiosius peruestigaret. Decedens autem accolis morem reliquit Hylæ sacrificandi juxtà fontem; quod cùm Sacerdos efficeret, illum ter appellare solitus erat, eique totidem vocibus Echo respondens, Hylam reddebat. Hanc fabulam brevi periodo complectitur, alteratque Strabo lib. 12. in descriptione Bithyniæ, ubi sic: *Supra Prusidem mons est, Arganthonius nomine. Ibi fabulæ tradunt Hylam Herculis socium, qui Argo navim cum eo vectus fuit, dum aquatim exit, raptum fuisse à Nymphis. Cùm verò, ipsum quoque de sociis Herculis unum, revertentem à Colchis, urbem sibi cognominem isthic condidisse. Et nunc quoque apud Prusienses festivitas quædam celebratur, & montes cum Thiasorum choro conscenduntur, Hylasque vocatur, quasi si ad eum requirendum in sylvas ivissent.* Unde Valerius Flaccus Argonaut. lib. 3. v. 595.

Rursus Hylan, & rursus Hylan per longa reclamant

Avia: responsant sylvæ, & vaga certat imago.

Apollonius ab una Nympha raptum Hylam scribit, quem sequitur ipse Valerius Flaccus. Theocritus tamen ab iis recedens, à tribus Nymphis raptum tradit; cui nos plaudimus, utpotè nostro Iconismo conformi, licet Nicander, & Orpheus à pluribus Nymphis raptum autument.

Ut igitur nostræ Tabulæ adhæreamus, fabulamque applicemus, trium Nympharum imagines animadvertimus, quæ cùm fontibus præsent, veluti fluviorum numina, frontem arundinibus redimunt, ut de fluvio Acheloo canit Ovidius lib. 9. Metamorph.

Cùm sic Calydonius amnis

Cæpit, inornatos redimitus arundine crines.

Virgilius item de Tyberi Æneid. lib. 8.

Eum tenuis glauco velabat amictu

Carbasus, & crines umbrosa tegebat arundo.

Et inter alia insignia, quibus idem Valerius Flaccus arguit, Hylam aquarum Deum futurum fore, arundo est; ait enim lib. 1. v. 218.

Subitâ cur pulcher arundine crines

Velat Hylas? unde urna humeris, niveosque per artus

Ceruleæ vestes?

Notandæ sunt etiam illæ duæ amphoræ, quarum una humi jacet, deposita, ut conjicitur, à proxima Nympha, quò liberiùs Hylæ manus admoveret; altera sub lævum Nymphæ alterius cubitum, ambæ aquam fundentes, ut Najades fontium, fluviorumque præfides Deas ostenderent. Observandus est quoque Hylas, urnam dexterâ tenens ad aquam hauriendam, qui omniniflu luctatur, ut Nymphæ illius conatum eludat, quæ præcipuè in raptum exarserat, & de qua inquit præcitatus Apollonius:

Nym-

*Nympha dexterà cubitum traxit manu,
Et medio injecit alveo .*

Sed jam ad Figuras inferiùs positas descendamus . Quidam sunt , qui totam earum seriem ad Minervale sacrificium referri contendunt , quæ opinio suâ probabilitate non caret . Quippe Ægyptii quotannis in honorem Minervæ in Saim Urbem noctu convenientes , undique per mœnia frequentia luminaria , ollasque profundiores oleo repletas , ac sale asperfas incendebant , ut totâ nocte exardescerent : quæ solemnitas *λυχνοκαίη* , idest *accensio lucernarum* vocitata fuit , ut ex Herodoti lib. 2. quæ omnia præcipuè ostendi videntur in hoc nostro Iconismo , ubi plures lucernæ , seu candelabra accensa sunt , urnæque non paucae , quiddam veluti ignem ex orificio spirantes .

Mihi tamen persuasum semper erit , utpotè verosimilius , ac superioribus magis consonum , istas Figuras ad cœnam pertinere , quæ ab Argonautis (ut diximus) in littore instructa fuit . Et quidem si accuratiùs singulæ examinentur , num. 1. rostrum ratis demonstratur , quam Argo navem dicere possumus : num. 2. Nympha sedens : num. 3. alia similis Nympha : num. 4. Hylas : num. 5. duo Sacerdotes , seu Aruspices : num. 6. Mensa : num. 7. Figura Herculi aptissima est , nam clavam gestat , quam insigne Herculeum esse scimus ; & Theocritus Herculem cum clava , & arcu raptum Hylam quæsiisse tradit : ac proinde Figuram num. 8. Elatidem Polypheum , ipsius Herculis socium denotari conjicimus . Is enim cùm Hylam vociferantem , dum raperetur , audivisset , Herculem inquirebat , ober-


rabatque districto gladio per sylvam , ac propè fontem , Puero simul ac sibi timens ; donec Herculem obviam habuit , cui non finè fletu , atque ejulatu Hylæ casum significavit . Figuras autem cum candelabris , & facibus , tridentibus , paterisque , ad sacrificium Boni Eventûs spectare posse crediderim ; pateræ enim , quas habent Figuræ signatæ numeris 9. 10. 11. supra hydrias , quibusdam veluti radiis , sive flammulis coronatas , acsi vinum effundant , ut in sacrificiis Deorum maris mos erat , Argonautarum libamina significare videntur , quibus Felagi numina propitiarent , & sibi ad aurei velleris acquisitionem Colchos tendentibus , prosperum iter ab eisdem exorarent , quod & ab Aenea navigaturo factum cecinit Virgilius Aeneid. lib. 5.

*Ipsæ caput tonsæ foliis ornatus oliva
Stans procul in prora pateram tenet ,
extaque salsos
Porrigit in fluctus , ac vina liquentia
fundit .*

Patera enim boni ominis nota est , si Plinio credimus , qui lib. 34. cap. 8. ait : *Ibi simulacrum Boni Eventus dexterà pateram , sinistra spicam , ac papaver tenens* . Et non absimile nostro Iconismo Argonautas sacrificium fecisse legimus apud eundem Apollonium in illius de Argonautis fabula , ubi sæpiùs ante absolutum iter in epulis Heroas sacrificasse narrat lib. 2. v. 155. ibi :


*καὶ ἀθανάτοισι θεοδαῖς
πέζαντες , μέγα δόρυ πον ἐρόπλισαν , ἐδ' ἐπὶ τὴν ὕπνῳ
εἶλε ὧδε κρητῆρα καὶ ἀθανάτοισι ἰοερῶσιν .*

*Atque immortalibus sacra
Exhibentes , solemnem cœnam instruxerunt , nequè quenquam somnus*
Infe-





ICPETRVS ET PAVLVS ROMANO P.O.P.L.O P.D.C.N.S ET P.O.C DER



Infestavit inter pocula, & incensa sacra.

Item v. 492. ejusdem libri.

ἀνὰ δ' ἰσὰτ' Ἰάσων,

Ἀν δ' ἐβόρηται ἦες ἐρημοσύνῃσι γέροντι.

Ὡς δ' ἐκελεύμενοι μαντήιον Ἀπόλλωνα.

Ρέζον ἐπ' ἐχάεθριν, νέον ἦνατ' ἀνδράσι.

Κελεύεσθαι δ' ἐπάρων μῦθον ἐκείν' ἀπ' ἀλεγειῶν.

Exsurrexit verò Iason,

Boreii filii etiam ex præcepto senis:

Illico verò invocantes fatidicum Apollinem,

Sacra fecerunt in foco sub diem orientem:

Juniores tamen socii lætam cœnam adornarunt.

En quas pro ingenii mei viribus potui istiusmodi Tabulæ explicationes afferre. Tuum est modò (amice Lector) probabiliorem aptare: omnia etenim hucusque congesta prudentiæ, & eruditioni tuæ commissa sunt, ut meliora feligas.

Sed ut à fabulis non finè aliquo Historiæ emolumento discedamus, investigandum hîc est quantum res dubia permittit, an etiam hæ Tabulæ ad M. Antonium referri possint, sicut & cæteræ, quæ in his ruderibus perspectæ sunt.

Multum studii profectò impendimus, ut eas ad M. Antonium aliquo modo reduceremus. Hoc autem nobis inter alia tandem aliquando persuaserunt victimæ humanæ, in prioribus ex his duabus Tabulis jam demonstratæ; quibus victimis M. Antonium in triumpho Ægyptiaco ostentasse opinamur, se ab Alcide originem ducere, cui humanis hostiis olim sacrificari consuetum fuisse didicimus ex Plinio, loco supra citato: atque ita eam Tabulam M. Antonio bellè accomodari affirmamus.

Secundam quoquè, ac postremam

Tabulam eidem referimus, arbitran-
tes Hylam puerulum, Herculi in-
primis charum, & à Nymphis rap-
tum, M. Antonium denotare, qui
Cleopatrarum illecebris in Ægyptum at-
tractus, inibi quodam amoris fascino
moram duxit Patriæ tam ingratam,
quippe quæ grave majestati Romanæ
præjudicium afferret, ut ex Plutarcho
supra indicavimus; quàm sibi inde-
coram, utpotè nimis mollem, atque
ideò ab omnibus ferè Scriptoribus
turpitudinis notâ inustam, præcipuè
ab Horatio, qui Epod. Ode 9. de eo-
dem M. Antonio sic ait:

Romanus (Eheu, posteri, negabitis)

Emancipatus femine,

Fert vallum, & arma miles, & spa-
donibus

Servire rugosis potest:

Interque signa turpe militaria

Sol aspicit Canopæum.

Hæ autem conjecturæ nostræ quan-
tum roboris assequi potuissent, si plu-
res alias in eadem Basilica olim ex-
stantes Icones perlustrari, illustrari-
que explicatione, voracitas temporis
permisisset?

Hactenus de ornamentis, quæ Gen-
tilitatem respiciebant, in Basilica Si-
ciniana superstitibus, differuimus.
Modò ad unicam tantum Tabulam
(quæ in ordine est XXV.) in eadem
Basilica pictam, & usque ad nostrum
ævum servatam, itaut nos ipsi eam
viderimus, stylum convertimus. Pi-
ctura hæc erat in una ex illis magnis
fenestris ad meridiem vergentibus,
quæ muro ducto clausæ fuerunt, ea de
causa opinor, ut immodica lux, ra-
diique solares, orantibus in Ecclesia
molesti, excluderentur: nimiam ete-
nim amplitudine spatia fenestrarum
pate-

patebant, quod ostendit exemplar in Tab. XXI. sub literis C. D. & omnes sic muro clausas fuisse depictas iudico, sed temporis diuturnitate colores deletos. Hæc igitur Pictura quæ supererat, Petrum, & Paulum Romanum populum alloquentes, docentesque demonstrat, ut in ipsius epigraphæ declaratur, ubi sic legendum existimo: *Hic Petrus, & Paulus Romano Populo prædicant, & docent Verbum*: cum in Tabula initialem literam ultimæ vocis DER, Pictoris incuria vitiatam esse iudicem, nempe loco literæ V. positam literam D. prout etiam in literis PDCNS ultima litera S. videtur erroneè commutata in literam T. Hæ Figuræ prædicationem, & martyrium utriusque Apostoli repræsentantes, vetustissimæ sunt: nam si earundem habitus inspectemus, redolent tempora V. sæculi, pictæque fortè sunt jussu Simplicii Pontificis, qui musivum opus in Tribuna ejusdem Basilicæ construxit, de quo infra suo loco. Ulteriùs multa alia observatione digna sunt, quæ vetustissimum tempus indicant, nam Pictores ea quæ pingunt, ut plurimum juxta suorum temporum mores exprimere solent. Itidem ipse character epigraphes hanc conjecturam confirmat, qui sæculum V. aut VI. ad summum refert.

Sed ut meliùs quæque expendamus, Apostoli Dalmaticâ, & Pallio induti sunt, reliqui verò Togâ, & Sago, sive Chlamyde; è quibus Togis nonnullas peculiariter observandas existimo, quæ oras, sive extremitates acu pictas habent, qua cultûs varietate Pictor fortasse Principes viros, Patritiosque à plebe distinxit, ac se-

crevit. Notandi etiam sunt muri ex lapide quadrato cum turribus, quæ Romanæ Urbis, non verò alterius civitatis moenia denotant. Antiquitùs enim Urbis muri erant ex lapidibus quadratis, ut bene observavit Marlianus in sua *Typographia Urbis* lib. 1. c. 4. & 9. Illi verò qui hodie lateritii visuntur, sunt posterioris ævi, ut docet Eusebius in Chronico: & Flavius Vopiscus in Aureliano sic ait: *Muros Urbis Romæ sic ampliavit, ut quinquaginta propè millia murorum ejus ambitus teneat*. Voluit igitur Pictor exprimere Urbis muros, non prout suo tempore erant, sed ævo quo Beati Apostoli prædicabant.

Nec prætermittenda sunt vela, quæ complicata hinc inde à lateribus pendunt; quippe illis Pictor (ut puto) Imperatoris Palatium denotavit, in cujus foribus vela aderant, ut cecinit Corippus lib. 3., de eodem Palatio sic loquens.

Verùm ut contracto patuerunt intima velo

Ostia, & aurati micuerunt atria tecti. Et Anastasius in vita S. Silvestri hæc habet: *Fecit B. Silvestrum Papam venire in Palatium Pincii* (seu potius *Principis*, nam vocem abbreviatam puto) *& ad primum, & secundum velum obtinuit omnem Clerum*.

Hujusmodi vela affabrè expressa visuntur in musivo opere, quod Ravennæ est in Ecclesia S. Apollinaris, repræsentatque Palatium cum novem januis, è quibus omnibus vela dependent. Hujus musivi operis Iconem in secunda nostri Operis parte Lectori exhibemus.

Supra & post vela apparent nonnullæ domus, ad invicem paullò distan-

stantes, ac propterea Romanam Urbem exprimentes; cum antiquitus, & præcipue in V. sæculo, non contigua, sed sejuncta ædificia construerentur, quod habetur ex quadam Constitutione Theodosii Imperatoris, cujus summa refertur ab eruditissimo Gothofredo in suo Cod. Theodosiano lib. 4. tit. 24. *De ædific. privat.* ubi inter Privatorum fabricas decem, inter publicas quindecim pedum intervallum relinqui, jussisse Imperatorem enarrat. Et in Commentar. ad eandem Constitutionem addit, intervallum, seu spatium inter vicinas ædes fuisse præscriptum, tum incendii vitandi causâ, tum luminis, aerisque liberiùs excipiendi: antea enim ea spatia angustiora, & vix ulla fuisse docemur ex L. *Meniana, C. De ædific. privat. l. Sciendum, ff. Fin. regund.*

Omnia autem hæc, quæ in ultimæ hujus Tabulæ explicatione notavimus, si seriò perpendantur, perspicuum erit, non solum ambos Apostolos Romæ prædicasse, quod docet epigraphe penes Palatium Imperatoris, imò in eadem Urbe etiam permanisse; quæ conjectura consona esse videtur verbis illis Doctoris Gentium in Epist. ad Philip. cap. 4. v. 2. *Salutant vos omnes Sancti, maximè autem qui de Cæsaris domo sunt:* & hi esse illi videntur, qui togas acu depictas habent. Nequè consideranti minus apertum erit, Beatos Apostolos Petrum, & Paulum Romæ fuisse passos, primum quidem cruci affixum, alterum decollatum, quod à quibusdam diversè à Catholicis, & adversus eosdem sentientibus, pertinaciùs denegatur. Nobis interim, cum hæc tradidisse sufficiat, aliò iter

Par. I.

instituendum est, & ad reliqua properandum.

C A P U T VIII.

Quomodo ex structura, atque cæmentis, constructionis Ædificiorum tempus argui possit.

HABENT saxa, æra, lapides, & quæcunque vetusta monimenta quodammodò voces suas, quibus non tam gesta Majorum, quàm & originem, ætatemque suam absque ulla literarum nota bene advertentibus indicant.

Et quidem structuræ, cæmentorumque in ædificiis varietatem indicium esse minimè fallax ad dignoscendas differentias temporum, quibus ædificia illa constructa sint, mihi Antiquorum tum profana, tum sacra monimenta, ac fabricarum rudera perscrutanti, facile persuasum fuit.

Cum enim diligenter attenderem, an dispositio partium, cæmentorum genus, fenestrarum forma, parietum concinnitas; firmitas, species, ars denique struendarum, & ornandarum ædium par ubique esset, tantam in illis notavi varietatem, ut sæculorum quorundam barbaries, quorundam verò cultura, ex eorum ædificiis adhuc apertè loquatur.

Observando igitur, ferè unoquoque sæculo quasdam veluti certas regulas in cæmentorum selectione, & in ædificiis construendis, atque ornandis, sicuti illorum temporum vel præstantia, vel imperitia ferebat, fuisse servatas; collègi eisdem regulis, aut notis uti posse ad indagandam originem, & vetustatem constructionis,

I

aut

aut reparationis eorundem ædificiorum .

Sed ut benè de ætate incertorum , quæ reperientur , judicare possimus , præmonstranda sunt nonnulla antiqua ædificia , ac monimenta , de quorum vetustate , ac structuræ formâ , certa mentio apud probatos Auctores fiat ; & sic illis ritè consideratis , ad cætera eis similia judicanda probabiliter descendamus .

Progrediamur itaque ad sacras ædes , Ecclesiarumque vetustas fabricas , exordium sumendo à profanis ædificiis tanquam vetustioribus , & superiori certiorque Architecturæ lege constructis .

Et primùm certò scimus , nonnulla vetustissima ædificia , quorum rudera adhuc visuntur , à priscis Romanorum Regibus constructa fuisse . Ductum enim Aquæ Marciaæ ab Anco Marcio IV. Romanorum Rege ædificatum fuisse , facilè persuaderi potest . Quippe Aquam Marciam in ultimis montibus Pelignorum nascentem , per Marfos , & Lacum Fucinum transeuntem , deinde merfam in specu , & mox in Tiburtino se aperientem , IX. M. P. fornicibus structis primus in Urbem ducere auspicatus est Ancus Marcius unus è Regibus , ut ait Plinius Histor. lib. 31. cap. 3. Hunc ego Aquæductum observavi totum constare ex lapidibus Gabinis , seu Albanis quadratis , de quibus supra Cap. 1.

Ex iisdem quoque Gabinis , seu Albanis quadratis lapidibus animadverti constare Cloacam Maximam ; & idè à Tarquinio Prisco , Anci successore , constructam fuisse arbitror : maximè quia à Tarquinio Prisco Cloacas constructas fuisse affirmat Plinius Hist.

lib. 36. cap. 15. de Cloacis enim loquens ait : *Trabuntur moles internæ tantæ , non succumbentibus caussis operis : pulsant ruinæ spontè præcipites , aut impa-
tæ incendiis : quatitur solum terræmotibus : durant tamen à Tarquinio Prisco annis octingentis propè inexpugnabiles : non omittendo memorabili exemplo , vel eò magis , quoniam celeberrimis rerum conditoribus omissum est : cùm id opus Tarquinius Priscus plebis manibus faceret , essetque labor incertum longior an-
periculosior , passim conscitâ nece Quiritibus tedium fugientibus , novum & inexcogitatum antea , posteaque remedium invenit ille Rex , ut omnium ita defun-
clorum figeret crucibus corpora spectanda civibus , simul & feris , volucrisque laceranda .* Suffragantur huic conjecturæ de ritu ædificiorum sub Regibus parietinæ nonnullæ , quæ adhuc supersunt in Atrio nobiliss. DD. de Caffarellis in Capitolio . Cùm enim constet ad complanandam aream templi Jovis Capitolini , substructiones ex quadrato lapide , regnante Tarquinio Prisco , erectas fuisse , ut probat sæpè laudatus Raphael Fabrettus in Addendis ad *Syntagma Columnæ Trajani* , ubi parietinarum hujus ædificii Iconismum affert ; reliquiæ istæ nos docent , qualibus cæmentis magnificentia Regum æternitati ædificaret . Visuntur etiam subtùs Palatium Senatoris , & Conservatorum Populi Romani , in loco pro equorum stabulo hodiè inserviente , columnæ aliquot ex eodem Gabino lapide . Locus iste annis antea actis appellabatur *Salaria* , à *Salis* distributione , quam ibidem fieri mos fuerat . Nonnulli Antiquarii ædificium hoc Curiam Calabram , alii verò Tabularium fuisse existimant . Quid-
quid




Fig. 1




Fig 2




Fig. 3.





Fig. 4.



quid fuerit, antiquissima fabrica ante Imperium pro certo haberi potest, cum Imperatores ut plurimum nequē Gabino, nequē Albano lapide, sed Tiburtino marmore, aut laterculis ædificia construerent. Antiquitūs quadratis lapidibus, iisque magnis in publicis operibus uti Thuscōs consuevisse refert Leo Baptista Albertus lib. 7. c. 2. suæ Architecturæ; à Thuscis verò accepisse Romanos. Hanc conjecturam deducit ex muris nonnulliarum Civitatum, & Castrorum Thusciae, Volaterræ, Fesulæ &c. Confirmat id Livius ad annum Urbis conditæ 378. ac benè animadvertit Marlianus lib. 1. cap. 4. & lib. 2. cap. 9. suæ *Topographiæ Urbis antiquæ*. Structuræ hujus exemplar afferō in Tab. XXVI. Fig. 1.

Imò & ipsis Thuscis multò antiquiorem fuisse consuetudinem ædificia quadratis lapidibus construendi, colligitur apertissimè ex iis, quæ de horreis à Josepho constructis narrat Gregor. Turon. hist. Franc. lib. 1. c. 10. cujus hæc verba: *Super ripam verò ejus (Nilum intellige) non Babylonia, de qua supra meminimus, sed Babylonia civitas collocatur, in qua Joseph horrea miro opere de lapidibus quadratis, & cemento ædificavit, ita ut ad fundum capacia, ad summum verò restricta sint, ut per parvulum foramen ibidem triticum jaceretur, quæ horrea usque hodie cernuntur.*

Expulsis Regibus, unà cum Romana Republica novum genus Architecturæ ortum fuisse videtur, quod à Vitruvio lib. 2. c. 8. appellatur *antiquum incertum*, & sub nomine *reticulati incerti*, sive *antiqui* comprehendī posse autumo. Quippe cum quadam

Par. I.

die ultra Pontem Salarium, & locum qui nunc dicitur *la Serpentara*, Romanum Agrum perlustrarem unà cum prælaudato Abate Fabretto, nonnullas invenimus ruinas antiqui Crustumii, ubi visuntur diruti templi parietinæ ex quadratis tophis inconcinne formatis, qui retis formam præferunt, speciemque; non tamen adamussim ob inæqualitatem, quia lapidum, seu tophorum quamplurimi; rhombi potius, quàm quadrati figuram ostendunt; ut vides in eadem Tab. XXVI. Fig. 2. Conjeci propterea supradictum opus *antiquum incertum* esse, ac constructionis illius tempus Romanæ Reipublicæ principium redolere.

Exemplum haud absimile structuræ reticulatæ adinveni mense Octobris 1689. cum in Tusculanum secedens aeris liberioris cupidine, & rusticandi gratiâ, divertissem apud meam Villam S. Andreæ, cujus ager sic nuncupatur à Templo, quod ibi olim eidem Apostolo fuit erectum. Non procul itaque ab eadem Villa (puta ad ictum bombardæ minoris) in eminentiori loco parietinæ visuntur, quæ speciem ambulacri, quæ custodias aquarum referentes. At exterior ædificii facies constat ex silice, ac opere certo *reticulato*: interior verò eodem opere silicis, sed *reticulato incerto*.

Certum *reticulatum* opus illud appello, in quo lapides id componentes ita secti sunt, ut prisma quadratum referant, adeoque juncti veram retis extensi formam demonstrant; ad discrimen reticulati *incerti*, quod paulò ante compingi docui ex lapidibus, quorum adversæ facies, seu bases prismatum, vel in rhombum, vel in

I 2

rhomb-

rhomboidem, vel etiam in aliam multilateram figuram extenduntur.

Reticulati certi habes exemplar in Figura 3. præfatæ Tabulæ: & istiusmodi structuræ species redolet tempora florentis Reipublicæ. Ex opere hoc reticulato plura adhuc extant ædificia, quorum unum sufficiat indicasse tanquam notissimum, nempe substructiones illas extra portam Flaminiam, quæ à vulgo dominantur *Muro Torto*, idest murus inclinatus.

Verùm & in *reticulatis certis* non eadem dispositio perpetuò servata est: in aliquibus enim parietibus alternatim disponuntur plures horizontales ordines latèrum, qui intercipiunt ordines operis reticulati, adinvicem superpositos, adeò ut paries totus multiplici veluti fasciâ circumligatus appareat. Alia quidem opera constant productis in longum lineis horizonti parallelis, quas nempe efficiunt latères ita dispositi: alia verò lineis secus decussantibus, quales efformant sectorum prismatum latera, dum aptè connectuntur. Hujus structuræ schema vide in eadem Tab. XXVI. Fig. 4. ubi animadvertendum est, quod ordinum intercapedo æqualis ubique non est, nam in aliquibus ædificiis numerantur novem latères, in aliis decem, vel undecim, quorum conjunctione constituitur fasciæ altitudo, puta unius circiter pedis: huic deinde incumbit altera reticulati operis fasciâ, duorum vel trium pedum mensuram suâ latitudine complens: illi autem superponitur novus ordo latèrum, istique denuò reticulatum opus. Formam ita construendi usurpatam fuisse puto inclinante Republicâ, ac viguisse usque ad initium Im-

perii: quo tempore cùm augeretur servorum numerus, qui latèrum fabricæ applicari possent, aucta simul fuit eorundem latèrum copia, & novum subinde constructionis genus exortum est. Speciem prioris structuræ intercalaris (si eam ita vocare fas sit) observavi in antiquo Tusculo, unâ cum laudato D. Abate Blanchino, in loco qui nunc dicitur, *le Scuole di Cicerone*; ac etiam Romæ in viridario Ecclesiæ S. Mariæ Sanitatis, & in Aquæductu Trajani.

Dum hæc reticulata opera rimabar, animadverti non omnia ex topho elaborata esse, ut hîc Romæ, nequè ex silice, ut Tusculi; sed etiam quandoque ex marmore Tiburtino, & ex lapide Albano, sicut loci opportunitas, & vicinarum fodinarum natura ferebat. Antiquissimum ædificium reticulati operis vidi Corniculi, quod ipsi Corniculani Servii Tullii, VI. Romanorum Regis, ex nobili feminâ Corniculânâ, captivâ tamen, & ancillâ nati, Palatium fuisse existimant. Hæc mihi indicavit D. Franciscus Maria Lancianus, dum præterito anno 1689. apud ipsum unâ cum solitis amicis hospes eram.

Lateritium opus reticulato inferi cœptum ultimo Reipublicæ tempore, superius diximus; à Græcis enim lateritiam accepisse Romanos, cùm subactâ Græciâ omnes artes Romam adveherent, minimè obscurum videri potest, si Plinii locus lib. 35. cap. 14. diligenter perpendatur. Ibi etenim opera lateritia recensendo, plurima & celeberrima Græcorum nominat: in Italia verò Arretii, & Mevania murum esse asserit, cujus nec ætatem, nec magnitudinem prodit. Cùm igitur

notum sit, ipsas latèrum differentias Græcis nominibus afferri *Didoron, Tetradoron, Pentadoron*, & Architecturæ incrementa, artesque hùc pertinentes ab eodem fonte manasse; quis dubitet etiam lateritiam inde advectam?

At verò cùm ea sit artium novarum conditio, ut sensim augmentum acquirant, principio muri ex solis lateribus non construebantur, sed insertis veluti fasciis reticulatum opus alternabatur, tum quia novus ædificandi mos ob Artificum penuriam difficulter exerceri poterat; tum quia (ut ibidem Plinius testatur) frustrà ex lateribus privatas ædes Romani struxissent, quibus crassities parietum ultra sesquipedem interdicebatur, quapropter quærenda non erat sumptuosioris structuræ magnificentia. Præstat totum Plinii caput consulere, cujus partem hîc infero, quâ potiora Græcorum ædificia in hoc structuræ genere recenset: *Græci (inquit) præterquàm ubi è silice fieri poterat structura, parietes lateritios prætulere. Sunt enim æterni, si ad perpendicularum fiant: ideò & in publica opera, & Regias domos adduntur. Sic struxere murum Athenis, qui ad montem Hymettum spectat: sic Patris ædes Jovis & Hærculis, quamvis lapideas columnas, & epistylia circumdarent: domum Trallibus Regiam Attali: item Sardibus Croesi, quam Gerusian fecere: Halicarnassi Mausoli; quæ etiam nunc durant. Lacedæmone quidem excisum lateritiis parietibus opus tectorium, propter excellentiam picturæ ligneis formis inclusum, Romam deportavere in Aedilitate ad Comitium exornandum. Muræna, & Varro. Quod opus cùm per se mirum esset; translatum tamen magis mirabantur. Muræna, & Varro flo-*

ruerunt regnante Augusto, ut ex eorum consulatu apparet, unde novæ sententiæ nostræ confirmatio resultat; nam tectorium illud non tantùm picturæ gratiâ, sed etiam structuræ genere, Romanis minùs trito, pretiosum videri poterat. Ævo itaque Augusti, & subsequentium Imperatorum, mos iste construendi ex solis lateribus prolatus, usurpatusque passim fuit. Copia fortassis fervorum in Urbem adducta per frequentes Cæsarum victorias, in causa fuit, ut amplissima quæque opéra tentarentur, cùm non deessent qui fabricæ addicerentur. Innumeræ proinde officinæ ubique aperiri, & lateritiæ structuræ genus præ cæteris probari cæptum, utpotè minori difficultate parabile per ingentem artificum, & intervientium numerum. Hinc circa Imperatorum ætatem maxima quæque ædificia opere lateritio composita adhuc visuntur, cujus structuræ imaginem afferrem, nisi omnibus foret notissima: porrò innumera occurrerent, si universa recensendi necessitas urgeret. Celebriora tantùm his indicasse sufficiat, Pantheon, Templum Pacis, Palatium Imperiale, Majus nuncupatum, Thermas, Moenia Urbis, & alia multa ab Imperatoribus ædificata spatio annorum ducentorum, & ultra, quo tempore nonnullæ antiquæ latèrum fabricæ adedò diligenter, ac delicatè constructæ cernuntur, ut nullus augmento artis sit locus; cùm latèrum facies visui exposita, non solum sit supra marmor arenâ per manum Artificis lævigata, ac polita; verùm etiam ipsorum superficies, mutuo incumbentes, ferro cavatæ fuerint, itaut inter utrumque latèrem calx detrusa, nequeat

queat exteriùs ad deturpandum aspectum operis profilire; quare cæmenta inter se ita cohærent, ut inter superiorem, & inferiorem latèrem nullum calcis vestigium, sed simplex linea appareat. Insuper ex eisdem lateribus cernuntur formata parastata cum suis basibus, capitulis, epistyllis, ac coronide omnibus Architecturæ ordinibus, itaut singulas ædium partes eâ materiâ tam affabrè elaboratas intuentibus, & præcipuè Architecturæ studiosis, quàm maximam admirationem inducant. Quo in genere quoddam præ cæteris observavi Templum, parvulum quidem, sed diligentissimè ornatum, dum ad invisenda rudera Romani agri cum solito amicorum comitatu profectus essem. Intima Templi constructio marmorea erat, cum operis musivi vestigio in fornice apparente. At exterior parietum facies, & frons ipsa Templi lateritia erat, ad ordinis Corinthii leges delicatissimè extructa. Quæsiuit olim a me R. P. Franciscus Eschinardi Soc. **JESU**, vir omni eruditione refertus, quam de causa prisce Romani tam pulchrum opus in materia tam vili, ac fragili perdidissent, cum copia marmorum illis suppeteret, ut parietinæ ex marmore adhuc superstitēs testantur. Nulla mihi responsio tunc opportunior visa fuit, quàm supponendum, quod fuisset quâdam ab Imperatoribus lege, sive Senatûs Consulto prohibitum, nè quis nisi Senatoriâ præditus dignitate, marmorea construeret ædificia; eo utique consilio, ut immodici luxûs impensæ, nedum hominum privatorum, sed etiam Procerum patrimonia dilapidantes, coererentur. Impediti propterea Ci-

ves quominùs in transvehendis montium diffitorum tributis census impenderent, pretium fabricarum arte supplentes, ut opus materiem superaret effecerunt, & incolumi legum robore magnifica tecta extruxerunt; quare adeò lateritia promota fuit, ut sculpturæ etiam delicatissimæ patiens esset argillæ fragilitas. Verùm cum ea sæcula non habuerint in quo luxum Privatorum sisterent, & coererent; infelici rerum vicissitudine, optandum posterioribus fuit, ut inveniri saltem posset, quo dignitas operum publicorum custodiretur. Cum enim Romanum Imperium declinare in deterius cœpit, par fuit Imperio conditio bonarum artium, exclusa quodammodò de sede sua, & in pejorem sortem prolapsa. Indicat satis adversæ fortis initia Circus ille extrà portam Capenam secundo ab Urbe lapide, qui prisco errore à Caracalla erectus dicitur; recenti verò emendatione vulgaris opinionis, per laudatum Raphaellem Fabretum sublata in Opere de *Columna Trajani* cap. 6. pag. 147. à Gallieno constructus existimatur. Conspiciuntur in illo duæ species cæmentorum, nempe tophi, & latères ita dispositi, ut unus ordo, sive una linea ex tophis quadratis, alter verò ordo ex lateribus constet: quo in ordine aliquandò tantum unus est later, quandoquè duo, quandoquè etiam tres, ut Tabulæ XXVII. Figura 1. meliùs indicat. Hujus structuræ speciem tria circiter sæcula perdurasse, cum adhuc Italia ab extraneis nationibus excidium passa non esset; at post ejus devastationem latèrum officinas cessasse pro certo habeo. Quare nova species ædificandi suborta est, mutatis

T A B. XXVII.

Fig. 1.





Fig. 2.



TAB XXVIII

Fig. 1.




Fig. 2.




Fig. 3.





Fig. 4.



tis in parte cæmentis; nam fabricæ illâ ætate constructæ alternis ordinibus constant tophorum, & filicum, & marmorum crustis ad duorum circiter latèrum crassitiem concisis, ut in eadem Tab. XXVII. Fig. 2. rarò autem ex iisdem lateribus.

Ædificia hoc modo excitata nonnulla conspiciuntur tam in Urbe, quàm extra. Intra Urbem pro exemplo sit Turris Comitum; extra Urbem Turris Virgata, sic dicta (nî fallor) à varietate aspectûs, quasi Turris variegata. Hæc autem structuræ forma ab Italiæ invasione ad Caroli Magni tempora fortè viguit.

Structura hujusmodi mihi inquirendi occasionem præbuit, undenam tanta marmorearum crustrarum copia (cùm ferè omnes ex Pario sint marmore, quod statuarium vocant) effluerit. Certè lapidis peregrini copia ex diffiactis Idolis tanta Romæ fuit, ut Cassiodorus lib. 7. *Variarum*, in formula ad Præfectum Urbis *de Architecto faciendo*, sub num. 15. loquens de statuis in Italiam introductis, dixerit: *Has primùm Thufci in Italia invenisse referuntur, quas amplexa posteritas penè parem populum Urbi dedit*. Unde Theodosius Imperator, impiissimum Idolorum cultum aboliturus, ann. 399. lege quâdam speciali, quæ habetur in Codice Theodosiano sub tit. de Pag. l. 16. decrevit, ut Tempia Idolorum, siquæ in agris essent, suis ædibus evellerentur.

Idem confirmat Zosimus lib. 5. pag. 815. Eruditissimus verò Gothofredus in Commentario ad l. 8. ejusdem tituli notat, *Theodosii magni mentem, hanc fuisse, posse Religioni consuli, sacrificiis videlicet prohibitis, nequè inte-*

reâ voluptatibus, atque ornatui publico quidquam detrahendum. Quo etiam ornatus publici tuendi argumento Gentiles, & in his Libanius, hoc ipso tempore Imperatorem Theodosium debortatus est à Templorum strage. Verùm, ubi rerum, experimentis contra evènit, eidem necessarium visum ad eradicandam superstitionem Tempia occludere, vel etiam excindere, quod quidem etiam non semper Principum auctoritate, jussuve factum; verùm Ecclesiasticorum, Monachorumque zelo: uti factum queritur Libanius ea oratione ὡς πρὸς τοῦ ἱεροῦ Ita etiam intelligenda videntur ea, quæ narrat præcitatus Cassiodorus lib. 1. *Variarum*, num. 28. nempe Theodericum Regem Gothis, atque Romanis jussisse, ut saxa in eorum agris jacentia, muris Romæ profutura, libenti animo sinè dilatione concederent: ex qua jussione tempus præcipuè colligitur nonnullarum reparationum murorum Urbis, quas adhuc videmus, partim è filice, partim ex marmorum crustis, ut in Tab. XXVIII. Fig. 1. Aliæ restitutiones murorum cernuntur à Belisario curatæ, nempe exeuntibus Portâ nunc Majore, olim Neviâ, sive Labicanâ, & deflectentibus versùs Piam, sive Nomentanam, inter Turres decimam, & undecimam, ac inter decimam septimam, ac decimam octavam; & post has alia similis, & magna sequitur murorum resectio.

Constant tamen hæc resectiones tum opere tumultuario, tum cæmentis: adhibuit enim Dux ille, Romani Imperii vindex, tophos quamplures, eosque magnitudine insignes, ex publicis viis ablatos, pro quarum custodia utrinque opponebantur stratis filicibus. Usus est etiam lateribus, ac lapidi-

pidibus diversi generis temerè exemptis, pejusque dispositis pro militum imperitiâ, quibus & construendi, & diruendi cura demandabatur. Similium refectionum icones habes in dicta Tab. XXVIII. Fig. 2.

Imperii habenas regente Carolo Magno, scientiâ, bonæque artes aliquantulum coeperunt revirescere; quare structuræ formam fuisse immutatam existimo, ac denuò receptam illam, quæ in principio declinationis Imperii, nempe tempore Gallieni vigebat, de qua supra jam differuimus. Immutata tantummodò est mensura tophorum, itaut quadrilateri prismatis figuram retinerent; sed longitudine, & latitudine superarent illos, quibus Gallieni ætas utebatur: præstant verò antiquiores illi etiam diligentiam expolitoris figuræ. Hujusmodi structuræ species conspicitur in restaurationibus murorum Urbis, factis à Pontifice Hadriano I. & in Ecclesiâ SS. Vincentii, & Anastasii ad Aquas Salvias, restitutâ à Pontif. Leone III. tempore Caroli Magni; ac in diversis aliis ædificiis, quorum exemplar habes in eadem Tab. XXVIII. Fig. 3. Hanc usque ad millesimum annum æræ Christianæ viguisse opinor, quo tempore, unâ cum cæteris artibus, in deterius labi coepit Architectura. Non subinde cæmentorum species adhibitæ in ædificiis, sed tophi quadrilateri, nullo alio lapidum genere permixti, ut exemplum in Fig. 4. indicat. Si quis malit prototypum inspicere, multa in Urbe, & in agro Romano indicare possum. Intra Urbis moenia consulat ædificia adhærentia Ecclesiæ S. Xysti propè portam Capenam, tempore S. Dominici constructa, & Do-

mos quamplurimas in Regione Transtiberina præsertim sitas. Extra Urbem duo præ cæteris obvia, & in suburbano locata animadvertat: primum sit perantiquum Deo sacrarum Virginum Monasterium S. Agnetis in Viâ Nomentanâ, ubi visitur marmoreum sepulchrum cujusdam ipsius Monasterii Abatissæ, in quo anni 1256. nota insculpta est: alterum in Viâ Appiâ tertio circiter ab Urbe lapide, propè sepulchrum Metellæ, vulgò hodie dictum *Capo di bove*, ubi diruti Castru ruinas offendet, ex hujusmodi tophis constructi. Quin etiam in eodem loco reperiet Ecclesiæ cujusdam vestigia, parietum, fenestrarum, & cæterarum partium adhuc superstitum, rudibus illam fermè ætatem indicantia.

Hujusmodi constructionis formam tandiù servatam esse conjicio, quamdiù Sedes Apostolica Romæ perstitit: nam Avenionem translata, secum abduxisse visa est Urbis decorem, ac ipsam propemodùm vitam, artiumque, siquæ erant, spem & progressum. Civitas porrò in eam solitudinem cessit, ut incolæ ad quatuor millia vix pertingerent, teste Flavio Blondo. Artes verò, præsertim eæ, quæ ad ædificandi rationem spectant, omninò corruerunt, itaut ægrè potuerint sæculorum subsequantium, & diuturnæ pacis beneficio convalescere: tunc enim solâ necessitate magistrâ edocti sunt homines ex ædificiorum veterum fragmentis, faxis, & rudibus, quæ fors obtulerat, opera tumultuaria excitare. Vitium quoque pessimum in nostram usque ætatem irrepsit, licet ab illo immunem reddere debuisset restituta bonarum

Artium universitas : quippe etiamnum viget consuetudo barbaræ constructionis, quamvis ævi prætereuntis felicitas eousque præstantiam Architecturæ evexerit, ut hodie nobiliora veterum opera vel æquari videantur, vel superari. Imperatorum certè structura latericia postliminò redux inspicitur in facie Palatii Farnesiani, à celebri Architecto Michaele Angelo Bonarota excitati, & in exterioribus etiam parietibus Collegii Romani, necnon Domûs Professæ Societatis Jesu, & in quampluribus aliis ædibus, quæ in dies eriguntur.

Nihilominus pro restitutæ Architecturæ virtutibus, vitia tumultuariæ constructionis a pluribus eliguntur, qui compendio rei familiaris consulere putant, ut minori impendio hæredes reparationibus incumbere possint.

Gratulari tamen possumus ævo nostro, cujus opera cum in ruinis requirerent posteris, vel component cum optimis, vel laudatissimis præferent.

C A P U T IX.

Quomodo ex numero, amplitudine, ac forma fenestrarum, tempus quo Aedificia constructa sint, deduci valeat.

QUæcunque ex diversa lectione congeessimus, debemus separare; melius enim distincta servantur. Deinde adhibitâ ingenii nostri curâ, & facultate, in unum saporem varia illa libamenta confundere. Ita olim Seneca Lucilio suadebat in Epist. 84. Idem mihi fervare placuit in legendis antiquorum rudum monimen-

Par.I.

tis, quorum species apertum volumen est, suam referens autographiam. Cum enim à singulis diligenter proprias quasdam notas excerpserim, variam constructionem, ac temporum indolem indicantes, volui unamquamque certis capitibus singillatim includere, ut omnes in unam ætatis, ac historiæ suæ tesseram coalescerent. Postquam igitur superiori Dissertatione conati sumus expendere, quomodo ex antiquorum ædificiorum cæmentis illorum ætas probabili sententiâ possit dijudicari; reliquum est ut experiamur, an alia supersint in hisce rudibus partium discrimina, in quibus nativa veluti effigies cujusque sæculi appareat.

Fenestrarum figura, & numerus plurimum mihi videntur conferre ad hanc rem illustrandam. Nequè enim varietatem illarum adeò promiscuè usurpatam priscis temporibus autumo, ut certis quibusdam regulis adstringi non patiatur. Et quamvis aliarum latitudo major sit, aliarum basis angustior, rotundæ aliæ, aliæ quadratæ, quædam semicirculares, quædam bissectæ, formâ denique, serie, numero inter se discrepent: servant tamen (ut ex antiquis ædificiis longâ inspectione didici) analogiam quandam eæ, quarum ætas communis est, produntque (ut ita dicam) singulæ suas æquales.

Nequè verò, dum has meas observationes adduco, aliorum conjecturas excludo; quinimmò lubentissimè consuluissem Auctores rerum antiquarum studiosos, si quenquam rescivissem in hac materia typis aliquid consignasse. Sed cum nullus, quem adhuc sciam, hac profectus sit, aut

K ani-

animadverterit, amicorum tantummodò, cum quibus aliquando sermonem super his habui, quasi inter se differentium opiniones adducam, ac nostræ demum sententiæ locum faciam, quando illis dicendi prærogativa, uti par est, delata fuerit.

Nihil intercedere arbitrantur nonnulli, an altæ sint, an depressæ sacrarum ædium fenestræ, dummodò sint angustæ: nam constat tam unam, quam alteram formam acceptam fuisse apud priscos, & utranque promiscuè usurpasse Architectos, quorum una mens erat immodicum lumen excludere. Equè igitur vetustatis characterem illis tribuunt (quâcunque tandem figurâ fuerint) si arctius excavatæ, brevi ambitu parcam lucem admittant. Ut autem probent, propositum fuisse primarum Ecclesiarum Structoribus modicum lumen excipere, hæc fermè considerant, sub Christianæ Religionis exordium, in cryptis plerunque & latibulis, metu scilicet ingruente persecutionum, conventus Fidelium haberi consuevisse; ibi divina tractare Mysteria; ibi sacris sermonibus eò frequentius indulgere, quò tutius poterant; ibi Dominicæ mensæ participes fieri; ibi denique Ecclesiam (unde loco nomen) congregare. Compositis inde fluctibus perturbationum, cum quies Fidelibus redderetur, possentque jam in apertum prodire; eos tamen antiqua cryptarum silentia amavisse, seu loci consuetudine, seu Martyrum memoriâ similitudinem latebrarum suadente, seu Religionis constantiâ in sanctissimis Patrum ritibus custodiendis: hinc nec formam fenestrarum fuisse apud eos mutatam, etsi no-

væ in dies Ecclesiæ construerentur.

Sed illi, qui indicium ævi antiquioris deferunt amplis fenestris, præcepta servari à priscis solita in Basilicis construendis adducunt. Constat proculdubio Vitruvium lumini propensorem se præbuisse in earundem forma definienda. Cum verò Basilicas Romanorum (unde ædibus Christianorum omine meliori, utpotè Regi Regum sacratis, nomen deductum est) imitati potissimum sint Principes, primi Ecclesiarum in Urbe erectores, evenit ut inter cætera Vitruvii præcepta, servarent etiam fenestrarum amplitudinem, & numerum, à quo dignitas quædam, & elegantia, non sinè utili, notabilique compendio proveniebat. Nam copia lucis, præterquàm quod innocentem parit hilaritatem, & reverentiam eorum, quos præsentem videmus; expressius legendis sacris Codicibus, ac reliquis Clericorum ministeriis obeundis plurimum opitulatur: quemadmodum in Basilicis, gentium juri dicendo positis, lumen uberrimum quærebatur, ut possent facilius tabulæ litigantium recitari, aut transcribi. Quæ cum non perpenderent Vandali, Italiæ devastatores, dum templa reficerent, vel erigerent, pro suorum fortasse consilio, aut consuetudine, qui frigoris excludendi gratiâ (ut de Borealiū regionum cultoribus suspicari par est) vel nullas, vel raras admodum, easque arctissimas aperuere fenestras, suumque morem, unà cum cæteris artium detrimentis, nostris finibus intulere. His itaque argumentis adducti nonnulli, antiquiores Ecclesias reputant eas, quæ pluribus, aut certè augustioribus fenestris multam lucem excipiunt.

Hæc

Hæc fermè sunt, quæ utrinque proferuntur in hoc antiquitatis criterio, deducta potiùs à conjecturis verisimilibus, quàm à diligentiori vetustarum ædium indagine. Addere adhuc valerent postremæ sententiæ assertores, plurimas supareffe Basilicas, de quarum antiquissima constructione controversia nulla est, & in iis fenestras numero, & amplitudine insignes reperiri.

Attulimus suprà exemplaria Basilicarum Sicinianæ, & Sessorianæ, nec non Basilicæ Divi Pauli, quæ sola supra centum & viginti fenestras habet, magnitudine non mediocres, ut supra Cap. I. ostendimus. Afferri hîc etiam possent ædificia posteriora, nempe Basilica SS. Joannis & Pauli, sæculo quarto constructa, ut Pancirolus narrat. Constat hæc opere lateritio; singula illius latera tresdecim fenestris ornantur, quarum latitudo est, oculo judice, palmorum quinque; altitudo verò sesquidupla. Unicuique fenestras imminet alia orbicularis, cujus diameter ad quinque circiter palmos extenditur: & ejusdem magnitudinis quinque in fronte ædificii laxantur.

Ecclesia itidem S. Sabinæ (de cujus antiquitate inferiùs differemus) tresdecim fenestras obtinet, latas palmos decem, altas viginti; in fronte verò fenestras quinque, altitudinis ejusdem, & latitudinis. Ab hac non procul Ecclesia S. Balbinæ (cujus vetustissima creditur foundationis ætas, nam eundem in Architectura servat ordinem cum Basilica Sessoriana) in quolibet latere sex habet fenestras latas pal. 8. altas 16. Sub eisdem fenestris apparent arcuum vestigia ad illorum similitudinem, quos videmus in ea-

dem Basilica Sessoriana, ut Tabula orthographica sub num. 5. superiùs allata demonstrat. Ecclesia SS. Cosmæ & Damiani quinque ingentes fenestras habet in facie, pal. 16. latas, altas 18. lateralibus autem caret, cum novâ murorum structurâ in angustior formam redacta sit. Etiam extra Urbem viâ Tiburtinâ vidi semidirutam Basilicam S. Simphorosæ (ut fama fert) olim dicatam, cujus fenestras in latitudinem, & longitudinem insignem extendebantur.

Retulimus fenestras, quæ adhuc hodie conspiciuntur: demolitarum verò unicum sub oculis venit exemplum, nempe antiquæ Vaticanæ Basilicæ, ubi fuerunt fenestras octoginta octo, quarum latitudinem, & altitudinem describit Alpharanus in suo Tractatu MS. de eadem Basilica. Plures aliæ similes Ecclesiæ afferri possent, quæ brevitatis causâ omittuntur; cum illæ, quas hucusque congeessimus, abundè sufficiant ad ostendendum antiquas Basilicas abundasse fenestris, formamque illarum ante tempora Constantini incoepisse.

Hunc autem usum Basilicas construendi fenestrarum numero abundantes, non solum Romæ viguisse, verum etiam extra Italiam, ex inscriptâ S. Gregorii Turonensis narratione probatur, qui lib. 2. *Historiæ Francorum*, describens formam templi Turone à Perpetuo ipsius Ecclesiæ Episcopo circa annum 460. constructi, *Fenestras*, dixit, *in Altario triginta duas, in Capso viginti, columnas 41. in toto edificio, fenestras 52. columnas 120. ostia octo, tria in Altario, quinque in Capso*. Idem deducitur ex Eusebio Constantini Magni contem-

poraneo, qui lib. 10. hist. cap. 4. in Oratione Panegyrica de ædificatione Ecclesiarum, Paulino Tyriorum Episcopo dictâ, secundum Valesii versionem sic loquitur: *Ad eundem modum, cùm porticibus ad utrunque templi latus fabricatis, parem vestibulorum numerum disposuisset, diversos aditus, quibus copiosum lumen supernè in ædem infunderetur, supra ipsas Porticus excogitavit, easque fenestras variis è ligno sculpturis minutissimi operis ornavit &c.*

Numerus iste Basilicarum prioris sententiæ adversatur; cui tamen aliæ suffragantur Ecclesiæ, illis nequaquam originis antiquitate cedentes: in his enim angusti admodum visuntur aditus lumini admittendo. Attamen ut verum fatear, ubi appareat exiguitas fenestrarum, constabit apertè, vel Ecclesias illas non posse inter antiquissimas recenserì, vel contractas fuisse areas fenestrarum à restauratoribus temporum subsequen-
tium. Manifestè id conspicitur in vetustissima Basilica Sessoriana, quam antea diximus quinas fenestras in singulis lateribus obtinere, latas pal. 20. altas 40. Harum tamen unica est hodie, quæ priscam retinet fenestrarum amplitudinem, eaque Tribunæ proxima est, & à columna marmorea bifariam dividitur. At reliquarum quatuor una omninò clausa, tres verò in angustius foramen contractæ sunt, altum palm. 25. latum 3. Nequè licet suspicari, coarctationem istam in constructione contigisse, nam ipsa murorum structura, quâ oppleta sunt spatia fenestrarum, longè diversam ætatem prodit; præterquàm quod Architectus rogandus erat, quorsum spatia tam lata designasset, qui tam angustis hiatis contentus esset.

Plurimùm mihi contulit observatio ista Sessorianæ Basilicæ ad sententiam roborandam, quam de hujusmodi quæstione videor proferre posse. Meo itaque iudicio distinctione utendum est cùm inquiritur, an vetustatis potius indicium sit fenestrarum angustia, vel amplitudo. Si sub terminis disputatio proponatur, ex Ecclesiis quæ extant, ævo priores reputandæ sunt, quæ majori numero, vel amplitudine fenestrarum pollent, cùm è supra dictis apertè constet, antiquissimas Ecclesiarum, quæ apud nos sunt, ita fuisse constructas. Si verò sensus quæstionis sit, an inter antiquitatis indicia, referri possit tam amplitudo, quàm angustia fenestrarum, respondeo, utramque formam vetustatis indicium esse, dummodò constet, an Monachorum Ecclesia fuerit, vel Clericorum. In hanc me sententiam manuduxit animadversio superior, quam in coarctatis Sessorianæ Basilicæ fenestris notavi: ut enim ex cæmentis conjicio, murus ille ad restringenda spatia fenestrarum, constructus est circa sæculum decimum reparatæ salutis. Eâ verò tempestate Basilica illa Monachis concessa fuit per Benedictum VII. sedentem in Apostolico Solio anno 976. qui Monasterium in illa statuit, Monachosque locavit, ut in marmoreo epitaphio, eidem Ecclesiæ affixo legitur. Conjecturare, ergo possumus, idè exclusum fuisse nimium lumen, quod antea in Basilicam admittebatur, quia Monachis meditantibus fortasse officiebat, quominus possent intento animo Deo soli vacare: non secus ac hodie quoque solemus adductis velis ingentem lucem excludere, cùm publicæ adorationi

tioni exponitur augustissimum Domini Corporis Sacramentum; quia tunc temporis Fidelium pietas sanctis potissimum meditationibus vacat, ideòque moderatione diurni fulgoris efficitur, nè faciles nimium in vanitates oculi divagentur. Hinc laxior regula deduci posset, quod nempe templa, quæ a Regularibus, seu Monachis colebantur, fenestris paucissimis, aut exiguis illustrarentur: & è contrario Clericorum, quos Sæculares vocant, Ecclesiæ copiâ, vel magnitudine fenestrarum excellerent. Primi enim cum solitudinem, & silentium meditaturi ex instituto suo sectarentur, cur lumen uberius exquirerent? Secundi verò, cum sint super candelabrum positi, ut omnibus luceant qui in domo sunt, nempe ut activæ vitæ studia prosequantur, ac propterea Sacramenta Christi Fidelibus ministrare debeant; num ingentem eorum numerum in classes digerere, & inconfusè sua munera exercere potuissent, nisi copiâ lucis accersitâ universos probè distinguere, & distingui curassent? Insuper accedit, quod sacri ritus à Populo confluente conspici meliùs poterant, & cærimoniarum mysteria recoli, cum à singulis distinctè cernerentur Presbyteri, Levitæ, aliique ipsarum Ecclesiarum ministri, quorum etiam aspectu, & gravitate ad modestiam, & religionem eò faciliùs quisque componeretur, quò illustriùs, & evidentiùs sanctissimorum virorum cultus discerneret.

Argumentis quamplurimis ea, quæ diximus, firmari possent; sed unum tantum attingimus, quod nostri instituti est, cum ad Ecclesiarum notitiam

peculiariter spectet. Animadvertimus quamplures antiquas Monachorum Basilicas cum fenestris angustis esse constructas. Sic Ecclesia Sanctæ Mariæ in Aventino, una ex viginti Abatiis, quarum Abates Pontifici Maximo adstabant, cum in Basilica Lateranensi Sacra conficeret. Ista inquam Ecclesia angustissimas pridem habuit fenestras, quæ tamen anno 1689. ampliatae fuerunt, cum pia, atque splendida Card. Benedicti Pamphili liberalitas eandem Ecclesiam restauravit. Illis omninò pares visuntur in Ecclesiis S. Gregorii in Clivo Scauri, S. Priscæ, S. Sabbæ, SS. Cosmæ & Damiani in vico aureo Transtiberim (quæ omnes erant ex præfatis viginti Abatiis) necnon in Ecclesiis SS. Vincentii & Anastasii ad Aquas Salvias, quæ unâ cum Monasterio à fundamentis fuit ædificata à Pontifice Honorio I. sub annum 625. ut scribit Panvinus *de Septem Urbis Ecclesiis*.

Quin etiam in pluribus Monachorum templis, extra Romanum agrum constructis, eandem regulam servatam fuisse audio. Profectò in augusta Basilica Veronensi, quam Divo Zenoni ejus Urbis Episcopo Pipinus Caroli Magni filius construxit, cuique colendæ etiamnum Monachi Benedictini addicti sunt, tanta est fenestrarum angustia, ut vir clarissimus Octavianus Roboretus, omni disciplinarum genere ornatus, cum illarum Iconem huc transmisit, testatus sit, illarum latitudinem ad duos circiter palmos, altitudinem verò ad sex tantum pertingere posse. Quare concludendum existimo, cum de vetustis Ecclesiis agitur, illas quæ per angustas fenestras diem exciperent, à Monachis,

nachis, vel ab aliis in eorundem usum fuisse constructas, quarum tanta sæculis antea actis copia, ac frequentia fuit, ut Miræus in epistola dedicatoria sui *Tractatus Originum Monasticarum*, duo supra quinquaginta millia Monasteria unius Ordinis Benedictini fuisse tradiderit: illas verò, quæ per plures, laxioresque fenestras lucem admitterent, in populi totius conventum, utque à Clericis, Parochis, vel Canonicis, & Episcopo incoherentur, excitatas fuisse.

Quandoquidem materia suppetit, ut de profanis ædificiis aliqua sparsim dicam, ubi occasio se obtulerit; abs re fortassè non erit, si aliqua hinc attingam potius, quàm prosequar, ad fenestras ædium privatarum pertinentia. Tempore igitur Imperatorum exiguas eas fuisse iudico, & quadratas, atque à columna marmorea bifariam sectas, vel etiam paullo plus in latitudinem, quàm in altitudinem extensas, hasque postremas à duplici ut plurimum columnâ in tria parallelogrammata distinctas. Istarum exempla visuntur in antiquissima fabrica, propè Ecclesiam Sancti Stephani vulgò *Rotundi*, & in nonnullis æquè vetustis domibus, in regione Transtiberina adhuc stantibus. An verò mos iste per priora duodecim sæcula à Christo nato perpetuo fuerit usu servatus, nullis omninò edoceor monumentis. Sæculo tamen decimo tertio, vel decimo quarto, fenestræ privatarum ædium hinc Romæ quadrilaterâ formâ construebantur, à cruce marmoreâ quadrifariam sectæ, eâ lege ut superiores duæ sectiones quadratæ essent, inferiores verò partes æquales cum illis in latitudine, sed paullo in altitudi-

nem productiores. Exemplo esse possunt Palatium Vaticanum antiquum, Palatium S. Marci, Palatium Capranicense, aliaque tribus ab hinc sæculis, & ultra in Urbe excitata.

Illæ demum fenestræ, quæ in antiquis, ac magnificis templis cernuntur arcuatæ, & unicâ, vel duabus columnis bifariam sectæ, ut in exhibita orthographia Basilicæ S. Crucis videre est, aut trifariam divisæ, ut in veteri Basilica Vaticana aderant; non Monachos ibi, sed Clericos Sæculares divinis Officiis operam navasse demonstrant.

C A P U T X.

De Musivorum operum origine, nominibus, & speciebus.

OPERUM Musivorum originem antiquissimam esse, & hominum, ac sæculorum memoriam excedere, neutiquam inficiabitur qui vel supremis utcunque labris literarum Sacrarum monimenta libaverit. Nam in Esther cap. 10. legimus, Assuerum Persarum Regem Smaragdino, ac Patrio lapide pavementum stravisse, quod lapillis versicoloribus arte mirâ dispositis compositisque, picturam amulabatur. Quamobrem facillè crediderim, opificii tam elegantis primordia Persidi nos debere, quæ istiusmodi lapillorum quàm feracissima fuit, & incolarum ingenia ad exquisitioris luxûs irritamenta semper instruxit. Verùm è Persarum confinio ad Assyrios finitimos, & ex his ad Græcos, postremò in Latium Syllæ temporibus (ut Plinius auctor est) jugi decoris incremento traductum est. Bonarum scilicet artium propagines, ut de vitibus

tribus evenit ; non in altricibus plagis effœtæ senio marcescunt, sed in varios, ac diffitos populos perenni virore trahuntur .

Musivum opus varia nomina, variumque pro diversitate etymon ab Auctoribus sortitum est . Quidam enim *Musivum*, alii *Mosibum* dixerunt, ut in plurimis accuratissimis MSS. videre est, ac præcipuè in magno Inscriptionum Thesauro Gruteri : alii *Musaicum*, *Museacum*, & *Musiacum* appellarunt . Porro qui *Musivum*, sive *Musaicum* dixere, à *Musa* deduci putarunt, quòd scilicet quasi Musæ, idest artis eximiæ sit opus . Qui verò *Museacum*, & *Musiacum*, à *Muscis* nomen fecere, ut notat Joannes Ludovicus Vives in cap. 8. lib. 16. S. Aug. *de Civit. Dei* in hac eadem voce . Nec desunt qui *Musivum*, aut *Mosivum* à Græco verbo *μυσεῖον*, idest *Musico cantu*, deducunt ; vel ab Hebræa radice **מִשְׁכָּה**, quæ (ut in Lexico Buxtorfii) sonat idem ac *miscuit*: ex illa enim deducitur **מִשְׁכָּה** hoc est *mixtio*, vox uti soni affinitate *Moseaco* proxima, ita *mixturæ* significatione, quàm maximè arti hujusmodi consentanea . Nam quemadmodùm si liquores commisceantur, minimæ eorum partes mutuâ, mollissimâque collisione ita copulantur, ut nullus omninò distinctioni locus super sit ; sic elegans hæc lapillorum compositio fallit oculos, adeò ut quidpiam perpetuum censeatur, unicâ lapidis venâ, vel eodem coloris ductu conspicuum . Plinius tamen in hoc opere describendo vocem aliam usurpat in lib. 36. cap. 25. ubi inquit : *Lithostrota cæptavere jam sub Sylla parvulis certè crustis* ;

*extat hodieque, quod in Fortunæ delubro Præneste fecit . Pulsa deinde ex humo pavimenta, in cameras transire è vitro . Novitium & hoc inventum : Agrippa certè in Thermis, quas Romæ fecit, figlinum opus encausto pinxit ; in reliquis albaria adornavit : non dubiè vitreas facturum cameras, si prius inventum id fuisset, aut à parietibus Scenæ, ut diximus, Scauri pervenisset in cameras . Marcus enim Scaurus primus fuit, qui Scenæ parietes marmore obduxit . Vocem hanc *Lithostrota* Isidorus *de Orig.* lib. 15. cap. 8. sic exponit : *Pavimenta originem apud Græcos habent, elaborata arte picturæ : Lithostrota parvulis crustis, ac tessellis junctis in varios colores . Quæ quidem vox ex duplici Græca voce constat, nempe ex *λίθος*, idest lapis, & *στρώτης* idest stratus, à verbo *στρίω* sterno . Unde nomen *Lithostroti* generalius quiddam est, ea omnia complectens, quæ lapidibus strata sunt, ideòque etiam publica viarum itinera, quæ silicibus impositâ, & rudi minervâ sternuntur . Quapropter cùm Latini auctores pavimenta describerent lapide nobiliori nitentia, declinaverunt ab ea voce *Lithostrotos*, utpotè nimis laxæ significationis, aliisque vocabulis magis propriis, & arti de qua sermo est aptioribus, usi sunt . Hinc *tessellatum*, *sectile*, *figlinum*, & *vermiculatum* appellatum est opus *Musivum*, totidemque nominibus, quot speciebus, insignitum fuit .**

Antequam ulteriùs progrediar, non injucundum fore censeo, si hic marmoreum inscriptionis fragmentum ex agro Tunetano Florentiam allatum referam, in quo de *Musivo* opere mentio fit . Habetur hæc inscriptio in
Mi-

Miscellaneis eruditæ antiquitatis Jacobi Sponii sect. 2. art. 8. pag. 39. & est unica ex ethnicis, quam apud Epigrammatum Collectores invenerim. Ea est quæ sequitur:

PECVNIA PERFECIT ET
 DEDICAVIT ET OB DEDICATIONEM
 PVGILVM CERTAMINA EDIDIT
 ET DECVRIONIBVS SPORTVLAS
 ET POPVLO GYMNASIVM
 EPVLVM DEDIT ET HOC
 AMPLIVS PRO SVA LIBERALITATE
 CAMERAM SVPERPOSUIT
 ET OPERE MVSEO EXORNAVIT
 CVM . . . AREIS . . . FELICE
 ET RVFINO III. . . . ISDED.
 OB QVAM DEDICAT. EPVL. DEC.
 ET POP. FRVM. DED.

Notat idem Sponius, hanc inscriptionem videri positam fuisse in aliqujus ædis dedicatione, quæ fuerit celebrata cum magnifica pompa, Pugilum scilicet certaminibus, sportulis, idest munusculis Decurionibus, Populo autem epulis & frumento donatis sub Consulatu, ut inde elicitur, Felicis, & Rufini; sed quia hoc Conulum par in Fastis non legitur, sed Felix dumtaxat cum Brutio Præsente sub Antonino Pio, quem in annum inciderit affirmare non audet.

Tessellatum opus profectò antiquissimum esse videtur, cum simplicissimum sit, & hoc nomine illud (meo judicio) opus intelligitur, quod è diversis verficolorum marmorum crustis in formas diversas resectis elaboratur, in Quadrati videlicet formam, Quadrilateri, Trianguli, sectionis Conicæ, Sphericæ, sive circularis, Pentagoni, Hexagoni, Octagoni, & aliarum Geometricarum figurarum, quæ variè inter se dispositæ, insimulque

conjunctæ, non inconcinnum oculis præbent aspectum. Ex his *tessellatis* operibus plurima Romæ visuntur antiqua veterum Ecclesiarum pavimenta, quorum duo affero exempla, unum in Fig. I. Tabulæ XXIX. quod est in Ecclesia S. Clementis; alterum summè commendatum, in Fig. 2. quod est in Ecclesia S. Silvestri, in atrio alterius Ecclesiæ SS. Quatuor Coronatorum.

Sectile opus post *tessellatum* inventum est, in quo tribus, aut duobus tantummodò diversorum colorum marmoribus, hominum, & animalium figuræ repræsentantur; sic dictum à *Seco*, quod priùs in tenuissimâ marmoris laminâ figura delineatur, deinde ferram per figuræ delineamenta circumvolvendo, secatur lapis, cuius rimis, sive lacunis alterius coloris lapis inseritur; è quorum diversitate colorum, ac variis lineamentis figura efficitur, ut in Tab. XXII. videri potest.

Hujusmodi *sectilis* operis monumenta satis antiqua spectantur in Cathedrali Anconitana, tum intra Ecclesiam, tum in ejus fronte, ubi plurimæ Sanctorum imagines rudi arte, ut ea ferebant tempora, expressæ sunt.

Multò tamen antiquiùs, & ornatiùs etiam apud vetustiores *tessellati* operis rationem floruisse facile credam, cum apud eosdem difficilior Musivorum ars culta fuerit.

Musiva itaque opera ab antiquis post *tessellatum*, ac *sectile* adinventafuisse, non improbabili conjecturâ argui potest: ea siquidem esse solent artium quarumlibet fata, ut ab humillimo principio ad summum fastigium attollantur. Structuræ hujusmodi specimen in illo eodem opere adhuc superest,

Fig. 1.






Fig. 2.








Fig. 1.

Fig. 2.

Fig. 3.



Fig. 2.



pereſt, quod à Plinio paullò ſuperiùs indicatum fuit in Præneltino Fortunæ delubro: aſſervaturque ibidem in Palatio Excellentiffimi Principis Barberini. Conſtat autem hoc Muſivum opus è minutiffimis diverſorum marmorum, diverſorumque colorum lapillis, adeò affabrè elaboratum, ut aſpicientes mirum in ſtuporem trahat, quemadmodùm Lector in conjuncto exemplari videre poteſt, videlicèt in Tabula XXX. Fig. 1. Quid autem tot imagines ibidem coacervatæ repræſentent, celeberrimus P. Kircherus in ſuo *Latiao* part. 4. cap. 4. interpretari conatus eſt; quali autem fortunâ, eruditus examinandum relinquo. Aliud antiquiffimi Muſivi operis exemplar ſervatur Lugduni apud D. de Caſſaire, ut refert ſupra laudatus Sponius loco citato, quod nos Lectori exhibemus in Fig. 2. Vides etiam in eadem Tabula ſub Fig. 3. aliud Muſivi operis fragmentum, quod protulit in ſua Præneltæ Joſeph Maria Suaresius Epiſcopus Vaſionenſis, Vir eruditione, bonis artibus, ac omni Virtutum exemplo, dum viveret, præſtantiffimus; & ſummâ mecum neceſſitudine conjunctiffimus.

Poſt Syllæ tempora hominum ingenia per artium apices glifcentia, alacriùs ſe in illis exercuerunt, adeò ut ævo M. Agrippæ pavimenta ſigulini operis encauſto picti ſternere cogita-verint, ſicuti ex Plinio habetur. Hujuſmodi operis ſpecies hac tempeſtate in lucem eſt revocata, cùm & hîc aliquæ privatorum Camera, & Venetiis pavimenta ſerè omnia talibus ſigulinis operibus encauſto pictis ſternantur. Nec tamen temporum illorum ingenia novo huic invento ac-

Par. I.

quieverunt; quinimò nobilius quoddam opus excogitarunt, non ex marmoribus aut ſigulinâ, ſed ex vitro colorato; cumque illud pulcherrimum, ac eximium appareret, non pavimentis, ſed parietibus accomodarunt: at hujusmodi operis nullam prorsus memoriam reperi, præter eam, quæ in variis Urbis Eccleſiis viſitur. Ejus exemplaria inferiùs afferam, cùm de Eccleſiis ſermo erit.

Supereſt modò quid, vel quale ſit opus *vermiculatum* oſtendere, quod nil aliud puto intelligendum, niſi Muſivum; ſed minutis adeò lapillis formatum, ut vermium aſpectum cominùs repræſentet, qui dorſum varie-gatâ macularum ſerie, tot veluti punctis depictum habent; unde *vermiculati operis* nomen fortè deſcendit. Quin & ab eiſdem curioſiùs, ac diligentiùs obſervatis, fortasſe artis exordia deducta ſunt; ſi enim attentè læcertarum pelles, & ſerpentum exuvie inſpiciantur, miram certè præſerunt areolarum compagem, à Muſivorum fruſtulis minimè abludentem.

Genus Muſivorum in plures differentias dividitur, magnitudine lapillorum finitas, adeò ut alia *majora* dici poſſint, alia *minora*, ſeu *media*, alia *minima*. *Majora* ſunt quæ effinguntur quadratis ſcrupulis, quorum ſingulæ facies, ſeu latera tria circiter minuta Romani pedis expleant: quæ verò duobus minutis patent, *minora*: quæ tandem unico, *minima* vocitentur. At hæc pro nunc de Muſivorum operum differentiâ genericè dicta ſint, in ſequenti enim capite ſpecialiùs de iis loquemur.

Majoribus Muſivis operibus priſci Romani ſternere conſueverunt quæ

L

pedi-

pedibus calcabantur, & quæ ut plurimum sub diò posita erant. Hoc enim operis genus valde durabile est, & injuriis temporum minimè obnoxium. Non tamen hominum, aut animalium figuras, sed foliatas tantùm picturas, illisque persimiles, quas Arabicas nominamus, repræsentabat.

Opus, quod *medium* dicitur, minoribus lapidibus conficitur; ideoque faciliùs in eo exprimi possunt figuræ, quæ licèt lapidum diversorum crustis, sive fragmentis formata, rudes nihilominùs apparent. Duo hîc illius afferuntur exempla; primùm in Tab. XXXI. sub Fig. 1. extatque adhuc integrum in Basilica S. Laurentii in agro Verano; alterum sub Fig. 2. quod cùm in Basilica Liberiana penè lacrum diù jacuisset, anno Jubilæi 1675. bo. me. Fabritius Guastaferrus necessarius meus restituit; at hodie iterum in ruinam labitur.

Minimi demùm operis pervetustis temporibus elaborati, exemplum est in Ecclesia S. Alexii, ad dexteram ingredientium parieti affixum, quod olim in pavimento constituisse meminî: & hoc esse illud opus, quod *vermiculatum* propriè dicitur, semper arbitratus sum. Hujus occasione quatuor alia antiqua, & profana exempla in gratiam Lectoris referre volui in Tab. XXXII. ubi sub num. 4. supra dictum *vermiculatum* opus expressum est, & adhuc visitur in eadem Ecclesia S. Alexii. Alia duo sub num. 1. & 2. sunt in Ecclesia S. Mariæ Transyberim in parastata, quæ triumphalem arcum sustinet, è conspectu Sacrarum. Tertium verò sub num. 3. anno elapso 1689. repertum fuit in quodam antiquo Monumento, tertio ab

Urbe lapide, extra Portam Asinariam, nunc S. Joannis in via Latinâ. Figura hîc expressa Somni (ni fallor) imaginem repræsentat, cùm tota nigra sit, tanquam alludens ad tenebras noctis; sinistra tenet tres flores, quos papaveris esse judico, soporem conciliantis, & sunt ipsius Somni characterismus. Quid autem dexterâ ferret haud apparet, cùm temporis lapsu deletum sit: & fortè cornu illud erat, in quo aquam Lethæam gestasse Poetæ fabulantur.

Allatis exemplis nonnulla alia etiam vetusta adjiciam, quæ cùm paucissimis nota sint, ideo gratiora fore confido. Primum habes in Tabula XXXIII. ubi Europam Agenoris Regis Phoeniciæ filiam, à Jove in bovem transformato raptam vides: quod ex Ovidio Metamor. lib. 2. aliisque notissimum est. Musivum hoc adeò minutis marmoreis lapillis constat, ut artis miraculum dici possit. Habet in altitudine palmos tres, uncias novem, ac in latitudine ferè tantundem. Asservatur in ædibus Excellentiss. Principis Barberini, & quaquà libet instar tabulæ pictæ movetur. Significavit nobis amicus noster Stephanus Fantonus Castrucci, nobilis Prænestinus, repertum fuisse propè Civitatis mœnia, in loco, qui vulgò dicitur *l'Arcione*: ubi etiam multa rudera, multæque parietinæ visuntur, quæ antiquitùs variis marmorum incrustationibus, variisque columnis, aliisque Corinthiacis ornamentis obductæ erant, unde ejus fabricæ magnificentia deducitur.

Secundum Musivum expono in Tab. XXXIV. sub num. 1. Hoc quoque minutissimis lapillis compactum est








TAB XXXII








gri
va-
na-
um
cir-
nar-

do-
vifi-
riâ,
orro-
nan-
ibus
ame-
n di-

nabes
1. 3.)
lique-
titu-
pillis
nitu-
, va-
nimi-
stas,
cum
men.
rum,
viden-
mari-
atur.
, an-
n quo
oculis
i figu-
uenti-
rum,
, fur-
atissi-
m no-
. Aba-
nobis

Mu-



est, fervaturque penès Excellentissimum D. Principem Chisium. In hujus explicatione non hæreo, cum unicè ab opificis sui arbitrato dependeat. Magnitudo picturæ est palmorum duorum cum dimidio.

Tertium, quod sub num. 2. exhibeo, elaboratum est in tabula figulina. Hujus exemplar habui à laudato D. Equite Carolo Antonio à Puteo, antiquarum eruditionum, ac literarum amantissimo. Quod in eodem exprimitur, nempe supracitatus Europæ raptus, pictura ipsa ostendit.

Quartum opus Musivum affero sub num. 3. visiturque hodie in Oppido Mevania, quod olim Urbs erat Episcopalis Umbriæ ad Clitumnum fluvium propter viam Flaminiam, sex millibus à Fulgineo passibus, à Perugia verò duodecim distans, armentorum, pecorumque coplâ percelebris. De ea fusè antiqui Scriptores meminere, nempe Plinius, Columella, Lucanus, Silius, Statius, Propertius, Strabo, Ptolomæus, & alii. Comperio Innocentium jam ejusdem Civitatis Episcopum anno 437. subscripsisse in Concilio III. Romano *De lapsis Africanæ Ecclesiæ recipiendis* sub Felice; ac iterum anno 499. in alio Concilio Romano, videlicet I. ubi actum fuit *De tollendo ambitu in Comitibus Pontificiis* sub Symmacho. Hæc præmittenda censui ad ejusdem Urbis antiquitatem, atque splendorem insinuandum, ut ex parietinis, quæ adhuc in ea exstant, argui potest: & confirmant tria pavimenta lapillis marmoreis strata, quæ ibi & hodie supersunt. Primum pavementum cernitur in domibus Alexandri Alberti in duabus cameris, quarum prior lapillis un-

ciarum duarum circiter, albi & nigri coloris, non uno modo dispositis, variegatur. Alterius cameræ lapilli magnitudine prædictos excedunt, cum in qualibet facie sint minorum circiter octo, omnes tamen ex albo marmore.

Secundum pavementum (proh dolor!) in stabulo Jacobi Luciani visitur, temporis, & animalium injuriâ, ut evenire necesse erat, valde corrosum. Lapilli hoc pavementum ornantes tum magnitudine, tum coloribus eos imitantur, quos in duabus cameris Alexandri Alberti extare jam diximus.

Tertium pavementum (quod habes in eadem Tabula XXXIV. num. 3.) parùm a prænarrato distat, ejusque longitudo est passuum decem, latitudo verò septem. Stratum est lapillis marmoreis albis, & nigris, magnitudinis circiter unciarum duarum, varios pisces repræsentantibus, nimirum tres Delphinos, duas Locustas, unum Polypum, & Neptunum cum tridente, sive aliud marinum numen. Apparent insuper vestigia aliorum trium piscium, quorum duo videntur Vitulus marinus, & Equus marinus: tertii autem qualitas ignoratur. Hinc haud temerè deduci potest, antiquitùs ibi Balneum extitisse, in quo aquarum copia, ac perspicuitas oculis aspicientium hujusmodi piscium figuris illuderet, cum cominùs intuentibus aquam, imagines earum rerum, quæ in imo cujuslibet vasis sunt, sursum eleventur, unde visui gratissimus error. Horum pavimentorum notitiam debemus Reverendiss. D. Abati Ambrosio Spezia, qui eam nobis illinc obtinuit.

Musivorum huc usque operum originem, nomina, species, & eorum in Italiam introductionem, ac progressum retulimus; sed ut uberior sit historica hæc narratio, silentio prætereundum non est quid scripserit de iisdem Leo Ostiensis in Chronico Monasterii Casinensis; quod Notis illustravit eruditissimus vir Angelus de Nuce, olim ejusdem Monasterii Abas, postmodum Archiepiscopus Rossanensis, mihi summam necessitudine conjunctissimus. Ostiensis igitur lib. 3. cap. 28. ait, Desiderium ejusdem Monasterii Abatem, postea Cardinalem, anno Dominicæ Incarnationis MLXVI. novam Ecclesiæ fabricam inchoasse in honorem S. Benedicti: & in cap. 29. *Legatos Constantinopolim, ad locandos Artifices destinat, peritos in arte Musivaria, & quadrataria, ex quibus alii Absidam, & Arcum, atque vestibulum majoris Basilicæ Musivo comerent; alii verò totius Ecclesiæ pavimentum diversorum lapidum varietate consternerent. Quarum artium tunc ei destinati Magistri cujus perfectionis extiterint, in eorum est operibus æstimari; cum & in Musivo animatas ferè autumet se quisque figuras, & quæque virentia cernere, & in marmoribus omnigenum colorum flores pulchrà putet diversitate vernare. Et quoniam artium istarum ingenium à quingentis & ultra jam annis Magistra Latinitas intermiserat, & studio hujus inspirante, & cooperante Deo nostro, hoc tempore recuperare promeruit, nè sanè id ultra in Italia deperiret, studuit vir totius prudentiæ plerosque de Monasterii pueris diligenter iisdem artibus erudiri. Ipsa ejusdem Ostiensis verba retuli, ut appareat quàm facilis ad efferenda Desiderii*

Cardinalis opera fuerit: nam inter postremum, quod Romæ constructum est Musivum, ac illud quod in Monte Casino fuit, non intercesserunt nisi ducenti ac septuaginta circiter anni, non autem quingenti; Romanum namque est Triclinium Lateranense, adhuc extans, & à Leone III. qui circa finem VIII. sæculi Pontificatum gessit, excitatum.

CAPUT XI.

Ex qua materia Opera Musiva componantur, & quomodo ipsæ materiæ præparentur.

DUO tantum in operum Musivorum compositione requiruntur, lapilli videlicet, & gluten; idèoque primò de lapillis, mox de glutine differemus. Antiquiora Musiva opera ex lapidum crustis constitisse quis ambigat, cum ex Sacra Scriptura, & ex Plinio supra relatis id evidenter appareat.

Sub Augusti deinde tempora, cum summoperè, ac mirum in modum Romanorum ingenia florerent, novum prodiit inventum (ut ex Plinio audivimus) pingendi scilicet nobiliores Imagines ex vitri frustulis non uno modo coloratis opere encaustico. Sed quis hanc artem invenerit, ob silentium antiquorum latet.

Vitri preparatione brevitatis ergò omisâ, cum luculenter de illa scripserit Neriùs in *Arte vitraria*, ad ipsius coctionem me conféro (unde *encaustum* Græco vocabulo dicitur) nec non ad reliquam politionem, quæ illi adhibenda est, antequam parietibus inferi, componendisque figuris valeat usurpari.

Cum

Cùm igitur parata est massa vitri, in plures dividitur terreas fartagines, vim ignis sustinentes, pro colorum numero (seorsim enim singulis proprius color miscetur) ac per integrum octo dierum spatium valido igne supposito fornaci committitur excoquenda.

Absolutâ coctione, ferrei cochlearis ope vitrum elicitur, politoque marmorì infunditur horizontaliter locato, ut insitæ gravitatis vi dilatari queat in placentulas subsidentes. Quod ut facilius contingat, imponitur superne marmor aliud lævigatum, quo premente, validius comprimitur utraque vitri superficies, & in æqualem placentulam, crassam circiter tribus minutis unciaë Romani pedis, redigitur.

Ita comparatis singulorum colorum orbiculis utrinque lævigatis, ferreum scalprum, quod Italis dicitur *il Tagliuolo*, lapidi imponitur, acieque fursùm spectante ita locatur, ut placentulæ vitreæ ferro acutissimo intratæ, dividi commodè in strias longiusculas possint. Quapropter ita scalpro aptantur placentulæ, ut extrorsum, promineant tribus circiter unciaë minutis, juxtâ frustulorum latitudinem: tum malleolo leviter adactò, ictus superne iterantur, quousque acies ferri intimam placentulam parvādens, illam in parallelepipeda longiuscula secet. Hæc verò singillatim scalpro imponuntur, ac decussatâ divisione in cubica rediguntur corpora, quibus tanquam elementis Musiva compingantur.

Hæc tamen dividendorum frustulorum methodus *majori* tantum intervit Museaco. Alia usurpantur organa in secandis *mediis* Musivi tesseris; res

enim nec scalpro, nec malleolo perficitur, sed areâ ferrâ, aut continuâ edentulâ, & smyride opus est: sive malis cubos omninò æquales efformare, imponenda erunt frustula vitrea rotæ plumbeæ versatili, cujus celerimo motu, non secus ac in gemmis fit, eorum superficies quadratæ, lævesque reddantur.

Eidem rotæ expoliendæ commendantur *minimi* Museaci tesserae, quæ non educuntur è striis, aut placentulis, ut in superioribus Musivorum speciebus: vitrum enim, quod in ista infumendum est, statim ac è fornace fuerit eductum, in tenuia filamenta elongatur; hæc verò minutè concisa, in brevissimos cylindros rotæ corrosionem ad cubicam figuram atteruntur.

Eadem poliendi ratio in coloribus singulis est: secus in ea vitri parte, quæ auro obducitur; illa enim rotæ non subditur, nè aurum unâ cum vitro absumatur. Cæterum ad hoc ut auri bractea vitro pertinaciùs adhæreat, eidem imponitur statim ac è fornace candens educitur: quo denuò in fornacem immisso, brevi temporis spatium tam arctè illi agglutinatur, ut nullo pacto divelli, nisi corrodendo, possit.

Hic libet inferere industrium Artificum recentiorum conatum, qui in lucem revocare tentarunt fictile opus encausto pictum, ævo Agrippæ olim inventum, ut Plinio teste didicimus; & nos Itali *Majolica* denominamus. Ad Musivorum penu illud etiam traducere contendèrunt, prout nuper vidimus in Cappella Gregoriana Vaticanæ Basilicæ: infelici tamen eventu; hujusmodi enim consilium frustratus est aer, qui mordaci nitro, quo pollet,

let, non colorem modò tessellarum obliterat, verùm etiam in pulverem redigit extimam superficiem earundem.

Pars altera, cui caput istud addiximus, impendi debet in explicanda methodo, quâ gluten, sive marmoratum, Italicè dictum *Stucco*, perfici solet. Gluten itaque illud, quo lapilli ad Musivum pertinentes validè vincuntur, diversum apud veteres fuit ab eo, quod à nostratibus usurpatur. Antiquitùs calci vivæ, aquâ priùs extinctæ, addebatur marmoreus pulvis, eidem triplâ proportionem respondens, adeò ut singulo calcis sextario e. g. tria marmorei pulveris immiscerentur. Aquâ deinde communi, & ovorum albumine omnia illa subigebantur in massam, cui *Marmorati* nomen indidère. At experimento edocti sumus, id glutinis genus minùs accommodum opificibus contingere; nam cum parieti inductum erat, modico temporis tractu adeò obdurefcebat, ut Musivarii celeritatem præverteret, nè lapillos disponere, & aptè collocare, ante illius exsiccationem posset. Recentiores itaque artifices alio glutine utendum esse censuerunt, quod moræ diuturnioris patiens esset, antequam in invictam ævo duritiem crederet.

Hoc igitur pacto hodiernum gluten componunt. Sumitur calcis vivæ aquâ extinctæ portio una, quæ tanta esse solet, quantam vas capit, in quo calx gestari solet, Italicè dictum *Schisso*. Accipiuntur deinde tres partes pulveris è marmore Tiburtino, non autem alterius speciei; & hæc omnia simul immista, non aquâ, sed oleo lini molliuntur, ac subiguntur, & sin-

gulo quoque die murario ligone revolvuntur, & contrectantur, sicut communis calx subigi solet. Olei lini quantitas in prima congerie septuaginta, vel octoginta librarum est; nam calx, & pulvis eousque lini oleo irrorantur, donec sufficienter coagulata, & unita fuerint ambæ materiæ. Signum autem perfectæ unionis ex infra scriptis adminiculis deducitur. Congeries, sive massa principiò quidem plana est, deinde in dies tumescit, & ad pyramidis formam elevatur. Massâ assurgente, aqua quæ erat in calce, siccatur; quare oportet singulo quoque die massam eandem oleo novo irrorare, nè are scat, & intractabilis fiat: in qua irrotatione septem circiter olei libræ solent infumi, juxta massæ desiccationem, quæ modò celerior, modò lentior cedit, pro diverso locorum situ, & aeris temperie. Æstate enim viginti circiter dierum spatio massa ad perfectionem deducitur, quod ab ipsa materia cognoscitur, cum scilicet intumescere desistit, quia aqua, quæ erat in calce, jam evanuit; ideoque si extendatur, neque attollitur, neque in se concidit, sed unguenti ad instar stat. Reliquis verò anni temporibus majus in ejusdem exsiccatione, & perfectione temporis spatium infumitur, juxta aeris humiditatem, adeò ut hyeme quandoque mensis integer non sufficiat.

Sciendum tamen est aliquando, nempe in urgenti casu, brevissimo tempore *Marmoratum* hoc fieri posse. Accipitur enim calx, quæ in aquâ priùs extincta, deinde exsiccata, denique in pulverem redacta fuerit, cum tribus partibus pulveris è lapide Tiburtino, & cum oleo supradicto, cunctaque

Etæque hæc manibus ut in panificio subiguntur, & in massam coguntur. Et hæc de *Marmorati*, sive glutinis confectione: modò autem quâ ratione parieti aptetur, ostendendum est.

Antequam gluten supra murum extendatur, abradere calcem necesse est, unum inter & alterum latèrem, existentem, eamque excavare, ut tot canaliculi ad uncia unius circiter palmi Romani profunditatem formen- tur, ad hunc finem, ut superimpofitum gluten tenaciùs muro cohæreat, eas cavitates subimplens, ac totidem concatenationes efformans. Si verò (quod accidit aliquando) murus ex magnis lapidibus constet: quia tunc cavitates ex calcis abrasione formatae ob lapidum latitudinem inter se valdè distarent, nec glutini minimus pateret aditus, quo lapidis superficiem penetraret, eique pertinaciter inhæreret; ut muro perpetuò infixum remaneat, nec divelli possit, clavi longitudinis saltem unciarum quinque, capita grandiora habentes, quorum nempe diameter duas uncias excedat, eidem saxo vi multâ infigantur, ita tamen ut unus ab altero non ultra palmi quadrantem distet, ac singuli è marmoris superficie promineant, adeò ut eorum capita amplecti, & circumdare possit gluten iis superinductum.

Compendiosius alii inventum excogitarunt, videlicet: cùm sæpè lapidum tanta durities sit, ut impervii prorsus, nec ferro quolibet penetrabiles inveniantur; implantatis clavis longioribus ubi fas est, validum ferri filum decussatim illis circumducitur, adeò ut rete quoddam efficiat, quod imposito glutine oppletur.

Paries ita præparatus lini oleo illi-

nitur ope pennicilli: tum subsequenti die, sive etiam eodem, prout Musivario libuerit, gluten expanditur: solentque artifices ut plurimum viginti quatuor tantum palmos obducere pensum, quod absolvi facillè potest antequam gluten obdurescat. Hoc verò mollius præparatur, ut celerius excipiat intrusos encausti lapillos. Glutinis lentor usque ad vigesimum circiter diem perdurare solet; quo temporis spatio absoluto, lini oleum corporibus permistum profilit, & marmoris, calcisque compages in duram superficiem obcallescit. Hanc verò si emollire iterum cupias, ferro in lanceæ formam acuminato, aut trullâ erit concidenda, decussatis impressi- nibus ad retis imaginem, trullâque, rursus obtrectanda, quousque lapillis iterum recipiendis obtemperet. Lini oleum à recentioribus massæ com- mistum, descriminat ab antiquorum glutine gluten juniorum; hoc enim luteum evadit, cùm illud ad albedi- nem vergat, unde etiam constructio- nis tempus eruitur.

Habes itaque, Lector, quæ ad Musivorum operum fabricam pertinent, nedum genericè indicata, sed etiam singillatim explicita pro singulis eorundem speciebus, quas elegantissimè elaboratas inspicias in Urbe Roma. Si elenchum insigniorum expo- stulas, en tibi carptim recenseo.

Primæ magnitudinis, seu speciei sunt ferè omnia Musiva antiqua. Secundæ speciei, seu *mediæ*, in fornice Vaticanæ Basilicæ est insigne Genti- litium Pontificis Pauli V. In Ecclesiâ Sancti Alexii, ubi depositum vides Cardinalis à Balneo, tholus est ope- ris imperfecti. In Ecclesiâ Sanctæ Ma-
ria:

riæ nuncupatæ *Scala Cæli*, ad *Tres Fontes*, Tribuna est Scipionis Provenzalii Musivarii. In Ecclesia S. Laurentii extrâ mœnia, Imago Rondinini, opus Cæsaris Vacchi, discipuli Jo: Baptistæ Calandræ. Sunt & alia nonnulla vetustiora, nimirum facies Basilicæ S. Pauli extra Urbem: Absis Basilicæ Theodori, & alia, de quibus suo loco.

Tertiæ speciei, sive *minimi* Musei exemplaria sunt in Vaticana Basilica, nempe Altare cum tabula Musiva, in qua exhibetur S. Michael Arcangelus. Hujus Artifex, sive Musivarius fuit supramemoratus Joannes Baptista Calandra, cui pro quolibet palmo quadrato, in ingeniosi laboris præmium soluta fuisse quindecim scuta fama est, exceptis encausto, & aliis cæmentis. In Ecclesia S. Mariæ super Minervam Imago cum duplici stemmate Octaviani Ubaldini. In Ecclesia S. Claræ Imago Marii Bovii, omnia Calandræ ejusdem opera. In Palatio Excellentiss. Principis Burghesii extat opère minutissimo Imago Pauli V. Summi Pontificis, continens lapillorum decies & septies centena millia. Artificii ejusdem sunt ibidem aliæ duæ tabulæ, quarum una Orpheum refert animalibus variæ speciei quamplurimis constipatum: altera verò loca campestria, & arbores; in quibus omnibus Eques Marcellus Provenzalii infudavit.

Allatis notitiis non incongruum videtur addere pretium laboris, quod primis in nova Basilica Vaticana laborantibus Musivariis solutum fuit. Quatuor igitur scuta pro quolibet palmo quadrato retulere, qui primum in ea Musivum, idest Imaginem Pa-

tris Æterni in concameratione parvitholi, & in summâ peripheriâ magnitholi literas, necnon stellas usque ad Icones Apostolorum moliti fuerunt. Vulgatâ per Italiam, & Europam famâ tam largi pretii, & copiæ Musivi operis, quod inibi construebatur, quamplures Musivarios, Venetiis eâ tempestate degentes, Romam vocavit, incitavitque. Quamobrem aucto, atque in dies crescente numero Artificum, decrescere præmium cœpit, & ad julios viginti quinque, idest ad scuta duo cum dimidio, redactum fuit. Novissimè autem denuò imminutum, sex pro quolibet palmo julios non excedit.

C A P U T XII.

Quid requiratur ad Musivi operis pulchritudinem, & elegantiam.

PICTURAM, & Musivum Opera penè germana esse dixeris, dum utriusque munus præcipuum est oculis hominum variâ pulcherrimâque colorum scenâ blandiri, & ea bellè repræsentare, quæ vel intimos animi nostri sensus exprimere, vel diutissimâ apud Posteris laude, ac memoriâ digna censemus. Quapropter si inter artis miracula Pictura magnum prodigium habetur, dum eâ naturam vel æmulamur, vel vincimus; par operi Musivo gloria debetur, imò & major, cum gravior in eo labor sit, ac difficultas vincenda. Quippe illa facili colorum ductu, tenuissimâque & umbratili superficie constat; istud verò altiùs penetrat, & muro pertinaciùs inhærens, æquale cum molibus augustioribus fatum fortitur. Hinc

ævi longioris injuriâ, aut aeris afflatu vivax quantumvis pictura decoloratur, corrumpiturque: Musivum autem induisse videtur immortalitatem, cum nullo temporis morfu debilitetur, nullâ aeris intemperie, aut rigore dejiciatur; quod eximiè testantur tot vetustissima Monimenta, quæ plurima sæcula superarunt, imò & ab ipsis non parva sui decoris incrementa accepere, Frænētinum præsertim, aliaque Musiva, quorum exemplaria suis locis apposuimus. Quare maximo jure, & consilio æternam Picturam illud vocaveris, cum pulchritudine ac specie Picturæ par sit, ac deinde perennitatis constantiâ longè eam superet.

Verum ingenuè fatendum est, maximam à Pictura opem expetere, & in suis primordiis illâ præcipuè indigere, ut laudes hominum, bonitatis ac venustatis præmia assequatur. Quocirca primò prototypus ab eximio Pictore delineetur, coloribusque accuratè distinguatur, ut inde Musivarius pictam tabellam exprimat adamussim, ac scitâ, oportunâque lapillorum dispositione imitetur, immò etiam æmuletur. Cum autem in Musivis magna pulchritudinis portio penes Pictorem sit, sedulò iste sui Operis finem recogitare necesse habet, ac proinde graphidem latam, apertam, facilemque continet; & si in aliarum delineatione tabularum magnâ tum praxi, tum judicii solertiâ usus est, in iis quæ Musivis inserviunt, solertissimus, ac vigilantissimus sit. Vitanda prætereà pro viribus copia figurarum, nam earundem congeries, ac multiplicitas importuna est, & decorem operis minuit, confunditque,

Par.1.

præcipuè in Musivo *majori*, ac *medio*, quamvis in Musivo *minimo* liceat; cum adeò minutim concisi, ac discreti lapilli inveniantur, ut vel implexos rerum, figurarumque nexus discriminent, ac discernant: ac proinde infanum, & vecors consilium esset prælia, turbas, aut quid simile in prima, & secunda specie Musivi delineare, utpotè res suapte naturâ confusas, & vix ab exili, levissimoque pennicillo reddendas. Nequè tamen judicio meo gravius peccaret, qui in operibus hisce multa, ac implicita repræsentaret, quàm qui figuris vel paucis, aliisque rebus umbras apponeret, longosque atræ caliginis tractus veluti pedissequos adderet, ut in picturis non finè laude conspicitur. Illud igitur opus honoris palmam, & hominum plausus referret, quod paucis contentum, areolis ac spatiis interjectis figuras divideret, itaut in illo clariùs niteret non quid perpetuum, sed ordinatè distinctum, pompam lucidam discernentibus, argentibusque lapillis obscurioribus: unde feliciter caperet, atque deciperet oculos, non quid interrasile, sed picturam sibi objectam putantes, admirantesque.

C A P U T XIII.

Dissertatio de Monogrammate L. & de nonnullis aliis literis, seu signis, in vestium fimbriis antiquitus pingi solitis.

SPECTATUM admissi risum tenerent-ne Progenitores nostri, si eis datum esset è sepulchro observare quàm depravatum, quàm insulsum, & à veritate prorsus alienum de nonnullis

M

anti-

antiquorum dictis, gestisque, de quibusdam Statuarum, Picturarumque formis, & figuris, de multorum numismatum facie, characteribus, vetustate, ac genuino interpretationis sensu, à nonnullis recentioris ævi Scriptoribus judicium fuerit pronunciatum?

Facile me persuasurum esse arbitror, fatum hoc contigisse quibusdam vetustioribus hinc Romæ existentibus Musivis operibus, in quibus nonnullæ visuntur Imagines, quæ in vestium, fimbriis, seu laciniis habent ut plurimum literam L. aliquando H. raro autem P. & I. sive nonnullas alias notas, aut characteres; si aliqua prius prænotavero de istarum literarum, characterum, aut notarum nomine, de antiquo more signandi, pingendique pretiosiores vestes apud Gentiles, & an ab illis ad Christianos mos iste defluerit, & multorum super hoc recentiorum varias opiniones; meamque denique probabilibus conjecturis, atque argumentis fulcitam, prudenti Lectorum judicio sententiam exposuero.

Et primum quoad nomen, non uno modo à recentioris ævi Scriptoribus hæ literatæ vestes, seu potius hi vestium characteres, & notæ nominantur.

Aringhius eas *Symbola* appellat, Suaresius *literatas Vestes*, Macrus *Gammadias*, alii *Tesseras*, ego verò dixerim *Monogrammata*, sic eas denominandas existimans à Græcis vocibus τὸ μόνον, καὶ τὸ γράμμα, quæ unicam literam denotant. Scio *Monogramma* à Scriptoribus accipi pro nonnullis literis inter se ita dispositis, sive contextis, ut in compendio alicujus nomen

denotent. Rhabanus Maurus Abas Fuldenfis de *Inventione linguarum* tom. 6. sic *Monogramma* describit: *Literæ enim monogrammæ scriptæ nonnullis in locis inveniuntur, ubi pictura cum musco in pariete imaginis, aut in velis, vel alicubi aliter facta fuerit. Ibi eorum nomina cum congerie literarum unum characterem Pictores facere soliti sunt, quod Monogramma dicitur.* Et Primasius Africanus Episcopus, S. Augustini discipulus, in Apocal. lib. 4. c. 13. de notâ Labari sic ait: *In Monogramma, quæ in hunc modum fit, exprimitur, ubi compendio totum Christi nomen includitur.*

Hæc de varia hujuscemodi vestium apud Auctores appellatione delibasse sit satis: uberius modò de illarum apud Gentes origine, & usu ex probatorum Auctorum testimoniis agamus.

Postquam vana mortalium ambitio à necessitatis usu ad superbiæ fastum, & luxûs irritamentum, simplicibus vestibus, & necessariis indumentis abusa fuit; tanta in vestimentis hominum varietas, ac discrepantia reperta est, ut ob hanc non solum unius Regionis incolæ ab alterius incolis discriminentur; sed & diversus ejusdem Regionis, Provinciæ, ac Civitatis hominum status, & Officia, & Religio per hanc vestium varietatem, ac diversas notas dignoscantur. Verumtamen cum nobis propositum sit in hac Disceptatione differere tantum de *Monogrammate*, & aliis characteribus in laciniis vestium appingi solitis, plenior de antiquorum vestium varietate, formâ, & pretiositate Tractatum, agentibus *De re vestiaria*, aut de vestibus antiquorum in genere, scribendum relinquemus.

Ex Rubenio igitur lib. 1. cap. 10. *De re vestiaria*, & præsertim *De Græcorum palliis clavatis* tractante, nonnulla ad illustrandam hanc rem excerpti posse videntur. Ego (ait Rubenius) *credo σημεῖα illa, quæ palliis intexebantur, non fuisse clavos, quales descripsimus, sed literas laciniis palliorum insertas*. Ita Suidas: Τριβωνοφόρος, ὁ φορεῶν σολὴν ἔχουσα σημεῖα ὡς γραμμάτια. τριβωνοφόρος ἐστὶ γέρενς στολὴν habentem signa, ut literas. Ubi Meursius in Lexico Græco-barbaro in voce χάμμα legendum censet, γραμμάτια, cui faciliè assentior; sic enim & Hesychius: τρίβων, σολὴν ἔχουσα σημεῖα ὡς γραμμάτια. Scio tamen non solum γάμματα, sed alias literas palliis intexi solitas, ut observari potest in picturis veterum Cæmeteriorum, quas exhibet Bossius in sua *Roma Subterranea*, ubi sæpè litteram I. aliquando τὸ H. sæpè Y aut X, aut alias literas laciniis palliorum intextas videmus; ut & in musivo Triclinii Leoniani in pallio D. Petri τὸ L. in aliorum palliis aliæ literæ rubro colore scriptæ sunt: ita Boethius lib. 1. *de Consol.* describens vestes Philosophiæ: *Harum in extremo margine Π. in supremo verò Θ. legebatur intextum, atque inter utrasque literas in scalarum modum gradus quidam insigniti videbantur, quibus ab inferiore elemento ad superius esset ascensus*. Unde aliquis haud absurdè suspicari posset, Græcis in usu fuisse Sigla, aut Monogrammata Patriæ, aut Gentis suæ, tanquam Insigne, palliis intexere, ut in bello, scilicet in clypeis primariam Patriæ suæ litteram præferebant: quod ex Xenofonte constat lib. 4. *Hist. Græcæ*. Hinc Hesychius has notas palliorum ὠδῶσµα vocat: σάµα, inquit, τὰ ἐν

Par. I.

ταῖς ὠαῖς τῶν ἱματίων ὠδῶσµα. Eadem appellabantur σφραγίδες: idem Hesychius: σφραγίδες, αἱ ἐπὶ τοῖς δακτυλίων, ἐπὶ τῶν ἱματίων σημεῖα. Sic enim & signa, quæ pecorum armis inuri solebant, σφραγίδες vocantur; & D. Chrysostomus σφραγίδα appellat literas Imperatoris nomen referentes, quibus milites signabantur, Homiliâ 3. in 2. ad Corinthios: Καθ' ἅπας γὰρ σφραγίσταις σφραγίς, ἔγωγε ἐπὶ τοῖς πιστοῖς τὸ πνεῦμα ἐπιτίθειται. *Sicut militibus signum Imperatoris, sic & Fidelibus spiritus imponitur*.

Sed ut hæc, quæ diximus, merâ conjecturâ nituntur, ita illud certum aliquos nomen proprium palliorum oris inscripsisse. Vopiscus in Carino: *Inscriptum est adhuc in Choraulæ pallio Tyrianthino, quo ille velut spolio nobilitatis exultat, Messalæ nomen, & uxoris*. Plinius lib. 35. cap. 9. de Zeuxide: *Opes quoque tantas acquisivit, ut in ostentationem earum, Olympiæ aureis literis in palliorum tesseriis intextum nomen suum ostentaret*. Ubi tesseras appellat palliorum quadratas tabellas, palliis intextas, quibus literæ nomen referentes inscriptæ erant. Sic & Salaminii, Hesychio testante, κύβων vocant, τὸ τῆ ἱματίου σημεῖον. Aliquando etiam non in quadratis sigillis, sed in orbiculis nomen describebatur. Anastasius in Leone IV. *Atque super ipsum Altare fecit vestem auro textam, candidis per totum margaritis fulgentem, & in dextra lævaque tabulas gemmatas habentem, cum aureis per circuitum orbiculis, quibus insigne ipsius Præsulis nomen est descriptum*.

Ita & sub ultimi ævi Imperatoribus Græculi videntur vestes literis inscriptas portasse. Balsamon in Cano-

nem 27. Synodi VI. in Trullo: Ἀνοίκει
δὲ τὰ κληρικὰ εὐλή ὅσιν, ἐχὶ τὰ τῶν σράπτῳ
ἐνδύματα, ταῦτα γὰρ εἰ ποτέ τις κληρικὸς ἐνδύσῃ
μαγάλως κολαθήσεται, ἀλλὰ τὰ πολυτελῆ
χρυσόφωτα ὑπεβλήματα τὰ δημοτικῶς λεγόμενα
μαργέλλια, χράμματα, & ἀντίπανα, & τὰ ἐκ
κογχύλης πορφυρίζοντα ἱμάτια. Nisi fortè
cum Cl. Salmasio in Flav. Vopiscum
fol. 406. ῥάμματα legendum, qui hæc
tria: μαργέλλια, ῥάμματα, & ἀντίπανα,
idem esse contendit. Distinguit tamen
hæc Balsamon in 16. Canonem Syno-
di VII. in Trullo.

Cùm hunc ego Rubenii discursum
de literis, seu notis in laciniis vestium
pingi solitis, aliis conjecturis, & Au-
ctorum testimoniis comprobare stude-
rem, & præcipuè quodam loco Ho-
milie S. Asterii, Amaseæ Episcopi,
super Evangelio *De Divite, & Lazaro*,
contra varias in vestibus picturas ex-
clamantis; Illustris. D. Marcellus Se-
verolus, utpotè uberrimo literarum
flumine, & omni eruditionum gene-
re inundatus, mihi alium de hac re
eiusdem Asterii locum, ab ipso Ru-
benio *Electorum* lib. 2. cap. 1. addu-
ctum, promptè indicavit. Unde &
Rubenii verba cum supradicto Aste-
rii testimonio hic transcribere volui:
sic enim se habent.

*Quis nunc ferat, præterquam in sce-
na, spectaculis, ac rebus ludicris, inscri-
ptas versibus, ac titulis, ac variis de-
pictas imaginibus vestes? Et tamen has
olim frequenti in usu fuisse scriptis vete-
rum constat. Ut omittam Homerum, qui
variegatam animalium figuris tunicam
Ulyssi attribuit. Ut taceam de Massa-
getis, quos Herodotus herbarum succo
pinxisse animalia in vestibus tradit: &
hæc talia casca nimis, & vetusta. Sub
ipsis Cæsaribus in Imperio Romano legi-*

*mus id ipsum usurpatum: & quidem apud
Vopiscum in Carino de pallio Tyrianthi-
no, cui Messalæ nomen & uxoris inscri-
ptum. Apud Ausonium etiam in Epi-
grammatis de Sabina textrice simul &
Poetria.*

*Licia qui texunt, & carmina, car-
mina Musis,*

*Licia contribuunt, casta Miner-
va, tibi.*

*Ast ego rem sociam non dissociabo,
Sabina,*

*Verbis inscripsi quæ mea texta
meis.*

Et de eadem.

*Sive probas Tyrio textam subtegmine
vestem,*

*Seu placet inscripti commoditas ti-
tuli:*

*Ipsius hæc Domine concinnat utrunque
venustas:*

Hæc geminas artes una Sabina colit.

Et de zona Hermiones.

*Punica turgentes redimibat zona pa-
pillas*

*Hermiones, zonæ textum elegejon
erat.*

*Qui legis hunc titulum, Paphie tibi
mandat, ames me:*

*Exemploque tuo neminem amare
vetes.*

Et in gratiarum actione, ex episto-
la Gratiani Augusti: *Palmatam tibi
misi, in qua Divus Constantinus parens
noster intextus est.*

Verùm ut palàm fiat, quod initio di-
ctum, frequens id atque adeò promiscuum,
& commune omnibus fuisse, audiamus
Asterium Amaseæ Episcopum in Homi-
lia quadam ἀνεκδότῳ, inedita *De Di-
vite & Lazaro*, vestes ejusmodi, dum
usum earum carpit, nimis quàm gra-
phicè describentem: Οὐ γὰρ μέγιστον αἰν-
ωδίων

μύρων ἔσῃσαν ὃ μωρεῖς ὀπινοίας τὰς ὄρας, ἀλλὰ
 πνα κανὼ ὑφαντικῶ ἔξδεύοντες ὡδεύον, ἥτις
 τῇ πλοκῇ τῆ σήμονι ὡς τὴν κρέκλῳ ὃ
 γραφικῆς μιμείται τὴν δυνάμιν, καὶ πάντων
 ζώων τοῖς πέπλοις τὰς μορφὰς ἐνοσημαίνεται,
 τὴν ἀνδρῶν, καὶ μυρίοις ἐδώλοισι πεποικι-
 λῶν φιλοτεχνῶσιν ἐδῆτ' αὐτοῖς τε, ἔ γυναιξί,
 καὶ παισὶν. παίζοντες λοιπὸν, καὶ παθεύοντες
 ἐν τῇ αὐτερείᾳ, τῆ πλῆτε ὡδραχώλῃ τοῖς
 βίῳ, καὶ χρώμενοι, ἀντινομοθετῶντες τοῖς Παύ-
 λῳ, καὶ μαχόμενοι τῇ Θεοπονείᾳ φωνῇ, καὶ
 ἡρώμασιν, ἀλλὰ ὡδραχώμασιν. ἀ' γὰρ ἐκείνῳ
 ἀπεκλήρουε λόγῳ, ταυθ' ἔτοι κερατῶσι, καὶ κυ-
 ρῶσι τοῖς ἔρροις. ὅταν ἔν ἐνδυτάμοι φανῶσι,
 ὡς τοῖχοι γεγραμμένοι, ὡδραχ' ἢ σιωτύγχα.
 γόν των ἐρῶνται, καὶ πε καὶ τὰ παρδία αὐτὰς ὡδρα-
 χῶνται μεδιῶνται ὡς ἀλλήλα καὶ δακτυλο-
 δεῖ κατ' ἐν τὴν ἐν τοῖς ἱματίοις γραφῶν. βαδ-
 ζοῖσι ἢ παρεῶντα, ἐκ ἀναχωρῶντα μέχρι πολ-
 λῶ. ἐκείν' ἑλόντες, καὶ παρδάλεις, ἀρκοί, ἔ ταύ-
 ροι, ἔ κύνες, ὕλας, καὶ πέτρας, καὶ ἀνδρες θηρο-
 κτόνοι, καὶ πάντα ἢ ὃ γραφικῆς ὀπιτήδουσιν μι-
 μιμήσιν τὴν φύσιν. ἔδει γὰρ μὴ τὰς τοῖχας ἀπα-
 μόνον, ὡς εἰκὴν, καὶ τὰς οἰκίας κοσμεῖν, ἀλ-
 λά δὴ καὶ τὰς χιτῶνας, καὶ τὰ ἐν ἐκείνοις ἱμα-
 τία. ὅσοι ἢ καὶ ὅσαι ἢ πλεῖστον δὲ λαβεῖν
 ρα, ἀναλεξάμενοι τὴν δαχελικὴν ἰσορίαν τοῖς
 ὑφανταῖς παρῶσαν, αὐτὸν λέγω τὸν Χριστὸν ἡμῶν
 μὴ ἢ μαθητῶν ἀπάντων, καὶ ἢ θαυμασιῶν
 ἑκάστων, ὡς ἢ διήγησις ἔχει. ὅψαι τὸ γάμον ὃ Γα-
 λιλαίας καὶ τὰς ὑδρίας, τὸ ὡδραχῶν τὸ κλίνῳ
 ἐπὶ ἢ ὡμων φέροντα, τὸ τυφλὸν τοῖς πηλῶ θρα-
 πεφόμενον, τὸ αἰμορρῶσαν τὸ κερατῶν λαμβαν-
 νομένην, τὸ ἀμαρτανῶν τοῖς ποσὶν τὸ Ἰησοῦ ὡροσ-
 πίπσαν, τὸν Λάζαρον ἐκ τῆ τάφου ὡς τὴν
 ζώῳ ὑποσφοντα. καὶ ταῦτα ποιεῖντες ὡδρα-
 χῶν νομίζουσιν, καὶ ἱματία κεχεισμένα τὰς θεῶν
 ἀμφικεννῶν. Quæ latinè sonant ut infra.

Nec verò constituerunt hic stultæ so-
 lertiae fines; sed una quadam, et su-
 pervacua arte texendi inventa, quæ sta-
 minis, atque subtegminis contextu pi-
 cturam facultatem imitatur, et omnium
 formas animalium in vestibus exprimit;
 floridam, et infinitis imaginibus va-
 riegatam vestem tum sibi, tum uxori-
 bus, et liberis studiosè comparant: lu-

dentes etiam in reliquis puerili more,
 nihilque sedulò vel seriò agentes; per im-
 modicas divitias abutentes vita, non
 utentes; adversantes denique Paulo, pu-
 gnantesque cum iis, quæ numinis instin-
 ctu profatus est, non dictis, sed factis:
 quæ enim ille verbo proscripsit, hæc isti
 mordicè retinent, et ipsa re confirmant.
 Quandocunque igitur amicti prodeunt,
 quasi depicti parietes ab obviis aspiciun-
 tur; sed et Pueri eos circumstant, ri-
 dentes inter se, digitisque commonstran-
 tes in vestibus picturam. Prosequuntur
 etiam ad multum spatii, nequè temerè
 recedunt. Sunt ibi Leones, Pantheræ,
 Ursi, Tauri, Canes, Sylvæ, Saxa, ac
 Venatores, et omnia denique, circa quæ
 Pictorum versatur industria, ad imita-
 tionem naturæ expressa. Necesse quippe
 erat, ut videtur, parietes non solum,
 atque domos ita adornari; verum etiam
 ipsas tunicas, et pallia eis superjecta.
 Qui verò, quæque ex divitiis illis re-
 ligiosiores sunt, ex historia Evangelica
 Textoribus argumenta suppeditant: ipsum
 dico Christum cum discipulis omnibus,
 et unumquodque miraculorum, hoc ipso
 quo narratur modo. Videbis nuptias Ga-
 lilææ, et hydrias: Paralyticum humeris
 lectum ferentem: Cæcum, qui luto cura-
 tur: Mulierem, quæ sanguinis profluvio
 laborat, fimbriam prebendentem: Pecca-
 tricem ad pedes Jesu accedentem: Laza-
 rum è sepulchro ad vitam revertentem.
 Et hæc dum faciunt, piè se facere, et ve-
 stimenta Deo grata induere arbitrantur.

Sed nè integros præcinatorum Au-
 ctorum textus afferendo, distinctam
 scribendi methodum, sacra nempe pro-
 fanis immiscentes, confundere videa-
 mur; nonnulla alia de pictis, & chara-
 cteratis vestibus apud barbaras Natio-
 nes adjungere hîc placet.

Fortunius Licetus in sua *Hydrologia Peripatetica* disp. 9. de fluminis Istri scaturigine, post varias Aristotelicæ doctrinæ explicationes, multos citat Auctores ambigentes, an libellus *De admirandis Auditionibus* genuinus sit Aristotelis foetus, ac subinde Patritium allegans, sic ait: *Patritius enim in suis Discussionibus Peripateticis hunc librum inter Aristotelicos numerat, inquiens: nam libellus de mirabilibus Auscultationibus Aristotelis videtur Sexto testimonio. Dein Athenæus in suis Dipsophistarum libris inquit: Αἰσθητὴν δὲ τὴν Συβαρίτων φησὶν Ἀριστοτέλης ἐν τοῖς Θωμάσις, ὑπὸ τρυφῆς ἰμάτιον τοῖτον κατασκευάσαι τῇ πολυτελείᾳ, ὡς περὶ δεῖξαι αὐτὸ ὅτι Λακινίᾳ ἐν τῇ πανηγύρῃ δὲ Ἡέρας, εἰς ᾧ συμπορεύονται πάντες Ἰταλιᾶται, καὶ τῶν δαιτυμόνων πάντων ἐκείνο θαυμάζει. Hoc est: Alcisthenem Sybaritam, ait Aristoteles in mirabilibus luxus, vestem talem sumptu parasse, ut proponeretur in Lacinio in Panegyri Junonis, quò conveniunt omnes Itali, & eam præ omnibus aliis admirationi habitam. Quæ verba item legimus apud Aristotelem in prædicto opere *De admirandis Auditionibus*, ita: Αἰσθητὴν τῶν Συβαρίτων φασὶ, καὶ κατασκευάσασθαι ἰμάτιον τοῖτον τῇ πολυτελείᾳ, ὥς περὶ δεῖξαι αὐτὸ ὅτι τῇ ἐν Λακινίᾳ πανηγύρῃ τῆς Ἡέρας, εἰς ᾧ συμπορεύονται πάντες Ἰταλιᾶται. πάντε δαιτυμόνων μάλιστα πάντων ἐκείνο θαυμάζει. ἔφασκεν κυριότατον Διονύσιον τὸν πρεσβύτερον ἀποδέδειξαι Καρχηδονίοις ἑκατὸν καὶ ἑκοσι τάλαντων. ᾧ δ' αὐτὸ μὴ ἀλλεργές, τῶν μεγίστων πεντηκοντακλήρων, ἑκατέρωθεν δὲ διέληπτο ζωδίοις ἐνυφασμόις, ἄνωθεν μὴ Σέροις, κάτωθεν ἢ Πέρσαις. ἀνὰ μέσον ἢ ᾧ Ζῶς, Ἡέρα, Θέμις, Ἀθλῶα, Ἀπόλλων, Ἀρεοδίη. ὧν ἢ ἑκάστην πέντε Ἀλκιθένης ᾧ, ἑκατέρωθεν ἢ Σύβαρις. Id est: Alcistheni Sybaritæ tradunt, vestem tantà magnificentiâ confectam esse, ut cum in Lacinia Junonis Panegyri,*

ad quam tota confluere solet Italia, proposuisset spectandam, omnium oculos à reliquis in se converterit. Hanc ajunt Cartaginensibus emptam à Dionysio seniore, tunc regnante, centum viginti talentorum pretio. Purpurea erat tota, amplitudine quindecim cubitorum, animalculis intertextis distincta: supernè quidem Susis, infernè verò Persis. In medio autem Jupiter, Juno, Themis, Minerva, Apollo, Venus elucebant. Ad latera Alcisthenes, utrinque autem Sybaris. Tzetzes in Chiliadibus relata Aristotelis, & Athenæi loca non vidit, dum hanc historiam Plutarcho tribuit, ita:

Τοῖτον τὸ ἰμάτιον ὑπῆρχεν Ἀντισθένης,
ἦν Σέσον ἀλλεργές πεντηκοντακλήρων,
ἔχον μὲν ζωδία ἑ Θέας, ἑ Περσικά, ἑ Σέσα,
Μαργαρίσις ἡσκημένα τε, ἑ λίθοις τιμάλουσι.
Χαίρει δὲ πατέρα μὲν ἔχει, τῶν Ἀντισθένων,
ἔν δὲ πατέρα Σύβαριν, τὴν πόλιν Ἀντισθένης,
τῷτο δὲ Διονύσιον ὁ πρεσβύτερος κεκτήσας,
εἰς ἑκατὸν ἑ ἑκοσι τάλαντα νομισμάτων,
Καρχηδονίοις ἐμπωλεῖ. ἃ Πλάταρχος οἶμαι
γράφει.

Tale vestimentum fuit Antisthenis.

Erat Susinum purpureum, quinque & decem cubitorum,

Habens animalia, & Deos, & Persica, & Susa,

Margaritis ornata, & lapidibus pretiosis.

Manica verò una quidem habuit Antisthenem:

In altera autem Sybarim Civitatem Antisthenis.

Hoc autem Dionysius prior ille quum senior esset,

Centum & viginti talentis nummorum

Carthaginensibus vendit. Plutarchus arbitror scribit.

Et hîc observanda nominis discrepan-

pantia ; nam Aristoteles , & Athenæus , ac Casaubonus ad eundem Athenæum, Alcisthenem dicunt: Joannes verò Tzetzes Antisthenem. Quodnam autem ex hisce nominibus magis congruat ; aliis examinandum relinquo .

An verò characteres , Monogrammata , & alia signa in fimbriis vestium depicta , de quibus hîc disceptamus , ad supradicta vestium ornamenta , & imagines referenda sint , & an ab illis originem habuerint , non ita facîle judicari potest ; sed ex totius discursûs textura prudens Lector in fine hujus Disceptationis videbit . Modò quæ apud Ethnicos de characteribus in vestimentorum laciniis testimonia adinveni , accipiat .

Occurrit primò testimonium Plinii lib. 35. cap. 9. hist. de Zeuxide celeberrimo Pictore , nomen suum literis aureis inscriptum vestibus gerente . *Opes quoquè (inquit Plinius) tantas acquisivit , ut in ostentationem earum , Olympiæ aureis literis in palliorum* TESSERIS *intextum nomen suum ostentaret .*

Carolus Dati in hunc Plinii locum ad Zeuxidis vitam notas faciens Italico sermone , ad notam 8. ait , *Che per far mostra di sue ricchezze in Olimpia , portasse nel mantello a lettere d'oro intessuto il suo nome .* Sed hæc Dati verba nihil ad explanationem hujus textûs faciunt , non innuendo quidnam fuerint *tesserae palliorum* , quibus nomen suum Zeuxis intextum auro ferebat . Locum hunc difficillimum , & penè omnis declarationis expertem ab Octavio Ferrario , qui fuit in Patavino Lycæo clarissimum literarum jubar , existimatum fuisse ; & Dalecampium , & Pincianum in aliquibus

manuscriptis observasse *insertum nomen suum ostentaret* , ex ejusdem Dati notis colligitur , affirmantis eodem modo se legisse in quodam Codice MS. Bibliothecæ Vaticanæ . Sed utcunque res se habeat , nisi explicetur quidnam fuerint *tesserae palliorum* , nihil ad solutionem difficultatis variæ prædictorum Auctorum lectio confert .

Joannes Baptista Adrianus in Epist. ad Vasarium , difficultatem hanc utut vitaturus , summarîè locum Plinii in Italicum idioma sic vertit . *Per pompa a lettere d'oro nel mantello portava scritto il nome suo .* Hermolaus Barbarus in Glossario Pliniano , verbo *Clavate vestes* , Erant , inquit , & *tessellatae quædam tunicae* : quod probat supradicto Plinii loco , verbum *tesseris* in verbum *tessellatae* vertendum esse judicans . Ex hac lectionis varietate hæsitavi , an verbum illud *tessera* textum , sive texturam aliquam , sive Phrygium auro obductum opus significaret ; sed cùm nullum occurreret testimonium , quo aliquam ex hisce tribus lectionibus comprobarem , ab iis cogitationibus prorsus discessi , & investigare cœpi , quidnam *tesserae* illæ essent , an ex solido auro , an formâ quadratâ , quo loco infererentur , num fibularum vicem gererent , & ob id Ferrarii judicium requisivi , ut ille ad nodum hunc aliquo pacto solvendum me adjuvaret ; qui respondit , se ostendisse in suo vestium Tractatu , quod in communi pallio non fibulae , nequè fimbriae , nequè limbi , nequè alii erant ornatus : sed cùm in hoc loco non de communi pallio sermo sit , verùm de pallio Zeuxidis Pictoris vagæ , & liberæ mentis , posse nos non incon-

incongruè suspicari, eum ab usu communi recessisse, pallia nimirum colorata pingendo, Phrygio opere intexta, cum fibulis, & alio singulari, atque extraneo cultu, quod tamen ego non affirmarem.

Addidit ulterius Ferrarius Apuleji locum ex lib. 6. de *Asino aureo*, ubi de literatis vestibus hæc habentur: *Videt dona speciosa, & lacinias auro literatas, ramis arborum, postibusque suffixas, quæ cum gratia facti, nomen Deæ, cui fuerant dicata, testabantur.* Quibus, & aliis ab eodem Carolo Dati in elucidatione textus Pliniani adductis, subscripsit præfatus Ferrarius in suis *Analectis de re vestiaria cap. 13.*

Facit ad hoc etiam locus Boethii lib. 1. de *consol.* ubi imaginatur per visum Philosophiam sibi se contemplandam exhibuisse, cuius habitum, huiusmodi notis inscriptum proponit: *Harum (vestium) in extremo margine P. seu Π Græcorum, in supremo Th. seu Θ legebatur intextum, atque inter utrasque literas in scalarum modum gradus quidam insigniti videbantur, quibus ab inferiore ad superius elementum esset ascensus.*

Hæc de ornamentis, & characteribus vestium apud ethnicos, & veteres Scriptores reperire potui testimonia. An verò ab iis characteribus emanaverit etiam apud Christianos mos depingendi in vestibus Christi, ac Sanctorum notas, atque literas, quæ reperiuntur in antiquis picturis, ac in musivis, & quidnam illæ notæ, & characteres significant, non bene adhuc compertum est, cum nemo ex prædictis Auctoribus indicaverit. Verum ut meas super hac re conjecturas probabilioribus argumentis expo-

nam, opere pretium esse duxi, prius referre singulas opiniones recentiorum Auctorum, qui prædictorum characterum, seu notarum significationem indagarunt; postea meam, eruditorum iudicio definiendam, sententiam exponam.

Primus igitur istis dilucidandis characteribus, seu signis operam dedit Aringhius, qui tom. 2. lib. 6. cap. 28. *Romæ Subterraneæ*, inquit quidnam significant illæ elementorum notæ, quæ in nonnullis vetustis Imaginibus cernuntur, nimirum T. X. I. H. ubi censet, per prædictas notas, seu characteres, peculiaria quædam, & arcana Christianorum mysteria obumbrata fuisse, quæ à nemine ex SS. Patribus huc usque explicata inveniuntur: ac verisimile esse, quod per litteram T. Crucem Salvatoris nostri Jesu Christi designare antiqui Fideles voluissent; cuius figuræ præpotenti virtute eos omnes apud Ezechielem Prophetam servatos fuisse legimus, qui *antea salvari hac nota Angelico ministerio fuerant præmuniti.* Allegat deinde Boethii testimonium à nobis supra allatum de characteribus in Philosophiæ veste inscriptis; & easdem disertis verbis explanationes super hoc ejusdem Boethii loco, quæ Divo Thomæ Aquinati tribuuntur, Lectoribus exhibet. Sed habitâ semper debitâ Angelico Doctore reverentiâ, elucidationes illæ neutiquam cameterialibus Imaginibus consentaneæ videntur: quippe ad Fidei dogmata rudiorum animis salubriter inferenda, huiusmodi characteres, seu symbola, piè Christianorum antiquorum ingenio adinventâ, exarataque fuisse procul dubio credendum est. Deinde affirmat

firmat idem Aringhius per literam, seu notam X. decussatam Crucem præsignari; per notam verò H. ἡ, nempe augustissimum Salvatoris nomen denotari.

Conjecturas has Aringhii ad trutinam revocat Illustris. Joseph Maria Suaresius Vasionensis Episcopus, citans eundem Aringhium in Diatribâ *De vestibus literatis*, per ipsum Vasionem impressâ anno 1651. ibique in vermiculatis operibus ostendit primò quomodò vestium usus adversus vim frigoris, & ad pudoris custodiam à priscis mortalibus excogitatus fuerit; deinde quomodò ad luxum, vanamque ostentationem sericæ vestes fuerint introductæ, variis coloribus medicatæ, barbarâ acu depictæ, auro gemmarumque varietate distinctæ, tandem etiam titulis, carminibusque, ac diversis figurarum, & historiarum ornamentis, notis, & characteribus concinnatæ, allegando nonnulla veterum testimonia, & præcipuè locum Boethii supracitatum; cujus explicationem asserit non esse Divi Thomæ Aquinatis, sed Thomæ Joyce Angli S. R. E. Cardinalis, qui per literam P. Practicam, per literam verò T. Theoricam significari volebat. At Suaresius alium sensum hisce characteribus tribuit; nam vult literam P. idem sonare ac Pō Græcum; ac proinde per primum characterem Pō, nempe R. Rhetoricam; per secundum, nempe Θ, seu Th, Theologiam significatam à Boethio concludit. His prenotatis, sententiam suam hoc modo, & hisce verbis statuere conatur.

Ex his igitur omnibus sententiam meam tandem colligo. Crediderim enim



Par. I.

demonstrarent eas, quibus induti exhibebantur & amicti Christus Dominus, ejusque Apostoli, & alii Heroes illustres, sanctique viri, expressisse illis ipsis in vestibus varias literas absque delectu, & temerè alludentes ad morem antiquum, usurpatumque tamdiu, nomina, titulos, & versus inscribendi attingendique vestimentis Patritiorum, ac nobilium Civium, quæ in pretio ingenti habebantur. Idcirco literas eas qui tentant aliter explanare, nè illi frustra laborent velut in Gordiano nodo dissolvendo, vel in enigmate plusquam Sphingis enucleando, & divinare, ac vaticinari nitantur. Certissimum namque est, literis hisce nequè nomina eorum, quarum imagines, & vestes repræsentantur exprimi, nec artificum, seu Musivariorum, qui composuerunt imagines, nequè vestium ipsarum appellationem, seu principem literam; quandoquidem literæ illæ cum literis initialibus nominum, quibus Christus Dominus, Apostoli, Heroes, Sanctique illi nuncupantur, haud conveniunt, imò valde discrepant: minimèque verisimile est, singulis in imaginibus singulos Musi-varios operam navasse singularem; cumque similibus in vestibus dissimiles literæ, ac ut plurimum duplices, seu geminatæ conspiciantur; quæ dissimilitudo, ac geminatio, seu duplicitas arguit præterea, literas illas non esse pannorum, è quibus vestes consarciebantur, vel textorum, seu sartorum, qui pannos conficiebant, seu vestis consarciebant notas, cum plerique panni similes essent, nequè textores vel sartores singulis vestibus, pannisque incumberent. In istis ergo elementis, quæ ad arbitrium, libitumque artificum, & casu persæpè sculpta fuerunt, animi nervos acrius intendere,

N

ac

ac ingenii aciem deterere, atque obtundere diutius, bonasque horas collocare, nihil aliud censeo, quam oleum, & operam perdere; satisque fore duco si agnoscamus, & fateamur ingenuè, literas illas tantummodò pictas, attextasque, ut veterem vestibus intexendi elogia consuetudinem indicarent. Hæc est Suaresii in Monogrammati sententia.



Post Suaresium sequitur Macrus, qui in suo *Hierolexico*, in verbo *Gammadia* sic scribit. *Gammadia, Vestis sacra cum figuris in forma literæ Græcæ Gamma nempe Γ. contexta, quæ utebantur etiam Latini, ut in Musivis, & antiquis Romæ picturis conspicitur; ad præsens autem in planetis utuntur Greci Episcopi &c. Quæ figuræ simul unitæ multas cruces formant hoc pacto*  *&c. Igitur hoc vocabulum nedum*  *vestem, sed etiam textile hisce characteribus angularibus formatum significat, ad denotandum (ut Balsamon inquit) quod Christus sit angularis lapis. Item in paramentis figuratur etiam litera Græca Eta hoc pacto H. quæ nomen IESU denotat. In musivis Latinorum picturis (ut jam diximus) leguntur etiam prima elementa, denotantia principium nominis alicujus Sancti depositi.*

Nicolaus Alemannus de Lateranensibus parietinis pag. mihi 80. mentionem facit de tunicis literatis; sed quæ sint istæ tunicæ, & quis de eisdem scripserit, reticet.

Rubenius lib. 1. cap. 10. *De re vestitaria*, agens de Græcorum palliis clavatis, multa de hisce literatis vestibus, seu Monogrammis affert; sed cum illa penè ad harum vestium usum apud Gentiles, & non apud Christianos, nequè ad illarum significationem explanandam omninò faciant, con-

tenti sumus iis, quæ supra retulimus; & ideò nunc ea testimonia repetere, supervacaneum censemus.

Supracitatis Auctoribus accedit examinanda de hac re opinio Benedicti Mellini, claræ memor. Christianæ Svæcorum Reginae olim à Bibliotheca. Is enim cum Ecclesiam S. Andreae in *Barbara* dictam, jam profanatam describit, in quodam suo MS. Italicè extenso, quod pariter è copiosissimo Cimelio laudati Marcelli Severoli accepimus, Latino idiomati redditus ejus verbis, ita loquitur:

Tribuna hujus Ecclesiæ (videlicet S. Andreae in Barbara) nunc ferè diruta, erat ex Musivo, & in ea septem Figure stantes, Christus in medio sex Apostolorum, ac subtus quatuor flumina Paradisi terrestris. Sex figuræ in pedibus sandalia habent, ac in vestibus nonnulla Gammata, nempe Γ. figura Salvatoris habet H. &c. Et paulò inferius: In figurarum Tribune vestibus cernuntur quædam Gammata, ut indicavi, Christique figura habet vestem obsignatam H. Ipsæ autem vestes, quæ ad præsens etiam in aliis conspiciuntur Ecclesiis cum iis, atque aliis diversis literis, ab eisdem literatæ appellantur, aut cifratae, signatae scilicet occultis notis, in quibus aperiendis multa nobilia desudarunt ingenia, ut verum ac genuinum sensum ostenderent. Quare nonnulli cifratas has vestes, Gammacias denominandas dixere, quarum Anastasius Bibliothecarius sæpè meminit. At istæ Gammadiæ nihil aliud erant, quam crucium figuræ ex quatuor Gammatis compositæ, videlicet  *tam in profanis, quàm in sacris*  *vestibus textæ, ut etiam hodie in suis Casulis Græci habent.*

Alii verò cum literis propria nomina, aliasque peculiares res in vestibus pingendi usum viguisse arbitrantur, tam in veteri lege apud Hebræos, quam apud Ethnicos, ac præcipuè apud Græcos: ideoque existimarunt literas, quas nos in aliquibus Sanctorum, aut Salvatoris vestibus inuenimus, quasdam occultas notas esse, non signum nominis delineatæ figuræ, nequè artificum, & pictorum, qui illas delinearunt; sed ibi tantummodò positas ad antiquum denotandum usum intexendi, siue pingendi hominum dignitate, vel sanctitate insignium nomina, aut aliud in eorundem honorem dictum.

Nihilominus, ut verum fatear, neutri consentire audeo: non primæ sententiæ de Gammadiis, quia ex simplici Gamma locus corruptus, nunquam compositus, ut in ipso conspicitur Musivo, Gammadii nomen deduci minimè potest, quod aliud denotare non valet, quàm ex pluribus Gammis conjunctum opus, ex cuius compositione supramemoratæ cruces resultant; ac quando Anastasius de Gammadiis locutus est, id solummodò fecit occasione vestium Sacerdotalium, aut Paramentorum, quæ Summi Pontifices Ecclesiis donauerant. Nequè assentire valeo, ipsas notas dignitatis, aut alterius rei nomen indicare; quoniam quoad literam H. quæ in multis Christi vestibus cernitur, denotat nobis ipsam hieroglyphicum esse, & imaginem illam, quæ H. signata est, Christum representare. Ita visitur nota ista in præfata Tribuna Sancti Andreæ, quæ à Sancto Simplicio musivo opere ornata fuit anno 475. circiter. Pariter in Tribuna Sanctorum Cosmæ & Damiani, constructa à Felice IV. Summo Pontifice circa annum 725. in Tribuna Sancti Theodori, Par. I.

fortasse omnibus antiquiori: in illa Sanctæ Praxedis, à Paschali I. circa annum 820. edificata; in quibus omnibus Tribunis litera H. procul dubio Christi Domini Nostri indicativa est, sicut Γ Gamma invariabile Symbolum est Apostolorum. Ita in sæpè memorata Ecclesia Sancti Andreæ visuntur Gammata in vestibus Apostolorum, ad discrimen vestis Christi, quæ habet H. & in illa etiam Sanctæ Mariæ Novæ, facta a Joanne VIII. circa annum 706. Quare minimè adducar ut credam, has notas significativas esse, sed utique denotasse aut figuratam personam, aut ipsius personæ gradum: ut est in casu nostro, in quo Γ. Gamma in diversis positum Tribunis, Apostolorum nota est, & H. Salvatoris character. Nec allegari potest, præfatas duas literas Γ. & H. Artificis nomen denotare, quoniam qui Sancti Andreæ Tribunam concinnavit, illam certè Sanctæ Mariæ Novæ construere haud potuit, cum inter has ducentorum & ultra annorum spatium intercedat: pariterque qui Sanctorum Cosmæ & Damiani Tribunam edificavit, nequam potuit illam Sanctæ Praxedis edificare, cum prima constructa fuerit circa annum 539. secunda circa 820. & hæc circa has vestium notas indicasse sufficiat. Hæc sunt conjecturæ Benedicti Mellini.

Verùm antequam meam opinionem exponam, præcatorum Auctorum sententias methodi, & claritatis servandæ causâ compendiosius, ac strictius libet colligere.

Joannes Severanus sentit, has literas seu characteres in Sanctorum vestibus exaratos, esse peculiare quoddam arcanum, & mysterium; ac proinde per literam T. & X. obum-

brari Crucem, & nomen Domini Nostri JESU CHRISTI.

Suarezius huic Auctori proximus arbitratur, artifices in vestibus Christi, Apostolorum, aliorumque Heroum varias literas absque delectu expressisse, alludentes ad antiquum morem titulos, & versus inscribendi, at texendique vestimentis Patritiorum, Civiumque nobilium; & certissimum esse, has literas nunquam nomina eorum, qui hujusmodi Imaginibus repræsentabantur, nequè nomina Pictorum, seu Musivariorum, qui eas fecissent exprimere, sed nequè vestium illarum appellationem; nec esse literas, quas aut textores, aut sartores in pannis consuere solerent, imò ad arbitrium, libitumque artificum, & fortuitò hujusmodi characteres, seu notas persapè fuisse additas, & inscriptas.

Macrus sicco calamo quæstionem pertransit, affirmans solummodò literam L. esse Gamma Græcum inversum; unde per hæc quatuor Gamma ta simul in Crucis formam disposita ipsam Crucem, & per literam H. Salvatoris nomen significari asserit, diversisque argumentis eandem, quam Severanus, sententiam profert.

Rubenius multis allatis profanæ, ac sacræ antiquitatis eruditionibus autumat, ex illis colligi posse Græcis in usum fuisse Sigla, aut Monogrammata, patriæ vel gentis suæ tanquam insigne, palliis attexere.

Dati totus est in disquisitione genuinæ, ac sinceræ lectionis Pliniani textus, exquirens *Tesserisne*, an *Texturis*, quibus nomen Zeuxidis sculptum erat, ex variis MSS. Codicibus legendum sit, nihilque de harum

literarum origine, seu significatione affert.

Mellinus per literam H. Christi Domini nostri nomen cum Severano, & Macro denotari; literam verò Γ. Apostolorum symbolum esse opinatur: nec se inclinare in illorum sententias affirmat, qui volunt per has literas, aut Gammadias nomen personæ, sive dignitatis, honoris, & cuiusvis alterius rei notam significari.

His præcicatorum Auctorum sententiis adductis, nè eorum diligentiam ad hanc rem illustrandam depectam vilemque habere videar, ad meas conjecturas roborandas, relictâ affirmativâ, in parte negativâ, exceptâ Suarezii sententiâ, unico casui, fortuitoque eventui hæc vestium notas adscribente, libentissimè utar, postquam eorum positivas opiniones evidentissimis conjecturis nequaquam subsistere demonstravero.

Illi ergo, qui per prædictos characteres, seu literarum figuras, significari volunt aut Monogrammas, aut Crucem, aut tessieram Patriæ, aut literam initialem nominis illorum, qui per tales imagines præfigurantur, aut nomen Pictoris, seu Musivarii, aut nomen Apostolorum, cæterorumque Sanctorum, aut Christi Domini, debent antè, tanquam certum suæ assertionis fundamentum, firmare quod semper, & ubique iidemmet characteres, & eademmet notæ reperiantur in illarummet Imaginum vestimentis, quarum prototypus per illas exprimitur; quod non solum non faciunt prædicti Auctores, sed etiam inter se propter istorum characterum modò in una, modò in altera imagine repertorum diversitatem, valdè discre-



Fig. 1.



Fig. 2.



Fig. 3.



Fig. 4.



Fig. 5.




Fig. 6.



Fig. 7.



Fig. 8.




Fig. 9.




Fig. 10.




Fig. 11.




Fig. 12.




Fig. 13.



Fig. 14.




Fig. 15.



Fig. 16.



Fig. 17.





Fig. 18.





discrepant, & tantum convenire inter se videntur, quod per literas H. & X. nomen Christi, per Γ. Apostolorum symbolum denotetur: quæ assertio qualem habeat subsistentiam, omnimoda varietas horum characterum, & notarum, modò in iisdem, modò in diversis imaginibus ad vestimentorum fimbrias expressarum, diligenti per vetustiores Basilicas Sacrarum picturarum ac Musivorum observatione à nobis considerata, omninò demonstrabit.

Quoad literam H. hæc non solum cernitur in Christi veste in Musivo opere, quod in profanata Basilica Sancti Andreæ in *Barbara* cernebatur, verum etiam in vestibus Sanctorum Joannis Baptistæ, & Joannis Evangelistæ, & duorum Angelorum stantium ad dexteram, & sinistram Salvatoris in Oratorio S. Venantii. Eadem visitur in vestibus nonnullorum Apostolorum in Triclinio Leoniano, additis aliquibus punctis, in hac forma H, ideoque litera H. non est peculiare signum ipsius Salvatoris, sed communis etiam aliis Sanctis, & Angelis. Nequè admodum ubique delineatâ I. literâ signatæ cernuntur vestes Sanctorum Petri, & Pauli, ac Laurentii in arcu Tribunæ Ecclesiæ Sancti Clementis: in Tribuna Sanctorum Cosmæ, & Damiani figura (ut opinor) S. Pauli, sicut observatur etiam in veste Sancti Petri in Tribuna Sanctæ Mariæ Transtiberim, ac in vestibus Patrum antiqui Testamenti: quapropter Sancti alicujus peculiare Symbolum non est.





An verò signum hoc  sit duplex litera L. invicem  contraposita, sive character, quem compo-




nant L. Latinum, & Γ Gamma Græcum, ignoro: scio tamen literam L conspici in vestibus Apostolorum Tribunæ S. Andreæ in *Barbara*, ut infra in Tab. LXXVI. licet in duobus locis ptopriè non sit L., sed aliud signum huic simile; prout hodieque conspicitur in vestibus Angelorum in arcu triumphali Basilicæ Liberianæ, constructo à Xysto III. ac in Figura Patrum antiqui Testamenti (ut in Tabula XLIX.) Musivi operis supra coronam porticûs ejusdem Basilicæ: item in veste Isaïæ Prophetæ, qui est in arcu, & in veste Sancti Petri, qui est in Tribuna Sanctæ Mariæ Transtiberim: pariterque in vestibus SS. Petri, Jacobi, & Andreæ in Sancta Maria Nova, nec non in nonnullis figuris Triclinii Leoniani aliquibus additis punctis: ac tandem in vestibus duarum mulierum in Ecclesia Sanctæ Sabinæ. Literâ P. insignitam videmus vestem Sancti Pauli in Tribuna Sanctæ Mariæ Transtiberim, ac in Tribuna Oratorii S. Venantii, & figuram S. Petri in arcu S. Marci.

In fimbria pallii Sancti Anastasii in arcu supradictæ Tribunæ S. Venantii hic character  depictus est. Similia signa cernuntur in vestibus Angelorum in præfato arcu Liberianæ Basilicæ, ac etiam in veste unius Angeli in eodem arcu.

Hæc nota  videtur apposita in veste cujusdam Figuræ præfate Liberianæ Basilicæ; & litera Z. in Hieremia Propheta in arcu S. Mariæ Transtiberim.


Aderant & in Tribuna S. Agathæ in Suburra cum Christo duodecim Apostolorum figuræ, quæ signis diversis inscriptas vestes habebant; Christus

stus videlicet cum SS. Andrea, Matthæo, Bartholomæo, Paulo, & Philippo hoc signo.  Ab his paullò differebant SS. Jacobus, Simon, Jacobus Alpei, & Judas. S. Petrus sic notabatur:  at SS. Joannes, & Thomas hoc  modo: 

Christus hoc signo  distinguitur in Ecclesia Sanctæ Pudenticianæ. Hoc  S. Paulus in S. Theodoro. Ibidem  Sanctus Petrus signatur H. In Tribuna S. Mariæ Transtyberim S. Joannes habet in vestibus T.

Alia signa in vestibus Apostolorum in Leoniano Triclinio visuntur, nempe hæc inferiùs delineata:

ELHFI


Christus verò Dominus  hoc peculiare signum exhibet.

In Tribuna SS. Praxedis, Agnetis, & Cæcilie Virginum, earum vestes Rosis notantur.

Hæc sunt signa in vestibus figuratis Musivorum Romæ extantium. Similia, ac alia diversa signa observari etiam possunt in Mulivis operibus Ravennæ existentibus, quorum exemplaria transcribere curavi, de quibus tuo loco agendum; nunc autem summatim, nè nimio benignum Lectorem tædio afficiam, signa in vestibus Figurarum extantia reponam.

In Ecclesia Sancti Apollinaris novi Ravennæ, in diversis Figuris hæc signa expressa cernuntur:

HTTRLNIGAIO
LACTO


In Ecclesia S. Vitalis ejusdem Civitatis conspiciuntur hæc: 

Item in Ecclesia Sancti Michaelis habentur hi characteres.

FILHILN.

Et in Ecclesia Sanctæ Mariæ in Cosmedin qui hîc subjiciuntur.

HI. O O Z N.

Pariter in Ecclesia S. Agathæ Majoris hæc nota visitur. 

Similiter in Ecclesia SS. Nazarii, & Celsi, notæ adsunt subsequentes.

ITII.

Hæc magna diversitas, & promiscuus usus hujusmodi characterum, seu notarum in variis antiquarum Imaginum vestibus, quæ notæ aliquam elementarium literarum formam ut plurimum habent, clarè demonstrat quantum à veritate aberraverint præcitati Auctores, certam, determinatamque aliquam significationem literis hisce, seu characteribus attribuendo. Accedit insuper quod multæ è prædictis notis, seu signis nullam habent literæ elementaris seu Latinæ, seu Græcæ formam, ut sunt exempli gratiâ hæc.

SCJWEOQV.

Quæ signa cum promiscuè in Imaginum vestimentis (ut supra ostendimus) conspiciantur, nemo certè affirmabit, aut tesseram Patriæ, aut Nomen, aut Artificem, aut Crucem, aut Christum, aut Apostolos, aut reliquos Sanctos præcisè denotare; ut benè hujus totius discursus supracitata testimonia, & diversarum eruditionum œconomiam advertenti patebit.

Restat nunc, ut his omnibus benè perpensis, quænam sit mea de istorum cha-

characterum origine, ac significatione vestium eadem pingere consuevere. sententia exponam.

Ex diutina ergo, ac seria meditatione, quam habui super hac re, & ex contrarietatibus, quæ in præfatorum Auctorum allatis sententiis reperiuntur, conjecturari mihi posse videtur, quod sæpè memoratæ literæ, signa, characteres, aut monogrammata in veterum Sacrarum Imaginum vestibus, originem suam habuerint ab antiquo more (qui etiam nunc ubique in usu est) signandi omnes pannos signo imaginis, aut effigiei, seu alterius notæ, quæ vulgò dicitur *Marco*, sive *Impronta* officinæ Textoris, videlicet cum una, vel duabus, vel tribus literis, aut simul nexis, aut inverso ordine compositis; quibus literis aut artificum, aut loci ubi panni illi fabricabantur, aliquam notitiam afferrent. Unde & illa cordis figura, & aliæ, quæ nullam habent elementaris literæ formam, ut supra vidimus, certè nihil aliud quàm signa officinæ artificum esse possunt: quæ etiam signa diversos figularum Dominos antiquitus denotabant, ut in longa ipsarum figularum serie observavimus.

Antiqui enim Pictores, qui scrupulosâ nimis quâ pingebant diligentia, nescio an ruditatem suam exuerent, an augerent, cum Figuras aut ex pictura, aut ex musivo opere efficerent, easdem notas, & eosdem characteres, quæ in prototypis vestibus pro officinarum, aut artificum signo, seu *Marco* erant, in pictis etiam, aut musivis vestibus efformabant: & ideo sicuti hæc signa in laciniis typicarum, idest verè pannearum vestium apposita erant, ita in fimbriis pictarum

Scio quod statim huic nostræ sententiæ objici potest, signa & literas quæ in pannis sunt, à suture recidi, & abjici, nec unquam in vestibus apparere; unde quæ in vestibus Apostolorum, aliarumque Imaginum sunt, talia esse minimè posse, ac proinde nos graviter hallucinari. Verùm hoc quod objicitur, vel rationi sat consonum, vel saltem credibile foret, si iis temporibus, quibus Musiva opera fabrefacta fuere, recidendi pannos in plagas, & frustra, ac deinde acu, filoque mediantibus in unum iterum, sed formâ diversum, coaptandi mos extitisset, uti hodie: sed antiquis temporibus simplex vestitus erat, & unico pallio, & tunicâ (quæ inconsutilia fuisse existimo) ut plurimum veteres Patres contenti erant. Apud Romanos, ut Plinius docet hist. lib. 8. cap. 43., Tanaquilis, dicta etiam Caja Cæcilia, prima fuit quæ rectam tunicam texuit. Hunc morem pariter apud Hebræos viguisse comperio ex S. Joanne Evangelista, qui cap. 19. asserit, Domini Nostri JESU CHRISTI tunicam fuisse inconsutilem, ac contextam per totum. Hanc autem questionem, quod antiqui Romani habuerint textas vestes, non acu confutas, jam movit Casaubonus ad Ælium Spartianum in Antonino Caracalla, ubi ait: *Plerasque omnes veterum vestes texturâ solum confici solitas, sinè operâ sutoris ullâ, & ut loquuntur Evangelistæ, ὑφαντὸς ὅτι ἑλίου*. Idem confirmat in *Exercitat. ad Baron.* 16. num. 117. dicens: *Hodie rarissimè vestis aliqua conficitur sinè sarcinatoris opere; olim verò parandarum vestium alia fuit ratio, textores enim absoluebant, ne-*
quæ

quæ eorum operâ ut plurimum utebantur, quos Galli vocant Couturiers, Latini verò Sartores, quæ vocabula refeſtorem veteris veſtis potiùs denotant, quàm novæ confeſtorem. Fuſè ſuper hoc dubio diſſeruit Braunius *De veſtitu Sacerdot. Heb. lib. 1. cap. 16. num. 10. & ſeqq.*, quem adeundum curioſo Lectori relinquam.

Hic idem Auctor, occaſione motæ quaëſtionis, luculentiffimè loquitur de modo texendi veſtes in dicto cap. 16. num. 19. ex quo nonnulla delibavimus. Duo igitur apud veteres texendi genera fuere, unum ſedendo, ac tramam deorſum, ideſt ad inferiori partem, ſpatâ (à ſimilitudine gladii ſic dictâ) loco peſtiniſ nunc ulitati, trudendo, unamque ſimplicem telam tantummodò abſolvebant, ut videre eſt in Tab. XXXV. Fig. 2. Alterum verò, quod apud nos in deſuetudinem abiit, antiquis tamen fuit uſitatiffimum, erat hoc: illi qui texebant ſtabant, telamque perducebant ab uno latere ad aliud, tramam ſurſum, ideſt ab inferioribus ad ſuperiora ducendo. Hujus texendi formæ pulcherrimum exemplum eſt in venerandæ antiquitatis Codice Virgiliano, mille & quadringentorum circiter annorum, qui in Vaticana Bibliotheca aſſervatur, ubi viſitur femina ſtans in perpendiculari jugo textorio telam conficiens. Figuram ex eodem Codice depromptam gratum Lectori facturus, & confirmaturus ea, quæ Braunius in dicto capite aſſert, exhibeo in eadem Tab. XXXV. Fig. 1.

Eruditè idem Braunius nititur demonſtrare, antiquiſſimam artem texendi veſtes præſatas adhuc in India coli; ac tunicam ex byſſo, ſive xy-

lino ſubtiliſſimo egregiè manicatam, ac undique clauſam ſinè futurâ, ſinè ullo acûs veſtigio ex Indis ad Hollandos delatam fuiſſe; ſubaddens quod ipſe hoc exemplo motus, veterem hanc texturam ingenioſiſſimam ſanè, ac rariſſimam, & jam a tot ſæculis deperditam, ex veterum tenebris in apricum protraxerit, & bono publico, præſertim in Literariæ Reipublicæ monimentum vulgaverit, prout ex jugi textorii emblemate in ejuſdem Tabulæ Figura 2. apparet, cujus declarationem apud ipſum Braunium videre poteris.

Dum hæc ſcriberem, ad aures meas pervenit, hac in Urbe artificem degere, qui ſimilia texeret. Diù quaëſitum tandem invēni, ipſumque non ſolùm mihi indicavit, ſed etiam domum meam duxit erudiſſimus Joannes Paſtricius, in Collegio Urbano de *Propaganda Fide* Controverſiarum Lector, tum Græcæ, tum Orientalium linguarum ſupra fidem peritus, ac digniſſimus à ſecretis, ſive Director collationis Eccleſiaſticae hiſtoriæ à me inſtitutæ, quæ in eodem Collegio quindeno quolibet die feria 2. habetur: dixi à me inſtitutæ, quoniam aliqui palmam mihi arripere tentarunt, aliis tribuendo. Textorem igitur interrogavi, an tunicam vulgò *induſum* nullâ futurâ ſciret intexere. Reſpondit protinùs, ſe talia elaborandi modum jam à trigintaquatuor annis excogitaſſe, ſuadente, ac ſtimulante nobili quodam viro, Principis Thomæ contubernali, addiditque: *Quatuor jam ab illo ſcuta acceperam, ut opificio manus imponerem; ſedulamque navabam operam, cùm in manicis hæſi, velut in ſicco, & inchoata perſicere planè jam*

Fig. 1.





Fig. 2.



TAB. XXXV.

jam desperabam. Hinc maximè cogitabundus, ac de pecunia restituenda sollicitus, quam in familiæ sustentationem impenderam, quadam nocte texere somniavi, obicemque difficultatis evincere. Profili-vi statim, & quod in somnis conceperam, vigil attentans, voti compos effectus fui. Quatuor inde indusia confeci, quorum alterum in Hispaniam, duo in Sardiniam delata fuere; quartum san. mem. Clementi Papæ X. dono dedi, & instante postmodum Eminentiss. Purpurato, foccos seu calceolos lineos etiam texendi modum invenni. Hæc ille: quibus ut fidem astrueret, nondum absolutum indusium ostendit. Utque novum hoc Artis inventum, seu veteris restitutio magis magisque pateret, publicæ illud Academiae Physico-mathematicæ, quæ domi meæ à pluribus annis habetur, fideliter spectandum proposuit, totque sui testes, ac præcones habuit, quot eâ die nostræ Academiae intervenerant.

Artificis nomen est Franciscus Maria Granchi, natione Florentinus, novem jam supra quinquaginta annis in Urbe moratus, quò vix exacto novennio puer accessit: & quia ab eo curiosus adhuc exquisivi, qualis textorii jugi ad hæc opera forma esset, ipsammet esse accepi, quæ ad pannum cujusque generis adhibetur.

Post aliquot menses fama per Urbem vulgaverat, inconfutibile indusium in præfata Academia ostensum fuisse. Unde quidam alius ingeniosus artifex, Franciscus Guiot nomine, natione verò Burgundus, recurrit ad D. Abatem Josephum Ponthiam, ejusdem Academiae à secretis, ut proprii ingenii in ea pompam faceret texendo non solum indusium, verùm

Par.I.

& mappam cum suis floccis ad nares detergendas: ac proinde parvulam Casulam, vulgò Planetam, absque ulla acûs ope, sed solâ & simplici texturâ in solito jugo textorio propriâ minervâ elaboratam protulit. Quarè ex iterato molimine horum artificum, quod benè, imò ultra spem cecidit, patet quàm facilè sit hujusmodi tunicas inconfutiles texere. Si ergo apud antiquos mos iste vigebat in tunicis, quantò magis viguisse existimandum est in Palliis conficiendis, quæ non rotunda ut hodie, sed quadrata oblonga fuisse judico, & ab ea forma nomen Palliorum quadratorum sumpsisse.

Singulâ tamen per se distinctè texta fuisse arbitror, ut nunc videmus lectorum culcitrâs, quarum singulæ divisim ab aliis texuntur, habentque in altero ex angulis unam, vel duas literas, aut alium characterem, qui nomen artificis indicat, vel officinæ insigne est. His ergo rationibus, vel conjecturis allatis abundè ostensum, autumo, literas, & alia signa laciniis vestium Apostolorum, aliorumque Sanctorum apposita, nil aliud omninò, nisi nomen artificum indicare, seu notum insigne esse, in eorundem officinis publico aspectui apponi solitum.

C A P U T XIV.

De Coronis, aliisque capitis ornamentis.

CUM instituti nostri præcipuus penè sit scopus, Iconismis ad rem pertinentibus historiam ornare: cumque in iis non semel coronas, diademata, ferta, aliasque id genus cor-

O

rol-

rollas Imaginum capitibus impositas intueamur; nostræ intentioni quammaximè consentaneum esse videtur, hic *De Coronis* disquirere, ut Icones illæ dilucidè, ac plenè attingantur. Ideò eruditum Paschalius consulentes, qui luculentatam de illis notitiam tradidit in suo Tractatu *De Coronis*, & Wolfgangum Lazium, qui longè ante ipsum *De Republica Romana* scripsit, aliqua ex ejus lib. 9. cap. 18., aliisque cursim excerpta stylo Laconico pertractabimus.

Coronarum usus tantæ vetustatis est, ut ex variis speciebus, quæ longissimis temporis interstitiis emergere, non ita facilè suppetat modus, lumenque ad æquivoca detegenda, quibus passim non pauci decipiuntur, Coronas præsertim cum fertis, radiis, ac diadematibus, & è contrario, confundentes. Nos itaque eâ, quâ pro viribus valemus, studii lance, omnia, quæ hujus rei errorem dilucidare, & corrigere possint, sedulò ponderabimus.

Acturi igitur *de Coronis*, dicendi lex flagitat, ut priùs Coronæ etymon aperiāmus, de quo multifariam discernunt Historici. Quidam non humilis famæ Scriptores *Coronam* à *cornu* originem sortiri arbitrantur, fortassè quia in sacris paginis *cornu* tanquam insigne, & nota Regii capitis usurpatum observant. Festus inter antiquos Scriptores, *Coronam* à *choro* dici autumat, carère tamen aspiratione. Appion apud Athenæum lib. 5. ait, *Coronam* olim *Choronon* fuisse appellatam, quâ Saltatores in theatris redimiri solebant. Hujus notionis videtur quoquè particeps Isidorus lib. 19. cap. 30. ubi *Coronam* ab eo nomen

sumpsisse censuit, quòd antiquitùs propè aras circumcurreretur: unde creditur, ad figuram circuitùs, Chorive similitudinem, illam construere antiquitas docuisse. Paschalius verò lib. 1. cap. 8. rejectis his, aliisque opinionibus, Coronæ vocem à Græcis dictionibus *κορωνίς* & *κορώνη* emanare putat, ut ipse nominum sonus, rei que significatæ univocatio, argumenta suppetunt. Tradunt enim Grammatici *κορώνη* esse arcus apicem sphericum, nempe illud rotundum, sive sit hemicyclus, sive curvamen. Sæpè sæpiùs quemcunque finem significat; quod simili hac loquendi phrasi probari videtur ἀπὸ τῆς ἀρχῆς, sive ἐν ταῖς μέξεσι τῆς κορωνίδος, idest: ἀπὸ τῶς κορυφῆς, nempe à principio ad finem, ex infimo ad summum, à carceribus ad calcem, à destinatis ad perfectam: quare ponitur *κορωνίς*, pro ædificii fastigio, & inter alios ab Hesychio. Cùm igitur Corona ea sit, ultra quam hominum cupido aliud expetere haud valet, ac ex Aristotele *Moral.* lib. 1. cap. 9. sit præmium, finisque virtutis; nil magis illi congruere videtur, quàm ut à Græcis illis dictionibus ortum habeat, quæ apicem, finem, ac plenitudinem innuunt. Constat etenim quodcunque in humanis summum, & perfectum tentamus, ad id scitè & ornatè Coronæ nomine nos alludere; adeò ut qui *Coronam* dicit, culmen, apicem, finem, & perfectionem dicat. In hoc sensu docemur *Eccl.* 25. timorem Domini esse coronam sapientiæ; & hujusmodi est illud Clementis Alexandrini lib. 3. *Pedagog.* cap. 3. *Senis autem corona est multa experientia, & vultus ejus canities flos est multæ experientiæ.*

Hæc

Hæc apud eundem Pafchaliū loco citato leguntur . Nos autem prædictos Auctores conciliantes, putamus coronas in locis campeſtribus, vineiſque, ubi animus à curis levatur, caſu adinventas fuiſſe: aliquem nempe in illa animorum alacritate, pampinis, aut alicujus plantæ ramis in gyrum contextis, coronas formaſſe, illiſque ſociorum, convivarumque tempora redimiſſe; quæ cū quid ludicrum, ac jucundum præferrent, alios omnes invicem ſibi ſimiles coronas capiti impoſuiſſe, illaſque tripudii, & hilaritatis tempore geſtaſſe. Meam hanc conjecturam confirmant qui ſcribunt, Bacchum Coronarum inventorem fuiſſe, & hederaceam ipſum tuliſſe, Plinius præcipuè lib. 16. cap. 4. Alii tamen Baccho antiquiorem Janum faciunt, ut Athenæus lib. 15. alii Saturnum, ut ex Pherecide narrat Tertullianus in lib. *De Corona Militis*. Quarè ſi Saturnus coronarum inventor extitit, & ipſe Saturnus Adam fuit, ut exiſtimat eruditiffimus Gerardus Voſſius *De Theolog. Gentilium* lib. 1. c. 18. ſi verò Bacchus, aut Janus, qui teſtante eodem Voſſio loco citato, idem ſunt ac Noe, ex hoc deducitur antiquiſſimus coronarum uſus, & per conſequens earundem originis ignorantia . Hoc tamen ſcimus, Moſis tempore in honoris argumentum, & ſignum acceptas, ut habetur in Joſepho lib. 3. *de Antiquit. Judaic.* c. 11. ubi: *Circumdatnr ei* (videlicet capiti Pontificis) *& aurea cerona tribus ordinibus facta.* & lib. 8. cap. 3. *Corona, in qua Deum Moſes ſcripſerat unum fuiſſe.*

Propterea ſententias illorum omitto, qui opinantur, coronas deſumptas eſſe ab animalium terreſtrium,
Par.I.

ſeu volatiliū, aut piſcium, ſive florum, aut fructuum ſimilitudine: prout etiam, tanquam inania Poetarum figmenta, ſtellarum coronas, in plaga Boreali Ariadnæam, & in Auſtrali Auſtrinam, ſive Rotam Ixionis; & propriùs ad earundem diverſarum ſpecierum enarrationem tranſeo. Coronæ igitur temporis progreſſu non ſolū in alacritatis, ac lætitiæ ſignum inter convivas adinventæ fuere; verū etiam ad indicandam viri alicujus prærogativam, ob inſigne aliquod facinus, vel peculiarem virtutem, aut dignitatem; & quandoque etiam in ſignum doloris, aut ignominia, ut infra oſtendam.

A convivalibus autem, veluti origine prioribus, initium ſumendo, materiam earum, & cauſam demonſtrabimus. Variæ proſectò, ſive capitis ad ornatum, ſive ad ipſius debilitatem, aut gravitatem levandam, vel in odorum fragrantiam pro libito convivarum, ex variis vegetabilibus coronæ conflata, & conſerta fuere. Nonnulli enim *Hederaceam* adhibebant (cujus exemplar habes in Tabula XXXVI. Fig. 3.) Baccho inventori dicatam: quippè qui hederæ foliis, citra cultum & artem perenni viriditate vernantibus coronati, ſinè gravis odoris naufæa refrigerium experiebantur. Alii *Myrteam* geſtabant, (ut in ejuſdem Tabulæ Fig. 7.) quæ astringit, merique exhalationes coeracet. Alii *Rofaceam* uſurparunt (ut in dictæ Tab. Fig. 1.) cū Roſæ gravitati capitis conferant, & acres vapores in cerebrum conſpirantes expellant. Quidam *Antinojam*, *Lotinamque* fronti imponebant (ut ibidem in Fig. 2.) utramque è Loti floribus com-

paſtam, quos duplici colore arbor pingit; uno Roſam imitante, ex quo corona *Antinoja*; altero cyaneo perſimili, ex quo *Lotina*. Lotos iſta æſtivo tempore affluit Alexandria: in Ægypto enim paſſim attollitur. Habebatur quoque corona *Hypoglottis*, quâ tanquam fræno utebantur ad loquacitatem arcendam, plerumque in tet pocula oriri ſolitam. Corona hæc ex Paſtillorum maſſâ compacta erat: *Hypoglottides* enim paſtilli ſunt, ſeu catapotia ad tuſſim comparata, quæ linguæ ſupponuntur. Moris pariter erat uti coronâ, quæ dicebatur *Hypothymis*: & hæc collo appenſa protendebatur ad pectus, venuſtate florum, odorumque ſuavitate commendabilis; de qua Plutarchus *Symposiac.* 3. & meminit Ovidius *Faſt.* lib. 2.

Ecce nurum Regis ſuſis per colla coronis

Inveniunt poſito pervigilare mero.

Plerique verò, præſertim Ruſtici, *Amerina ſalice* coronabantur, quam videre eſt in Fig. 5. Nec deerant qui ex *Apio* coronas geſtarent, & lætiſſimum Baccho feſtum, conviviumque celebrarent, in quo Ariſtoteles nihil mutilum Diis offerri debere aſſerit, ſed quod integrum ſit, ac perfectum; idque non niſi coronis aptius fieri potuit, quæ plenitudinem, ac perfectionem ſignificant, ut ſupra oſtendimus.

Has, aliasque coronarum ſpecies in conviviis, & epularum initio convivis offerre ſolitum erat, ut deſcribit Philoxenus Dithyramborum ſcriptor in opere, cui titulus *Cæna*, apud Athenæum lib. 15. cap. 10. *Dipnoſoph.* his verbis: Κατὰ χεῖρὸς δ' ἡλὺθ' ὕδωρ ἀπαλὸς παιδίσκη ἐν ἀργυρέᾳ περὶ χόφ φέρων ἐπέχουεν. εἴτ' ἔφερε ſεφαλολεῖσθαις ἀπὸ

Μυρτίδων. ἀλάγνητε κλάδων δις ὡσάτω. *Aqua lavandis manibus allata eſt: molliusculus puellus argenteo gutto. quem tenebat affudit, coronasque deinde advenxit tenues, è puris myrti ramis magno labore contextas.* Compotationibus verò conviviisque importunam exiſtimarunt coronam *Lauream*, exhibitam in Fig. 4. tum propter caliditatem, quâ laurus inficitur, tum ob acrimoniam odoris, quæ capiti maximè nocet. *Amaraceam* quoque coronam, nec non *Violaceam* improbarunt, imò omne florum & frondium genus, quod nimis oleret, & capiti officere potuiſſet.

Haſtenus de convivalibus: modò ad eas coronas gradum faciamus, quæ honoris cauſâ dabantur tam in Gymnicis certaminibus, aliisque ſpectaculis, quàm etiam in bellis. In ludis jam à Theſei temporibus invaluerat conſuetudo, ludorum victores coronandi palmis in Creta inſula, ubi ipſe Deli ludos inſtituit. Theagenes Thafius cùm luſtâ, & curſu, pugillatuque in Olympicis excelluiſſet, mille & ducentas coronas lucratus eſt. Antoninus Caracalla Imperator ſæpius in equeſtribus certaminibus ſupra alios victor, coronarum præmio donatus eſt.

A ludicris certaminibus edocta poſteritas, ſuos deinde milites ob ali-quod magnum in bello patratum facinus coronavit, ut unius præmium aliis ad gloriam pro calcari inſerviret. Ex diverſo autem præclaro facinore diverſæ dabantur coronæ: nam aliæ *Civica*, aliæ *Murales*, aliæ *Vallares*, aliæ demum *Navales*, *Ovales*, *Obſidionales*, ac *Triumphales* dicebantur. *Civica* ut plurimum erat ex quercu, ſicut videre eſt in Figura 6. quandoque

que etiam ex hederâ, vel lauro, ut tradunt Gellius lib. 5. cap. 6. Plin. lib. 22. cap. 3. & 4. Hæc militi illi dabatur, qui Civem Romanum in bello servasset, eâ lege ut Civis ipse servatus se ab illo servatum asseveraret; nequè aliter dabatur, si quenquam alium quantumvis Regem servasset. Corona *Muralis* ex auro aliquando erat, & in pinnarum speciem conflata, ut visitur in Fig. 9. Hujusmodi coronâ ab Imperatore decorabatur qui primus hostiles muros ascendisset. Coronâ *Vallari*, seu *Castrensi*, quæ ex auro constabat, ut in Fig. 10. ille honorabatur, qui prior in hostium vallum, & castra irrupisset. *Rostratam*, sive *Navalem*, quæ instar navium rostri itidem ex auro efformabatur, ut in Fig. 11., ille obtinebat, qui navali certamine primus in hostium ratem insiluisset. *Ovalem* ille, qui partâ victoriâ Urbem ovans ingrediebatur, & hæc myrtea erat, ut in Fig. 7. Corona *Obsidionalis* ab iis, qui obsidione liberatos se faterentur, Duci liberatori offerebatur; & fiebat è gramine (ut in Fig. 8.) quod in eo loco ortum esset, intra quem clausi erant qui obsidebantur. Demum *Triumphalem* coronam Dux lucrabatur, qui sedatâ Provinciâ, victisque hostibus, Tarpejam arcem triumphans ascenderet. Hæc prius ex myrto, deinde ex lauro (ut in Fig. 4.) postremò ex auro, gemmisque confecta fuit, ut infra patebit. Primus omnium, teste Plinio lib. 15. cap. 29., qui myrteâ coronâ cinctus Urbem ovans ingressus sit, Posthumius Tubertus fuit, Sabino genere natus: deinde M. Crassus abhorrens à myrteâ, laureâ coronatus incessit, auctore Gellio lib. 5. cap. 6.

Ufus coronarum sensim adeò crevit, ut primis Ecclesiæ nascentis sæculis in Primigenios etiam Christianos perreperit, qui variis lectorum florum, & frondium, aureisque etiam, ac gemmatis coronis perornabantur, quos fusè, & religiosè increpat, reprehenditque Tertullianus *De Corona Milit.* cap. 14. his verbis: *Vir Ecclesiæ Christus Iesus quale oro sertum pro utroque sexu subiit? ex spinis opinor & tribulis in figuram delictorum, quæ nobis protulit terra carnis, abstulit autem virtus Crucis, omnem aculeum mortis in Dominici capitis tolerantia obtundens. Certè præter figuram, contumelia in promptu est, & turpitudine, & dedecoratio, & his implexa sævitia, quæ tunc Domini tempora & sedaverunt, & lancinaverunt: ut tu nunc & lauro, & myrto, & olea, & illustri aliqua fronde, & quod magis usui est, centenariis quoque rosis de horto Mide lectis, & utrisque liliis, & omnibus violis coroneris, et iam gemmis forsitan & auro, ut & illam Christi coronam æmuleris, quæ postea ei obvénit, quia & favos post sella gustavit; nec ante Rex Gloriæ à Cælestibus salutatus est, quàm Rex Judæorum proscriptus Cruci; minoratus primò à Patre modicum quid citra Angelos, & ita gloria & honore coronatus. Si ob hæc caput ei tuum debes, tale si potes ei repende, quale suum pro tuo obtulit: aut nec floribus coroneris, si spinis non potes.*

Viguit quoque antiquitus ritus coronandi cadavera, & floribus, coronisque sepulchra spargendi. Si quis enim virtute aliquam sibi coronam adeptus esset, eâdem etiam fato functus decorabatur, id permittente lege *Duodecim Tabularum*, cujus meminit Plinius lib. 21. cap. 3. & docet Cicero lib. 2.

lib. 2. de Leg. his verbis: *Illa jam significatio est laudis, ornamenta ad mortuos pertinere, quod coronam virtute partam, & ei qui peperisset, & ejus parenti sine fraude esse lex impositam jubet.* Mortuorum coronas apud veteres tetigisse videtur Clemens Alexandrinus lib. 2. ibi: *A turba, & negotio remotæ securitatis signum est corona, quare eam & mortuos coronant.* Legem hanc coronandi defunctos primævi Ecclesiæ Patres ab antiquis Christianis repudiata testantur, præsertim sæpè laudatus Tertullianus loco cit. *De Corona Milit.* cap. 10. ubi sic: *Quid enim tam indignum Deo, quàm quod dignum Idolo? Quid autem tam dignum Idolo, quàm quod & mortuo? nam & mortuorum est ita coronari, quoniam & ipsi Idola statim sunt & habitu, & cultu consecrationis, quæ apud nos secunda idolatria est.* Minucius Felix in Octavio hæc habet: *Sanè quod caput non coronemus, ignoscite: auram boni floris naribus ducere, non occipitio, capillisve solemus haurire, nec mortuos coronamus. Ego vos in hoc satis miror quemadmodum tribuatis exanimi, & non sentienti coronam, cum & beatus non egeat, & miser non gaudeat floribus.* Ego autem tunc temporis Christianos abstinuissè coronis mortuos redimire non improbo, cum in exordiis, & vagiente adhuc Ecclesiâ nimius illis inesset religionis fervor, & verecundia. Postmodum verò eadem in pace adulescente, similibus coronis, liliisque coronandi cadavera, præsertim Virginum, & Puerorum, morem introductum non dubito, cum usque ad hæc nostra tempora observatum id videamus. Sed jam ad Cæsarum diademata progrediamur.

Gliscente cum tempore Cæsarum luxu, nequaquam contenti lauro fuerunt; sed quid augustius excogitantes, diademate redimiri coeperunt. Primus autem qui diademata adhibuit, Aurelianus Augustus fuit, si Victori credimus, qui inquit: *Iste primus diadema capiti innexuit, gemmisque, & aurata veste, quod adhuc ferè incognitum Romanis moribus videbatur, usus est.*

At Lampridius in Heliogabalo narrat, hunc Imperatorem jam ante Aurelianium diadematis gemmati usum habuisse, sic scribens: *Voluit uti & diademate gemmato, quia pulchrior fieret, & magis ad seminarum vultum aptus, quo & usus est domi.* Gestandi diadematis consuetudo mirum est quantum creverit, ejusdemque eò pretiosior, & operosior ornatus erat, quò proniores Imperatores ad luxum. Alii etenim fasciam albicantem, quæ tempora stringebant, obligabantque retrò vittis pendentibus, pretiosis gemmis, & duplici margaritarum ordine decorabant; quod diadematum genus ex unionibus dicebatur, & exemplar habes in præcitata Tabula XXXVI. Fig. 12. 13. & 15. Testantur hoc plurima Cæsarum numismata, quorum Icones afferunt Spanhemius in *Thes. numism.* & eruditiss. Du-Cange in suo Tract. *De Familiis Byzantinis*, qui cum à pag. 54. ad ultiores iis abundet, adiri à curiosis fuerit oportunius, quàm hic à nobis referri, ut jam nonnulla de differentiis inter coronas, & diademata pertractemus.

Porro nemo est qui ignoret, diademata, coronas, & fersa plerumque à Scriptoribus confundi tanquam forent synonyma. Verum si sedulò, &

accu-

accuratè voces hæ perpendantur, profectò haud exiguum inter eas discrimen invenietur. Diadema enim fascia quædam est candida, ac subtilis, capitisque vinculum, ut ostendit Plutarchus in Lucullo, de Mitridatis uxore sic loquens: *Lacerato capitis diademate, illud circumposuit collo, sequens suspendit; Statim autem fracto, ò ingræte, inquit, panne, nè ad hoc quidem mihi utilis eris?* ex quo manifesta est inter coronas, & diademata differentia, cum illæ nil prorsus cum candida, ac subtili fascia commune habeant. Hujusmodi lineo capitis vinculo, sive diademate, magnum Alexandrum usum fuisse docet Justinus lib. 5. Is namque cum Lysimachum hastæ cuspidem ita vulnerasset, ut sanguis minimè sisti posset, vulneris obligandi gratiâ diadema deposuit, & explicuit. Fasciæ quoque, seu diadematis meminit Ammianus Marcellinus lib. 17. ubi de Pompejo agens tradit, hunc fasciam diadematis exulcerato cruri applicasse, unde à nonnullis increpatus fuit. Marcellini verba hæc sunt: *Necnon etiam in Pompejum obtrectatores iniqui multa scrutantes, cum nihil unde vituperari deberet inveniretur, duo hæc observaverunt ludibriosa & irrita: quod genuino quodam more caput digito uno scalpebat: quodque aliquandiu tegendi ulceris causâ deformis, fasciolâ candidâ crus colligabat: quorum alterum factitare ut dissolutum, alterum ut novarum rerum cupidum asserebant: nihil interesse oblatrantes argumento subfrigido quam partem corporis redimiret Regiæ majestatis insigni eum virum, quo nec fortior, nec cautior quisquam patriæ fuit.* Unde de eo sic Cinna cecinit.

Fasciolâ qui crura tegit, digito caput uno

Scalpit, quid credas hunc sibi velle virum?

Plutarchus in Cæsare, ubi de Lupercalibus agit, discrimen quod quarimus inter diadema, & coronas fati innuit; ait enim, Antonium Consulē Cæsari Lupercalia spectanti diadema ferto laureo circumvolutum obtulisse: ejus verba sic se habent: *Is (nempe Antonius) ut in forum pervenit, populusque ei locum adeundi dedit, diadema ferto laureo circumplicatum porrexit.* Ex quibus aliud à diademate fuisse fertum, seu lauream coronam, nemo non videt. Clariùs ad rem loquitur Petrus Blesens. Bathoniensis Archidiac. Serm. 19. ad Cant. 3. 11. ibi: *Egredimini & videte, filiæ Sion, Regem Salomonem in diademate &c. Aliud est corona, & aliud est diadema. Corona simplex est circulus aureus, quo utuntur Reges in minoribus solemnitatibus. Diadema est quasi duplex corona, cum ipsi coronæ quasi alius circulus gemmis superpositus superadditur. Ex ipsa enim Græci nominis interpretatione duplicitem sonat.* Hanc etiam differentiam patefacit Honorius Augustodunen. lib. 1. De antiq. Rit. Miss. ubi agens de corona, & diademate, duo se juncta capita exequitur, in quibus manifestè tanquam de diversis signis discurret, nam cap. 224. de corona Imperatoris, & Augusti hæc habet: *Corona Imperatoris est circulus Orbis. Portat ergo Augustus coronam, quâ declarat se regere mundi Monarchiam &c.* cap. verò 225. de diademate hæc ait: *Diadema autem Regum designat Regni ambitum: & omnes, qui in agone contendebant, diadema accipiebant: quod si pro justitia certaverint, cum Rege omnium coronati regnabunt.* Hæc verò Regalia

galia insignia à Nino primò traduntur inventa.

Sed præter diadematis ornamenta, Augusti divinitatem superbè affectantes, radiatam sphæram capiti circumdederè. Propterea res hic exigere videtur, ut aliqua de hujusmodi radiis, quibus capita Cæsarum, magnatumque in Statuis antiquitùs decorabantur, obiter tradamus. Porro frons Augusti passim radiata occurrit apud Golzium in Augusti nummis à pag. 18. usque ad 21. Item Augusti Statuam cum radiis frontem occupantibus insculptam cernimus, & cum titulo: *Augusto Deo*. Dio Cassius narrat, stellas, quæ etiam ad radios referri possunt, capiti Statuarum appositæ: unde lib. 15. ait: *Augustus Statuam Patris æream cum stella supra, in Veneris templo posuit*. Idem hoc ostendit, & causam addit Svetonius in Julii Cæsaris vita, sic scribens: *Periit sexto & quinquagesimo ætatis anno, atque in Deorum numerum relatus est, non ore modò decernentium, sed & persuasione vulgi; siquidem in ludis, quos primò consecratos ei hæres Augustus edebat, stella crinita per septem dies continuos fulsit, exoriens circa undecimam horam: creditum est animam esse Cæsaris in cælum recepti, & hac de causa simulacro ejus in vertice additur stella*. Pub. Victor in Colosso antea Neroni, postmodum Soli dicato, de quo Plin. cap. 34. lib. 7. septenis caput ejus radiis coruscasse tradit, quorum singuli viginti duos pedes, & semis in longitudine præstabant. Mos iste radiis circumducendi capita Augustorum, ex eo acceptus invaluit, ut illi se supra hominum sortem positos, & in albo Deorum adscriptos jam tum esse,

ostentantes, populis hac majestate timorem incuterent, & iisdem securiùs illuderent. Hinc illud Lucani *Pharsaliæ* lib. 7.

*Fulminibus manes, radiis ornabit,
& astris.*

Hinc de Domitiani Statua sub diò exposita hæc cecinit Statius *Thebaid.* lib. 1.

Licet ignipedum frænator

equorum

Ipse suis altè radiantem crinibus arcum

Imprimat.

Has radiorum circumferentias edidit, adhibuitque Christiana pietas in decorandis Sanctorum imaginibus, ut antiquissimæ Icones demonstrant: & forsàn id etiam exemplo Mosis fecisse Christiadas non abit à verisimili. Moses enim cum Tabulis legis lapideis de monte descendens, vultum radiis coruscantem, afflatumque splendoribus è consortio, & colloquio Dei protulit, juxta illud Exodi 34. num. 29. *Cumque descenderet Moses de monte Sinai, tenebat duas Tabulas testimonii, & ignorabat quod cornuta esset facies sua ex consortio sermonis Domini. Videntes autem Aaron, & filii Israel cornutam Mosi faciem, timuerunt propè accedere*. Itaque ex consortio, claraque visione Dei, quâ Beatorum animæ perfruuntur, haud extra rem erit si conjiciamus, primævos Patres sedulos legum sacrarum Interpretes, has radiorum sphæras, veluti gloriæ notam, Sanctorum Iconismis aptasse.

Quod verò antiqua Christiana pietas Sanctorum capita hujusmodi radiantibus lineis insignire studuerit, sive in statuis, sive in picturis, opinantur nonnulli, non ex eo ortum esse,

esse, quod veteres doctrinam, vitæ excellentiam, & gloriæ typum in faxis, tabulisque posteritati consignare voluerint; sed antiquarum potius statuarum exemplo, quibus opificum studio addebantur lunulæ quædam, seu patellæ, ob longè diversam causam, nempe ut supra capita aptatæ, contra avium sordes, & stercorea pro tegumento infervirent: quod apertè innuit Aristophanes in *Auib* ibi:

Ην δὲ πρὸς δειπνῆτε πρηγορεῶντας ὑμῖν
πείσομεν.

Ην δὲ μὴ κείνῃτε χαλκίδι μωῖους
φορεῖν,

Ὡς ἀνδρῶντες ὡς ὑμεῖς ὅς ἂν μὴ μω
λῶ ἔχῃ.

Si autem cœnatis guttura vobis mitemus.

Si tamen non judicatis æraminis cooperacula ferre,

Tanquam Statuæ; sic vestrum qui non cooperimentum habeat &c.

Morem exinde inductum autumant, ut pari modo Christiani veteres Deum, & Angelos, Sanctosque, necnon Reges, & Magnates similibus tegumentis in statuis, picturisque ornare consueverint; atque ea deinde, ignara posteritas perperam interpretata, in plani circuli speciem effinxit. Ita Henricus Salmuth in comment. ad Pancirol. *De reb. memorab. tit. 44.* ubi: *Sic & μωῖοι, quos umbellas lunatas Latine dixeris, statuis olim impositi, nè ab avibus conspurcarentur. Quò spectat illa Horatiani Priapi imprecatio.*

Merdisque coinquinet albis

Corvorum.

Hi μωῖοι adhuc hodieque in Templis Christianorum imponuntur capitibus statuarum, cujus tamen rei causam igno-

P. II. I.

rantes Pictores, dum putant honoris ergò imponi debere, non solum omnibus statuis imponunt, sed imaginibus quoque pictis adhibuerunt, quæ tamen illis opus non habent, sicut Statuæ.

At ab hisce sordibus longè abiere, Pignorius, Raynaudus, & Kircherus, qui asserunt, ideò rutilantibus circulis, seu diadematibus Dei, Sanctorumque imagines exornatas, quòd eadem adhibebant antiqui Ethnici ad decorandas Cæsarum statuas in superstitionis divinitatis, ac majestatis indicium: Cæsares enim suos dum adhuc viverent Deos credebant, eisque Divorum cognomina, ut historiarum narrant, amplissimè largiebantur. Labet hinc exponere verba Pignorii, quæ ut jacent Kircherus transcripsit, absque ulla tamen ipsius Pignorii mentione: tenor autem illorum est: *Consuevit Dædala antiquitas res hominum opinione religiosas, & augustas quibusdam veluti notis insignire, quasi ipsis aliqua dignitas accederet. Inter has maximè nobilis fuit orbis quidam capiti aliquando circumscriptus, venerationis index, & majestatis, quæ humanam excederet. Hunc ego Imperatoribus, quos veteres supra fastigium mortalitatis elatos suspiciebant, Provinciis Orbis Romani, Urbibus primariis, animalibus etiam Deorum circumpositum notavi: & quod ad Augustos pertinet, extant numismata ærea Antonini Pii, & Constantii illius, qui Arrianis favens, Catholicam Ecclesiam perturbavit. Et Ravennæ in Aede S. Vitalis manent adhuc antiquissimæ ex opere musivo Justiniani & conjugis imagines, quarum capita talis circulus ambit. Provincias & Urbes videmus in libro, cui titulus: Notitia vtriusque*

P

Im-

Imperii: & in *Tabula Itineraria*, quam debemus Marco Velfero Cl. Viro, cujus beneficio factum est, ut inclytum illud antiquitatis monimentum in lucem prodiret. Pavonem postremò ita exornatum gestat Aeternitas in antiquo nummo *Faustinae Augustae*. Hunc orbem Aegyptii in summo capite simulacrorum suorum locabant; quod & hic, & alibi licet animadvertere. Ab illis Romanos sumpsisse licet suspicari, & variasse, habita decoris ratione, quod capiti, cui divinum quid inesse putabant, eo situ corona aptaretur. Qui tamen ornatus sequentium Principum moderatione, & tacito omnium consensu Deo etiam, & Sanctis ejus, ut alia pleraque, in totum cessit, & antiquum diadematis nomen in hodiernum diem retinuit. Haftenus egregiè Pignori: cujus nos opinioni penitus adstipulantes, vltra allata numismata, in quibus Augustorum capita cum radiis visuntur, innumera possemus addere, cum ex Jacobo Oitelio in *Thesauro Numismatum*, tum ex Du-Cange in sua *Constantinopoli Christiana* de Imperatoribus Byzantinis, ubi non modò Caesarum, sed ipsius Christi Reparatoris nostri, & Deiparae, & Angelorum imagines sic comptas exhibet.

Verùm nè mora inutili, ac fortè invisa Lectorem detineamus, à Numismatibus ad Picturas aliquas accedamus. Harum prima est in *Tabula XXXVI. Fig. 17.* eruta ex Codice Virgiliano antiquissimo, qui in Bibliotheca Vaticana servatur. Ibi supra moenia Iliaca Cassandra vates conspicitur, cum circulo capiti circumducto, introductionem dolosi Argivorum equi dissuadens; & propè Urbis portam stat Priamus, læuâ

innixus baculo, verticem fulgenti nimbo circumdatus, ut in eadem *Tabula Fig. 16.* dexteramque attollit, ac si vafro & perjuro Sinoni pareat. Hoc cecinit idem Virgilius *Æneid. lib. 2. v. 246.*

Tunc etiam fati aperit Cassandra futuris

Ora, Dei jussu, non unquam credita Teucris.

Habemus adhuc ob oculos Herodis Idumæi figuram in *Basilica Liberiana*, sphaerâ similiter notatam in arcu Absidis, ubi horribilis Innocentium strages exprimitur, quam impius Rex imperavit. Schema ejus vides in *Tabula XLIX. num. 3.* Prætereà contingit etiam ibi observare puerum JESUM cum Doctoribus disceptantem, præcipua ac peculiari radiorum nota decòrum; supra cujus verticem intra sphaeram radiis coruscantem assurgit imago Crucis, atque inde alia supra sphaeræ circumferentiam Crux prominet. Item in coronide ad dexteram Altaris majoris Deus è nubibus prodit cum planisphaera capiti circumducta, ut videre est in *Tab. L. Fig. 1.* necnon in *Tab. LI. Fig. 4.* quo etiam ornatu conspicui sunt Angeli, & in reliquis etiam, ut Josue in *Tabula LXI. Fig. 2.* His figuris persimiles plurimæ passim occurrunt in omnibus ferè pervetustis Ecclesiis; & earum nonnullas in Templo S. Sophiae Constantinopoli extantes adducit relatus Du-Cange sub finem sui *Magni Glossarii* in dissertat. *De Numismatibus Imperatorum Constantinopol.*

Morem istum Heroas appingendi cum circulo, seu nimbo in capitibus, per plura sæcula perdurasse reperio; nam Rhabanus Maurus, qui vixit

vixit sæculo IX. in opere *de Laudibus S. Crucis*, Ludovici II. Lotarii Imperatoris filii delineatam Imaginem refert (ut in Tab. XXXVI. sub Fig. 18. videri potest) quæ capiti quidpiam gestat, eodem ferè modò efformatum, quo apud nos id quod Biretum Ducale appellamus. Haud multò ab similem Iconismum vidimus in Felice Contitorio, Urbis scilicet Præfectum eodem Bireto insignitum: ac in posteriori etiam capitis parte quid veluti Sanctorum diadema in eadem Imagine cernitur, quod ipse Rhabanus circum vocat, & in eo hæc leguntur: *Tu H Ludovicum Christe corona*. Quapropter ex hac figura deduco illius quoquè temporis morem appingendi Imperatores cum diademate, ut vulgò dicitur. Ibidem notanda est etiam figura, quæ Dalmaticâ, & Chlamyde induitur.

Ex quibus omnibus liquidò patet, hanc sphaerulam, sive circum, quem aliqui nimbum appellant, à Gentilibus mutuasse Christifideles ea mente, ut quemadmodum Ethnica superstitione, ac superbia, notam æternitatis eum esse affectabat; ita nobis veræ, prodigiosæque religionis semitas insectantibus, beatissimæ æternitatis hieroglyphicum esset, ac Dei præcipuè, Sanctorumque virorum capitibus imponeretur: nec mirum, cum multa à Gentiliis, Hebræorumque ritibus usurpata dixerimus, ut supra probatum est cap. I. & infra cap. XIX. fusius ostendemus; & notat Baronius ad annum 44. propè finem, & ad annum 57. num. 107. Unde quis probet, imò non arguat, improbetque sententiam Henrici Salmuth supra relati, & Julii Cæsaris Scaligeri, existimantium

Par. I.

Pictores inscitia, & errore ductos, capita figurarum sphaeris circumornasse, simulacrorum, & statuarum exemplo, quibus non ad ornatum, aut maiestatis indicium, sed ad avium sterora submovenda (ut ipsi ajunt) eæ superimpositæ fuerunt, ac si olim omnia nullo discrimine simulacra sub diò stantia, supernè hac de causa tegerentur. Porro ii emendicato Aristophanis carmine malè freti id contendunt; quem Auctorem perperam versum à Scholiaste docet Raynaudus tom. 13.

Cæterum nescio, an quidpiam aliud unquam posset antiquitas ingeniosa excogitare, quod æternitatem aptius exprimeret, ac magis saperet divinitatem, quam suos Cæsares, Heroasque vel pacis actibus, vel virtute bellica insignes, assequi opinabatur. Nam sapientissimus ille Hermes Trismegistus, aliàs Mercurius, quem tertio circiter sæculo post universalem cataclysmum degentem Abrahæ æqualem facit, probatque Alexander Arabicus scriptor apud Gelandin. in libro *De Sapientibus Aegypti*, interrogatus quid esset Deus, sic doctissimè, profundèque respondit: *Deus est circum, seu sphaera intelligibilis, cujus centrum est ubique, circumferentia nusquam*.

Quaderè non hominibus tantum dabatur hæc sphaera, sed animalibus etiam, illis videlicet, quæ vel Numinibus peculiariter sacra, vel suapte naturâ æterna esse reputabantur. Docet hoc nummus Faustinae à præcitato Pignorio relatus, in quo expressa sedet Æternitas, dexterâ Pavonem radiatum gestans, ut in dicta Tabula XXXVI. Fig. 14. quam ego avem

P 2

à Pi-

à Pignorio dissentiens, ab Oiselio bene cognitam reor, utpotè qui Phoenicem interpretatur: & quidem longè opportuniùs Pavone Æternitati Phœnix appingitur, quam Claudianus æternam avem appellat in *Opusc.* sic: *Parturiente rogo curis natura laborat, Aeternam nè perdat avem.*

Summæ quoquè venerationis vilissimum animal Scarabæum apud Ægyptios fuisse comperio, adeò ut radiato hoc orbe eum Antiqui insignierint propter id unicè, quòd Soli facer esset. De eo sic Eusebius Pamphilus lib. 3. cap. 2. *Inter cætera Soli consecrata animalia Scarabæum summoperè venerabatur Aegyptii, animatam Solis effigiem esse putantes.*

Abenephus in suo *Tractatu de Antiquitate Aegyptiorum*, ex Arabico sermone in Latinum versus, de Scarabæo sic scribit: *Aegyptii Philosophi ad Solis denotandam excellentiam, Scarabæos saxi suis insculpebant.* Quendam etiam Scarabæi typum ad instar Solis radiati reponit Kircherus *De Obelisco Pamphilio* lib. 4. Hierogram. 16.

Sed quæ hucusque cursim congesta sunt de *Coronis* sufficiant, nè copiâ rerum, ac vitio dicacitatis laborare videamur; præcipuè cum aliò calamus nos compellat, ut *Historia* plurimis promiscuè eruditionibus variegata, si non alliciat Lectorem, saltem materiarum varietate à tædio eximat.

C A P U T XV.

De antiquo Baculorum usu, & Symbolo.

CUM in Musivis operibus cernere sæpè sæpius contigerit & Sanctorum, & Angelorum figuras bacu-

los manu gerentes, nè sollicita Lectoris curiositas in hujusmodi baculorum obicibus hæreat, liberum iter faciam ad eorundem explicationem, utpotè qui vel injuriosâ temporis fugâ, vel incuriâ Scriptorum tenebris ignorantia quam maximè involuti caligant.

Quia verò cognitis rerum nominibus meliùs earundem origines cognoscuntur, cum convenient rebus nomina sæpè suis; ideò ab ipsius baculi etymologia initium sumimus. Isidorus Origin. lib. 20. cap. 13. narrat, *baculum* à Bacco vitis repertore inventum; quo homines nimia vini copia debilitati inniterentur: & sicut à Bacco *baculum*, ita à *baculo* *bacillum* dictum fuisse. Hanc etymologiam sequutus est Rhabanus Maurus lib. 22. *De Universo*, capite 13. Recentiores verò Scriptores illam severiùs examanantes, strictiùs accipiunt. Nam Pontanus *baculum* priùs *viaculum* dictum existimat, literâ V. ob affinitatem cum litera B. in eandem B. commutatâ. Et quidem pro hac Pontani opinione firmanda de conversione literæ V. in B. plures extant antiquæ Inscriptiones, quæ cum apud Gruterum videri possint, brevitatis gratiâ omittuntur. At Angelus Caninius censet, eandem vocem à βᾱκτηρον derivari, converso ρ. in l. quomodo ab ἀκίρως est *Aquilo*: βᾱκτηρον autem dici ὡς τὸ βαίνειν: sicuti & ῥᾱβδῶν dicta existimantur ὡς τὸ ῥᾱον ποιεῖν βαδίσειν. A *baculo* est *bacillus*, seu *vacillus*, & si Nonium audiamus, vacillare est trepidare, vel cum lassitudine niti, à senibus, qui sunt ævo defessi, atque ad sustinendam lassitudinem baculo tarditatem levant. Quare ex dictis colligitur, verisimiliter *baculi* vocem à Bacco

a Baccò duxisse originem, ac morem sustentandi habuisse. Modò autem ad ejusdem baculi usum ostendendum, procedimus, & à Sacrà Scripturâ, tanquam legis nostræ normâ, initium ducimus.

In Exodi igitur cap. 12. n. 11. ubi à Domino Moli ritus comedendi Paschalem Agnum præscribitur, mentio baculorum occurrit. Hæc Domini verba sunt. *Sic autem comedetis illum: renes vestros accingetis, & calceamenta habebitis in pedibus, tenentes baculos in manibus, & comedetis festinanter; est enim Phasè (idest transitus) Domini.* Si consideremus historiam, viatores baculi docent, qui præcipuè Orientalibus, atque etiam Meridionalibus populis in usu fuere: unde Jacob à patre abiturus in Mosopotamiam, baculi sui meminit, cujus ope Jordanem fluvium transivit: Genesis capite 32. vers. 10. Et cap. 38. vers. 18. narratur concubitus Judæ cum Thamar nuru sua, quæ commutatis viduitatis suæ vestibus in theristrum (tenue velamen erat, quo Palæstinæ mulieres, maximè æstivo tempore, utebantur) stetit in bivio, quâ Socero transeundum erat, obducta velamine faciem, ideòque pro meretriculâ accepta, & pro hœdi promissi arrhabone annulum petiit, accepitque, nec non armillam, & baculum, quem Judas gerebat. Item Numer. cap. 21. vers. 18. sic legitur: *Puteus, quem foderunt Principes, & paraverunt Duces multitudinis in datore legis, & in baculis suis.* Quem locum nonnulli sic exponunt: *Hic est ille puteus, quem Principes Tribuum, & Duces multitudinis cum Mose legislatore foderunt in baculis, seu virgis suis: habebant enim Principes singuli vir-*

gam, veluti signum imperii, & potestatis.

Præcipua hæc Sacræ Scripturæ loca adduxisse contenti, ad ea indicanda progredimur, quæ de baculis referuntur tam apud Ordinem Romanum, quàm apud illius, cæterorumque sacrorum Rituum expositores: deinde transibimus ad explicandas Musivas figuras, quæ baculos præ manibus gestant.

Primus qui sese offerat locus est in Ordine Romano, qui incipit *Denunciata Statione*, quique ab Hittorpio in lucem editus fuit, omnibusque aliis Ordinibus hætenus publicatis antiquior est, de cujus vetustate jam in peculiari nostro Tractatu *de conjecturis Azy mi, & Fermentati* cap. 13. egimus. Legitur in eodem Ordine, quod postquam per Diaconum dictum fuerit, *Sequentia S. Evangelii secundum Lucam*, sive &c. & idem Diaconus se signaverit signo crucis in fronte, & in pectore, similiterque id Episcopus fecerit, & omnis populus, *Baculi omnium deponuntur de manibus; & in ipsa hora nequè corona, nequè aliud operimentum super capita eorum habetur.* Ex quo obiter conjici posse liquet, Fideles in Ecclesiis tecto capite extitisse, frustra enim capita jam nudata Romanus Ordo nudari jussisset.

In altero verò Ordine, qui incipit *In Vigilia Natalis Domini*, ubi agitur de iv. feria Quadragesimæ, quæ sacri Jejunii caput est, sic enunciatur: *Cum Sacerdos susceperit pœnitentem, si Laicus est, dimisso baculo; quisquis verò ille est, sive Laicus, sive Clericus, sive Monachus, suppliciter inclinet se ante Sacerdotem: quæ verba videntur ambigua, cum ex illis tam Laici, quàm Cle-*

Clerici, ac Monachi baculos habuisse videri possint; isti tamen retinuisse, dum ad poenitentiae tribunal accederent, Laici verò protinus deposuisse.

Baculorum depositionem à Laicis factam testatur Hidelbertus Cenomanensis Episcopus, postea Archiepiscopus Turonensis, qui floruit in principio XII. sæculi. Is enim in carminibus de mysterio Missæ, ad Evangelium sic cecinit.

Inde sinistrorsum Domini sacra verba leguntur :

Plebs baculos ponit, stat, retegiture caput.

& paullo inferius :

Ut sis attentus, patiens, erectus in hostem,

Et caput, & baculus, & status ipse docet.

Quippe caput retegens, attentè audire moneris ;

Parcere, quum baculum rejicis, instrueris.

Quæ diximus confirmantur, immò etiam dilucidantur auctoritate Micrologi, qui vixit eodem XII. sæculo : is enim scribit, Zachariam summum Pontificem, electum anno 741. decrevisse, nè Sacerdotes ad Missarum solennia cum baculis intrarent, ac nè Altari capite velato adstarent ; quod Zachariæ decretum habetur in c. nullus 157. De Consecrat. dist. 1.

Factam etiam per Clericos baculorum depositionem docet nos Amalarius de Ecclesiasticis officiis lib. 3. capite 18. ubi sic : *Usque ad istud officium (nempe Evangelium) cum baculis sustentamur ; modò ut oportet servos ante Dominum stare, humiliter stamus, deponentes baculos è manibus . At*

fusiùs reddens mysticam causam depositionis baculorum, in suis Eclogis *De officio Missæ*, nuper in lucem editis ab eruditiss. viro Stephano Baluzio in Appendice *Actorum Veterum* tom. 2. Capitularium pag. 1358. §. de *Epistola*, sic docet : *Post hæc baculi deponuntur è manibus : Judei namque arundinem in dexteram Jesu dabant, & spineam coronam capiti ejus imposuerant ; & salutabant eum, atque genua ponentes adorabant eum illudentes . Nos verò fugientes confessum eorum, deponimus baculum, quem illi erexerunt ad superbiam, nequè coronam, nequè aliud operimentum super caput eadem horà tenentes . Si intraverit quis subito eadem horà in Ecclesiam, non salutamus eum, nequè genua ponimus ad orationem, donec lectum sit Evangelium .*

Aliter baculum possumus intelligere humanum adjutorium . Unde & Hieremias : Maledictus homo qui confidit in homine, & reliqua . Sacerdotes namque in Ecclesia possunt esse baculi nostri ; qui pro nobis debent orare, quam orationem pro baculo ponimus . Est aliquoties ut eo baculo utamur, & aliquando non . Quando Christum in promptu habemus, non est necesse ullo baculo . Siquando propter peccata nostra discesserit, necesse est querere baculum, idest orationes Sanctorum . Quapropter quando Sacerdos orat, atque celebrat aliorum Doctorum officia, baculos tenemus in manibus . Et quando ipsius Christi verba nobis loquuntur, baculos non tenemus in manibus, ut ostendatur non difficile esse Christo per se docere posse populum suum . Quoniam ubi in promptu Christus loquitur, non ibi necesse habemus Petrum, nequè Paulum, nequè alium Doctorem : quia ipse est unus magister, qui in cælis est . Idem confirmat

firmat Honorius Augustodunensis, qui floruit anno 1130. in sua *Gemma Animæ*, sive *De antiq. ritu Miss.* lib. 1. cap. 24. ubi hæc. *Dum Evangelium legitur, baculi de manibus deponuntur, quia prædicante Evangelio legales observantiæ à populo deponebantur; quippe ex legis præcepto baculos tenebant, qui Paschalem Agnum edentes ad patriam, tendebant: secundum hunc morem Cantores in officio Missæ baculos tenere noscuntur.* Et in cap. 74. *Cantor, qui cantum inchoat, est tubicen, qui signum ad pugnam dat; Præcentores, qui chorum utrinque regunt, sunt duces, qui agmina ad pugnam instruunt; Cantores capita pileolis tegunt, baculos, vel tabulas manibus gerunt, quia præliantes caput galeis tegunt, armis bellicis se protegunt.*

Ex quibus Honorii locis cuilibet eruendi facultas datur, illius ævo jam tepuisse baculorum usum & in Clero, & in Populo, solùmque constitisse in in Cantoribus, & Præcentoribus Ecclesiæ, prout etiamnum testantur plurimum Ecclesiarum consuetudines, in quibus Cantor, qui dignitas post Decanatum in Capitulo appellatur, in solemnioribus Ecclesiæ muneribus baculo utitur, sive incedat, sive sacris ministret; vigetque mos iste ubique ferè in Ecclesiis Gallicanis, in quibus Cantores, dignitates videlicet, Præcentoresque, ii nempe ministri, qui pluviali induti per chorum, dum divina recitantur, æquo gressu discurrunt, baculos manibus gestant: quod item in Ecclesia Metropolitana Messanenfi, ut audivimus, servatur, ubi ejus Decanus, & Cantor præcipuis diebus utuntur baculis aureo pomo supernè insignitis. Idem in Ecclesia Melitenfi mos viget, prout in aliis

Siciliæ Ecclesiis, ut testatur Macrus in suo Hierolexico. Hodie verò hi baculi nihil aliud quàm dignitatis insignia sunt.

Antiquitùs tamen (si conjecturari licet) alium fuisse baculorum usum autumamus, & duplici ex causa Fideles in Ecclesiis baculos introduxisse. Primò, cùm pro certo, ac indubitato haberent, antiquam Legem novæ figuram extitisse: proptereaque, sicut in antiqui Agni esu, juxta Domini præceptum, Hebræi baculos manu gerebant; ita etiam in nova Lege Christi Fideles in esu novi Agni, videlicet Sacratissimæ Eucharistiæ, baculos juxtà antiquos Patres præ manibus habebant. Secundò, quòd ipsi Fideles in Ecclesiis orantes stabant, ut colligitur ex Can. 20. Concilii Nicæni, ac ostendit Ecclesiastica Historia Princeps Baronius ad annum 58. num. 109. & ad annum 325. n. 115. Cùm autem sacræ functiones in longum protraherentur, quia non solùm sacrum Mysterium celebrabatur, verùm etiam recitabantur Homiliæ; ideò Fideles, præsertim senes, ita defatigabantur, ut baculis se sustentare cogerentur. Tertia etiam causa addi potest, nempe quod baculorum usus Crucis symbolum sit, ut docet S. Augustinus sermone 107. *De Temporibus* circa medium; & ideò Fideles baculo in memoriam nostræ Redemptionis utebantur. Cæterùm per vetustum, obsoletumque eorum usum his diebus nobis insinuat in quamplurimis Orbis Christiani Ecclesiis mos habendi Cursores, seu Mandatarios (Hispani *Pertiqueros* appellant) quorum vnicum munus est cum baculis Processiones, & Clerum ad Sacra accedentem

tem præcedere. Insuper baculorum nobis memoriam referunt Confraternitates illæ laicales, quarum Confratres baculos manu gestant, in quorum apice crucem affigunt, vel Sancti illius imaginem, quem sibi in Patronum Societas quæque selegit. Videmus & hodie hîc Romæ in solemnioribus equitatibus, quibus Pontifex, & Cardinales interveniunt, istorum pedissequos, vulgò *Parafrenarios*, qui bini æquo ordine singulos Cardinales dominos suos, phaleratæ mulæ insidentes præcedunt, baculosque præferunt septem circiter palmis oblongos, simplices quidem structurâ, auro tamen obductos, ac propè fastigium stemmate domini gentilitio insignitos. Eiusdem formæ baculis utuntur adhuc prædicti Parafrænarîi Apostolica Sede vacante, dum Cardinales Conclave introgressi sunt: duo etenim ex eorum numero prandii, coenæque temporibus cum baculis opsonia comitantur ad Rotas, per quas deferuntur ad Cardinales. Baculi verò isti colore à superioribus discrepant; nam Cardinalis, qui à proximè defuncto Pontifice pileum Cardinalitium accepit, tunc baculos Parafrænariorum violaceo colore signat, in luctûs videlicet, & mœroris de amisso Patre concepti argumentum; color enim violaceus lugubris nota est, præsertim apud Reges, quibus Cardinales æquiparantur, ut paucis ab hinc annis Christianis. Regis Aula, sanguinis Regii jacturam lugens, violaceam vestem induit, in argumentum tristitiæ, reliquis omnibus etiam stirpis Principibus nigram induentibus. Cardinalis verò, qui ab alio Pontifice prædecessore creatus est, baculos Parafræ-

nariorum suorum viridi colore inficit, in signum & ipse luctûs, at non tam gravis; viridis quippe color quodammodò funestus est, fortè à cyparissî viriditate desumpto symbolo, quam funebris notæ arborem effecere Poetarum placita, & fabulæ. Verùm hi baculi neutiquam dicendi sunt eos innuere, quibus in esu Paschalis Agni Judæi uti consueverunt; sed potius illos respicere, quibus utebantur vetusti illi ministri, qui populi turbam affluentem arcebant, ut viam per quam Pontifex, Cardinalesque incederent, facilem latamque præberent, nè à plebe tumultuaria, ac gregatim accurrente transitus arctaretur. Hodie tamen apud Pontificem duæ similium ministrorum species adsunt, quarum una nationis Helveticæ est, & isti vulgò *Barbette* à latis barbibus vocantur: alterius verò speciei ministri nomine nobiliori indignantur *Lancie spezzate*, gestantque manibus tenuem baculum nigricantis coloris, nobiliorumque; quorum hominum genus generis claritate insigne est, interque Pontificis Aulicos annumeratur, qui cum propè eum incedant, efficiunt nè quis ad eum irreverenter accedat. Qui verò dicuntur *Barbette*, infimi generis sunt, gestantque baculum robustiorem, quem in functionibus maximis acriter, ac sinè discrimine rotant ad irruentem plebem arcendam, & propulsandam.

Hos tamen (ni fallor) conjici posse credam successisse in locum illorum, quorum meminit Rituale Cencii Camerarii M.S. ac aliud simile Benedicti Canonici, ubi fit mentio, duorum Præfectorum Navalium, qui dicebantur *Delongarii*, seu potius *Drun-*
garii

garii, quique piuvialibus induti, baculos portabant in manibus. *Majores* similiter erant, qui mantellis fericis induti baculos deferebant, eorumque munus erat in Processionibus observare, nè aliquis se in eas importunè immisceret, & vocitabantur: *Schola Stimulatorum*.

Haftenus de baculorum origine, & usu genericè actum est; superest modò de illorum specialibus formis sermonem instituere, qui tam ad Ecclesiasticæ Hierarchiæ Præsules, quàm ad temporalis Monarchiæ Dominos attinent. Ab Abatibus itaque, tanquam in inferioris ordinis dignitate constitutis, exordium sumentes, ipsorum baculos recensebimus. Clarissimum argumentum usûs baculorum apud Abates est Abatiarum investitura, quæ eis per traditionem baculi Pastoralis concedebatur; quæ traditio nihil aliud denotabat, nisi Pastoralem suscepti regiminis curam: at hæc consuetudo non erat communis omnibus Abatiis, cùm Ordericus Vital. lib. 8. relatus a Du-Cange in suo eruditissimo Glossario, sic scribat: *Per baculos Pastoralcs in eo tempore moris erat Cœnobii curam committi*, videlicet Abatibus. Ac in Codice quodam MS. Ordinis S. Victoris Parisien. cap. 1. sic habetur: *Sciendum quoquè est, quod nostra consuetudo Abatibus nostris baculum nullo modo concedit*. Quæ sanè confirmant id, quod de Abatibus probandum assumpsimus; usus enim particularis illius Monasterii, baculum Abati Cœnobitico denegantis, regulam firmat in aliis, ut ex verbis *nostra consuetudo*, è quibus infertur aliorum Cœnobiorum, & Ordinum diversorum Abates facultatem deferen-

Par. I.

di baculos habuisse. Occurrit & aliud in Chron. Novaliciensi lib. 6. tit. *De Abate exauctorato*, ut refert præmemoratus Du-Cange, unde hæc transcripsimus: *Detestabilem Sarabaitam cepit, baculum fregit, atque superbum de sede deposuit*. Accedit insuper auctoritas Wigorn., qui pag. 656. de Abatum degradatione sic ait: *Plurimos Abates baculis privatos deposuit de sedibus*. Ex quibus baculorum fractione, ac privatione dum Abates exauctorarentur, prævius eorum usus elicitur. Sed jam ad baculos Episcopales pergamus.

Baculus, Virga Pastoralis, Pedum, Ferula, Capuita, pro synonymis usurpantur ab Ivone Carnotensi in epistola 8. & ab Honorio Augustodunensi in *Gemma Animæ* lib. 1. cap. 217. at Ordo Romanus de *Dedicat. Eccl.* Cambutam vocitat. Quod autem baculis usi fuerint Episcopi, conjici potest ex Carolo Calvo in epistola ad Nicolaum Pontificem de causa Ebonis, ibi: *Omnesque suffraganei, qui eo absente ordinati fuerant, annulos, & baculos, & suæ confirmationis scripta, more Gallicarum Ecclesiarum, ab eo (Archiepiscopo) acceperunt*. Atque inde erui facile potest, in Gallicanam Ecclesiam longè ante tempora Caroli Calvi morem inductum fuisse, ut Episcopi baculos præferrent. Petrus Damianus lib. 2. epist. 2. de baculis quorundam Episcoporum sic loquitur: *Nunquam certè vidisse me memini Pontificales baculos tam continuo radiantis metalli nitore contextos, sicut erant qui ab Esculano, atque Tranensi gestabantur Episcopis*. Nec eis profuit, quod Pontifices ligneis auratis usi sunt baculis, dum sacerdotii meritum non nitor efficiat vestium, sed spiritua-

Q

lium

lium norma virtutum. Apud Lambert. Schaffnab. anno 1071. sub quo florebat adhuc Damianus, idem habetur; unde ex eo argui potest, etiam illius tempore perantiquum fuisse usum gerendi baculos ligneos, & primævis Episcopis acceptissimum.

Immò non tantum è ligno, quod apud homines aliquo in pretio esset, aut saltem in usu, baculos suæ dignitatis insignia conficiebant egregii illi sanctique Viri: sed ex infima specie lignorum, & contemptissima, videlicet è sambuco. In vita enim S. Burchardi Witzimbürgen. Episcopi cap. 1. hæc enarrantur: *De tanti viri humilitate scribere quidpiam omninò superfluum fuerit, cum necdum nomen & officium Episcopale voluisset pompaticum, nisi quod ipsa, quæ in loco sepulturæ ejus servatur virga sambucea, semper nobis ad memoriam reducit humilitatis ejus exempla.* Unde est, quod apud Gallos emanarint vulgati illi versus, quos refert Coquillius in Historia Nivernensi apud Du-Cange, nempe:

*Au temps passè du siecle d' or,
Crosse de bois, Evêque d' or.
Maintenant changent les loix,
Crosse d' or, Evêque de bois.*

Qui versus latinè sic sonant:

*Tempore lapso sæculi aurei
Baculus ligneus, & Episcopus aureus.*

Nunc verò mutantur leges:

Baculus aureus, & Episcopus ligneus.

Hanc tamen Sententiam exortam facile credimus a quodam eximiæ, ac vividæ pietatis responso S. Bonifacii Episcopi, & Martyris, quod in Concilio Triburenfi sub anno 894. cap. 18. notatur; dignissimum sanè, ut altius

ac fieri possit pectoribus Ecclesiasticis imprimatur, ac tenacissime inhæreat. Interrogatus enim Sanctissimus Præsul, an liceret in ligneis vasculis Sacramenta conficere, sic respondit: *Quondam Sacerdotes aurei ligneis calicibus utebantur; nunc econtra lignei Sacerdotes aureis utuntur calicibus.*

Pastoralium, nempe Episcopaliū baculorum formam describit Hugo à S. Victore in *Speculo Eccles.* cap. 6. *Baculus (inquit) Pastoralis rectitudine sui rectum regimen significat. Quod autem una pars curva est, & altera acuta, monstrat præesse subjectis, & debellare superbos.* Quæ explicantur his quatuor carminibus, in Gloss. cap. *Cum venisset*, de sacra unctione, relatis:

In baculi forma, Præsul, datur hæc tibi norma:

*Attrahere per curvum, medio rege,
punge per imum.*

Attrahere peccantes, rege justos, punge vagantes.

*Attrahere, sustenta, stimula, vage,
morbida, lenta.*

In templo S. Stephani Urbis Tholosanæ marmor visitur antiquissimum, in quo vnà cum imagine Divi Petri insculpta est illa Beati Saturnini Episcopi, baculum recurvum habentis, in quo versus iste:

Curva trahit, quos recta regit, pars ultima pungit.

Et quidem baculus ex Innocentio III. in lib. 1. *Mysteriorum Missæ*, cap. 62. correctionem indicat Pastoralem; unde à consecrante hæc dicendi formula in ejus traditione præmittitur, ut in Pontificali Romano *De consecratione Episcopi* habetur. *Accipe baculum Pastoralis officii, & sis in corrigendis vitiis piè serviens, Judicium sinè ira tenens;*

nens, in fovendis virtutibus auditorum animos demulcens, in tranquillitate severitatis censuram non deserens.

Fortassè hic aliquis quæret, an Pontifex Romanus Pastoralis baculo utatur: negativè respondet ipse Innocent. III. ut in ejusdem Actis pag. 64. & lib. I. Decret. c. de Sacrosanct. Unct. §. fin. ubi sic: *Licet Romanus Pontifex non utatur baculo Pastoralis, tum propter historiam, tum propter mysticam rationem, tum etiam ad similitudinem aliorum Pontificum, poterit eo uti.* Quam historiam Glossographus ibi in verbo *propter historiam*, sic narrat: *Martialis unus de Discipulis Petri, quem posuit Dominus inter Discipulos cum dixit: Nisi efficiamini sicut parvulus iste, non intrabitis in Regnum cælorum &c. quem postea Petrus cum alio, scilicet Matthæo, ad prædicandum misit in Germaniam, qui cum iret mortuus est, & rediit collega ad Petrum, & Petrus ait: Accipe baculum, & tangens eum dic, ut in nomine Domini surgat, & prædicet: at ille in quadagesimo die à tempore mortis tetigit eum, & resurrexit, & prædicavit; & ita Petrus removit à se baculum, & dedit subditis.* Hactenus Glossator. Succedit significatio verborum *propter mysticam rationem*, quæ sic dilucidat Glossa: *Propter mysticam rationem, quia baculus habet in summitate recurvationem quasi ad trahendum; quod non est necessarium Romano Pontifici, quia nullus ab illo divertere potest finaliter, quia Ecclesia non potest esse nulla; vel quia per baculum designatur coercitio, sive castigatio; ideo alii Pontifices recipiunt à suis superioribus baculos, quia ab homine potestatem recipiunt: Romanus Pontifex non utitur baculo, quia potestatem à solo Deo recipit.*

Par. I.

Attamen hæc Historiâ credere minimè cogimur, post D. Petrum è Pontificibus nullum baculo usum fuisse: oppositum namque nos docet Luitprandus Ticinensis Diaconus in fine libri 6. *De rebus ab Europæ Imperatoribus, & Regibus gestis*, ubi narrat quendam Benedictum, qui Sedem Apostolicam invaserat, more legitimi Pontificis insignia sacra usurpasse, in iisque signatim ferulam Pontificiam, (idest baculum Pastoralem) quam ex auctoratus à Leone Papa, eidem reddidit. Pontifex verò acceptam fregit, & fractam populo ostendit in signum ablatae potestatis. Id etiam confirmat Macrus in suo Hierolexico, qui quandam Iconem affert Gregorii Magni stantis, & baculum dexterâ gerentis, in infima sui parte acutum, in superiori verò cruce superpositâ insignem. Addit & aliam Iconem Gelasii II. baculum sinistrâ habentis, in cujus apice globulus, qui figuram ellipsis refert ad instar sphaularum, quæ baculis Peregrinorum imponi solent. Quibus Figuris prædicta Petri Damiani auctoritas applicari posse videtur, vbi inquit: *Nec eis profuit, quod Pontifices ligneis usi sunt baculis.* Quæ verba quamvis ambigua censerî possint, itaut Pontificum nomine Episcopi intelligantur: nihilominus cum superius Episcopos redarguere Scriptor voluerit, qui argenteis baculis uterentur, liquet exinde Pontificum Romanorum humilitatem, ac modestiam eis objicere, & ad exemplar proponere, qui licet illos & summo dignitatis fastigio, & potestate cui nulla par est, longè antecellerent, attamen solummodò ligneis baculis, auro quidem obductis, contenti fuere. Argui ex his etiam posset quo

Q 2

tem-

tempore Romani Pontifices baculos gestare intermiserint, videlicet circa medium sæculi duodecimi. Gelasius enim, cujus Iconem cum baculo refert idem Macrus, in cathedra B. Petri sedit sub anno 1118. & è contrario Innocentius III. qui vixit anno 1199. in lib. I. decret. de Sanct. J. fin. tradit, Romanum Pontificem non uti baculo; quare cum inter Gelasium, & Innocentium octoginta anni intercesserint, liquidò colligitur, hoc temporis intervallo prædictam consuetudinem exolevisse, & in defuetudinem abjisse.

Cum jam viderimus Ecclesiasticos Proceres baculos gerere consuevisse, non abs re fuerit aliquot ex eisdem indicare, suorum Præsulum funeri superstites, atque ideò usque in hos dies maximâ cum veneratione in Ecclesiis quamplurimis custoditos.

Omnium itaque prior, præcipuusque ille est, qui Treviris adhuc servatur; eundemque à D. Petro Principe Apostolorum priùs gestatum, deinde Eucherio, sive Frontonio I. Trevirorum Episcopo ab eodem missum fuisse scribit Durand. *In suo Ration. Divin. Offic.* lib. 8. cap. 15. à quo tamen dissentire videtur Tholosanus Syntagm. lib. 15. cap. 12. n. 38. ubi tradit, baculum à D. Petro Martiali donatum; sed iste alius à superiori proculdubio censendus est.

In Valentia Civitate Hispaniarum baculum S. Augustini piè coli narrat Gavantius, cui discors Baronius ad an. 504. num. 38. ex Sigeberto, & Mariano Scoto ait, baculum S. Augustini unâ cum ejus corpore in Sardiniam translatum fuisse. Idem ad ann. 725. num. 1. & seqq. baculum S. Isidori Bo-

noniæ servari tradit; & in Patriarchali Aquilejensi baculum S. Hermagoræ, D. Marci Discipuli, religiosè custodiri testatur Macrus in suo Hiero-lexico; quibus adde baculum S. Vedasti Episcopi Atrebatensis, qui sub Clodovæo ante annum 509. in humanis agebat, ut tradit Bollandus ad 6. Februarij tom. 1. pag. 792. ubi notat, Divi Vedasti baculum Pastoralem inter Sacra Ecclesiæ novæ Beatæ Mariæ Cameracensis lipsana fuisse.

Verùm de iis abundè. Libet nunc brevissimè ad Imperatorios, & Regios baculos stylum intendere. Baculos porrò Regibus, uti & sceptrum, est ac semper fuit (si Pachymæræ credimus) Regni, ac supremæ in subditos potestatis insigne notissimum, clarissimumque, adeò ut etiam antiquitùs solemni ejus traditione Regum jus, & summa auctoritas conferretur: quod apud Gallos ostendit Grutannus, cum sibimet successorem daturus, nepoti suo baculum tradidit, & ita in Regnum ascivit, ut scribit Aimoinus lib. 3. cap. 78.

Baculos istos Regios auratos fuisse reperio apud Annium Meten. anno Christi 837. ubi sic de Ludovico Pio: *Coronam auream in capite gestans, & baculum aureum in manu tenens.* Quod confirmat Thegian. *de Gest. Ludouici* cap. 19. Attamen peculiariter advertendum est, & cavendum, nè cum quamplurimis è Scriptoribus baculos, virgas, & sceptrum indifferenter, & pro synonymis accepta confundantur; quod quidem latissimâ acceptione factum non improbarem; neutiquam tamen arctiori, & impropriâ: *Virga* enim justitiæ, *Baculus* gubernationis, ac *Sceptrum* supremæ digni-

gnitatis, ac dominationis indicium est satis notum.

Quod autem sceptrum sit aliud à baculo, docet Menardus in libro *Sacramentorum S. Gregorii* in ordine ad coronandum Regem, ubi in Regum coronatione, illis vltra sceptrum, virga seu baculus præsentatur: videtur tamen cum baculo virgam confundere. Probantur prædicta ex Cod. Senonen. relato ab Hoffmanno, quem editum præbet à Renato Benedicto, vbi benedictio in Rege instituendo sic se habet: *Accipe sceptrum in signe Regnantis, quo significatur regula divina æquitatis*. Menardi dictum mirè confirmant nonnullæ Icones Augustorum, quæ indifferenter baculis, & sceptris insigniuntur: & primò Icon illa Caroli Magni, quam vidimus in libro *Inscriptionum antiquarum Basilicæ S. Pauli ad viam Ostiensem* pag. 33. ubi Imperator in throno sedet cum sceptro gemmis distincto, cuius fastigium in Francicum lilium definit. Aliam quoque vidimus Caroli Calvi, quæ eundem exhibet in sede Regia, simplicem baculum sinistrâ tenentem, qui superiùs in globulum, inferiùs verò terminat in acumen; ut videre est in *Notis eruditissimi Stephani Baluzii ad Capitular. Reg. Francor.* pagina 1276. ubi pariter pag. 1278. aliud ejusdem Caroli Calvi exemplar prodit in folio sedentis, & dexterâ sceptrum gestantis, quod duabus veluti crucibus intersecatur, supernè verò Gallico lilio insignitum est. Aliam insuper pag. 1280. producit imaginem, quam Lothario Augusto tribuit, desumptam (ut ait) ex illa, quæ in Bibliotheca Gallico-Regia posita est; in qua visitur Augustus in folio, dexterâ baculo ob-

longo innixâ, ejusdem penè formæ cum illo Caroli Calvi. Nec ab his longè differunt alii duo Cæsarum Iconismi, quos habet Lambecius in sua *Biblioth. Cæsar.* lib. 7. pag. 70. & 71. quorum alter Michaelis Palæologi senioris imaginem refert, Imperiali clamyde pretiosis intextâ gemmis induti, sceptrumque tenentis supra globulum verticis crucem habens. Alter verò ad Andronicum Palæologum spectat, eâdem penè indumenti specie, ac eodem penè sceptri genere delineatum; differt enim à priori nonnihil in centro crucis, in quo paullò grandior globulus cum aliis quatuor minoribus circumcirca appolitis cernitur: qui tamen globuli quid sibi velint, nisi ad gemmas referantur, ignoro.

Verumtamen non ita promptum est, sed satis arduum, genuinam rationem afferre, cur Angelis baculi dati fuerint, qui potius viatores decent, ut hujus Capitis in vestibulo dictum est; nequè ad arbitrium Pictoris confugere fas videtur, cum certè non sinè mystico, & arcano consilio factum id fuerit. Hac ego difficultate magis, magisque excitatus, non mediocre operæ pretium ducens hoc expiscari, movi omnem lapidem, ac totas ingenii vires expertus sum, ut id assequerer; ac tandem successit, cum ex antiquissima Ravennatenſi Basilica S. Agathæ Majoris, de qua suo loco quædam dicturus sum, exemplar Musivi operis, quod uti cætera ex eadem Urbe delinendum curavi, sub oculos venit. Exhibet istud in throno gemmis undequaque distincto Salvatorem sedentem, adstantibus hinc inde duobus Angelis baculum, seu hastam, aut potius arundinem aurei coloris tenentibus.

Suc-

Succurrit illicò illud Apocalypseos, ubi Joannes Angelum vidit, qui auream arundinem gerebat: ait enim cap. 21. num. 15. *Et qui loquebatur mecum, habebat mensuram arundineam auream, ut metiretur civitatem, & portas ejus.* Quarè nihil hæsitavi asserere prædictos Angelos cum arundinibus, uti alios quoscumque cum baculis, aut virgis, hunc ipsum ab Euangelista Joanne descriptum representare; præsertim cum veteres Christi Fideles omnem animi curam, ac studium impenderent, ut profundissima Apocalypseos mysteria, quoad fieri commodius posset, publicè spectanda proponerent, uti passim in Operis mei decursu sedulus Lector advertet.

Aliam insuper valde consonam interpretationem sufficit nobis Pachymeras in Paraphrasi ad S. Dionysium Areopagitam *De Celest. Hierarch.* in Biblioth. PP. tom. 2. pag. 187. §. 5. ubi inquit, *Virgas Angelorum designare Regiam, & Ducalem dignitatem, rectamque rerum divinarum ordinationem: hastas (si hastas vocare liceat) & secures, vim dissimilia diuidendi, virtutumque discernere valentium acumen, & activitatem, atque efficacitatem.* Quibus ego satis persuasus tandem acquievi. Si verò meliora quis habeat, quæve oportuniùs cadant, gratissimum sanè facturum exhibeat, dum nos hisce ad umbilicum adductis, ad alia, novaque tractanda propero gradum concedimus.

C A P U T X V I.

De Evangeliorum volumine, & quanta apud Christi Fideles fuerit Evangelii veneratio.

CVM divinitatis particulam quandam (ut ita dicam) impressam habeat homo, ad imaginem, ac similitudinem Dei factus, altissimæ suæ originis testimonium proferre perpeti, virilique nisu contendit, quæ vetera reparando, quæ labentia sistendo, quæ denique in dies nova, ac miraculo proxima meditando.

Cum enim plurima scitu, ac memoriâ dignissima in præceps ferri rapidâ annorum fugâ vidisset, cujusnam artis ope ab oblivionis injuriâ ea vindicaret, ac posterorum utilitati consuleret, provida mente recogitans; varias tandem animantium figuras, & symbola ad id invénit; quæ quidem laus communi ferè omnium Scriptorum calculo, industriæ Ægyptiorum debetur.

Hæc verò Symbola cum grandia virorum gesta adumbrarent potius, quàm exprimerent, & multa ambiguitatis caligine involverent, ingeniosa nepotum cura literas excogitavit, quæ insimul vinctæ integras voces formerent, quarum certa, ac multiplici conjunctione faciliùs, clariùsque præcipui animi sensus redderentur.

Literis adinventis, cum aptior quædam, ac certa materies deesset, quæ illæ prolixâ, ac duraturâ scriptione exciperentur; faxa, arborumque folia, & cortices, ceratæ tabulæ, ac plumbeæ, membranæ item, & alia id genus per longam temporum seriem in

in usu fuere; de quibus omnibus fusè scripserunt Polydorus Virgilius *De Inventor. Rerum* lib. 1. cap. 6. & lib. 2. cap. 8. & nuperrimè vir clarissimus in Ecclesiasticis Historiis D. Joannes Mabillon, Monachus Benedictinus Congregationis Sancti Mauri, in suo Tractatu *De Re Diplomatica* lib. 1. cap. 8. & alii, quos ipse refert. Sua demum per incrementa ad apicem utique evecta est ars ista scribendi in charta, quàm modò utimur, & quæ in lucem prodit, ut homines commodiùs, ac utiliùs operosiores ingenii sollicitudinem ex abditis, arcanisque recessibus cælestis illius virtutis, quàm informantur, ac pollent, educere valerent.

Ex iis verò materiis, quibus excipiebantur scripturæ, quænam usu, & vetustate priores fuerint, Vaticana Bibliotheca ostendat, utpotè innumeris referta Codicibus membranaceis, quorum nonnulli mille, pluresque annos excedunt. Nec defunt volumina, quæ longè majorem antiquitatem redolent, ut sunt inscripti arborum cortices, & tabulæ cerâ obductæ.

Eam autem scribendi rationem, fuisse veteribus persuasum mihi est, ut scilicet si brevius quid & exiguum scribendum foret, oblongis & junctis quandoque ad fasciæ formam membranæ uterentur, quas inde complicatas, & in se circumductas, *Volumina* appellavere. Horum plurima cum in præfata Bibliotheca, tum in aliis Archivis videri possunt; imò passim in antiquis figuris, quæ illa manibus gestant, & oculis intuentium objiciunt. Si verò prolixius aliquid exarandum esset, ut historia, aut aliquid simile; non in voluminibus, sed in quadratis foliis membranaceis describebatur,

quæ in medio plicata, ac singulis singula supposita filo consuebantur: cui congeriei *Codicis*, sive *Libri* nomen inditum fuit, sumpto vocabulo ab ipsa materia componente; cùm liber propriè sit pars illa corticis interioris arboris, quæ ligno adhæret, ac in qua olim scribebatur, ut nonnulla adhuc exempla in laudata Vaticana Bibliotheca demonstrant. Idem dicendum de Codice; nam *codex* idem est ac *caudex*, ex quo cortex ad scribendum aptus extrahebatur. Codices igitur antiqui à nostris diversi fuere; quoniam ii latiores in una parte, nostri verò in altera sunt. Illius formæ præ cæteris celeberrimus extat in præcitata Vaticana Bibliotheca Virgilianus Codex, tertium supra decimum sæculum excedens.

Hos ego Codices, ac Volumina, cùm sæpè sæpius in Musivis operibus observassem, alibi penitè obvoluta alibi semiaperta, quid per ea præsci Christi Fideles innuerent, indagare conatus sum. Quapropter cùm plurimos variæ eruditionis libros assiduâ lectione consulissem, incidi tandem in Durandum, qui in suo *Rationali Divin. Offic.* lib. 1. cap. 3. n. 2. hanc adhibet distinctionem inter figuras quæ librum, & illas quæ tenent volumina. *Quia* (inquit) *Apostoli à Christo perfectè edocti sunt, ideò libris, per quos designatur congruè perfectæ cognitio, uti possunt. Sed quia fidem illorum quæ didicerunt, non doctrinam aliorum scriptis redegerunt, ideò illos congruè tanquam Doctores cum libris in manibus depinxerunt, sicut Paulus, Evangelistæ, Petrus, Jacobus, & Judas. Alios verò, qui nihil stabile, seu ab Ecclesia approbatum scripserunt, non cum libris, sed cum*

cum rotulis in signum prædicationis pinxerunt.

Sed quomodò iudicio viri cæteroqui laudabilis acquiescam, cum & Apostolis, & Prophetis, aliisque Sanctis promiscuè datum viderim librum, ac rotulos, tum sigillo obsignatos, tum semiapertos, immò & apertos omnino, nonnullisque eorum verbis inscriptos? Legimus enim in S. Petro: *Tu es Christus filius Dei vivi*: & in S. Paulo: *In nomine Jesu omne genu flectatur cælestium, terrestrium, & inferorum*; & sic de aliis Apostolis. Item in Esaia: *Ecce Virgo concipiet, & pariet filium*. E contrario verò Apostolis Petro, & Paulo in tribuna S. Clementis; & Sanctis Primo, & Feliciano in tribuna S. Stephani vulgò *Rotundi* tenentibus Volumina. Omnis igitur Durandi distinctione potius centerem Volumina, ut brevioris tantum scripturæ capacia, Evangelium denotare: Codices verò ad plura, ac prolixiora continenda excogitados, totam veteris, ac novi Testamenti scripturam.

Quæ utique nostra opinio maximè contona est Isidoro, qui *de Orig.* lib. 6. capite 13. inter *Volumen, Librum, & Codicem* discrimen affert his verbis: *Codex multorum librorum est, Liber unius voluminis. Est dictus Codex per translationem à corticibus arborum, seu vitium, quasi caudex, quòd in se multitudinem librorum, quasi ramorum contineat.* Volumen *liber est àvolvendo dictus, sicut apud Hebræos volumina legis, volumina Prophetarum. Liber est interior tunica corticis, quæ ligno cohaeret, in qua antiqui scribebant: de eo Virgilius:*

Alta liber hæret in ulmo.

Unde & liber dicitur, in quo scribimus, quia ante usum chartæ, & membrarum, ex libris arborum volumina fiebant, idest compaginabantur: unde & Scriptores à libris arborum Librarios vocarunt.

Quapropter asserere minimè dubitaverim, singula Evangelia singulis voluminibus describi consuevisse; donec (ut scribit Honorius Augustodunensis in sua *Gemma Animæ* lib. 1. cap. 88.) Divus Hieronymus *Lectio-narium, & Evangeliarium*, quod hodie habet Ecclesia, collegit: & Damasus Papa, ut nunc moris est, legi imperavit, præcipuè cum hoc ipsum testetur Ordo Romanus in duobus primis libellis ab Hittorpio relatis; ubi etiam de cæremoniis, & maximà in iis voluminibus pertractandis Patrum veneratione sermo est; quæ omnia hîc ego summatim, & per compendium reposui.

Primi, præcipuique Subdiaconorum (qui *Archisubdiaconus* dicebatur) munus erat, Evangeliorum volumen obvolutum, obsignatumque è Secretario deferre, quod non nisi annuente Subdiacono resignabatur super planetam unius Acolyti, vel duorum, si grandius esset, qui porrò planetis induti ipsum sustentabant: nec enim laboriosum hoc erat, cum casulæ, sive planetæ antiquitus à lateribus clauderentur, ut nunc apud Græcos: quare Acolyti brachia elevando, scabelli, seu parvæ mensæ vicem præbebant. Resignatum inde volumen ad altare deferre-batur, atque ibi eo superposito, Subdiaconi progrediebantur, seseque ante altare, & Evangelium inclinabant: quò deinde etiam Episcopus accedebat, & Evangelium

lium osculabatur; Diaconus verò, qui lecturus erat, Episcopi pedes exosculatus, petitaque benedictione, ad Altare se conferebat, osculatumque volumen elevabat, ac humero dextero superimponens, ad ambonem Ecclesiæ pergebat, duobus Subdiaconis cum thuribulis, ac thymiamaterio præcedentibus. Duo autem Acolyti cum cereostatis antecedentes, ante ambonem hinc inde dividebantur, ut per medium transirent Subdiaconi, & Diaconus cum Evangelio. Porro Subdiaconi cum thuribulis in ambonem ex uno latere ascendentes, ex altero protinùs descendebant, redibantque ante gradum ascensionis ambonis, ut ibi starent. Subdiaconus autem absque thymiamaterio se vertens ad Diaconum, lævum ei brachium porrigebat, ubi poneret Evangelium, inventoque Læctionis loco per alium Subdiaconum, ac digito interposito, in gradum superiorem ascendebat: ubi clara voce dicto *Domine vobiscum*, Populus respondebat, *Et cum spiritu tuo*; & Episcopus, omnisque gradus Presbyterorum, ac Populus ad Orientem ora vertebant; Diaconus verò ad Meridiem, in quam partem viri confluere solebant, aliàs autem ad Septentrionem; ibique postquam pronunciaverat *Sequentia Sancti Evangelii &c.* signabant se omnes signo crucis in fronte, deponebantque coronas, aut si quod aliud in capite operimentum habuissent, quin & e manibus baculos, ut Acolyti cereostata dimittebant usque dum Evangelium legeretur; quo lecto, iterum se crucis signo Presbyteri, Populusque muniebant. Diacono autem descendente, qui stabat Subdiaconus

Par. I.

Evangelium accipiens, & admovens pectori super planètam, Episcopo primum, deinde Clero gradatim, ac Populo osculandum præbebat.

Quam Evangelii deosculandi consuetudinem ubique in Ecclesia servatam fatetur Jonas Aurelianensis Episcopus, qui floruit anno 841., in præfatione libri 2. *De cultu SS. Imaginum*, ubi ait: *Nam sacre Religionis usus in Sancta Ecclesia adhuc servatur; ut perlecta S. Evangelii læctione, ab Episcopo, vel Presbyteris, cæterisque sacri ordinis Religiosis, codex in quo Evangelii læctio recitata est, multiplicibus osculis veneretur. Sed hoc cujus causà, nisi illius, cujus verba creduntur, agimus?* Et de Gallis hoc idem expressè Anastasius tradit in præfatione ad VII. Synodum.

Sed ut ad superiora revertar: postquam Evangelium unusquisque fuerat osculatus, idem Diaconus à quo circumferebatur, proprio loco restituebat, in eadem scilicet capsa, quam alter Acolytorum in podio iuxta ambonem asservabat, ut iterum sigillaretur. Et hæc vltimò dicta ex tertio Romano Ordine deprompta sunt; ubi etiam habetur, Acolytos in processionibus ante Pontificem sacrum Chrisma, & Evangelia deferre solitos; licet Albinus Flaccus, sive Alcuinus Caroli Magni magister, delata à Diaconis memoriæ prodiderit. Ejus verba, quibus in Evangelio ferendo pompa in processionibus peculiariter Palmarum describitur, hæc sunt: *Hodie paratur quoddam portatorium honestissimè, in quo intromittitur Sanctum Evangelium, quod intelligitur Christus, & statuitur in Ecclesia antearam, unde Clerus processurus est*; pau-

R

cif-

cisqu einterjectis subdit : *Deinde suscipiunt Diaconi suprascriptum portatorium cum Evangelio , bajulantes cum ingenti exultatione jugum suave , & onus ejus leve .*

Quintus verò libellus ejusdem Ordinis, ubi narratur quomodò Cathecumeni instruendi essent , de Auctoribus , & initiis quatuor Evangeliorum &c. ritum quàm maximè venerandum nos docet . Finita Lectione ad Colossenses cap.3. *Fratres : exponiantes &c.* procedebant quatuor Diaconi de Sacrario , singuli singula Evangeliorum volumina deferentes . Hos præcedebant Acolyti cum duobus candelabris, thuribulo, & thure . Positis deinde in singulis quatuor Aræ angulis voluminibus, Presbyter Cathecumenis exponebat, quid Evangelium, ac unde ortum, & cujus in eo verba ponantur, & quare quatuor sint qui ea scriplerunt, vel qui sint ipsi quatuor, qui divino Spiritu annunciante à Propheta signati sunt .

Posteà primus Diaconus ab Altaris primo sinistro angulo librum accipiens, præcedentibus duobus Ceroferariis, ac Thuriferariis, ascendebat ut legeret Evangelium secundum Matthæum, cujus initium est : *Liber Generationis &c.* quo finito, Subdiaconus linteo librum excipiens, in Sacrarium deferebat ; & sic ad singula Evangelia . Alter interim Diaconus de secundo sinistro Altaris angulo aliud volumen sumebat, legebatque in eodem loco, quo prior, & iisdem cæremoniis, Initium S. Evangelii secundum Marcum : *Ecce ego mitto Angelum meum.* Tertius item, & quartus Diaconus de tertio & quarto angulo Altaris, unus post alium,

librum accipiebant, & ille, Initium Sancti Evangelii secundum Lucam, quod incipit : *In diebus Herodis &c.* iste verò, initium Sancti Evangelii secundum Joannem : *In principio erat verbum &c.* uti priores duo, Populo & Cathecumenis altè pronunciabant . Sed de his abundè jam dictum : uberiora si cupis, libellos adire potes jam præcitatos .

Cæterùm scitari aliquis posset, cur volumina Evangeliorum, tam crebrò in Ecclesia legenda, sigillo semper obsignarentur . Huic ego quæstioni cùm solutionem in Scriptoribus nullam invenerim, aliquas meas quæcunque fuerint conjecturas in medium proferre haud incongruum existimavi .

Primò igitur sæpè observavi, primævos Christi Fideles id præcipuè curasse, ut visionem Apocalypseos exprimerent, & ob oculos ponerent, præsertim in musivis operibus. Sæpè enim vigintiquatuor illos Seniores, quos cum phyalis, & coronis Joannes oculatissimus testis descripsit, effinxere, ut in Ecclesiis Sancti Pauli, & Sanctæ Praxedis, & Sanctæ Cæcilie visitur : alibi verò quatuor Animalia, Evangelistarum symbola, necnon Iridem, Agnum, & alia quamplurima, inter quæ etiam volumen septem sigillis munitum, quod veluti supra solium gemmis conspicuum, coloratum est in summo arcu Basilicæ Liberianæ, de quo fusiùs cùm de eadem Ecclesia peculiarem tractatum instituemus . Quocircà veteres Patres Evangeliorum volumen exprimendo, illud profectò imitati videntur, de quo Joannes in Apocalypsi cap. 5. inquit : *Ecce vidi in dextera sedentis supra thronum librum scriptum, signatum sigillis septem.*

Nec

Nec quicquam videtur officere, quod uno, & non septem figillis obsignaretur, nam septem fortasse in speciem, aderant, licet uno tantum clauderetur, ad tollendum tedium, & moram inopportunam tam in obsignando, quam in resignando necessario impendendam.

Secundo, cum Sacra Scriptura puritas, ac veritas vel per ignorantiam Amanuensium, vel per dolum, & improbitatem nefariam Hæreticorum in dies corrumpetur; decrevere Summi Pontifices, ut singulae Ecclesiae sua volumina Evangeliorum iuxta acceptissimum, ac genuinum sensum haberent, illaque post Evangelii lectionem statim sigillo munirent, cuius præcipuus usus, ac munus est fidem humanis rebus, & auctoritatem præstare.

Et quidem sacras literas Hæreticos adulterasse liquidò patet ex prima Fulberti Episcopi Carnotensis Epistola, in qua de his loquens, *Ideo, ait, ab unitate Ecclesiae divisi, dum fieri nolunt Discipuli veritatis, Magistri sunt erroris. Prætermissa itaque luce veritatis, tenebrosas proponunt calumnias, & Sacras Scripturas verbis sacrilegis nituntur adulterare, aut furtivis erasionebus recidere; sicut hoc quod Dominus ait: Ego & Pater unum sumus, Arius dictum de unitate substantiae intelligere noluit: Sabellius ad personarum proprietatem sumus non retulit. Et in hoc quod ait: Pater major me est, Arius non humanitati, sed divinitati adscripsit; & ideo indignam vitam digna morte finivit: cujus Auditores, quoniam Spiritum Sanctum Deum esse negabant, de Evangelio eraserunt illud, quod Salvator ait: Spiritus est Deus: & de*
Par. I.

Epistola Joannis eraserunt: omnis Spiritus qui solvit JESUM ex Deo non est, sicut Nestorius &c. quibus Fulberti testimoniis adde Baronium in præcapitulatione ad Martyrologium Romanum cap. 2. ubi non modò Sacram Scripturam, sed Acta quoque Sanctorum Martyrum vitare aulos esse probat; non tantum ut sibi, suisque faverent erroribus, sed etiam ut inanibus fabulis, figmentisque solidæ veritati Catholicæ quoquomodo officerent, ac impudentissimè illuderent. Libet hic ejus verba referre: *Sed quid? quamvis optimi Patres familias (ut habet Parabola Evangelica) bonum semen seminassent in agro: nihilominus inimicus homo, qui fuit homicida ab initio, veritatis adversarius ipse Satan superseminavit zizania: ipsoque penè initio exurgentis Ecclesie falsa veris, inania atque incerta certis, ac solida firmitate constantibus admiscenda curavit: idque non tantum per Hæreticos, Catholicæ fidei perduelles, sed & per Catholicos ipsos, eos tamen, qui quæstum pietatem putarent, vel qui zelum quidem haberent, sed non secundum scientiam.* Super quibus varia idem Baronius adducit exempla.

Dicendum nunc est, & ritè exponendum, quàm venerabile apud majores nostros fuerit sacrum Evangelii volumen.

Cedrenus in Constantino anno 21. refert, eundem Imperatorem volumina Evangelica auro puro, ac unio-nibus, pretiosisque lapidibus fulgida obduxisse, & in præcipuo Urbis templo collocasse, non tam pretio, quàm magnifica Principis pietate spectanda.

Alexander Monachus in Vita San-

ſti Barnabæ ſcribit, in Infula Cyp̄o anno ſalutis 485. ut viſum Baronio, repertum fuiſſe ſanctiſſimum ejuſdem Apoſtoli corpus, cum Evangelio Sancti Matthæi pectori ſuperpoſito; quo audito, Zenonem Imperatorem Ep̄ſcopo loci mandaffe, ut illicò inventum Evangelium afferret, allatumque maxima cùm devotione deoſculatus eſt: ac poſteà auro plurimo redimitum repoſuit in ſuo Palatio; additque Theodorus Lector in ſua *Collect. Hiſt. Eccleſiaſt. lib. 2. in Palatio Sancti Steſani.*



Bibliothecarius hoc ipſum ſæpiùs pluribuſque teſtatur, è quibus pauca referemus; & primò in vita Vitaliani Pontificis ait, *Conſtantinum Pogonatum miſſiſſe Beato Petro Evangelia aurea, cum gemmis albis miræ magnitudinis in circuitu ornata.* Item Leonem III. ſeciſſe *Beatiffimo Petro Apoſtolo ſautori ſuo Evangelia aurea cum gemmis præſinis, atque hyacintinis, & albis miræ magnitudinis in circuitu ornata, penſan. lib. 17. & unc. 4.* Et in Paſchali ſcribit, eundem Pontificem in *Eccleſia Beati Petri ſautoris ſui ſeciſſe Evangelia cum blatthin ex argento, penſan. lib. 8. & unc. 8.*

Qui porrò egregius, ac ſplendidiffimus mos Evangelicos codices auro, gemmiſque pretioſiſſimis exornandi, non intra Regni, aut Provinciæ aliqujus terminos coarctabatur, ſed latè per Orbem terrarum, & in aſperioribus, ac remotioribus plagis vigeſcit. Colligitur hoc ex Vita Sancti Bilfridi Anachoretæ Lindiſfarnenſis Diœceſeos in Anglia, quam refert Bollandus ſub die 6. Martii, ex auctoritate Turgoti, qui lib. 2. Hiſtor. Dunelmen. dum tranſlationem corporis

S. Gutberti in Hiberniam propter imminentes Danorum incurſiones, & populatus deſcribit, Evangelici libri prodigium narrat his verbis: *Dum navis verteretur in latera cadens, ex ea textus Evangeliorum, auro gemmiſque perornatus, in maris ferebatur profunda; & pergentes triduo poſt ad mare, multò quàm conſueverat longiùs reſceſſiſſe conſpiciunt; & tribus, vel eò ampliùs milliariis gradientes, ipſum ſanctum Evangeliorum codicem reperiunt, qui ita forinſecùs gemmis & auro ſui decorem, ita intrinſecùs literis & foliis priorem præſerebat pulchritudinem, ac ſi ab aqua minimè tactus fuiſſet.* Unde poſteà maximo cultu, ac nitore in Eccleſia Dunelmenſi ſervatus fuit, ut idem eſt auctor ſub anno Chriſti M. & hæc ſubinde refert num. 12. *Addimus verò quæ Seldeno monuiſſe viſum eſt, Codicem hunc ipſum fuiſſe tam vetuſtum, tantique ſemper illi pretii habitum; & procul dubio etiam nunc inter Bibliothecæ Cottonianæ Cimelia eſſe viſendum.* Nempe habetur ibi pulcherriſſimus Evangeliorum illius ſæculi Codex ſplendidiffimè ſcriptus, ornatusque; cui Eufebii, & Hieronymi Præſationes, & Canones præfiguntur. Quæ omnia Bollandus comprobatur in Sancto Ethelwvoldo Ep̄ſcopo Lindiſfarnenſi ſub die 12. Februarii, ubi citat Simonem Præcentorem Eccleſiæ Dunelmenſis lib. 2. cap. 11.

Cur autem ornatus adeò ſplendidi ſacris Evangeliorum Codicibus adderentur, docet Rupertus Abas Tutiſſenſis, qui floruit ann. 1135. lib. 2. cap. 23. ubi, *Codices, ait, Evangelici auro, & argento, lapidibuſque pretioſis non immeritò decorantur, in quibus rutilat aurum celeſtis ſapientiæ, nitet argen-*





argentum fidelis eloquentiæ, fulgent miraculorum pretiosi lapides, quæ manus Christi tornatiles aureæ, plenæ hyacintis operatæ sunt. Cui concinit S. Germanus Patriarcha Constantinopolitanus in *Oratione de Imaginibus*, vocans Evangeliorum volumen Theſaurum æternorum bonorum, ideoque colendum, ornandum, & adorandum.

Quæ hætenus expoſuimus S. Auguſtini auctoritate etiam comprobamus. Nam is lib. 10. *de Civitate Dei* cap. 29. *De Incarnatione*, ubi de Evangelio Sancti Joannis ſermo eſt, aſſerit Simplicianum Eccleſiæ Mediolanenſis Episcopum optimum, & ſanctiſſimum, dicere conſueviſſe, Evangelium literis aureis eſſe conſcribendum, & per omnes Eccleſias in locis eminentibus exponendum.

Hoc autem quod in Eccleſiis faciendum Simplicianus dictitabat, factum fuiſſe conſtat in Conciliis Generalibus, ut in Chalcedonenſi, & in Constantinopolitanis III. & IV. in Nicæno II. ac in tribus Romanis Synodis, primâ ſub Pontificibus Maximis Martino I. ann. 642. ſecundâ ſub Zacharia ann. 745. tertiâ habitâ in Vaticano à Joanne XIII. ann. 969. in qua inter alia, Beneventanis Episcopis Archiepiſcopalis dignitas conceſſa fuit, ut ex Ughellio in vita Landolphi I. Archiepiſcopi.

In auguſtiori igitur loco ſupra Patrum ſubſellia Evangelium ſiſtebatur, ſtratis pendentibuſque hinc indè aulæis, aliſque ornamentis, ad cultûs, & maximæ veneraticnis argumentum appoſitis. Liber enim Evangeliorum Chriſti Reparatoris noſtri loquentis typum gerit, ut ait S. Cyrillus Alexandrinus in Apologia ad

Theodoſium; ideoque in Synodo Ephesine ſupra thronum locatum fuiſſe teſtatur his verbis: *Sancta Synodus in Sancta Eccleſia, quæ Mariæ dicitur, congregata, Chriſtum veluti caput conſtituit; venerandum enim Evangelium in throno collocatum erat, illud tantum Sanctorum Sacerdotum auribus inſinuans: juſtum judicium judicate.* Idipſum opere Muſivo repræſentatur in tholo S. Joannis in fonte Civitatis Ravennæ, de quo infra fuſiùs dicendum eſt: ibi enim ſuggeſtus attollitur quatuor columnis ſuſſultus, cui apertus ſuperſtat liber Evangeliorum; hinc inde verò ſub quadam abſidula ſedes Episcopalis conſpicitur, quam nos *Faldiſtorium* vocamus, ut videre eſt in Tab. XXXVII. ſuggeſtum ſcilicet in Fig. 1. ſedem verò Episcopalem in Fig. 3.

Nec in Conciliis modò, ubi Fidei orthodoxæ decor ac fulgor augeri à doctiſſimis, piſſimiſque Patribus ſolet; at (quod magis notandum eſt) etiam in foro, & judiciis ſæculi profanis, contentioſiſque, Evangelia ponebantur pro Tribunali, ut ſcilicet ipſi Judices obvium aſſiduè, & ob oculos tam corporis extimos, quàm mentis intimos, Domini Dei noſtri timorem haberent: nequè enim credendum eſt aliud in votis fuiſſe Imperatori Juſtiniano, qui hoc juſſerat in *l. Rem non novam*, propè finem, *C. De Jud.* Hunc quoquè ritum figurâ quâdam exprimit Pancirolus in *Hiſt. Imperii Orientalis & Occidentalis*, ut oſtendit eadem Tabula XXXVII. Fig. 2. ubi menſæ, ſeu parvo folio ſuperpoſitus eſt liber Evangeliorum occluſus, in cujus tegmine exteriori repræſentatur imago fortaiſſis Evangelizantæ,

stæ, à quo scriptus fuit; cùm hæc Sanctum Joannem referre videatur, qui ut plurimum juvenis pingitur, & imberbis. Duo deinde à dextris, totidemque à sinistris cerei fulgebant super candelabra; quibus alterum longè majus extra, sed ponè mensam adstabat, formæ inusitatæ, variisque figurarum capitibus asperum, cælatumque, ut in Fig. 4. exhibetur, super quod lucernam, non cereum imponi solitum verosimiliùs crediderim.

Nequè verò silentio prætereunda, est magna honoris portio, quâ Evangelium prosequerentur Reges, ac Cæsares, qui Syrmate, cæteroque augusto cultu deposito, Diaconi, & Subdiaconi vices implebant: id quod vir omnis eruditionis Du-Cange in suo *Magno Glossario* ad verbum *Evangelium* docet, & ex Berrio desumpsit in Carolo VII. pag. 87. de Sigismundo Imperatore. Gallica verba Latino sermone sic sonant: *Mane venit Imperator ad Missam Romæ in S. Petro, quam Papa cantavit, & Imperator legit Evangelium in habitu Diaconi.*

In veteri quoque Cæremoniali Gallicè MS. hæc latinitate donata leguntur in capite *Quomodo Imperator creatur: Papa debet cantare Missam, & Rex Franciæ potest interesse, & Epistolam legere, & ipso absente, Rex Siciliæ ejus vices supplere potest. Imperator autem debet legere Evangelium, & coronatur in Ecclesia S. Petri Romæ.*

Confirmat hæc Albertus Argenteratenensis in suis Chronicis ad an. 1347. narrans, Carolum IV. Cæsarem Basilæ, dum Natalitiâ Christi Domini nocte Sacra Missæ conficerentur, post

Sacro sanctæ Eucharistiæ refectionem, correpto exertoque altiùs gladio, clariori voce legisse Evangelium, quod incipit: *Exiit edictum à Cæsare Augusto.*

Hæc tamen mira, aut nova Lectori non videbuntur, scienti quinam Romæ ritus observaretur in coronandis Imperatoribus, Regibusque, ea de causâ ad Urbem venientibus. Hi post susceptum Imperii, sive Regni diadema in Basilica Vaticana, continuò ejusdem Ecclesiæ Canonici renunciabantur, ut scribit Achilles Maffæus & ipse Canonicus ejusdem Ecclesiæ, quem refert Turrigius in parte 2. Tractatûs *De Cryptis Vaticanis*, editionis secundæ pag. 240. asserens, Carolum Magnum acceptâ per manus Leonis III. Summi Pontificis Imperii coronâ, primum Imperatorum fuisse, qui præfatæ inclytæ Ecclesiæ Canonicus creatus fuerit.

Sed hæc, quæ attulimus huc usque, publicæ sunt venerationis, in qua sacri Evangelici Codices habebantur, eximia testimonia, privata verò quis referat? Innumera certè, clarissima, ac fidelissima mihi se offerunt plurium Scriptorum, præcipuè Ecclesiasticorum, monimenta: sed uti inopem me copia facit, ita Lectores copiam hanc ingerendo tædio conficerem. Hoc tamen mihi narrasse, ipsos audisse sit satis, videlicet veteres Christianos tam pretiosum, charum, ac venerabile Evangelium duxisse, ut vel pendulum collo, vel pectori impositum cunctis diebus vitæ gestaverint, sicuti habetur ex S. Joanne Chrysostomo in *Matthæum* Homil. 3. & ex Actis S. Cæciliæ, necnon ex Divo Hieronymo in cap. 23. Matthæi, & ex Au-

ctore

ctore operis imperfecti in eundem Matthæum Homil. 43. Quia verò & post funera vivebat in illis amor tam sacri pignoris, cum eo thecis argenteis, æneisque, aut plumbeis pro facultate cujusque obsignato, sepulchris mandari jubebant: quod plurima cada-vera, seu loculi confirmarunt, unà cum hujusmodi thecis reperti in demolitione pervetustæ Basilicæ Vaticanæ.

Denique pro coronide hujus capit-
tis nonnullos versus annectam, in ma-
ximæ antiquitatis Codice scriptos,
qui diù in Ecclesia S. Pauli, nunc ve-
rò in Casinensium Monachorum Ro-
mæ degentium Cœnobio custoditur.
Continet iste Sacram Scripturam, sæ-
culo nono exaratam, licèt ævo Caroli
Magni aliqui exaratam existiment,
præsertim Illustris. D. Angelus à Nu-
ce, olim Archiepiscopus Rossanensis,
qui peculiari dissertatione id ipsum
enixè contendit. Huic tamen ad uni-
cam ingenii exercitationem discors
Cl. Vir Abas Raphael Fabrettus aliâ
inter communes amicos vulgatâ lu-
cubratione, non Caroli Magni, sed
Caroli Cæsaris Minoris Francorum
Regis, & ejusdem Caroli Magni na-
tu maximi tempora redolere, & præ-
ferre disertè probat. Ab hac sen-
tentia paulisper recesserunt supræme-
morati RR. DD. Joannes Mabillon,
& Michael Germain, Monachi Bene-
dictini, qui cùm Urbem incoherent,
ipsum exemplar, ac utramque differ-
tationem sedulò perlustrarunt, exi-
stimantes prædictum Codicem fuisse
exaratam tempore Caroli Calvi.
Quidquid autem sit de illius tempore,
lites tantorum Virorum dirimere, &
alteri palmam adjudicare non temerè

veritus, promissa superiùs carmina
apponam, & sunt quæ sequuntur.

Ad initium libri Evangeliorum.

*Sede throni residens mundum qui
ponderat omnem,*

*Cordareplet vatum, ut nobis arcana
revelent.*

*Altius Esaias, Hieremias, Hieze-
chielque*

*Afflati, Danibelque videns mysteria
tecta,*

*Quatuor assignant nobis animalibus
alms*

*Almigraphos Christi virtutum qua-
tuor æquè.*

Ad initium Evangelii secundum
Matthæum.

*Virtutum Scriptor Matthæus in or-
dine primus*

*Effulget Christi, de vectigalibus olim
Actibus extraxit clemens quem gra-
tia Christi.*

*Discipulus scribit Domini miracula
factus*

*Fratribus Hebreis, Legis servantibus
umbram,*

*Quo verum noscant, animo velami-
ne dempto.*

Circa imaginem S. Matthæi.

*Hoc Matthæus agens hominem gene-
raliter implet.*

Ad initium Evangelii secundum
Marcum.

*Filius ecce Petri Sancti Baptismatis
undà,*

*In Christum credens, Hebreorum
Patribus ortus,*

*Levites Marcus fulget hic ore se-
cundus.*

*Pleniter instructus Petri sermonibus,
Acta
Romanis Domini scribit, & tradit
habenda*

*Nexibus adstrictis dudum Serpen-
tis iniqui.*

Circa imaginem S. Marci.

*Marcus ut alta fremit vox per de-
serta Leonis.*

*Ad initium Evangelii secundum
Lucam.*

*Ordine luce micans Lucas hic ter-
tius extat,*

*Virginitate cluens, Domino est sine
crimine parens.*

*Is prorsus Sancto plenus de flamine,
Sanctum*

*Christi Evangelium dignè conscribit
Achi-vis.*

*Ipsis & binam tribuit sic ritè me-
delam,*

*Ut fuerat Medicus bino medicami-
ne justus.*

Circa imaginem S. Lucæ.

*Jura Sacerdotii Lucas tenet ore
Juvenci.*

*Ad initium Evangelii secundum
Joannem.*

*Eloquio Domini fulgens dilectus ami-
cus*

*Sidereo, meritis persplendet in ordi-
ne quartus*

*Joannes; vitæ fontem de pectore
potans,*

*Omnia transcendit terræ, cælique
volando.*

*Verbum in principio dixit, verbum
& caro factum,*

*Quod Pater ut voluit gremio trans-
misit ab alto.*

Circa imaginem S. Joannis.

*More volans Aquila verbo petit astra
Joannes.*

Hæc eadem carmina inter antiquæ Basilicæ S. Pauli Inscriptiones colle- git Cornelius Margherinus Monachus Casinensis, amicus noster, & Eccle- siasticæ vetustatis apprimè studiosus, cui fatis cedenti Literatorum lacry- mis parentatum est.

Illustre venerationis exemplum, erga Evangelium, religiosique ardo- ris signum mos ille fuit, ab antiquo introductus, ut ipsius lectionem Popu- lus in pedes erectus audiret, ad indi- candam promptitudinem defendendi ipsius oracula, etiam usque ad san- guinem, ut constat ex Epistola Ana- stasii I. ad omnes Germaniæ, & Bur- gundiæ Episcopos, quæ sic jubet: *Si- gnificastis enim, quosdam Sacerdotes in Ecclesia quando leguntur Evangelia se- dere, & Domini Salvatoris verba non stantes, sed sedentes audire, & hoc ex majorum traditione se accepisse narrant; quod ut nullatenus deinceps fieri sinatis, Apostolica auctoritate mandamus: sed dum Sancta Evangelia in Ecclesia recitantur, Sacerdotes, & cæteri omnes præsentés, non sedentes, sed venerabili- ter curvi in conspectu Sancti Evangelii stantes, Dominica verba intentè audiant, & fideliter adorent.* Legem hanc ma- ribus, feminisque communem fuisse conjicio ex Mathilde Comite, quæ vehementi observandi ritus ardore flagrans, at virium gracilitate post morbum laborans, cum solemnibus Missarum adesset, & niteretur recta consistere dum Evangelium legeba- tur, deliquium perpeffa procubuit; ut habetur in vita S. Anselmi Lucensis Epi-

Episcopi. Quæ consuetudo audiendi stando Evangelium, superno veluti, cælestique oráculo confirmata videtur ex Vita MS. Sancti Willelmi, Abatis Monasterii Eskilenfis in Dania, jam ante annos quingentos & ultra ab Eskilenfi Monacho composita, qui Petro Roskildensi Episcopo synchronus fuit: ubi de quadam muliere narratur, quod auscultans contracta Evangelii lectionem, audierit vocem sic increpantem: *Mulier surge: non docet Christianos ad Evangelium sedere, sed cum reverentia stare, & auscultare quod legitur.* Quem locum debeat Cl. Viro Henrico Valesio in Annotat. ad Theodoricum in adden. pag. 209. ubi ab Hadriano Valesio ejus fratre, veterum monimentorum studiosissimo, creditam sibi Historiam laudat. Regnante in Polonia Micislao, dum in templis Evangelii rubrica recitabatur, jussu ipsius Regis, apud equites Polonos mos erat eximius, & laudatissimus exerendi medio tenus gladium in signum ultimæ defensionis, quem respondente choro *Gloria tibi Domine*, iterum recondebant, ut tradit Chromer. lib. 3. ad ann. 999. *De Gest. Polon.* In Insula Melitenfi, Illustrissimæ Hierosolymitanæ Religionis Coenobio, usque, ad hæc tempora antiquissimus viget usus, ut semel in anno solemnitate Nativitatis B. Mariæ Virginis in octavam diem Septembris recurrente, dum Diaconus *Sequentia Sancti Evangelii* canere incipit, Eminentiss. Magnus Magister evaginato ense erigatur, & audiat; sicut refert Macrus Melitenfis in suo Hierolexico, in verbo *Evangelium*.

Par. I.

C A P U T XVII.

Dissertatio, qua contra A catholicos demonstratur, in tribus primis Ecclesiæ seculis, persecutionum tempore, publica ædificia fuisse, in quibus Christi Fideles sacras Synaxes peragebant.

CATHOLICORUM Ecclesias, ac Templâ everfuri, nomenque ipsum abolituri, eadem triplici telo impetiverunt, & oppognarunt ab unitate Fidei orthodoxæ alienati, & inordinatè ambulantes fratres. Sic hæresi laborantes in Operis mei decursu appellare constitui, Apostolum imitaturus, qui in Epistolâ 2. ad Thessal. cap. 3. quanvis ab illis nos abstinere, & recedere præcipiat, dulci tamen eos fratrum nomine appellare non dedignatur: *Denunciamus autem vobis, fratres, in nomine Domini nostri JESU Christi, ut subtrahatis vos ab omni fratre ambulante inordinatè, & non secundum traditionem, quam acceperunt à nobis.* Quæ refert etiam Cyprianus in Epistola 55. contra Hæreticos sub finem. Quidni etenim illos fratres dicam, cum unâ omnes simul in Christo baptismatis undâ renati simus: licet ii postmodum progenitorum à semitis deflectentes, qui ab uberibus Sanctæ Romanæ Ecclesiæ salutis lac exfluxerunt, ac Dominici moniti immemores, *Fugum meum suave est, & onus meum leve*, suavi salutarique orthodoxæ Religionis jugo excusso, à Romana Ecclesia se alienarint. Faxit Deus quod tandem aliquandò unitatis antiquæ, unanimisque fraternitatis reminiscantur, ut pace Ecclesiæ restitutâ, & reconciliatis animis, invicem

S

vicem

vicem nos sincerè amplecti possimus.

Primi Anabaptistæ, non esse ullo pacto ædificandas Ecclesias, mordicùs contendebant. Deinde assertores, & affectu Petrobustiani, ut asperam nimis opinionem aliquo temperamento emollirent, construi quidem eas posse affirmabant, minimè verò exornari. Novissimi autem, primis Ecclesiæ temporibus nulla Christi Fideles ædificia templorum habuisse unanimi calculo asseverant: in hoc tamen discordes, quod alii, ut Hospinianus, duobus; alii, ut Ottius, tribus primis sæculis, sinè sacris templis degisse Christianos affirmant. Ex qua contradictione quàm levibus, & imaginariis argumentis nitantur, adeò ut ipsi sibi non constent, perspicuum est.

Verùm quia duobus prioribus sententiis à viris doctissimis Baronio ad ann. 57. num. 111. & Bellarmino in tom. 1. controvers. lib. 3. cap. 4. *De cultu Sanctorum*, abundè responsum est, libens prætereo, tertiam hic pro viribus refutaturus, præsertim cum unica mei laboris meta, scopusue sit de vetustarum Ecclesiarum structura, illarumque ornamentis differere. Ut verò istud quàm par est viâ facili, regiaque; sinè tricis, ac diverticulis exequar, telam hujusce dissertationis ab Apostolis ordiar.

Notum profectò, & innegabile est, Apostolos adhuc Hierosolymis, vel in vicinia commorantes, ut Evangelicum semen spargerent, panemque filiorum filiis ipsis darent, nullo delectu vel in Templum, vel in Synagogas, interdum & in domos privatas convenisse, eòque Discipulos congregasse, ut sacris adessent, & in oratione, ac Sacramentis communicarent.

Et quidem quod in Templum convenerint, ex Actorum cap. 2. nu. 46. clarissimè patet, ibi: *Quotidie quoque perdurantes unanimiter in Templo*. Quod verò convenerint in Synagogas, ex Actorum eorundem cap. 13. num. 5. sic habetur: *Prædicabant (Saulus nempe, & Barnabas) verbum Dei in Synagogis Judæorum*: & num. 14. *Ingressi Synagogam die Sabbatorum, sedebant &c.*

Demum quod & domos privatas adierint, ibique unanimi assensu in oratione perseverarint, habetur ex iisdem Actibus cap. 1. ubi legimus, Discipulos Hierosolymam redeuntès è monte Oliveto, de cujus vertice, Christum Dominum in cœlum ascendentem viderunt, Coenaculum adiisse, & eò ascendisse, ubi *manebant Petrus & Joannes, Jacobus & Andreas, Philippus & Thomas, Bartholomæus & Matthæus, Jacobus Alphæi, Simon Zelotes, & Judas Jacobi, perseverantes unanimiter in oratione cum mulieribus, & MARIA Matre JESU, & fratribus ejus*.

Nequè hic omittendum puto Cyrillum Hierosolymorum Episcopum, qui Catec. 16. Coenaculum Ecclesiæ nomine appellat, ibi: *Spiritus Sanctus, qui loquutus est per Prophetas, in die Pentecostes descendit super Apostolos in specie linguarum ignearum hinc Hierosolymis in superiori Ecclesia*. In superiori profectò, nam in supremis ædium quarumvis ordinibus Coenacula sternere mos erat; & Festus apertissimè tradit, *Supremam ædium partem totam Coenaculum appellatam fuisse, ad quod scalis ascenderetur*.

Cæterùm hæc consuetudo loca similia adeundi vel ad Sacra conficienda,

da, vel ad novos in Fide Tyrones erudiendos, inter Apostolos adhuc obtinuit postea quàm Spiritu Sancto afflati, & repleti, Hierosolymis abeuntes, aliò legem Christi propagaturi appulerunt. Quæ tamen (si vera fateri, rebusque sua nomina dare volumus) consuetudo appellanda non foret, sed dura necessitas, cùm in Ecclesiæ incunabulis, ubi nil firmum, nil facile, sed omnia nutantia, aspera-que Evangelii sacri Præcones habebant, nedum alta, & magnifica templa, sed nè quidem minima poterant excitari.

Quidquid autem fuerit de primis illis temporibus, libeat ab Ortu in Occasum Apostolos Petrum, & Paulum, Romam euntes comitari. Illuc enim veluti in stabilem, æternamque Fidei sedem, in Catholicæ Ecclesiæ, & unitatis Evangelicæ caput, ambo cum aliis concessere.

Cùm autem de adventu, & mora ipsorum in Urbe quidam dubitare ausi fuerint, clara ipsorummet Apostolorum testimonia referre non inutile fore crediderim. Paulum igitur audiamus, qui in Epistolâ ad Philipenses cap. 4. 21. Romæ datâ, sic ait: *Salutant vos qui mecum sunt fratres, salutant vos omnes Sancti, maximè autem qui de Cæsaris domo sunt.* Petrus item in Epistola 1. cap. 5. *Salutat vos* (inquit) *Ecclesia, quæ est in Babylone collecta.* Babylonis autem nomine Romam venire, communi Patrum suffragio comprobatum est: Nam & Papias Apostolorum Discipulus, & Clemens Alexandrinus apud Eusebium lib. 2. *Hist. Eccl.* cap. 15. & Eusebius ipse id asserunt cum Tertulliano in lib. *adversus Iudeos*, cap. 9.

Par. I.

quibus concinunt S. Justinus Martyr *Apologiâ ad Antoninum Pium*: Dionysius Corinthiorum Episcopus apud præcitatum Eusebium eodem lib. 2. c. 25. Irenæus *adversus Hæreses* lib. 3. cap. 1. & 30. Tertullianus supradictus *De præscript. Hæretic.* cap. 36. Cajus antiquus Scriptor apud ipsum Eusebium eodem loco: Clemens Alexandrinus lib. 6. *Hypotyposeon*, apud eundem Eusebium loco citato: D. Cyprianus lib. 1. Epist. 3. juxta vulgatam Manutii editionem, juxta illam Rigaltii 55. *ad Cornelium Papam*: item lib. 4. Epist. 2. *ad Antonianum*, quæ in editione Rigaltii est 52. & lib. *De unitate Ecclesiæ*: Constantinus Magnus in *Constitutione ad Sylvestrum missa* apud Photium in *Nomocanone* tit. 8. c. 1. Arnobius *adversus Gentiles* lib. 2. Lactantius Firmianus *De vera Sapientia*, seu *Divinarum Institutionum* lib. 4. cap. 21. Supramemoratus Eusebius dicto lib. 2. cap. 13. 14. 15. & 25. & lib. 3. *De demonstratione Evangelica*, cap. 5. ac in *Chronico* anno 2. Claudii, & ult. Neronis: Optatus Melevitanus *contra Donatistas*: S. Athanasius in *Apologia de fuga sua*: S. Ambrosius lib. 3. cap. 1. *De Sacramentis*: idem serm. 66. in *Natali Apostolorum Petri & Pauli*: idem Oratione in Auxentium *de Basilicis non tradendis*: Sanctus Epiphanius *contra Carpocrasios Hæresi* 27. Sanctus Joannes Chrysostomus in *Demonstratione adversus Gentiles quod Christus est Deus*: item *Homiliâ in Psalm.* 48. in *Comment. epist. ad Romanos* cap. 16. & in *Homilia ultima*, seu 32. Rufinus in *Invektiva contra Hieronymum*: Divus Hieronymus in *Comment. epist. ad Galatas* lib. 1. c. 2. Paulus Orosius lib. 7. cap. 6. & 7. Di-

vus Augustinus lib. 2. *contra literas Pitiliani Donatistæ* cap. 51. Leo Papa serm. 1. *de Natali Apostolorum*: Beda in lib. *de Ratione Temporum*: idem in *Comment. prioris epistolæ Petri* cap. 5. Theophylactus in *Comment.* Verum, quia mentibus sacra eruditione imbutis notissima, & nimis trita videri posset hæc quæstio, nimirum an SS. Apostoli Petrus, & Paulus fuerint Romæ; eos Lector adeat Auctores, qui stylo uberiori temeritatem id impugnantium sunt insequuti.

His itaque prætermisissis, de Ecclesiis in Urbe constructis ab Apostolorum discessu ad tertium usque sæculum, longè ante tempora Constantini, sermonem instituamus.

Occurrit primò universæ antiquæ Urbis excidio superstes Ecclesia S. Pudentianæ, in quam Senatoria Pudentis amplissimi viri domus, B. Petri felicissima hospitio, conversa est, & consecrata à Pio hujus nominis primo Pontifice maximo, de quo in ejus vita, descripta in Pontificali libro sic legitur: *Hic ex rogatu S. Praxedis dedicavit Ecclesiam in Thermis Novati, in vico Patritio, in honorem Sororis suæ S. Pudentianæ, ubi & multa dona obtulit.* Cui subscribit Petrus de Natal. lib. 5. cap. 1. hæc addens: *Ubi sæpius Sacrificium Domino offerens ministrabat; imò & fontem Baptismi construï fecit, manu sua benedixit, & consecravit.*

Occurrit secundò Basilica, quæ hodie S. Mariæ Transtyberim indigitatur, antea verò Calisti, ut ad an. 224. § 4. Baronius conciliat: olim autem *Taberna Meritoria* vocata fuit, eò quod emeritis militum senescentium, & ægrotantium laboribus sedes erat,

ac requies. Alexandro Severo Cæsare cum gravis de hac inter Popinarios, & Christianos, qui eam occupaverant, orta lis esset, meliori parti Imperator favere voluit, nostrisque Tabernam adjudicavit. Sic Lampridius in Alexandro Severo: *Cum Christiani quendam locum, qui publicus fuerat, occupassent, & contra Popinarij dicerent sibi eum deberi, rescripsit (Cæsar) melius esse ut quomodocumque illic Deus colatur, quàm Popinariis dedatur.*

Unde igitur ex adverso nobis ingeritur, Cryptas ac Coemeteria perpetua fuisse Fidelium ad Sacra coeuntium receptacula, si & multos eorum in Urbe vivere, & publica loca, ædificiaque ad orandum habere, Principum minùs impiorum indulgentia passa est?

Plura præterea offerri possent, nisi acerrima Diocletiani persecutio, cum innumeris Christianorum millibus, absumpsisset etiam augusta, & sacratum Templorum, tum Codicum monimenta, ut Eusebius *Hist. Ecclesiast.* lib. 8. cap. 2. testatur. Licet verò nec tenue quidem illorum vestigium immanis furor reliquerit, adeout nequè locum, nequè tempus haurire à cineribus potis sim; alicubi tamen erectas fuisse Ecclesias convincit idem liber Pontificalis in vita Sancti Lini, B. Petri in Sacerdotio maximo successoris; ibi enim habemus, prædictum Pontificem decrevisse, *ut mulier velato capite in Ecclesiam ingrederetur.* Quod utique futile, ac frustraneum decretum videretur, si nullam quam introirent Christianæ mulieres Ecclesiam habuissent. Quin & ubinam, nisi in Ecclesia saltem domestica, *Cletus ex B. Petri præcepto Presbyteros ordinavit* in

in Urbe Roma? Clemens plura constituit in cultum, decoremque templorum. Anacletus Memoriam D. Petri, à quo Presbyteratu fuerat insignitus, in eo prorsus loci, ubi Cruci affixus fuerat excitavit, adjectis ad humanos sibi successores Episcopos tumulis. Num cadaverum honori consulens, Ecclesias, Dei peculiare domos, neglexisset?

Evaristus, qui tempore Trajani Martyr occubuit, Titulos Romæ divisit, singula scilicet singulis Presbyteris loca divino cultui dedicata. Sub eodem Pontifice Ecclesias consecrandi mos invaluit: *Decrevit enim* (ut in primo Conciliorum tomo videre est) *omnes Basilicas cum Missa semper debere consecrari.* Hinc est non Memorias modò, sed Titulos, & Basilicas, ampliora videlicet ædificia, ad Sacra facienda Christianis stetit.

Cæterùm sex supra quadraginta Presbyteros totidem numero Ecclesiis Romæ præfuisse, conjicitur ex Hist. Euseb. lib. 6. cap. 43. qui Cornelii Epistolam refert ad Fabium Ecclesiæ Antiochenæ Præsidentem, quam Epistolam expendens Valesius, Certè, ait, *Optatus in lib. 2. Romæ quadraginta & amplius fuisse testatur Basilicas sub tempora persecutionis Diocletiani. Non enim* (inquit) *grex, aut populus appellandi fuerant pauci, qui inter quadraginta, & quod excurrit, Basilicas, locum ubi se colligerent non habebant.* Hæc Valesius. At longè ante Diocletiani persecutionem loquitur Optatus: nam de temporibus Cornelii Papæ, qui floruit anno 251. & non de ipsa persecutione Diocletiani intelligit, ut observavit historiæ Ecclesiasticæ Princeps Baronius ad annum 57. n. 100.

Accedit ad ea, quæ huc usque diximus, confirmanda Eusebii lib. 8. Hist. Eccl. cap. 1. summæ lucis, ac fidei testimonium. *Jam verò* (inquit ille) *quis innumerabilem hominum quotidie ad Fidem Christi confugientium turbam, quis numerum Ecclesiarum in singulis Urbibus, quis illustres populorum concursus in Aedibus Sacris, cumulatè possit describere? quo factum est, ut priscis ædificiis jam non contenti, in singulis Urbibus spatiosas ab ipsis fundamentis extruerent Ecclesias.* Num cryptas, ac speluncas, aliaque subterranea loca pro priscis ædificiis sunt accipienda? vel potiùs pro altis, & solo extantibus? Quomodò autem Lucianus (qui vixit circa medium secundi sæculi) Christianæ Religionis defector ac transfuga, se per scalas in Oratoria Christi adum ascendisse fateretur? Ipsum in Philopatre hæc enarrantem libeat audire: *Pertransivimus* (inquit) *ferreas portas, & ærea limina, multique superatis scalis, in domum aurato fastigio insignem ascendimus, qualem Homerus Menelai fingit esse; atque ipse quidem omnia illa contemplantur, quæ insularis ille adolescens. Video autem non Helenam, sed meherclè viros in faciem inclinatos, & pallecentes.*

Suggerit insuper alia non exigui ponderis argumenta idem Eusebius in prædicto lib. 8. cap. 2. ubi sic: *Hæc omnia nostris temporibus completa sunt, tunc cum ædes sacras solo æquari, ac funditus subverti, sacros divinarum scripturarum libros in medio foro concremari oculis nostris vidimus &c.* Et inferiùs: *Sunt ubique Imperialia edicta, quibus Ecclesiæ quidem ad solum usque dirui, sacri verò Codices flammis absumi jubebantur. Possentne dirui, & solo æquari, quæ scabris*

bris solummodò tophis excisa, nunquam terræ superficiem suâ mole superavere? Præterea idem Auctor in *vita Constantini* lib. 1. cap. 42. ubi de honoribus Episcopis delatis, & de Ecclesiarum instructionibus agitur, ex Valesii versione sic loquitur: *Quin etiam Ecclesiis Dei plurima ex thesauris suis beneficia subministravit, partim sacras ædes amplificans, & in sublime erigens, partim augusta Ecclesiarum sacraria plurimis donariis exornans.* Ulteriùs in lib. 2. cap. 46. refertur Epistola Constantini ad ipsum Eusebium, & ad reliquos Episcopos, de Ecclesiis Præsidum operâ ædificandis, vetustisque reficiendis. Epistolæ verba sunt: *Cùm usque ad hanc diem impia præsumptio, & tyrannica violentia ministros Servatoris nostri sit persequuta, pro certo habeo, planèque mihi ipsi persuadeo, omnium Ecclesiarum ædificia aut per incuriam corrupta, aut præ metu ingruentis temporum iniquitatis minùs honorificè ex-culta esse. Eusebi frater charissime &c.* Et infra: *Cunctos admone, ut in opera Ecclesiarum omni diligentia, ac studio incumbant, quo aut reparentur quæ adhuc manent, aut augeantur in majus, aut sicuti usus postula-verit, nova ædificentur.* Num sacras ædes vel in sublime erigeret, earundemque sacraria donariis exornaret, nisi jam antea ipsæ ædes sacræ, & earum sacraria constructa fuissent? Itidem in eodem lib. 1. c. 53. sermo est de Licinii edicto, quo jubebatur nè viri orandi causâ in Ecclesiam Dei simul cum mulieribus convenirent. Et in lib. 2. cap. 2. de ejusdem Licinii persecutione fit mentio; ac proindè narratur, multas Ecclesias solo æquatas fuisse, alias verò clausas à Præsidibus Provinciarum, nè qui il-

las adire consueverant, eò convenirent, neve solemnem cultum Deo exhiberent. Porro quid hisce testimoniis luculentius ad confirmandum, primævos Christi Fideles Templâ, ac sacras Ædes habuisse domibus pares; non autem unicè in Coemeteriis, secretisque telluris visceribus sacrosancta ministeria peragere semper consuevisse.

Forlan quæ hucusque retulimus ædificia sacris Synaxibus deputata privata domus fuere, quas fervida illo ævo Fidelium pietas vel in partem, vel in totum Deo dicaverat; non verò publica, & universo Christi gregi communia, profanisque commerciis exempta. At longè diversa fateri nos cogunt gratiosa, indulgentissimaque Licinii & Constantini Cæsaris decreta apud præfatum Eusebium lib. 10. c. 5. quæ solidam securamque Christianis earum rerum possessionem astruunt, quas persecutorum turba rapuerat. Prædicta decreta, sive statuta sic è Græco vertit Valesius: *Hoc autem amplius in gratiam Christianorum decernimus, ut loca ipsorum, in quibus antehac convenire consueverant, de quibus in literis prius ad devotionem tuam datis alia erat forma, superiori tempore constituta, si qui aut à Fisco nostro, aut ab alio quopiam, ea emisse visi fuerint, ipsis Christianis absque ulla pecunia, & sine repetitione ulla superadjec-ti pretii incunctanter, ac sine ulla ambage restituant; & si qui eadem loca dono acceperint, ut ea protinus Christianis reddant. Quod si qui ea loca emerunt, aut donata acceperunt, aliquid à nostra clementia petere velint, ii Præfectum, qui in illa Provincia Jus dicit, adeant, ut à nostra Serenitate ratio ipsorum habeatur. Quæ quidem omnia protinus sine ulla dilatione corpori Christia-*

Christianorum restitui tuâ curâ, ac diligentia oportebit. Et quoniam iidem Christiani non solum ea loca, in quibus convenire solebant, sed etiam alia possedisse noscuntur, quæ non privatim ad singulos ipsorum, sed ad jus corporis pertinerent; hæc omnia post legem à nobis memoratam absque ulla dubitatione iisdem Christianis, hoc est cuilibet corpori, & conventiculo ipsorum restitui jubebis. Ferè idem repetit ipsemet Eusebius in *vita Constantini* lib. 2. cap. 39. 40. & 41. E quibus hæc duo apertissimè eliciuntur, videlicet: à privatis distincta, communiaque delubra fuisse Christi Fidelibus; & non recenti Cæsaris dono, sed justo aliquo titulo multò jam ante acquisita, diutinoque dominio possessa.

Verùm aliò nos trahit præcipuum disceptationis hujusce argumentum, suadetque jam tandem suprema fratrum alienatorum confugia demoliri. Ecclesias (inquiunt) primævi Patres unanimi voce, ac sensu dixere coetus Fidelium, ipsorumque in unum coeuntium aggregationem, & aliud quodcunque sentire maximum nefas est. Quapropter nos non parvum operæ pretium fore confidimus, si coacervatis Patrum suffragiis ac testimoniis, non semper pro coetu, & conventu, sed pro ipsismet ædibus, & sacris molibus, ab iisdem accipi, ac dici Ecclesias ostendamus.

Tertullianus *De Pudicitia* cap. 4. sic loquitur: *Reliquas autem libidinum furias impias & in corpora, & in sensus ultra jura naturæ, non modò limine, sed omni Ecclesiæ tecto submovemus.* Quem tanti viri sermonem nè metaphoricum putes, ideoque limen tectumque, ædificii veri partes, ad mystica

coetuum Christianorum ædificia trahendum esse; nam egregiè pro Ecclesia, & loco Sacris addicto, explicavit Gabriel ab Aubespine in suo *Tractatu De Antiqua Ecclesiæ Politia* lib. 2. *De Eucharist.* cap. 6. §. 2. ubi eadem Tertulliani verba refert, & Gallico idiomate interpretatur.

Nec minoris momenti est illud ejusdem Doctoris cap. 13. *De velandis Virginibus*, ubi ait: *Aut constanter audeant in vicis virgines videri, sicut audent in Ecclesiis.* Quibus verbis profectò perspicuum est, hunc Auctorem locum loco æquiparare, cum suadeat jubeatque Virginibus, quod sicut in Ecclesiis, idest in locis in quæ ad Sacra conveniunt, virginitatis conditionem, ac decus affectant; ita quoquè palam in vicis, & semitis Urbis, debere se virgines gravi & incelsûs & oculorum modestia, corporisque totius habitu & gestu probare.

Tria præterea, quæ nobis maxime favent, è D. Cypriani operibus eruuntur. Primum ex *Epistola 55. ad Cornelium*, de Fortunato, & Felicissimo, sive contra Hæreticos, ubi Cyprianus in eos invehens inquit: *Denique quia conscientiam suam norunt, nec nos audent adire, nec ad Ecclesiæ limen accedere.* Quid quæso ista vox limen sonat notatque, nisi lapidem illum oblongum, qui in ingressu portarum è transverso substratus Hypothyrium dicitur, opponiturque Hyperthyrio? Nisi eandem in absurdissimas, & prorsus ineptas interpretationes distorquere velimus, certè ad materialis ædificii januam referenda est.

Alterum, quod ex Cypriano de-

pro-

promitur, in eadem Epistola habetur sub finem, ibi: *Quid superest quàm ut Ecclesia Capitolio cedat; & recedentibus Sacerdotibus, ac Domini Altare removerentibus, in Cleri nostri sacrum, venerandumque confessum, simulacra atque Idola cum aris suis transeant?* Hic porro quàm apertè Ecclesia Capitolio opposita, & comparata, locum & ædificium designat? Unde enim altare Domini removeretur, Sacerdotes recederent, venerandus Cleri confessus dissiparetur, si nequè situs altaris, nequè sedilia Presbyterorum ullibi extarent? Ubi Idola, & simulacra inanum Deorum collocarentur: quæ tecta, quæ impluvia aræ impiissimæ fortirentur, si sola Fidelium congregatio, concursus, & unio foret Ecclesia? Sed ut id clariùs elucescat, explicationem hujusce vocis *Ecclesia*, ab ipsomet Cypriano audiamus in Epistola 63. *Unde Ecclesiam, idest plebem in Ecclesia constitutam*: è quibus in duplici, & utroque legitimo sensu usurpari nomen *Ecclesiæ* quis non videt? Perspicuè hoc idem docet Augustinus super Levit. lib. 3. num. 81. ubi sic scribit: *Sicut ædificium, quod vocatur Ecclesia, etiam cum inde Ecclesia exiret, quæ homines sunt, nihilominus Ecclesia dicitur &c.*

Præterea non unico *Ecclesiæ* nomine sacram ædem appellat idem Cyprianus, cum eam *Dominicum* dicat, ut in suo discursu *de Oper. & Eleemosyn.* matronam admonens, inquit: *In Dominicum venis sine sacrificio*. Nec dura videatur interpretatio, nam hac voce usi sunt Patres Concilii Ancyranum in Canon. 15. ibi: *Ex iis quæ pertinent ad Dominicum, quæcunque dum non esset Episcopus Presbyteri ven-*

diderunt, revocare Dominicum: Episcopi autem judicio relinqui, an oporteat pretium recipere, an non: utpotè quòd eorum, quæ sunt vendita, redditus eis ipsis majus pretium reddiderit. Ancyranos Patres sequuti sunt Neocæsarienses in Can. 5. ubi sic: *Catechumenus si in Dominicum ingrediens, in Catechumenorum ordine steterit; is autem peccat, si genu quidem flectens &c.* Clariùs adhuc Laodicenum Concilium Can. 28. *Non oportet in locis Dominicis, vel Ecclesiis eas quæ dicuntur Agapas facere.* Quæ omnia non incongruè *Dominicum* in Cypriano pro Ecclesia accipi testantur.

Arnobius item in lib. 4. Fidelium primorum ædes conventicula appellat, cum ea everfa, dirutaque per summum scelus ab impiis, & infensissimis Christiano nomini Imperatoribus queritur, tyrannidemque prolixius insectatur. Hæc ejus verba: *Nam nostra quidem scripta cur ignibus meruerunt dari? cur immaniter conventicula dirui, in quibus summus oratur Deus, pax cunctis & venia postulatur Magistratibus? &c.* quæ sanè conventicula domos orationis, & aulas Deo dicatas innunt. Confirmat id Basiliius Magnus in Serm. *de Gordio Martyre*, Diocletiani persecutionem describens ibi: *Christianorum domus singula vastabantur &c.* Præter hæc autem, *domus orationis profanorum manibus vastabantur, aræ sanctissimæ evertebantur &c.*

Hoc idem adamussim exequitur Eutychius Patriarcha Alexandrinus, quem citat Otrius in suis *Annot. Ecclesiast.* ad ann. Christi 204. centur. 2. unde hæc de Severo Imperatore Eutychii verba decerpfi: *Severus vir ne-*
quam

quam fuit, magnarum Christianis calamitatum, necnon multorum cruciatuum auctor: cujus tempore martyrium ubique subierunt Christiani quamplurimi. Tum in Ægyptum profectus, omnes qui ibi & Alexandria essent, Christianos interemit, & Ecclesias diruit, extructo Alexandria templo, quod Deorum templum vocatum est. Hæc ille: quibus adedò urget Ottius, ut nullam in eo viderim responfionem.

Nequè solùm de Ecclesiarum ruinis & everfionibus Patres, & majoris fidei Historici verba faciunt; sed eas nondum everfas aliquando proponunt. Quàm luculenter hoc exprimat Epiphanius in lib. *De Mensuris*, ubi de Hadriani Cæsaris in Palæstinam adventu post Hierosolymorum excidium agit, ex his quilibet arguat: *Reperit Hadrianus civitatem totam solo equatam, & templum Dei conculcatum, exceptis parvis domibus, & Ecclesia Dei, quæ parva erat eo in loco, ubi diversi Discipuli, quando Salvator assumptus est ab Oliveto, ascenderunt in cœnaculum; illic enim edificatum fuerat, hoc est in parte Sion &c.* Clariùsne vel describi, vel è descriptis deduci potest, Ecclesias nobis stetisse eo tempore, quo negatur Christianis ritibus, muneribusque obeundis constructas, ac dedicatas fuisse; cùm Hadriano imperante, nempe in principio secundi sæculi, quædam in monte Sion, licèt humilis & angusta, stare tamen reperta sit.

Narratis consentaneum fore crediderim, si eam historiam referam, quæ apud nonnullos eruditos fidem obtinuit, & ab Eusebio lib. 6. Hist. cap. 34. enarratur. Aderant jam, Christianæ plebi Paschalia solemnia,
Par. I.

sive dies quam fecit Dominus, cùm in ejusdem diei vigilia Philippus ipse Imperator Ecclesiam ingredi ausus est, ut & Sacris vacaret, & divinorum particeps fieret tanquam Christianus; sed prohibitus & ejectus est ab Episcopo ob scelera, quæ patraverat: quibus tamen pœnitentiâ salutari dilutis, voti compos effectus est, & in sacram Ædem cum aliis admissus; quod sanè evenire non poterat, si nullæ iis diebus Ecclesiæ constitissent, ut quidam non inscii aut inculti, sed parùm pii fratres contendunt.

Scio historiam hanc oppugnari à Josepho Scaligero in suis Animadversionibus ad Chronicum Eusebium sub ann. 246. ubi nonnullis conviciis ipsummet Eusebium acriter impetit, totumque id fabulam esse à Christianis confictam pluribus asseverat. In hanc sententiam ivit etiam Sethus Calvisius in suo opere Chronologico ad ann. Christi 246. Spanhemius verò in Dissertatione nona *De præstantia & usu Numismatum*, licèt dubium moveat, attamen non decedit, sed remittit Lectorem ad Danielem Huetium, de quo infra. At quia hujusmodi controversiam Cardinalis Cæsar Baronius ad ann. 246. longè examinat, & nos Lectorem ad eundem remittimus. Valesius tamen magnæ ingenuitatis & doctrinæ vir, in suis ad Eusebium notis lib. 6. Hist. cap. 34. hanc eandem historiam non improbat, sed potiùs confirmat, immò enunciatam testatur ab Auctore Chronici Alexandrini, ex narratione Leontii Præfulis Antiocheni, qui M. Constantino Cæsari synchronus fuit. Idem fermè narrat D. Chrysostomus in
T Ora-

Oratione de S. Babyla *contra Gentiles*, licet nomen Imperatoris reticeat: cui mirificè assentitur B. Haymonius Episcopus Halberstadien. in sua *Hist. Eccl.* lib. 6. cap. 2. & consonant Acta martyrii S. Donnini apud Boninum Mombrinium *De Vitis Sanctorum*: tum Acta S. Pontii Martyris, nuperimè in lucem edita ab eruditissimo Stephano Baluzio in suis *Miscellan.* lib. 2. Postremus autem prædictorum Scriptorum sententias expendit supracitatus Daniel Huetius in suo Tractatu *Origenianorum* parte 1. lib. 1. cap. 3. num. 12. & concludit, *Christi sacris à Fabiano Papa initiatum fuisse Philippum, sed occultè*. Rationes ibi reddit, quas brevitatis causâ omitto, cum apud ipsum videri possint, & mihi sufficiat indicasse Auctores, illorumque opiniones retulisse.

Jamque satis superque probatum, reor, tum Christianorum, tum Ethnicorum testimoniis, Evangelicæ veritatis alumnos prioribus tribus sæculis Ecclesias habuisse, & quidem publicas: nec illarum nomine solam ipsorum Congregationem venire, sed etiam Ædificia Divinis addicta. Unde aliò calamum vertere satius ducimus, præposteramque opinionem eorum refellere, qui Ecclesias eâ tempestate extitisse quidem fatentur, sed à Coemeteriis minimè distinctas, imò Cryptas & Ecclesias synonyma prorsus fuisse propugnant. Quibus ut eâ quâ decet methodo occurramus, in primis ultrò & libentissimè admittimus, Christi Fideles primævos Cryptas & Coemeteria, ubi Martyrum sacra pignora servabantur, frequentissimè adiisse, eademque summâ semper veneratione coluisse. In hoc uti-

que nemo nostratum opponitur, nobisque cum alienatis fratribus summa concordia est. Velim autem illos seriâ, ac sincerâ, & quibusvis affectibus liberâ meditatione ea perpendere, quæ oculis animisque hic amicè subjicimus.

En prima fronte Gallieni Imperatoris edictum, quo Christianis facultas data fuit loca religiosa recuperandi, in quibus injuncta sacris ordinibus munia per Clericos, & per Episcopos implerentur. Fregerat scilicet mentem Imperatoris Valeriani patris interitus, docueratque paternâ clades iniquam Cæsarum rabiem contra Christi Fideles haud impunè grassari. Hinc metu potiùs ultoris Dei, quam propensione in Christianos, persecutionis procellas fluctusque composuit, & ea omnia tam privata, quam publica, quæ illis per vim ab Ethnicis erepta fuerant, usuque & habitatione violata, restitui præcepit. Libet Imperatorii rescripti verba reponere, quæ in 7. Hist. lib. cap. 13. Eusebius recenset, nempe: *Imperator Cæsar P. Licinius Gallienus, Pius, Felix, Augustus, Dionysio, Pinna, Demetrio, & reliquis Episcopis. Indulgentiam beneficii nostri per universum Orbem diffundi præcepimus, ut cuncti à religiosis locis abscedant; quocircà & vos rescripti nostri formâ uti potestis, & nullus vobis deinceps molestiam facesset: atque id quod vobis exequi licet, jamdudum à me concessum est*. Unde ergo Ethnici abscederent? Quæ loca Christianis redderent? Ea profectò, quæ eis eripuerant, & quæ habitatione occupaverant. Num autem Coemeteria, Cryptasque occupasse, eademque in domicilia sibi elegisse credendum est?

Præ-

(inquit) & alia ejusdem Imperatoris constitutio, qua Episcopis permittit Cæmeteriorum suorum loca recuperare: adire

Par. I.

*Horror ubique animos, simul ipsa
silentia terrent.*

T 2

dum, & in divinis communicandum semper convenisse; ac valde miror hoc aliquos tradere, & pro viribus propugnare. Ego certè ut eorum sententiæ adhæream, nullâ re, nullâ unquam ratione adducar. Scio quidem Auctores, quibus maximè fidimus, scribere, aliquando in Cryptis, & Coemeteriis Fideles Christi se collegisse, ut operam Sacris navarent; & quod durius fortasse est, Maximorum Pontificum nonnullos; ut furiales persequentium iras effugerent, diù ibi delituisse. Scio (inquam) nec impugnare ullatenus ausim, sed eos Auctores explicare, & explicatos conciliare conabor.

Ut ergo maximè probabilia, & verisimiliora rimemur, ac teneamus, censendum arbitror, super eisdem Coemeteriis, vel propè eorum ambitum, parva ædificia fuisse constructa, quæ Altaria, Confessiones, Memoriae, & Martyria nuncupata fuerunt: deinde verò temporum lapsu ad Ecclesiarum amplitudinem pervenerunt. Mirificè totum id elucescit ex Actis SS. Chrysanthi & Dariae, quæ refert Aringhius in sua *Roma Subterranea* to. 2. lib. 4. c. 32. num. 1. ubi de B. Hilaria, Matre dictorum Sanctorum Martyrum hæc leguntur: *Corpora autem filiorum collegit Hilaria, relicta Martyris Claudii, & singillatim condens Mauri & Jasonis in sarcophagis singulis collocavit, quæ dum assiduè obsequiis circa sanctissimam Confessionem oraret Deum, tenta est: & dum traheretur, rogabat eos qui se traherent dicens: obsecro vos, permittite me prius orationem meam complere, & veniam quocunque volueritis. Igitur dum fixisset gradum, accepit Sacramen-*

tum Domini, & expandens manus suas dixit: Domine Jesu Christe, quem toto corde confiteor, modò me associa filiis meis, quos ex utero meo ad martyrium convocasti: & hæc dicens projecit se in oratione, & dum oraret projecit spiritum. Tunc illi qui eam tenuerant, dolentes super repentinum obitum ejus, reliquerunt duas ancillas ejus, quæ cum ea erant: illæ autem sepelierunt eam diligentissimè sepulture, & super eam brevissimam Ecclesiam fabricaverunt, quia locus, in quo defuncta erat, ejusdem erat hortus Hilaria; & ex quo Sancti passi fuerant, ibidem sibi mansionem collocarat.

Aliud item huic simile testimonium ex eodem Aringhio hauritur, tom. 2. lib. 4. cap. 23. de Coemeterio Primi & Feliciani, ubi sic: *Nocte verò à Christianis rapta sunt corpora eorum (idest Primi & Feliciani) & portaverunt ea ad Arcus Numentanos intra Arenarium, & ibi fecerunt planctum magnum: & involventes eos in syndones novas cum aromatibus, juxta Arenarium posuerunt eos, & in hymnis ac psalmis per triginta dies ac noctes in Dei nomine perdurabant. Ubi multa benesicia exuberant usque in præsentem diem, & si quis egrotorum ibidem perductus fuisset, salvabatur à quacunque esset infirmitate detentus. Inferius autem hæc addit: Et dum post aliquantos annos cessaret persecutio Paganorum, multi Christiani in honorem Beatorum Martyrum Primi & Feliciani Basilicam construxerunt, sperantes se misericordiam consequi per eos in nomine Domini nostri Jesu Christi. Est autem Basilica eorum ab Urbe Roma milliario quarto-decimo, quorum Natalis est quinto Idus Junias.*

Hæc

Hæc omnia nobis confirmat Lucas Holstenius, olim Bibliothecæ Vaticanæ Præfectus, & Basilicæ Canonicus, in Actis passionis S. Bonifacii pag. 23. ibi: *Et consurgens Aglaes, confestim accepit secum Clericos & viros religiosos, & sic cum hymnis & canticis spiritualibus, & omni veneratione obviavit Sancto corpori, & reposuit illud stadiis ab urbe Roma quinque, donec ædificaret ei domum dignam passionis ejus.* Unde evidenter colligitur, etiam temporibus Diocletiani, qui Bonifacium absumpsit, morem ædificandi Ecclesias propè Sepulchra, & Cœmeteria Martyrum viguisse; licèt editis Cæsareis interpellantibus ad tempus cessaverit: quem equidem piissimum morem non Aglaes ævo incœpisse, sed multò ante, quis dubitet? Anonymus in Pontificali libro, in vita Fabiani sic ait: *Hic multas fabricas per Cœmeteria fieri præcepit*, videlicet supra Cœmeteria, vel propè, ut ea Christiani commodiùs & frequentiùs adirent. Cùm autem Fabianus sub Decio passus fuerit, scilicet anno à Christo nato 253. nullam omninò negandi ansam video, eum in Ecclesiæ primordiis morem fuisse, ædificia vel ædiculas in Cœmeteriis extruendi, vel ad orandum & Sacra habenda, vel etiam ad habitandum, ut sinè viæ longioris incommodo, vel absque gravi periculo, maximæ venerationis loca pietas Christiana, eo tempore ferventissima, invisere posset: quæ postea religiosæ domus & ædes, ingruentibus persecutionum turbinibus, vel per vim à Paganis occupabantur, vel quia ut plurimum Fisco cedebant ob Christianorum proscriptioes & clades, ab Ethnicis eme-

bantur; licèt postea Ecclesiæ pace reditâ, illarum possessores recedere, & legitimis Dominis restituere ab Imperatoribus juberentur. Ita enim intelligi debent decreta Cæsarum, quibus loca Cœmeteriorum recuperare Christianis permissum erat; non modò scilicet Cœmeteria ut antea adire, sed ab ædium circumjacentium iniquissima possessione Paganos expellere, & deturbare.

Quamobrem ubi in Scriptoribus Ecclesiasticis occurrit, habitasse Romanos Pontifices in Cœmeteriis, certum ratumque habendum est, intelligi debere de illorum incolatu, & habitatione in iis ædiculis, casisque circumextructis, non verò in subterraneis specubus, latebrisque. Sic Liberius (ut in libro Pontificali in ejus vita legitur) ab exilio regressus, in Cœmeterio S. Agnetis apud Germanam Constantii habitavit. Sic Bonifacius, teste Bibliothecario, in Cœmeterio S. Felicitatis Martyris Viâ Salaria. Sic (ut alios præteream) Joannes III. ut in eodem Pontificali libro, loca Cœmeteriorum non solum impensè adamavit, restituitque; verùm etiam per haud exiguum temporis, licèt Ecclesia constanti pace atque otio frueretur, Cœmeterium Sanctorum Tiburtii & Valeriani incoluit, ibidemque Episcopos ordinavit.

Ex iis quæ superiùs retulimus, desumptis ex Aringhio tom. 2. lib. 4. cap. 23. *de SS. Primo & Feliciano Martyribus*, & ex Luca Holstenio in *Actis passionis S. Bonifacii*, non statim ac sacra eorum corpora humata fuerant, sed post annorum, & persecutionum decursum, Ecclesias, sive Memorias

rias constructas fuisse cognoscimus.

Hinc advertendum, non semper eodem æstu in Christianos efferbuisset improborum Cæsarum iram; sed impetus primò quidem violentissimos, postea pedetentim elanguisse, donec penitus evanescerent. Ideoque quò furor persecutorum remissior erat, eò fervidior apud nostros consuetudo vigeat sacratas ædes adeundi, & eas fabricandi: cum tota illorum libertas ex Principum conniventia, & humanitate penderet. Hæc autem ab una persecutione ad alteram temporis intervalla, insinuat mihi, suadetque, haud fore inutile ipsarum Chronicon hic attexere.

Prima igitur quæ in Christianos persecutio læviit, sub Nerone excitata fuit, anno reparatæ salutis 68. vel ut placet Baronio 66.

Secunda sub Domitiano, anno 97. seu 92. juxta Baronium.

Tertia sub Trajano, anno 108. sive 100. ut Baronius notat.

Quarta sub Marco Antonino & Lucio Aurelio Commodò, anno 168. In Asia verò, & in Gallia 164.

Quinta sub Septimio Severo, anno 203. vel 202.

Sexta sub Maximino, anno 238. aut 237.

Septima sub Decio, anno 252. seu 256.

Octava sub Valeriano & Gallieno, anno 257.

Nona sub Aureliano, anno 275. ex Baronio 273.

Decima sub Diocletiano, an. 304. vel 301. ut Baronio visum est.

Differuimus hætenus de Ecclesiis, & habitationibus apud Coemeteria, ac & de ipsorum Coemeteriorum as-

peritate, & horrore; superest modò ut aliqua de accessu Fidelium ad intima illorum penetralia verba faciamus.

Fatemur utique, natalitiis Sanctorum Martyrum diebus Christi Fideles gregatim Sepulchra, & Coemeteria subire consuevisse, ut eorundem Sanctorum Martyrum exuvias venerarentur, ibique orationi vacarent. Confirmat hoc immane Numeriani Cæsaris facinus sub ann. 284. cui cum ab explorantibus renunciatum esset, innumeros penè Christianos in quadam specus, vel cryptas promiscuè convenisse, aditum illicò occludi, & objice multo muniri jussit, nè aliqua ex parte effugium pateret; desuper verò disiectis ac demolitis rupibus, quæ specubus prominebant, obrui terrâ, lapidibusque imperavit. Constat hoc ex Actis SS. Chrystanti, & Daria, & S. Diodori, relatis ab Aringhio in sua *Roma Subterranea* tom. 1. lib. 1. cap. 31. pag. 177. ubi hæc: *Igitur cum multa beneficia Deus venientibus ad eorum sepulchra præstaret, evenit ut die natalis eorum infinita populi multitudo conveniret, viri simul, & mulieres pariter, & infantes, & innuptæ puellæ, & juvenes. Hoc cum fuisset Numeriani auribus intimatum, jussit ut in introitu, quo introierant in Cryptam, paries levaretur; quod cum fuisset impletum, desuper à sabulone super eos montem dejecit. Omnes ergo pariter, dum communiter Sacramenta participarent, & Martyrum gloriam celebrarent, ipsi quoquæ ad martyrii coronam pertigerunt, inter quos erant Diodorus Presbyter, & Marianus Diaconus, & plurimi Clericorum; Populi autem multitudo, cujus nec numerus, nec nomina collecta sunt.*

Fatemur itaque in hæc loca Fideles convenisse, adjicimusque ex præfatis Actis SS. Chrysanthi & Dariæ, non illuc solummodò ventitasse quando tranquillæ & pacatæ erant Ecclesiæ Dei, sed adhuc grassante Tyrannorum nequitia, licet tunc vetitum foret, crimenque luendum capite putaretur. Multi quidem martyrio inhiantes, illuc se conferebant, Sanctos Martyres obsecraturi, ut sibi in suppliciis constantiam, & victoriam à Deo impetrarent. Legimus hoc in Actis Stephani Papæ, qui in Coemeterio Lucinæ decollatus interiit: *Nam (sic in ejus Actis) ingravescente Imperatorum Valeriani & Gallieni persecutione, Stephanus convocato Clero, ad martyrium suos hortabatur, in cryptisque Martyrum assidue Missas & Concilia celebrabat: & cum ad Martis templum, ut sacrificaret, adductus fuisset, terræmotu oborto, omnibus aufugientibus qui Stephanum tenebant, Pontifex ad suos revertitur in Coemeterium Lucinæ, quos divinis præceptis instruens, Sacramento corporis Christi communicavit; ibique dum Missarum solemnia perficit, advenientibus iterum Imperatorum satellitibus, ei in sua sede caput abscinditur.*

Aliud, & haud absimile suggerit nobis Cyprianus in Epistola 82. ad Successum: *Ubi Xystum (inquit) in Coemeterio animadversum sciatis, octavo Iduum Augustarum die, & cum eodem Quartum. Sed & huic persecutioni quotidie insistent Præfecti Urbis.*

Plerique verò Fideles, Fideliumque Rectores, consilii Dominici non immemores, Matth. cap. 10. 23. *Cum autem persequantur vos in civitate ista, fugite in aliam, huc illuc excurrebant, ut impias manus evaderent, seque in*

latebris, & Coemeteriis minùs notis abdebant, à notioribus declinantes, ad quæ finè certò vitæ descrimine, accessus non habebatur, cùm hæc præcipuè ab Imperatoribus prohiberentur, ut innuit Cornelius Papa in Epistola quadam *ad Lupicinum Viennen.* de persecutione Valeriani (si tamen Blondelli crisis Epistolæ huic fidem non abrogavit) ubi hæc: *Publicè, nequè in Cryptis notioribus, Missas agere Christianis licuisse.*

Nec tamen irritum aliquandò in hæc loca confugium erat; nam per inextricabiles Coemeteriorum ambages errabundi Christi Fideles instantia fata eludebant, vel aliquandiu differebant. Quis enim eos insequeretur per cuniculos tam implicitos, ut labyrinthum æmulerentur; ac tam vastos & amplos, ut ab Urbe ad mare usque protendi existimentur? Quæ quidem trepidantium Christianorum latibula Dionis Historiam in mentem revocant, qui Hierosolymæ vastationem sub Hadriano Cæsare referens, hæc de Judæis victorum iras & arma effugere conantibus scribit: *Arma & cædes Hadriani Imperatoris metuentes, auxilia sumebant in cavernis subterraneis, specus fodientes, atque cuniculis omnia munientes; ut quoties violarentur, liberos haberent ad fugam exitus: invicem quoque sub terram clanculum commeare, specus & subterraneas vias supernè quibusdam locis inhiantes, ad ventos & lucem excipiendam perforantes.*

Verùm licet his latebris aliquandiu Christiani mortem differrent, ut plurimum tamen non evitabant, nam vel inclementiâ & asperitate locorum, vel diuturni erroris lassitudine, fame,

fame, pædore, & malis omnibus, ærumniſque tandem confecti, è tenebris & umbra mortis, in æternæ beatæque lucis regiones evolabant.

Hæc igitur, quæ de Cæmeteriis delibavimus, idcirco à nobis congeſta ſunt, ut appareat neutiquam nos in prioribus tribus Eccleſiæ ſæculis, Chriſtianorum ad illa acceſſum, & in illis moram negare: ſed aſſerere præter hæc, alia ipſis ædificia, & loca religioſa fuiſſe, quæ vel Eccleſiæ, vel Oratoria, vel Dominica, vel Tituli, vel Martyria, vel aliis id genus nominibus à Scriptoribus Eccleſiaſticis appellantur.

Cæterùm in hujus Diſſertationis calce apponere diſtuli, maximi ut Hoſpiniano, minimi ut mihi videtur ponderis & evidentiae argumentum, quo ſuam Adverſarii ſententiam ſtabilire nituntur. Hoſpinianus igitur in ſuo Tractatu *De origine Templorum* lib. 1. cap. 6. ex Arnobii lib. 4. *contra Gentiles*, hæc refert: *Accuſatis* (inquit Arnobius) *quod nec templa habeamus, nec imagines, nec aras.* Item ex Origine lib. 8. *contra Celſum*: *Objicit nobis Celſus* (Origenis verba ſunt) *quod non habeamus imagines, aut aras, aut templa.* Demum ex Minutio Felice, qui claruit circa ann. Chriſti 211. in Dialogo Octavii Chriſtiani cum Cæcilio Ethnico: *Cur nullas aras habent* (inquit Cæcilius) *templa nulla, nulla nota ſimulacra?*

Quibus interrogationibus, ſeu potiùs exprobrationibus, cùm ſupradictos Eccleſiæ Doctores, cã tempeſtate præcipuos, nihil reſpondiſſe conſtet, colligit exinde Hoſpinianus, eos ſilentio ſuo falſos fuiſſe quæ ab Ethnicis ingerebantur; nam ſi vera forent

quæ nos dicimus, inopportuna & culpabilis illorum taciturnitas videretur, præcipuè cùm ad manus & in promptu reſponſio eſſet; reſpondere enim poterant: Licet apud nos nulla ſint templa ſumptuoſiora, qualia apud vos, ſacras tamen ædes habemus, atque in iis & aras, & imagines. At cùm illi tacentes objecta nullo pacto diluerint, quis ambigat eo tempore nullas reverà fuiſſe Eccleſias, Oratoria, & reliqua hujusmodi?

Poterant quidem, non inſiciamur, hæc & ſimilia reſpondere, ſi reſpondendi neceſſitas incubuiſſet. Sed cùm inutilem, & ſuperfluam iis diebus controverſiam illam exiſtimarent, ac ſatiùs ducerent veri Dei cultum inſinuare, tenebraſque cæcarum mentium Evangelicâ luce diſcutere, ab inani diſputatione conſultò abſtinuerunt, Apoſtolo obtemperantes, qui in Epiſtola ad Titum cap. 3. verſ. 9. *Stultas, ait, quæſtiones, & genealogias, & contentiones, & pugnas legis de vita, ſunt enim inutiles & vanæ.*

Quod autem Octavius, & Origenes ea quæ ipſis objicebantur ſilentio ſuo falſi non fuerint, ſed diſſimula-verint, & reſpondere ſupervacaneum exiſtimarint, colligi ex eo poteſt, quod cùm de aris, & imaginibus non minùs quàm de templis interrogarentur, & illa apud eos non eſſe objicerentur; pari circa hæc, ac circa templa ſilentio uſi ſunt, nequè exprobrantium falſiſſimam opinionem reſellere curaverunt. Cùm tamen & altaria, & imagines tunc haberent, quod omnibus etiam alienatis fratribus noſtris in confeſſo eſt; probatque Tertullianus in Tract. *De Oratione*, cap. 14. his verbis: *Similiter & ſta-*

tionum diebus non putant plerique sacrificiorum orationibus interveniendum, quod Statio solvenda sit accepto corpore Domini. Ergo devotum Deo obsequium Eucharistia resolvit? an magis Deo obligat? nonne solemnior erit Statio tua, si & ad aram Dei steteris? accepto corpore Domini, & reservato, utrumque salvum est, & participatio sacrificii, & executio officii. Idem ibidem cap. 10. Nec prius ascendimus ad Dei altare, quam si quid discordiæ, vel offensæ cum fratribus contraxerimus, resolvamus.

Sed quid aliorum testimonia proferre laborem, si & ipse Origenes tunc interrogantibus tacitus, in Homil. 11. facundè & liquidò hoc asserit? Refert ejus verba Hospinianus, probatque quoad primitias Clero solvendas lib. 5. cap. 1. *Ex hisce porrò. Sicut hoc (ait Origenes) dignum & decens est, sic è contrario indecens, & indignum existimo, & impium, ut is qui Deum colit, & ingreditur Ecclesiam Dei, qui scit Sacerdotes & Ministros assistere altari, aut verbo Dei, aut ministerio Ecclesiæ deservire, de fructibus terræ, quos Deus dat, solem suum producendo, & pluvias suas ministrando, non offerat primitias Sacerdotibus.*

Itaque cum inferri neutiquam possit, re ipsâ apud nos altaria non fuisse, ex quo Ethnicis ea negantibus prædicti Patres nil responderunt; ita pari rationis ductu templa, & ædes sacras Christianos iis sæculis non habuisse, ex eorundem Patrum silentio deducere & contendere iniquum, & temerarium est, cum non magis de templis, quam de aris, & imaginibus urgerentur.

Quapropter quàm maximè miror Hospinianum, virum cæteroqui eru-

ditum, hæc ex Octavii & aliorum taciturnitate intulisse. Verumtamen ad hoc asserendum adductum fuisse arbitror quodam impetu mentis, & nimio ardore docendi, sive infectandi, quo etiam lib. 1. *De origine Templorum*, cap. 6. § *Dissimulare*, chronologica à via declinavit. Ibi enim libenter fassus est, sub Alexandro Severo, Gordiano, Philippis, & præsertim Gallieno Imperatoribus, tertio videlicet sæculo, sedatis compositisque persecutionibus, templa & ædificia, ampla quidem atque magnifica à Christianis extructa fuisse; testante id Eusebio lib. 8. cap. 1. *Hist. Eccl.* ut nos supra retulimus: deinde verò Diocletianum Ecclesias omnes, & ædes sacras Christi Fidelium, quos violentissimè persequabatur, everti & solo æquari jussisse; idque tanto militum ac satellitum ardore effectum, ut uno eodemque Paschatis die omnia ubique Christianorum sacra ædificia prostrata, & demolita jacuerint. Quibus enarratis hæc statim adjicit in § *Diocletiano*: *Eoque tempore, exprobrarunt Christianis Gentiles, quod templa non haberent, ut ex Origene constat contra Celsum lib. 4.* In quo satis incautè labitur, non advertens Origenem multò ante Diocletiani persecutionem defecisse, obiit enim anno 254. Gallo & Volusiano imperantibus: & annos triginta post ejus interitum Diocletianus in Cæsarem electus est, nempe anno salutis 284. unde erroneus hujusce Scriptoris sermo, & nimium præceps scribendi cupido elicitur.

Causam autem cur Ethnicis objur-
gantibus, & de superstitione atque
impietate arguentibus (cum ipsi pri-
ma,

ma, præcipuaque Religionis fundamenta templa esse ducerent) nostri nihil responderint, præter quæ diximus, eam fuisse arbitror, nempe ut graviores subinde disputationes vitarent: nam si Ecclesias habere dixissent, de aris illicò, quæ in eis essent, differere coacti fuissent: si verò & de altaribus annuissent, pari curiositate de Hostia, quæ super iisdem immolaretur, quæstio insurrexisset; cui ut satisficeret, de ineffabili Eucharistiæ Sacramento docendi & altercandi necessitas Patribus incubuisset: & ita arcana, & sacratissima Fidei nostræ mysteria in vulgus effusa forent, quod unicè SS. Patres, & peculiariter primitivi verebantur, nè videlicet incapacibus, & Ethnica superstitione, obtusis mentibus hæc ingerendo, despiciatui fides Christi haberetur, rerumque tam grandium doctrina, & res ipsæ, cachinnis & ludibriis exponerentur, summumque fortasse vitæ discrimen innocui Doctores subirent: præsertim cum id maximè Christus ipse cavendum esse docuerit (ut ex Matth. cap. 7. num. 6.) ubi dilectissimæ Ecclesiæ suæ custodes, & pastores erudiens, *Nolite, inquit, dare sanctum canibus, nequè mittatis margaritas vestras ante porcos, nè fortè conculcent eas pedibus suis, & conversi disrum- pant vos.*

Liquet igitur ex his omnibus, quàm fallacibus futilibusque argumentis nitantur ii, qui in prioribus tribus Ecclesiæ sæculis fuisse negant sacra ædificia, quæ à Coemeteriis Cryptisque distincta publicè à Fidelibus adirentur, & sæpè numero Ecclesiæ vocitarentur. Quæ cum propugnare, & asserere propositum mihi fuerit ab ini-

tio dissertationis, id affecutus jam tandem videor, tot Patrum sanctissimorum suffragiis, tot probatissimorum Scriptorum testimoniis, ipsâ denique veritate, quâ nihil firmitus, & nihil potentius. Ideoque uti diutius in his immorari supervacaneum esset, sic ad alia calamum promovere opportunum, ac plurima meditati necessarium existimo.

C A P U T XVIII.

*Ecclesiarum Elenchus, in tribus primis
Ecclesiæ sæculis per universum
terrarum Orbem à Fidelibus
constructarum.*

AD præcedentis dissertationis fidem, firmitatemque plurimum conducebat, si è gravibus variisque Scriptorum monumentis excerptam, seriem apposuisssem Ecclesiarum, quæ prioribus tribus à Christo nato sæculis, in præcipuis Orbis terræ regionibus vel excitatæ à fundamentis fuere, vel ex locis usu & habitatione profanis, in sacras ædes conversæ. Verùm cum ea sit Scepticorum (quorum hoc tempore maxima copia est) mens & ingenium, ut omnia vel audacter negent, vel si mitissimè agunt, dubiâ lance suspendant; diù multumque hæsitavi, an pabulum pertinaci impudentiæ proponerem, & altercandi cum ipsis onus subirem; quorum utrumque evitaturus, omittere hanc narrationem consultissimum esse ducebam. Attamen nè piè credentibus fraudem, & præjudicium afferrem, quaquà eis fides habenda sit minimè sollicitus, templa illa servatâ chronologiâ recensebo. Multa mihi

Ughel-

Ughellius in sua *Italia sacra*, Fratresque Sammarthani in *Gallia Christiana*, multa item Rocchus Pyrrhus in *Sicilia Sacra*, alique Scriptores, plurima denique suffecit Eysengreineus, qui luculentum Tractatum edidit in centenariis, *De persecutionibus & exaltationibus Ecclesiarum Christiani Orbis*: ipse tamen non pauca desumpsit ex Petro de Natali, quem uti simplicem, credulumque nonnulli derident. Illos igitur adeant oculi severiores, dubiæque mentes, cum illis tota lis totumque negotium sit, in eisdem scrutandis librandisque tempus iterant, quibus Deus hæc otia fecit: cum mihi moles rerum quâ premor, vix carpere quæ hîc subjicio, nedum critico examine expendere, atque rimari permittat.

Anno Christi 33.

Hierosolymis ad montem Sion, in domo S. Joannis Evangelistæ prima Christi Fidelium Ecclesia fundata est, ubi & Princeps Apostolorum B. Petrus incruentum Missæ sacrificium celebravit. Hefychius Presb. Hierosolym. Actor. cap. 2. & 23. Beda ibidem, & Joannes Cassianus eodem anno.

Anno 34.

Item domus B. Mariæ Magdalænæ in templum versa est. Bergomensis *De claris Mulier*. cap. 17. Egesippus, quem citat ipse Bergomensis, in *Chron.* lib. 8.

Anno 36.

Tiberio imperante, in Asia B. Philippus Apostolus multas crexit Basilicas, & Sacerdotes ad divina munia obeunda constituit. Metaphrastes in *Vita ejusdem* sub die 14. Novembris: Nicephorus lib. 3. cap. 39.

Par. I.

Anno 37.

Antiochiæ Theophilus civis magni nominis, domum suam Apostolorum Principi tradidit, ut eam in Ecclesiam consecraret. Ex Clemente *Recogn.* lib. 10. & Petro de Natali lib. 3. cap. 140.

Anno eodem.

Apud Scythas præcitatus S. Philippus Apostolus plura templa construxit, multosque Episcopos, Presbyteros, atque alios Cleri ordines instituit. Metaphrastes in ejusdem Vita.

Anno eodem.

Compostellæ, Lupa Hispaniæ Regina ex palatio, quod inhabitarat, templum miro opere fabrefactum composuit, quod S. Jacobo Zebedæo sacravit. Antonin. par. 1. tit. 6. c. 7. Petrus de Natali lib. 6. c. 133. Mantuanus in *Fastis* lib. 7.

Eodem Anno.

Erecta fuit Cæsaraugustana Basilica, & in honorem Deiparæ consecrata. Jo: Baptista de Lezana in sua *Turri Davidica* cap. 5. num. 346. Incoff. in Epist. Beatæ Mariæ Virginis ad *Messanenses* notit. 7. Joannes Baptista de Grossi. in *Catania Sacra* chord. 2. modulam. 1. pag. 18.

Anno 44.

Matrona quædam Christiana Gallicana, apud Vasatensem urbem, memoriæ S. Joannis Baptistæ Ecclesiam dicavit. Gregorius Turonensis in lib. *Flor. plur. Martyr.* edito sub Vita Joannis Baptistæ.

Tempore D. Petri.

Cataniæ apud Ætnam Pantheon, quod ibi ædificarat populi idololatria, in sacrum templum conversum fuit ab ipso Apostolorum Principe, ac Deiparæ venerationi dicatum, ut ex

antiquissima traditione fusè probat Joannes Baptista de Gross. in sua *Catania Sacra*, Chord. 2. modulam. 1. in verbo *Pantheon*, pag. 13. *De Cataniensi decachorda*. Idem pag. 18. fretus auctoritate Hieronymi Oforii Algabrien. Episcopi lib. 1. *De Rebus Emmanuelis Regis Lusitaniæ* asserit, Cangranensem, unum ex Regibus, qui Christum Dei filium in præsepio adorerunt, reversum in regionem suam, templum anno circiter tertio Beatæ Virgini Mariæ erexisse; ac in Æthiopia anno 4. Reginam Candacem eidem B. Virgini adhuc viventi aliud templum excitasse.

Anno 45.

Romæ B. Petrus primam Ecclesiam condidit, quam Kal. Augusti consecravit, ibique synaxes, & sacra solemnities celebravit. Beda sub Kal. Augusti. Metaphr. in *Petro*. De prima Romæ à D. Petro dedicata Ecclesia, texuit dissertationem Franciscus Maria Florentinus in suo *Martyrologio*, ad diem primam Augusti.

Anno 46.

In Civitate Lucensi Paulinus Antiochenus, Beati Petri alumnus, templum Sanctissimæ Triadi dedicavit. Ughellius tom. 1. pag. 840. Item alia sex templa extruxit, quorum Ughellius non meminit; sed videndus Cæsar Franciottus in *Catalogo de Ecclesiis Lucensibus*.

Anno eodem.

S. Martialis Lemovicensem Ecclesiam sub titulo S. Protomartyris Stephani erexit, & in ea sedem Pastorem posuit. Beda pridie Kal. Julii: Petrus de Natali lib. 6. cap. 29. Antoninus par. 1. tit. 6. cap. 25. § 2.

Anno eodem circiter.

In Urbe Papiensi Syrus Galilæus, B. Petri discipulus, & ab eo in Episcopum Papiæ ordinatus, in honorem Deiparæ Virginis, ipsiusque B. Petri templum sacravit; aliudque SS. Martyribus Gervasio & Prothasio. Ex Ughellio to. 1. post pag. 1129. pag. 3. num. 1.

Anno 47.

S. Martialis, ex LXX. Domini discipulis, Ecclesiam Cathedralem Bituricensem sub nomine ac titulo Beati Protomartyris Stephani erexit, & in ea Sedem Episcopalem locavit. Antonius Monchiac. Demochar. lib. 2. *De Missa contra Calvinum* cap. 25.

Eodem Anno.

S. Martialis Ecclesiam Burdigalensem in honorem S. Stephani Protomartyris, & S. Andreæ Apostoli consecravit, ac Episcopalem Sedem in ea statuit. Antonius Monchiac. Demochar. lib. 2. *De Missa contra Calvinum* cap. 25.

Eodem Anno.

Apud Burdigalenses S. Martialis altare, seu oratorium Deiparæ Virgini dicatum erexit. Antoninus par. 1. tit. 6. cap. 25. § 2.

Eodem Anno.

Defensor, Cenomanicæ urbis Princeps, ex domo sua privata templum opere inclytum ædificavit. Antoninus par. 1. tit. 6. cap. 25. § 4. Petrus de Natali lib. 3. cap. 35.

Eodem Anno.

Apud Urbem Aquensem multæ Ecclesiæ fundatæ fuerunt. Antoninus par. 1. tit. 6. cap. 19. Petrus de Natali lib. 6. cap. 124.

Eodem Anno.

Massiliæ Principem quamplures in sua

fua provincia Ecclefias à fundamentis excitaffe , refert Antoninus par. 1. tit. 6. cap. 19. § 1.

Eodem Anno .

Sanctus Martialis templum Cathedralè Angenenfe fub nomine B. Stephani Protomartyris condidit . Demochar. lib. 2. cap. 25.

Eodem Anno .

Idem B. Martialis ut templum Beato Petro dicatum affurgeret , operam impendit . Demochar. lib. 2. cap. 25.

Eodem Anno .

Item Sanctus Martialis Ecclefiam Arvernā in honorem Dei , & Deiparæ Virginis extruxit . Demochar. lib. 2. cap. 25.

Eodem Anno .

Tholofana Cathedralis fub titulo S. Protomartyris Stephani enituit , quam prædictus S. Martialis fundavit . Demochar. ubi fupra .

Anno 48.

Mantuani ad fidem Chrifti confluentes , primum templum Deiparæ Virgini extra Urbis mœnia confecrarunt : intraque mœnia vigintiquatuor ftatuendas Ecclefias in honorem ejusdem curarunt . Ughellius tom. 1. pag. 926. *Italia Sacra* .

Eodem Anno .

Paduæ Rex Vitalianus S. Sophiæ templum erexit , in quo Presbyteros , & Clerum instituit : Profdocimus verò Epifcopus præfuit . Petrus de Natali lib. 10. cap. 33.

Eodem Anno .

Discipuli S. Marci Evangeliftæ in iis locis , quæ Alexandriæ *Bubulci* nomen acceperunt , Ecclefiam fibi ædificarunt vivente adhuc Magiftro . Metaphr. in vita S. Marci Evangeliftæ : Procopius Diaconus , & Cartophylax

de Marco Evangelifta in Mataphr. Eodem Anno .

Leocadius Galliarum Senator , de profapia Vetii Epagati , domum fuam in Ecclefiam convertit , quæ poftea Primas apud Bituriges nafta fuit , facris reliquiis Protomartyris Stephani illustrata . Gregorius Turonenfis Hift. lib. 1.

Anno 51.

In civitate Altina S. Profdocimi operâ constructæ fuerunt Ecclefiae , Clerusque compofitus , & ordinatus . Petrus de Natali lib. 10. cap. 33.

Eodem Anno .

Sanctus Clemens Epifcopus Metenfis , plures in urbe fua Basilicas construxit , Clerumque diverfis gradibus insignitum ordinavit . Antoninus par. 1. tit. 6. cap. 26. Petrus de Natali lib. 10. cap. 13.

Anno 52.

In Afylo Caftro idem S. Profdocimus templum Virgini Deiparæ dedicavit . Petrus de Natali eodem lib. 10. cap. 33.

Anno 54.

B. Eucherius Treviris , ex domo Albanæ cujufdam Senatricis , templum Divo Joanni Evangeliftæ facrum constituit . *Annales Trevirenfes* .

Eodem Anno .

S. Maternus , Divi Petri difcipulus , non procul à Mofshaim templum fundavit , quod vulgari titulo *Dhompierter* nuncupari folet . *Annales Argentoratenses* . Wolfgang. *De Vitis Præful. Nemetorcen* . Michael Buoching. in *Ecclef. Hiftor* .

Anno 55.

Apud Colonienfes idem B. Maternus templum Principi Apoftolorum extra Urbis mœnia dicari curavit .

An-

*Annales Colonienſes. Wolfgang. de Vi-
tis Præſul. Nemetorcen.*

Eodem Anno.

Idem S. Maternus aliud templum condidit Deiparæ ſacrum, quod nunc Beatæ Cæcilie nomen obtinet. Auctores qui ſupra.

Eodem Anno.

Apud Hieropolim Syriæ S. Matheus Apoſtolus conſtruxit Eccleſiam, Clerumque diſpoſuit. Metaphr. in *Vita Beati Matthæi*, ſub die 16. Novembris.

Anno 56.

S. Savinianus, unus ex ſeptuaginta diſcipulis, Populo Senonenſi perſuaſit, ut in ſua Urbe tres conſtrueret Eccleſias, unam ſcilicet B. Mariæ Virgini, alteram S. Joanni Baptiſtæ, ac tertiam D. Stephano Protomartyri.

Eodem Anno.

S. Xyſtus, Principis Apoſtolorum diſcipulus, in urbe Remenſi mirificum templum ædificavit. Demochar. lib. 2. cap. 14.

Anno 58.

S. Mennius, B. Petri diſcipulus, apud Diovantum ædem Divo Stephano Protomartyri conſecravit. Joannes Placent. Trudonen. in *Episcopis Tungrenſibus*: Demochares lib. 2. cap. 25.

Anno 60.

Apud Hunnos ad montis umbraculum, quem Moſa alluit, S. Maternus ædem Deiparæ Virgini ſacram ædificavit. Joannes Placent. Trudonen. in *Episcopis Leodiensibus*. Antonius Monchiac. Demochar. lib. 2. *contra Calvin.* cap. 37.

Eodem Anno.

In urbe Carnotenſi SS. Savinianus, Potentianus, & Adventinus Eccleſiam in honorem Beatiffimæ Virginis

Mariæ erexerunt. Demochar. lib. 2. cap. 18.

Eodem Anno.

S. Martialis in Civitate Lemovicenſi Eccleſias in cultum Salvatoris, & B. Mariæ Virginis, necnon in honorem SS. Apoſtolorum Petri & Andreæ, ac in memoriam B. Stephani Protomartyris condidit. Antoninus par. 1. tit. 6. cap. 25. § 2. Petrus de Natali lib. 6. cap. 29.

Anno 60.

Puteolis S. Celfus Eccleſiam erexit, ubi ſacræ ejus exuvie humatæ fuerunt: & hæc Eccleſia hodie eſt Monialium S. Franciſci. Ughell. to. 6. pag. 217. num. 2. Vide Ferrar. in *Catalogo*, qui ait in Puteolano territorio adeſſe Eccleſiam, quæ S. Patielli nuncupatur, ubi S. Celfus à S. Petro Apoſtolo conſecratus fuit Epiſcopus.

Anno 61.

Syrus Hermagoræ Aquilejenſis Antiſtitis diſcipulus, Papiæ templum fundavit, & ſedem obtinuit Epiſcopalem. Beda pridie Idus Septembris: Petrus de Natali lib. 1. cap. 50. & lib. 8. cap. 68. Bergomenſis *Chron.* lib. 8. Ughellius in *Episc. Papienſ.*

Anno 62.

Treviris B. Nazarii operâ magnificæ ſtructuræ templum fuit excitatum. Antoninus par. 1. tit. 6. cap. 2. Petrus de Natali lib. 6. cap. 147.

Anno 63.

S. Marcus S. Petri diſcipulus, ejuſdem memoriæ templum dicavit, in quo & ipſe fuit tumulatus. Ughellius tom. 6. pag. 512. Annos octo poſt ejus martyrium, uxor cujuſdam Palatiani, ab ipſo inſtructa de doctrina Evangelica, templum quod Jovis dicebatur, memoriæ ſui Præceptoris addi-

xit,

xit. Ughell. tom. 6. pag. 513. *Chron. Atinen.*

Anno 64.

Stephanus Dux Aquitaniæ in urbe Lemovicensi templum S. Valeriæ sacrum erexit. Antoninus par. 1. tit. 6. cap. 25. § 2. Petrus de Natali lib. 6.

Anno 65.

In civitate Remensi Vir quidam, acceptis Reliquiis SS. Martyrum Timothei, & Apollinaris, in eorundem titulum Basilicam statuit. Gregorius Turonensis in lib. *Glor. plur. Martyr.* cap. 62.

Eodem Anno.

Syrus Episcopus Papiæ, acceptis SS. Gervasii & Protasii reliquiis à Liberio quodam Christiano, in memoriam eorundem Martyrum extra urbis mœnia templum condidit structurâ magnificum, in quo sæpiùs incruentam Hostiam obtulit. Petrus de Natali lib. 1. cap. 50.

Anno 66.

Sancti Simeon & Judas Apostoli in Perside plures Ecclesias fabricaverunt, diversosque Cleri gradus instituerunt. Abdias Babylonius *Certam. Apostol.* lib. 4. Antoninus par. 1. tit. 6. cap. 14. Petrus de Natali lib. 9. c. 115.

Eodem Anno.

In Thebaidæ Africæ a Sancto Luca Evangelista multæ ædificatæ fuerunt Ecclesiæ, tum Presbyteri, Diaconi que consecrati. Metaphr. *in vita ejusdem B. Lucæ.*

Anno 68.

In urbe Natoober S. Matthæus Apostolus & Evangelista, ex auro atque argento, à populo sibi oblato, Ecclesiam construxit sub nomine Resurrectionis Christi: tum Presbyteros, Clerumque ordinavit. Abdias

Babylon. *Certam. Apostol.* lib. 7. Antoninus par. 1. tit. 6. cap. 13. Petrus de Natali lib. 8. cap. 100.

Anno 69.

Sanctus Dionysius Areopagita, Sancti Pauli Apostoli discipulus, multa per Gallias templa construxit.

Eodem Anno.

S. Hermagoras, S. Marci Evangelistæ discipulus, & totius Venetæ Republicæ Protopræsul, sepultis in domo Valentiniani sub marmoreis monumentis SS. Virginibus Euphemiâ, Dorotheâ, Theclâ, & Erasimâ, ædes ipsas earundem memoriæ consecravit; tum altare sacrosancto mysterio celebrando construxit, cui omnes suas facultates Valentinianus obtulit. Petrus de Natali lib. 8. cap. 29.

Eodem Anno.

In urbe Tarvisia S. Prosdocimus, Principis Apostolorum discipulus, & Paduæ Præsul, in honorem magistri sui Ecclesiam erexit. Petrus de Natali lib. 10. cap. 33.

Anno 70.

Parisiis supradictus Sanctus Dionysius Ecclesias fabricavit, Clerumque instituit. Antoninus par. 1. tit. 6. c. 28. Petrus de Natali lib. 9. cap. 41.

Eodem Anno.

Celerina Hispaniæ Regina, ærarii sui sumptibus elegantissimum templum supra corpus S. Torpetii erexit. Ado Trevirensis, & Beda 16. Kal. Junii: Petrus de Natali lib. 5. cap. 8.

Anno 72.

S. Paulus Sergius, Doctoris gentium discipulus, & Episcopus Narbonensis, cum Rufo & Stephano Diaconis, in memoriam Beati Petri Apostoli Ecclesiam ædificavit. Petrus de Natali lib. 11. cap. 60.

For

Eodem Anno.

S. Dionysius Areopagita inter alias Parisienses Ecclesias, tria à fundamentis excitavit Oratoria, quorum primum Triadi Sacrosanctæ addixit eo loci, qui nunc dicitur S. Benedicti; quemadmodum indicant fenestras vitreas hæctenus perductas in Sacello S. Nicolai ejusdem templi, ubi hæc leguntur: *In hoc Sacello S. Dionysius cepit invocare nomen Sanctissimæ Trinitatis*. Secundum Oratorium Deiparæ Virgini consecravit, contrito Mercurii simulacro, quod ibi Gentiles colebant. Tertium verò in memoriam B. Stephani Protomartyris statuit. Demochar. lib. 2. cap. 18.

Anno 77.

Primitivæ Ecclesiæ Protonotarii in vita B. Clementis Pontificis tradunt, septuaginta quinque Ecclesias ab ipso in Chersona excitatas. Petrus de Natali lib. 10. cap. 98. Metaphrast. in *Vita Clementis*: Antoninus par. 1. tit. 7. cap. 2. § 2.

Anno 80.

B. Joanni Apostolo, in vivis adhuc agenti, Ephesi sacratum fuisse templum memorat Abdias Babylonius *Certam. Apostol.* lib. 5.

Anno 81.

Opilius Paduæ Patritius, supra corpus S. Justinæ Virginis templum extruxit, quod simul cum oratorio Beatus Prosdocus, ejusdem civitatis Pontifex, consecravit. Petrus de Natali lib. 10. cap. 33.

Anno 90.

Mediolani S. Crastitius Oldanus, post ruinas, quas Domitianus Imperator Christianis templis intulerat, eadem templa reedificavit, & nova etiam excitanda curavit. Ughell. to. 4. fol. 56. num. 4.

Anno 96.

S. Dionysius Areopagita, Parisiensis Episcopus, Ecclesiam in urbe Arelatensi erexit, quam SS. Apostolis Petro & Paulo dicavit. Antoninus par. 1. tit. 6. cap. 28. § 2. Petrus de Natali lib. 4. cap. 15.

Anno 97.

Apud Trajectum prædictus B. Maternus Oratorium in via publica Christo Salvatori erexit. Joannes Placent. Trudonen. in *Episcopis Leodien.* Antonius Monchiac. Demochar. lib. 2. contra Calvinum cap. 37.

Anno 98.

Apud Tungros idem B. Maternus Deiparæ Virgini Ecclesiam construxit. Auctoribus iis qui supra.

Anno 100.

Ravennæ templum à Fidelibus fuit erectum memoriæ Sancti Aderitii secundi Episcopi. Ughell. tom. 2. pag. 327. num. 2.

Anno circiter 103.

Mutinæ, Cletus primus Episcopus, expiato Jovis templo, illud Principi Apostolorum consecravit. Ughellius tom. 2. pag. 90.

Anno 120.

Crotonienses ædificarunt Sacellum, quod S. Dionysio Areopagitæ dicarunt; & in eo sacrum Virginis Deiparæ simulacrum posuerunt. Ughell. tom. 9. num. 1.

Anno 175.

Propè Perusiam templum aderat à Christianis extructum, & Constantio ejusdem urbis Antistiti sacrum.

Anno 188.

Mediolani S. Monas urbem in Parochias secevit, ac centum quindecim, pluresque Ecclesias construxit, inrer quas insignem Basilicam B. Petri Apo-

Apostoli, cujus meminere Galestinus, Galvanus, Trifstanus, Calchus. Vide Ughell. tom. 4. pag. 58.

Anno 189.

Fulginei, post Idololatriæ subversionem, surrexit Basilica Palatina, à Feliciano Episcopo in honorem D. Joannis Baptistæ sacrata. Ughell. tom. 1. num. 4. circa finem.

Anno 204.

Syraculis Eutychnus Præful Oratorium B. Andreæ Apostolo extruxit, & consecravit. Rocchus Pyrrhus *Siciliæ Sacræ* tom. 2. pag. 124. § *Eutychnus*, num. 16. ubi citat Schobar.

Anno 250.

Mantux duo templa BB. Apostolis Petro & Paulo populus excitavit, quorum illud D. Petri Ecclesia Cathedralis evasit. Ughell. tom. 1. pag. 926.

Anno 254.

Propè Fulgineum, templum Beatis Heraclio & Mauro Martyribus dicatum fuit, ibique Castellum Heraclium constructum, quod hodie fracto etymo vulgus *Rachium* appellat. Ughell. tom. 1. pag. 734. num. 5.

Anno 270.

Zama in vicis Bononiæ sedem fixit Episcopalem, ubi in obsequium B. Petri parvum sacellum extruxit, in quo ipse, ac ejus successor Faustinus sepulti fuere. Ughell. tom. 2. pag. 8. lit. B. num. 2.

Anno 273.

Interamnæ à discipulis S. Valentinii templum fundatum fuit. Ughell. tom. 1. pag. 810.

Anno 275.

Haud procul à Sora, pietas Fideium erexit templum in honorem Sanctæ Restitutæ Virginis & Martyris. Ughellius tom. 1. pag. 156. num. 1.

Par. I.

C A P U T XIX.

De formis Sepulchrorum tam apud Ethnicos, quàm apud Hebræos, & antiquos Christi Fideles: de memoriis Martyrum, seu Martyriis, aut Confessionibus, vel Ciboriis: necnon de Basiliculis.

MULTAS hucusque congestimus cum sacrorum, tum profanorum ædificiorum notitias, in quibus homines hujus mundi viatores congregari consuetum fuit. At de sepulchris, in quibus iidem expleto viæ, vitæque termino coadunantur, cum nè verbum quidem facerimus, atque illa quoque sub sacras Ecclesiæ veteris memorias, ut partes, ac membra veniant, peculiari hoc capite de eisdem differere constituimus.

Sed ut rem altiùs ordiamur, & exequamur uberius, animadvertere oportet, finitimæ cujusque nationis, ac populi genium esse, ritus ac mores ad invicem mutuare, suisque tenaci insitione copulare, itaut inde temporis lapsu divelli, ac rescindi minimè possint. Hoc autem si cui gentium, in usu maximè fuit Christianis, utpote qui ab Ethnicis non interjectis fluviorum alveis divisi, vel vasto montium, aut maris tractu sejuncti, sed in urbibus eorundem, ac domibus promiscuè degebant. Quæ ut manu unusquisque tangat, præter ea quæ sparsim huic Operi ad idem probandum inserta sunt, nonnulla subjiciemus ex iis, quæ licèt improba, ac superstitiosa, primævi Christi Fideles à Gentilibus usurparunt, & sua effecerunt.

Primum sit de Kalendis Januariis, de quibus Albinus Flaccus, sive Al-

X

cuius

cuius de Divinis Officiis sic scripsit: Hæ Kalendæ secundum dementiam Gentilium, potius dicendæ sunt cavendæ; ea siquidem tempestate (quando Iudices præerant filiis Israel, hoc est ante Samsonem) fuit in Italia quidam Princeps Gentilium nomine Janus, à quo Januarius mensis postea nuncupatus est. Hunc verò Janum imperiti homines, qui Deum non cognoscebant, quasi Regem metuebant, & pro Deo illum colere cœperunt, duasque facies illi figurare propter Orientem & Occidentem: necnon & quadrifrontem appellare, idest Janum, geminum, propter quatuor partes, seu elementa quatuor, aut tempora quatuor; sed cum hoc facerent, formabant potius monstrum, quàm Deum. Unde Numæ post Romulum, hunc esse primum mensem anni voluit, tanquam bicipitis Dei mensem, respicientem ac prospicientem transacti anni finem, futuriq; initium, & Januarium vocatum, eo quod sit limex & Janua anni. Unde imperiti homines veluti Deum colentes, diem ipsum multis spurcitiis sacraverunt: quidam mutabant se in species monstrosas, in ferarumque habitus transformabant: alii in femineo gestu mutati, virilem vultum effeminabant; nec immeritò virilem fortitudinem non habent, qui in mulieris habitum transierunt: aliqui fanaticis auguriis profanabantur, perstrepebant saltando pedibus, tripudiando plausibus: nonnulli ita auguria observabant, ut focum de domo sua, vel aliud quodcunque beneficium, cuiquam petenti minimè tribuerent. Diabolicas etiã sternas & ab aliis accipiebant, & ipsi aliis tradebant; necnon etiã mensulas plenas ad manducandum tota nocte paratas habebant, credentes quod Kalendæ Januarii per totum annum præstare possent. Et quia

his, & aliis miseriis mundus universus repletus erat, statuit universalis Ecclesia Jejunium publicum in isto die fieri, quatenus his calamitatibus auctor vitæ finem imponeret. Sed quia Domino largiente hæc à Fide libus pro nihilo habentur, licet quantulæcunque similitudines (quod absit) adhuc lateant in feris hominibus, omni tamen conamine prohibendæ sunt, atque pellendæ: nequè enim aliud quidquam novi in istiusmodi Kalendis præsumendum est, nisi quod & in aliis Kalendis mensium, excepto quod octavæ Dominicæ cum eximio cultu celebrentur, ut supra præfixum est. Sed nequè illud reticendum, quod dum quadam die hæc superstitiones Diabolicæ Romæ agerentur, quidam S. Almachius cum diceret: hodie octavæ diei Dominicæ sunt, cessate ab his superstitionibus Idolorum, & sacrificiis pollutis: jubente Alypsio Urbis Præfecto hac de causa interfectus est.

Hoc idem antè Alcuinum dixerat Isidorus Episcopus Hispalensis De Ecclesiasticis officiis lib. 1. cap. 10. Jejunium (ait) Kalendarum Januariarum propter errorem Gentilitatis instituit Ecclesia. Janus enim quidam Princeps Paganorum fuit, à quo nomen mensis Januarii nuncupatur, quem imperiti homines veluti Deum colentes, in religionem honoris posteris tradiderunt, diemque ipsum scenisque & luxuriæ sacraverunt. Tunc enim miseri homines, & quod pejus est, etiam Fideles, sumentes species monstrosas in ferarum habitum transformantur: alii femineo gestu demutati, virilem vultum effeminant: nonnulli etiam de fanatica adhuc consuetudine, quibusdam ipso die observationum auguriis profanantur; perstrepunt omnia saltantium pedibus, tripudiantium plausibus; & quod his turpius est nefas, nexis inter

inter se utriusque sexus choris, inops animi, furens vino turba miscetur. Proinde ergo SS. Patres considerantes, maximam partem generis humani eodem die, hujusmodi sacrilegiis, ac luxuriis insidere, statuerunt in universo mundo per omnes Ecclesias publicum Jejunium, per quod agnoscerent homines, in tantum se prava agere, ut pro eorum peccatis necesse sit omnibus Ecclesiis jejunare.

Secundùm sit De Festivitate Purificationis B. MARIE Virginis, in qua ritum candelas distribuendi, accensasque deferendi, fluxisse à Gentilibus demonstrat Menardus in notis ad librum *Sacrament. S. Gregorii*, ad hunc eundem diem, sequentibus verbis. *In eo festo fiunt cum cereis ardentibus rogationes, seu processiones ex satis antiquo more, seu superstitione veteri, quò Romani hoc mense in honorem Februi Dei, idest Plutonis, cum cereis ardentibus lustrabant Urbem, in piam ac sanctam mutatam religionem; siquidem harum mentionem facit Sanctus Hidelphonsus, qui floruit anno 644. Sermone supracitato. Agitur hæc festivitas mense Februario, quem Romani adhuc Pagani à Februo, idest Plutone, sic vocaverunt &c. Quam lustrandi consuetudinem congruè, & religiosè Christiana mutavit consuetudo, cum eodem mense, hoc est hodierna die, in honorem Sanctæ Dei Genitricis, & perpetuæ Virginis Mariæ, non solum Clerus, sed omnis plebs, Ecclesiarum loca cum cereis & diversis hymnis lustrantes circumveant. Idem scribit S. Eligius Homil. 2. Nunc igitur vanæ superstitionis errorem pulchrè Christiana devotio ad veram convertit religionem, cum jam non post quinquennium, nec ut olim circa finem mensis Februarii, una lustratur Civitas Romana ad honorem Februi, qui*
Par.I.

falsò lustrationum, idest purgationum, potens putabatur, & Deus Infernorum, & ob dignitatem ejus, quæ jam cessavit, terreni Romanorum Imperii: sed per singulos annos circa initium ejusdem mensis universa Dei Civitas, sancta videlicet Ecclesia illustratur: Fidei lumen, quod filiorum suorum fulget in cordibus, designans cereorum lumine, quod eorundem gestatur manibus.

Pauca hæc ex multis quæ afferri possent, exempla selegi, fidem huic assertioni facturum, videlicet quod ab Ethnicis olim Christiani, ac proinde quælibet gens, sive natio à finitima conterminaque natione mores quosdam didicerit, & constantissimè fuerit imitata. Si plura cupis, adi Cardinalem Baronium ad ann. 44. nu. 80. qui mirum in modum meam hanc sententiam confirmat. Sed ut promissum de Sepulchris sermonem prosequar, ab Ægyptiis incipiam, qui & Gentiles, & antiquissimi sunt. Ii mortuorum Sepulchra tres in species dividere juxta defuncti dignitatem consueverunt, nempe in sumptuosa, mediocria, & humilia. Sumptuosa ea erant, quæ pro Regibus, & Magnatibus attollebantur, ut Mausolea & Pyramides. Mediocria, quæ pro mediocribus, ut Coemeteria, sive Cryptæ in vivo alabastro excisæ, variis concamerationibus discriminatæ, multipliciumque viarum ambagibus adeò intricatæ, ut labyrinthus videri possent: tum arcæ in eisdem marmoreæ, sive sarcophagi, in quibus cadavera condebantur. Ab humilibus autem, cum ego brevitati maximè studeam, & illa ad meum institutum non spectent, libentissimè declinabo.

Porro quale fuerit primum Mausoleum,

leum, Plinius lib. 36. cap. 5. docet his verbis : *Mausoleum sepulchrum est ab uxore Artemisia factum Mausolo Carie Regulo, qui obiit Olympiadis centesimæ anno 2. Opus id ut esset inter septem miracula, ii maximè artifices fecere. Paret ab Austro & Septentrione sexagenos ternos pedes, brevius à frontibus, toto circuitu pedes quadringentos undecim: attollitur in altitudinem viginti quinque cubitis: cingitur columnis triginta sex. Ab Oriente calavit Scopas, à Septentrione Bryaxis, à Meridie Timotheus, ab Occasu Leochares: priusque quam peragerent, Regina Artemisia, quæ mariti memoriæ id opus extrui jusserat, obiit. Non tamen recesserunt nisi absoluto jam, id gloriæ ipsorum, artisque monumentum judicantes; hodieque certant manus. Accessit & quintus artifex: nanque supra pteron pyramis altitudine inferiorem æquavit, viginti quatuor gradibus in metæ cacumen se contrahens. In summo est quadriga marmorea, quam fecit Pythis. Hæc adjecta centum quadraginta pedum altitudine totum opus includit. Ab hac magnificentissima fabrica cæteræ, parùm absimilem præferentes magnificentiam, nomen sumpserunt.*

Mausoleorum æmulatrices fuere Pyramides, quarum figura quadrata erat, & ab amplissima basi desinens in acumen. Illarum nonnullas conspici adhuc in Ægypto tradit Joannes Nardius in suis comment. ad Lucretium *De rerum natura*, ubi in fine agit de funeribus Ægyptiorum; quarum Pyramidum occasione nonnullorum sepulchrorum adhuc Memphi extantium orthographiam affert, quam delineari imperavit cl. me: Ferdinandus II. Magnus Hetruriæ Dux, liberalium Studiorum, ac Artium promotor, il-

lamque nos in Tab. XXXVIII. exhibemus, ubi litera

A. Memphim, sive Alcayrum, vulgò Cairo, denotat.

B. Babylonis antiquæ parietinas.

C. Nilum ab Austro in Boream præterfluentem.

D. Lapidem cælatum, qui ad putei, sive ostii operculum inservit.

E. Viam, per quam in cameram subterraneam descenditur.

F. Arcam lapideam, hieroglyphicis sculptam, alterius lignæ custodem.

G. Arca, quæ visenda exponitur, cum simulacro stante, & Diis tutelaribus.

Tanta verò arte, ac tam ampla mole surgebant hæc ædificia, ut Martialis in Epig. 1. de Amphit. miraculo proxima reputaverit, ibi:

Barbara Pyramidum sileat miracula Memphis.

Et inferiùs:

Aere non vacuo pendentia Mausolea. Ea verò erigere Regibus fato functis Ægyptios consuevisse docemur à Lucio Floro lib. 4. cap. 11. cùm de Cleopatra Ægypti Regina ita loquitur: *in Mausoleum (sepulchra Regum sic vocant) recipit.* Idem testatur Lucanus lib. 8. de Ptolemæis (sic Ægyptii suos Reges appellabant, ut olim Pharaones) hæc scribens:

Et Regum cineres extructo monte quiescant:

Cùm Ptolemæorum manes, seriemque pudendam

Pyramides claudant, indignaque Mausolea.

Confirmat hæc Servius in undecimo Æneid. additque unde hæc defluerit consuetudo regalibus cadaveribus moles imponendi: *Apud majores* (in-

TAB XXXVIII





Fig. 2.




Fig. 1.

TAB XXXIX




Fig. 4.



Fig. 3.




Fig. 6.




Fig. 5.





Fig. 8.



Fig. 7.



(inquit) *Nobiles aut montibus altis, aut in ipsis montibus sepeliebantur: unde natum est, ut supra cadauera Pyramides fierent, aut ingentes collocarentur columnæ: de quibus infra.*

Huc usque breviter demonstravimus morem Ægyptiorum tam sumptuosa sepulchra excitandi: modò ad Hebræos descendamus, quos tanquam Ægyptiis finitimos, ritus Ægyptiacos in multis æmulatos fuisse ostendemus. Et primò quod ipsi quoquè Mausolea ædificaverint, testis est Sacra Scriptura 2. Paralip. 35. 23. ubi de sepulchro Josiæ sic: *Et asportaverunt eum (nempe Josiam) in Hierusalem, mortuusque est, & sepultus in Mausoleo patrum suorum.* Item Machabæorum cap. 13. 27. tumulus alter describitur magnificentissimus, quem Simon parentibus, fratribusque suis erexit, ibi: *Et ædificavit Simon super sepulchrum patris sui, & fratrum suorum ædificium altum visu, lapide polito retro & ante; & statuit septem pyramides, unam contra unam, patri & matri, & quatuor fratribus, & his circumposuit columnas magnas, & super columnas arma ad memoriam æternam, & juxta arma naves sculptas, quæ viderentur ab omnibus navigantibus mare: hoc est sepulchrum quod fecit in Modin usque in hunc diem.* Similiter Joseph de Bell. Jud. lib. 13. cap. 19. & lib. 10. cap. 14. scribit, Daniele ædificasse in Ecbatanis Mediæ Mausoleum valde præclarum, & mirabiliter nimis instructum, subdens; *Ejus pulchritudo videtur nova & solida, nullaque senectute tam magni temporis longævitate confecta; cum ædificia eadem, quæ homines patiantur, & ad vetustatem veniant, & sua fortitudine longævitate careant, ac proprii decoris*

amissione marcescant. Manet enim hætenus, & videntibus creditur nuper ædificatum, itaut ea die qua conspicitur, putetur esse constructum: hætenus enim sepeliuntur ibi Medorum Reges, atque Persarum pariter, & Parthorum, & cui hæc cura committitur, Sacerdos est Judæorum. Et hoc fit usque ad præsens tempus.

Alia Hebræorum sumptuosa sepulchra, eorumve emblemata nobis suggerit Joannes Henricus Hottingerus in suis *Cippis Hebraicis*, Latinitate donatis, notisque illustratis; ubi in pagina 32. tumuli Isaiæ Prophetæ, erecti in SARAKA, iconismum apponit, cujus orthographiam damus in Tabula XXXIX. Figura 1. & in eadem pagina sepulchrum alterum Benjamin, quod exhibemus sub Figura 2. Item pagina 30. in eisdem Cippis habetur forma sepulchri Isai Patris Davidis, quam sub Fig. 3. afferimus. Pagina 34. indicat sepulchrum Rachel, cujus emblemata est sub Fig. 4. & pagina 42. sepulchra Regum domus David, ut in Fig. 5. Sequitur in pag. 44. tumulus alius Chuldæ cujusdam Prophetissæ, quem ponimus sub Fig. 6. & in pag. 46. monumentum Zachariæ Prophetæ, cujus exemplar est sub Figura 7. Denique pag. 48. magnificum sepulchrale ædificium Simeonis Justi, & septuaginta Synedrorum designatur, cujus typum videre est sub Fig. 8. Quippe non divitibus solummodò, ac Principibus viris ære privato tumuli excelsiores construebantur, sed & Prophetis, ac viris justis, licet pauperibus, publicis tamen votis ac sumptibus. Quod S. Hieronymus recolens, & expendens hæc Christi Domini verba apud Matthæum cap. 23. 13. *Væ vobis*

vobis Scribæ, & Pharisei hypocritæ, qui ædificatis sepulchra Prophetarum, & ornatis monimenta Justorum, & dicitis, si fuissetis in diebus Patrum nostrorum, non fuissetis socii eorum in sanguine Prophetarum, in ipsos Scribas qui ut bonitatem simularent, ac plebi imponerent, se patribus homicidis dissimiles ostentantes, occisorum sepulchra splendide ornabant, sic invenitur: Si fuissetis in illo tempore, non fecissetis ea, quæ fecerunt patres nostri. Hoc autem etiam si sermone non dicant, opere loquuntur, ex eo quod ambitiosè & magnificè ædificant memorias occisorum, quos à Patribus suis jugulatos non negant.

Hæc splendidiora, ac magnificentiora Hebræorum monumenta fuere: si ulterius curiositati vis indulgere, alias sepulchrorum figuras, ac formas apud eundem Hottingerum exquire. Ad mediocria nunc transeamus.

Hebræi in mediocribus etiam sepulchris Ægyptios imitati, rupes cautesque duriores exenterabant, ut cryptas, & speluncas efficerent, in quibus cadavera conderentur, easque tumbas appellavere; quod plurimis exemplis firmari potest, ex quibus illicò occurrit illud Abrahæ, qui Saræ uxoris suæ cadaver in duplici spelunca, quam emit in Hebron terra Chanaam quadringentis siclis, deposuit composuitque: ubi postea & ipse, & filius ejus Jacob, nepotumque plerique humati sunt, ex Genes. cap. 23. 25. 49. & 50.

Legimus quoque apud eundem Hottingerum pag. 44. (ut alia plurima testimonia omittamus, quibus liquidò constat, speluncas apud Hebræos pro sepulchris fuisse) tam vastæ amplitudinis ad radices montis Oli-

veti speluncam esse Aggæo Prophætæ attributam, ut alias aliasque sinu suo capiat, & amplectatur.

Quem specuum usum pro funerandis corporibus usque ad tempora Christi Domini viguisse, ex Evangelistis comperimus. Constat enim ex Joann. cap. 11. num. 38. Lazari monumentum fuisse speluncam, ibi: *Jesus ergo rursus fremens in semetipso, venit ad monumentum: erat autem spelunca, & lapis superpositus erat ei.* Item cap. 27. narrat, Josephum acceptum Domini corpus involvisse in syndone munda, & posuisse in monumento suo novo, quod exciderat in petra. Confirmat id etiam Marcus cap. 15. ubi corpus Dominicum linteo involutum tradit, & à Josepho in monumento in petra exciso locatum. Item Lucas cap. 23. *Et posuit eum in monumento exciso.* Quod monumentum speluncam appellat Eusebius in *vita Const.* lib. 3. cap. 26. & 28. ubi refert Dominici sepulchri sub Costantino Imperio inventionem, hæc fatetur: *Tunc verò ipsum augustum sanctissimumque Resurrectionis monumentum præter omnium spem resulsit, & spelunca illa, quæ Sancta Sanctorum verè dici potest, in lucem prodiiit.* Percommo- dum quippe erat Hebræis hujusmodi specus in rupibus excavare, præsertim juxta Hierusalem; cum stadiis fermè sexaginta per circuitum ab urbe ea regio saxis aspera sit, montibusque quamplurimis intumescat.

Alia de Judæorum sepulchris exempla libens referrem, si ea mihi Scriptorum copia sufficeret; sed Hebraicam gentem potius ad miseram turpissimamque servitutem, quàm ad bonas artes, & præcipuè literarias, na-
tam

tam esse nimis apertè dignoscimus. Ex his tamen licèt paucis in comper-
to est, Hebræos tum quoad magni-
fica, & sumptuosa, tum quoad alia
inferiora monumenta, ab Ægyptiis
normam duxisse. Superest nunc ut in-
stitutum, ac morem eundem ab illis
ad Græcos, tanquam conterminos &
proximiores, derivatum ostendam;
sed de his pauca inveniuntur, quæ
sepulchrorum magnificentiam respi-
ciant. Pausanias in *veteris Græciæ de-
script.* lib. 2. sic refert: *Ad hunc fermè
modum suorum cada-vera condunt Sicyo-
nii: corpus terra contegunt, deinde lapi-
dea basi extructa columnas erigunt, qui-
bus fastigia, vel (ut Græci vocant)
aquilas imponunt eadem propè specie, qua
sunt templorum culmina.* Et in lib. 9.
sic: *At Lacedemoniis, & Atheniensi-
bus eo prælio peremptis, sui separatim
sunt tumuli, & in illis inscripti Simo-
nidis Elegi. A communi illo monumento
non procul, ara dicata fuit Jovi Eleu-
therio: sepulchrum quidem ex ære factum,
Jovis ara & signum è candido lapide.*
Apud eundem nonnulla alia legimus,
ad sepulchralia Græcorum monu-
menta spectantia, inter quæ Hippo-
lytæ sepulchrum, Amazonici clypei
figuram habens: en ejus verba nu. 40.
*Sepultam verò eo quo diximus loco, &
ejus sanè monumentum Amazonici clypei
formam præsefert.* Rursus lib. 3. nu. 35.
hæc habentur: *Est prætereà Sparte Co-
mitium, quod Varium nuncupant; &
proxima ibi heroica monimenta Cadmi
Agenoris filii, & Oelici Theræ filii po-
sterorum &c.* Ex quibus locis apertè
eruitur, Pausaniam solertissimum
Græcanici Imperii Scriptorem, hu-
milis admodum, ac parùm digna me-
moratu sepulchra invenisse, ut nul-

lum accuratè descripserit. Nec mi-
rum quod nulla tunc temporis formæ
sumptuosioris sepulchra invenerit,
cùm olim in tumulorum ornatu, &
fastu adeò Græci modum excederent,
ut effrænem luxum severa lege cohi-
bere necessum habuerint Athenien-
ses. Ejus legis meminit Cicer. *leg. ii.*
ibi: *Sed post aliquantò propter has am-
plitudines sepulchrorum, quas in Cera-
mico videmus, lege sancitum est, nè
quis sepulchrum faceret operosius, quàm
quod decem homines effecerint triduo; ne-
què id opere tectorio exornari, nec Her-
mas has quas vocant licebat imponi.*

Cùm autem totius Græciæ celeberrima esset urbs Athenarum, ea lex
inde per universam Græciam inva-
luit, nec ultra sepulchrorum splen-
dore, & amplitudine in iis terris pec-
catum est. Cæterùm in prioribus tu-
mulis quantum cum Hebræis Græci
certaverint, licèt ob oculos nulla pro-
ponere argumenta fas sit, ipsum Se-
natûs Consultum eorundem modera-
tionem præcipiens, iisdemque mo-
dum imponens, abundè demonstrat.

Romani tamen, cùm nulla apud
eos lex esset, quæ sepulchrorum or-
natui adversaretur, ritum ædifican-
di Mausolea in Urbem invec-tum,
egregiè ac splendidissimè coluerunt.
Testantur hoc tot miranda ipsius Ur-
bis vetustissima monumenta, ac præ-
cipuè clarissimum illud, & verè ma-
gnificum Octaviani Augusti in Cam-
po Martio, de quo sic in ejusdem Im-
peratoris vita Svetonius: *Reliquias le-
gerunt primores equestris ordinis tuni-
cati & discincti, pedibusque nudis, ac
in Mausoleo condiderunt. Id opus inter
Flaminiam viam, ripamque Tyberis sex-
to suo consulatu extruxerat, circumjectas-
que*

que sylvas, & ambulationes ad usum populi tunc jam publicarat. De eodem sic Cassiodorus: *Sed mundi Dominus ad potentiam suam opus extollens, mirandam etiam in Romanis fabricam in vallem Martiam tetendit Augustus, ut immensa moles firmiter præcincta montibus contineret, ubi magnarum rerum indicia clauderentur; bisseña quippe ostia ad XII. signa posuerunt.* Strabo item lib. 5. *Commemoratione, inquit, dignissimum est, quod Mausoleum appellant, in excelsis fundatum molibus, lapide niveo, & perpetuæ viriditatis arboribus coopertum, in summum usque verticem ad fluminis ripam exaggeratum. In summo autem positum est Cæsaris Augusti simulacrum ex ære fabricatum: sub aggere ipso sunt ejus loculi, & cognatorum, & necessariorum: à tergo verò lucus est mirifica continens ambulacra: in medio autem campi spatium sui busti extat ambitus, & hic ipse niveo perfectus lapide, ferreos in circuitu cancellos habens, & plantatas interiùs præferens populos. Extat etiam nunc interior murus orbicularis reticulato opere, cùm tamen olim (ut videtur) tres fuerint muri invicem distantes, quorum intervalla rursus spatiis quibusdam distinguebantur, ut loculi plures efficerentur, quibus seorsum condi singuli possent. His adde Marlianum, qui in sua Topographia urbis Romæ lib. 5. cap. 7. Mausoleum, inquit, in eadem valle (scilicet in Campo Martio) interque viam Flaminiam, & ripam Tyberis, tertio suo Consulatu posuit Augustus, voluitque ut non modò suum, sed omnium Imperatorum, & Cognatorum esset sepulchrum.*

Hic locus in laudem Augusti, Pacis, ac Victoriæ, & Patris Patriæ inscriptionem habuisse dicitur. Ad hoc

Mausoleum videtur respexisse Virgilius, cùm de Marcelli nimis acerbo funere cecinit:

Quantos ille virum magnam Mavoris ad urbem

Campus aget gemitus: vel quæ Tyberine videbis

Funera, cùm tumulum præterlabere recentem!

Quia & de illo loquitur Xiphilinus in Hadriano his verbis: *Sepultus est ad flumen juxta pontem Ælium, ubi monumentum fecerat: nam Augusti Mausoleum plenum erat, in quo nemo ampliùs sepultus est. Quod penè adamussim confirmat Dio in Hadriano: Jam enim (inquit) Augusti monumentum repletum erat, nec quisquam ampliùs in eo sepeliebatur. Hujus Mausolei exemplar habes in Tab. XL. Fig. 1.*

Alterius Mausolei memoriam in Urbe nobis exhibet Paulus Diaconus lib. 14. supplem. ad Eutrop. ubi agens de morte Honorii, *Vita exemptus est, inquit, corpusque ejus juxta B. Petri Apostoli atrium in Mausoleo sepultum est.*

Aliud præterea Mausoleum majestate & pretio spectabile, præclarissimumque, quod assueta prodigiis Urbs ipsa admirata est, fuit illud Hadriani Imperatoris, à Procopio de Bello Gothico pereleganter descriptum, quem adire operæ pretium est, ut scitissimæ & præstantissimæ structuræ lenocinium utcunque concipias. Hujus Mausolei specimen in eadem Tabula Fig. 3. exhibetur.

Inclutus itaque Romanorum genius sicuti Mausoleorum Ægyptiorum haud impar æmulator evasit, ita Ægyptiacum morem in Pyramidibus attollendis certatim studuit imitari. Duo nobis hîc suppetunt alleganda.

mo-

Fig. 2.




Fig. 1.

TAB. XL.




Fig. 4.




Fig. 3.






Fig. 2.





Fig. 1.



molium Pyramidalium in Urbe testimonia, quarum una adhuc hodie ad Portam Ostiensem, vulgò *Sancti Pauli*, conspicitur; ubi ingens, immanisque lapidum quadratorum ex Patrio marmore aggesta machina assurgit, Pyramidis speciem referens, & Caji Cestii titulis insculpta, quam Alexander VII. Pont. Max. de Urbis magnificentia valde sollicitus, pristino nitore restituit, cum terram, quæ maxima in parte Pyramidem obrebat, aliò asportari fecerit: & insuper cum eadem multis in locis temporis injuriis devastata esset, novis marmorum supplementis reparavit. Ipsi Pyramidis basis palmis Romanis circiter 135. expatiatur, altitudo verò ad palmos 150. evehitur. Introrsum concamerata est, picturisque variis sparsim perornata, quas Octavius Falconerius clarissimus Vir, tanquam opus memoriæ dignum, delineandas curavit, ac dissertatione illustravit, quæ habetur apud Nardinum in lib. *De Roma antiqua* ad calcem operis. Hujus Pyramidis iconem præbeo in Fig. 3.

Alterum Pyramidale Urbis monumentum est, quod Scipionis sepulchrum fuisse Antiquarii autumant, ac propè Hadrianam molem extitisse conveniunt. Mallius tamen Romuli tumulum credit, & Metam denominatum fuisse affirmat, necnon marmoribus despoliatum ad constituendos Vaticanæ Basilicæ gradus, quos Symmachum Pontificem construxisse narrat Bibliothecarius.

Porrò Romanorum magnificentia non tantum eousque processit, ut Mausoleorum Pyramidumque sectatrix atque imitatrix diceretur; ve-

Par. I.

rùm etiam adeò proceras & immensas columnas architectata est, ut Ægyptiacum fastum excefferit, ac superaverit. Hæ columnæ celeberrima defunctorum gesta anaglyphè expressa exterius præferebant: introrsum autem cochlidibus scalaris arcuatæ, eousque concameratæ erant, ut ad summitatem ascendere quisque valuisset. Duo ad præsens operum tam admirabilem Urbi & Orbi spectanda supersunt, quorum unum ad Quirinalis radices contermina undique ædificia supereminet, & *Columna Trajani* indigitatur, eoquod Trajano Augusto sacram tituli perhibent. In ea spectabili anaglyptices opificio Dacici belli historia eleganter, ordinatèque conspicitur, & victoria de Rege Decebalo relata, cujus historicum Syntagma Latinè edidit Alphonsus Ciaccinius; & nuper in Italicam linguam vertit, ac æreis Iconismis, variisque Numismatibus, & Inscriptionibus locupletavit eruditiss. Jo: Petrus Bello-rius, Bibliothecæ Sereniss. Christianæ Svecorum Reginae Custos, deque Republica literaria valde benèmeritus ob peculiarem antiquarum rerum cognitionem, & in suo Cimelio conservationem: ac postremò sæpè laudatus Raphael Fabrettus innumeris aliis eruditionibus denuò illustravit, auxitque historiam in suo *De Columna Trajani* Syntagmate. In summitate hujus Columnæ assurgit ænea Statua S. Petri, à Summo Pontifice Xysto V. ibi collocata, ut visitur in Tab. XLI. Fig. 1.

Alterum egregium opus, sive altera excelsa Columna, quæ Romæ conspicitur, est in Platea, quæ ab eadem denominatur. Columna hæc

Y

Mar-

Marco Aurelio Antonino Imperatori consecrata fuit, ac in ea de Germanis & Sarmatis, ab ipso debellatis, historia anaglyphè cælata est; quam idem Joannes Petrus Bellorius notis, declarationibus, ac æreis Iconismis pariter ditatam typis consignavit. In hujus summitate alia ænea Statua B. Paulum referens, ab eodem Pontifice Xysto V. posita fuit, ut vides in ejusdem Tabulæ Fig. 2.

Hæc sunt augusta Romanorum sepulchra, quæ ob magnificentiam operis Mausoleorum nomine vocitari merentur. Alia tamen fuere innumera, etsi non tantæ amplitudinis elegantiaque, singularis saltem notæ, & admiratione digna, quibus undique totus hic suburbanus ager occupabatur, ut plurimæ quæ adhuc manent parietinæ testantur, ex quibus structuræ genus, ornatuque satis eruitur, sicut indicant schemata in Tab. XLII. Primum est sepulchrum secundo ab Urbe lapide in via Asinaria, quæ nunc Marinum ducit, sinistrorsum existens, ubi lateritium sese exhibet frontispitium, tam affabrè ex ordine Corinthio constructum, ut elegantius nil concipi possit. Cælaturæ enim adeò sedulo elaboratæ sunt, ut nihil eorum desit, quæ in Pariis marmoribus observari solent, tam in epistyliis, & ipsorum cymatiis, zophoris, denticulisque, & in eorum etiam intersectionibus coronisque, quàm in fastigio, ac tympano; prout in columnarum quoque basibus capitulisque intuemur occurrere. Perpendendæ etiam fenestrarum coronæ, in quibus astragali cælati sunt, itidemque astragali Lesbii, aliæque particulæ minutissimæ. Et quod admirationem adjicit, latè-


res sunt non solum in facie lævigati, verum & planam superficiem habentes, adeò inter unum & alterum calx interclusa prorsus deliteat, ac proinde continuum quid reputetur, aut ad summum aciei perspicaciori tenuis rimula, lineaque pergracilis proponatur. Exemplum tam laudabilis fabricæ habes in prædictæ Tabulæ Figura 1.

Sed licet horum sepulchrorum constructio diuturniori animadversione sit digna, ulterius tamen excurrere nobis consilium est: cum jam antea aliqua consultius prælibaverimus in Capite V. ubi peculiari argumento lateritium opus exposuimus.

Quæ diximus ædificii externum respiciunt: si verò internas partes, quas Figura 2. repræsentat, accuratè rimemur, multa notanda sunt. In infimo loco A. jacent loculamenta, in quibus cineres Libertorum condebantur, & ad hæc per scalas ascensus erat. Interjecta per circuitum porticûs B. lucem supernè, ab angulo fornicis opere musivo constrati, per quoddam spiraculum, seu parvam fenestram C. immittebat, ad Balistarîi speciem accedentem.

Secunda ædificii concameratio D. ad recondendos Patronorum cineres destinabatur. Tertia verò E. ædicula erat Genii illius familiæ. Consueverunt enim Romani Proceres templum habere, ubi cadavera, seu potius cineres deponerentur, ut deducitur ex Svetonio in *Domit.* cap. 18. ubi sic: *Cadaver Domitiani populari sandapila per vespillones exportatum, Phyllis nutrix in suburbano suo Latina via funeravit; sed reliquias templo Flaviæ Gentis clam intulit, cineribusque Juliæ filiæ Titi,*
quam

Fig. 2.



B

Fig. 1.




Fig. 4





Fig. 3.



quam & ipsa educaverat, commiscuit. Idem innuit Tullius lib. 1. epist. 1. *Ad Q. Fr. ibi: Cum ad templum monumentumque nostrum Civitates pecunias decrevissent, nominatimque lex exciperet, ut ad templum monumentumque capere liceret.* Quæ omnia confirmantur ex veteri illa inscriptione, quam reponit Kirchman. *De funer. Rom.* eamque nos hic subscribimus.

MORTE. ME. VALERIVM.
M. F. ADSEQUENTE. IN VLT. TERRA. NVLLO CREDIDI. LOCO. OSSA. NOSTRA. POSSE. MELIVS ADQVIESCERE. QVAM. PROPE. TEMPLVM. AESCVLAPII. ITAQVE. EXTESTAM. AD. X. PEDES. A. TEMPLO. VOLO. CONDIER. VOS. NATI. IVCVNDISS. AB VRBE. ROMA. HVC. CONCEDITE. AD. SEPVLCHRVM. NOSTRVM. DEMETVR. DOLOR. PIETATE. VESTRA. SI. MANES. SENTIENT. VOS. MEMORES. NOSTRI.

Ritum hunc sepeliendi cadavera in templis, elicimus clariùs ex Arnob. lib. 6. *Advers. Gent.* ibi. *Quid quod multa ex his templa, quæ tholis sunt aureis, & sublimibus elata fastigiis, auctorum conscriptionibus comprobatur contingere cineres atque ossa, & sanctorum esse corporum sepulturas?* Hinc mihi conjiciendi ansa præbetur, quod sicuti Proceres & Magnates templis utebantur, in quibus defunctorum cineres funerarent; ita etiam alii notæ inferioris homines, uti cives primarii, sua pariter crexerint monumenta, in quibus si non magnificas ædes ac templa; ædiculas saltem habere possent, ubi propriæ familiæ Genius coleretur. Geniorum quippe infinitus ferme erat numerus, ut Sponius cumula-

Par. I.

vit ad sua *Miscellanea eruditæ antiquitatis*, Sect. 3. pag. 101. tantaque fuit antiquitùs Geniorum superstitio apud Gentiles, ut Regna, Provinciæ, Urbes, Senatus, Populusque, Collegia, Augusti Cæsares, Familiæ, ac privati ferè singuli suos habuerint Genios, coluerintque. Hæc expressè confirmat Aurelius Prudentius Poeta Christianus in lib. 2. *contra Symmacum*, ita loquens:

*Nam subdita Christo
Servit Roma Deo, cultus exosa priores.
Romam dico viros, quos mentem credimus Urbis,
Non Genium, cujus frustra simulatur imago.
Quanquam cur Genium Romæ mihi fingitis unum?
Cum portis, domibus, thermis, Stabulis soleatis
Assignare suos Genios; perque omnia membra
Urbis, perque locos Geniorum millia multa
Fingere, nè propria vacet angulus ullus ab Umbra?
Restat ut & fatum similis dementia cunctis
Aedibus imponat.*

Ex inscriptionibus autem, quas Sponius refert, hanc deducimus.

GENIO
FAMIL. MONETAL.
DEMETRIVS CAES. N. SER.
EPAPHRODITIANVS.

Item hanc.

HERMA DE SVO DAT
GENIO CANONIS ATTALI
LIBERTI.
GENIO PASICLENIS ATTALI
SERVI.

Occasione, quâ Sponii inscriptiones de Geniis attuli, indicare fas erit, Oiselum in suo *Thesauro Numismatum* nonnullos etiam Geniorum referre nummos; & cum inter illos nulum Diocletiani tempore cûsum adducat, nequè apud diversos Auctores *de re Nummaria* tractantes inuenirim; ideò hic in eruditorum gratiam volo talem nummum annectere, cum apud me sit, illum enim possideo ex

dono D. Joannis Dominici Ricciardi, & sequens est.



Quin in præfatis Geniorum ædibus sacrificia aliquando fuisse oblata, ex supposita Gruteriana inscriptione pag. 662. n. 5. facillè concipitur.

L. APISIVS. C. F. SCAPTIA. CAPITOLINVS
EX. TESTAMENTO. FIERI. IVSSIT. MONV MEN.
ARBITRATV. HEREDVM. MEORVM. ET. SIBI. ET SVIS.
..... TAE. BENE. MERITÆ.

C. APISIO. C. L. OSCIAE. C. L. APISIAE. C. F.
EPAPHRAE. PATRI. PRIMIGENIAE RESTITVTAE
MATRI

C. APISIO. C. F.
CAPITONI. FRAT.

SORORI.
ET. LIBERTIS
LIBERTABVSQVE
MEIS. POSTERISQ.
EORVM
IN. AG. P. XII.
IN. FR. P. XXIV.

C. APISIO. C. L.
FELICI. TATAE.
HVIVS. MONV
DOLVS. MAL.
ABESTO. ET
IVRISCONSVLT.

IN. HOC. MONVMENTO. ITVS. ADITVS. AMBITVS. LIBERTIS. LIBERTABVSQVE. MEIS. OMNIB.
PATEAT M. DATO. AD. SACRIFICIA. FACIENDA. QVOTIESCOMQVE. OPVS. ERIT.

Lucunam PATEAT M DATO. Alia inscriptio, docens proximas sepul-
sic replendam, sive legendam puto: chralibus monumentis fuisse ædículas,
PATEAT CIRCVM DATO. extat apud eundem p. 626. n. 6. ut infra:

AEDICVLAM. CVM. OLLIS. OSSVARIS. ITA. VTI. IN. AEDICVLAM.
SVNT. C. LVCCEI. PYLADIS. L. FELICIS. GERVLII. EMIT. DE. D.
LABERIO. PAETI. ET EPAPHRODITI. L. FAVSTO. IN MONV-
MENTO. C. LVCETI. BYTHI. L. FAVSTI. COACTORIS. A. PORTV.
VINARIO. CVM. INTRO. MONVMENTO. EORVM. EAS. E. REGIO-
NE. OSTI. PARIETIS. MEDI. AEDICVLAM. CVM. OLLIS. OSSVARIS.
SIBI. ET SVIS. POSTERISQVE

Sacella si non aderant, fuisse saltem aras, nemini negandum est; liquet enim ex plurimis inscriptionibus apud

laudatum Gruterum, & præcipuè ex ex illa, quæ habetur pag. 715. nu. 10. ut subsequitur.

C. VIVS. PATER. NATVS. MISER. DESIDE-
RIO. NATAE. DIEM. ET. NOCTEM. CVM
LACRIMIS. TRAXIT. VITAM. MALAM
MORTVVM. ME. QVOQVE. FVNERARI
IVSSI. REBVS. LVGVBRIS. QVIBVS. VIVOS PAR
AVI. LECTO. STRAGVLIS. FORENSIS. PAENVLA
NIGRIS. OMNIBVS. OSSA. MEA. IN. ARAM MIX
TA. CVM. FILIAE. VNA. REQVIESCVNT. HOC
SOLACIVM. MECVM ERIT. CIRCA. ARAM. LIB
ERTIS. LIBERTABVSQVE. POSTERISQVE
EORVM. ET QVIBVS PERMISERINT. HAC LEGE. VT
QVOTIENS. QVIS. EORVM. SVIS. CORONAS. PONENT. ET
ARAM. NOSTRAM. CORONENT. ATIMETO. LIB
CVIVS. DOLO. FILIAM. AMISI. RESTEM. ET CLAVOM
VNDE. SIBI. COLLVM. ALLIGET.

Item pag. 466. num. 6. legitur alia inscriptio ex lapide Tiburtino rudi, sita in templo S. Orestis ad Falisco- rum montem Soractem. Ea est:

V. M. SELICI. CLE
MENTIS. SEVIRI
MVNCIPIO. CA
PENAT. ARAM
POSVERVNT. PII
LIBERTI.

Exhibuimus hæc monimenta ex in- numeris, quæ per agrum Romanum reperiuntur, alia sublimiora, alia in- feriora, prout Familiæ conditio fere- bat & splendor. Ex inferioribus ve- rò aliud exemplar damus in eadem Tabula XLII. Figura 3. Prominebat hoc ædificium inter viam Asinariam & Appiam dextrorsum, unde Mari- num iter post ultimam ab Urbe vi-

neam. In hac Figura fabricæ facies pro- ponitur, ut ex parietinis conjici potest, nam ultra dimidium externè terrâ ob- ruta est, internè tamen vacua, proin- deque plurimæ in ea cellulæ cernun- tur, quæ fornicatæ sunt, ut in Fig. 4. continentque ollas, sive urnas, in qui- bus defunctorum cineres occludeban- tur: unde à geminis illis, quæ in sin- gulis loculis extant, & à similitudine nidi columbarum, prædictæ cellulæ *Columbaria*, ni fallor, vocitatæ sunt. Alterius Columbarii exemplar cum inscriptionibus refert præcitatus Spo- nius in suis *Miscellaneis eruditæ anti- quitatis* Sect. 9. Hoc autem Columba- rium, sive Sepulchrum videtur fuisse Familiæ Abucciorum, ut ex se- quenti inscriptione, omillis nonnul- lis aliis ab eodem Sponio relatis, col- ligi potest.

1.

L. ABVCCIUS HERMES IN HOC
ORDINE AB IMO AD SVMMVM
COLVMBARIA IX OLLÆ XIX
SIBI POSTERISQVE SVIS.

2.

L. ABVCCIUS SOCRATES SIBI
ET ABVCCIAE GNOMENI L.
POSTERISQ. SVIS
COLVMBARIA CONTINVA VII
AB IMO OLL. XIV.

3.

L. ABVCCI MYRONIS
HOC ORDINE OLL. III.
COLVMBARIO I. ET II.

4.

L. ABVCCI CASTI ABVCCIAE AVRAE
L. ABVCCI MAXIMI ABVCCIAE HEDONE
COL. VIII. OLLÆ XVI. LINEA PERPETVA.

Cùm quodam die, relaxaturus à studiis animum, cum CCLL. vv. Emmauele à Schelestrate, & Laurentio Zacagna, Vaticanæ Bibliothecæ Custodibus, Romanum agrum perambularem, ac simul Romanæ magnificentiae rudera investigarem, incidit sermo de monumentis, sive sepulchretis, quæ juxta vias publicas fieri solebant: necnon de variis illorum speciebus, inter quas illa præ cæteris notatu digna, cui camerae interioris parietes diversis cellularum ordinibus distinguebantur, in quarum singulis binæ ollæ cinerariæ, sive ossuariæ collocatæ erant, ut supra narravimus, Quare curiositatis, ac simul eruditionis gratiâ eosdem duxi ad ea invisenda, quæ extra Portam Asinariam adhuc supersunt, ut in dicta Tab. XLII. Fig. 3. & 4. Hac occasione prædictus Zacagna similia sepulchreta non procul se vidisse ait, nempe secundâ vineâ sinistrorsùm in via Appia, quæ iter ad Ecclesiam Sancti Sebastiani, ultra Cappellam, sive Oratorium, quod vulgò dicitur *Domine quò vadis*. Ut illuc devenimus, tres ibi magnas cameras haud imparibus loculamentis circumquaque distinctas reperivimus, quorum singuli ordines, juxta horizontalem lineam, unam supra viginti cellulas continebant. Cùm autem isti ordines duodecim essent,

& unus alteri superpositus, in unica facie camerae centum & trigintaduò Columbaria, ac proinde ducentæ & sexaginta quatuor ollæ continebantur. Pavimentum, utpotè terrâ cooperatum, minimè apparebat: unde alii fortasse ordines sub eadem aggesta humo delitescabant. Observavimus quoque, præfatas cellulas non solum binas, verùm etiam tres, aut quatuor ollas continere: & ex tanto ollarum numero deduximus, hoc non privatæ Familiæ sepulchrum, sed publicum, alicujus nempe Sodalitatis fuisse. Ulteriùs ad visendum accessimus antiquum Monumentum, in cujus ruderibus è marmore fragmentum invenimus cum sequenti inscriptione, quæ non solum charactere, sed etiam Latinitate sæculi ruditatem accusat: quin imò ex Consulibus quos refert, Theodosium tantùm in Fastis invenies.

HIC REQUIESCET
AIO IN PACE QVI
VIXIT IN SECVLO
P. M. AN. XI. DECES
SIT DE SECVLO DI
E III IDVS NOVEMB
CONS THEODOSI
O AVG. PRIMVM
ET ROMORIDO
V. C. CONS.

Mul-

Multa alia ornatiora monimenta, præter allata, fuisse comperimus ex tit. *De sepulchris violatis*, in Codice Theod. nam in lib. 2. columnarum, marmorumque avulsio, ac ornatûs diminutio interdicitur: idemque statuitur in lib. 4. ac in posteriori lib. 5. fit mentio de ornamentis, quibus triclinia sepulchrorum, ac porticus decorabantur.

Præter allegatas leges, quæ sepulchralium columnarum meminerunt, Cassiodorus occurrit, qui lib. 4. *Var. cap. 34. Ædificia*, ait, *tegant cineres, columnæ vel marmora ornent sepulchra, talenta non teneant*. Item lib. 6. *Var. cap. 8. in formula Comitivæ Privatarum, & ejus excellentiæ*, sic loquitur: *Nè quis vestita marmoribus sepulchra nudaret; nè quis columnarum decorem irreligiosa temeritate præsumeret*. Cic. etiam lib. 2. *De legibus* id firmat, ibi: *Sepulchris nihil est apud Solonem amplius, quàm ne quis ea deleat, neve alienum inferat. Si quis bustum, aut monumentum, aut columnam violarit, dejecerit &c.* Ex quibus, & aliis auctoritatibus, quæ possent facile adduci, id consuetudinis apud Romanos fuisse inferimus, ut sua sepulchra etiam columnis ornarint, quarum typos non non tradimus, cùm tempore dejectæ, & absumptæ, vel aliò fuerint translata. Quæ vidimus huc usque monimenta, civium privatorum, seu mediæ ordinis fuere sepulchra: infimæ enim conditionis hominibus funerandis loca publica fuisse censeo, in quibus singulorum ollæ ossuariæ, vel cinerariæ collocabantur. Sicuti olim campus erat, in quo mons Testaceus assurgit, quem ego ex confractis ollis ossuariis compactum auctumque in-

eam molem crevisse existimo: nec solidis conjecturis destitutor; cùm enim hyemalis glacies fictilia vasa sub diò exposita sæpè sæpius frangat, cùmque fictiles urnæ, seu amphoræ cinerariæ, sacræ putarentur; ex eo credam Gentiles, cùm disruptas easdem viderent, ac miserarentur, decrevisse testarum fragmenta omnia in unum coacervanda, acervumque ex innumeris illarum particulis eo loci erigendum, quibus tandem immodicè aggestis mons ille surrexerit. Plurimas alias conjecturas afferrem, sed quia brevitati studeo, occasione opportuniori fusiùs reponam.

Romanorum ædificia præmisimus, quæ molium sepulchralium structuram respiciunt: exquirendum nunc est quænam, & qualia sepulchra, tam grassante persecutionum turbine, quàm redditâ pace Ecclesiæ, à priscis Christi Fidelibus fuerint usurpata.

Repetenda igitur quæ initio hujus Capitis dicta sunt, nempe: Nationes finitimas sæpè sæpius ritus, moresque se se invicem edocere, edoctasque constanter pro suis asserere. Quapropter Christiani cùm viderent, quod in Fide commilitones adeò acriter pro Christi lege pugnabant, ut nullus omnino pavor, aut cruciatus, & nullæ acerbissimæ mortis species terrere eos posset, quin alacri animo pro Redemptore gloriosissimè occumberent; ideò pro memorabili eorum virtutis, ac pietatis constantia, clanculùm plerumque ob timorem tyrannicæ potestatis, eorundem cadavera vel iisdem in locis ubi Martyrii coronam receperant, vel alibi prout opportunum fuisset sepeliebant. Hinc quia tam de mundo, quàm de tartareis tyrannis trium-

triumphaverant, nè eorum memoriam temporum ingluvies absorberet, super eisdem locis humilia construxere ædificia, quæ Memoriae, sive Sedes, Conciliave Martyrum, sive Martyriâ, Confessionesque, sive Conditoria dicebantur.

Et primò cur hæc ædificia *Memoriae* dicta fuerint, doctissimè S. Augustinus *De cur. pro mort. geren.* cap. 4. sic exponit: *Non ob aliud vel Memoriae, vel Monumenta dicuntur ea, quæ insignia sunt sepulchra mortuorum, nisi quia eos, qui viventium oculis morte substracti sunt, ne oblivione etiam cordibus subtrahantur, in memoriam revocant, & admonendo faciunt cogitare: nam & Memoriae nomen id apertissimè ostendit, & Monumentum eo quod moneat mentem, idest admoneat, nuncupatur.* Idem Augustinus *Psal.* 48. hæc argutè expendit: *Pompa est funebris, excipitur sepulchro pretioso, involvitur pretiosis vestibus, sepelitur unguentis & aromatibus, deinde Memoriam qualem habet, quam marmoratam! vivit in ipsa Memoria ille, ubi mortuus est.* Et paullò inferiùs sic: *Quando cogitat sibi Memoriam marmoratam, aut exculptam facere, quasi de domo æterna cogitat, quasi ibi maneat ille dives.* Quem ritum ædificandi sepulchra in memoriam mortuorum, apud omnes nationes in usu fuisse jam supra satis ostendimus; passimque apud citatum Gruterum, in sua magna Epigrammatum collectione inscriptiones leguntur, in quibus de Memoriis fit mentio, ac prefertim pag. 488. num. 8. ubi sequens affertur sepulchralis inscriptio.

D. M.

ET

MEMORIAE. AETERNAE

QVIREL. LAVRENTINI

IIII. VIRI. AVG. C.C.C. AVG.

LVGVDVNI

HOMINIS. INCOMPARA

BILIS. ET. VIREIAE. ATHE

NAIDI. CONIVGI. EIVS. MEMO

RIAM. QVAM. LAVRENTINVS

CONIVGI. KARISSIMAE. FE

CERAT. VIR EIVS. ATHENA

GORAS. FILIVS. EORVM

EVNDEM. LAVRENTINVM

CVM. CONIVGE. COLLOCA

VIT. ET. SVB. ASCIA. DEDICA

VIT.

Item pag. 827. num. 8. apud eundem hæc alia habetur.

SERVILIVS TROILUS

SE. VIVO. COMPARAVIT

MEMORIAM. SIBI. ET. SVIS. ET

CONIVGI. SVÆ. VLPIÆ. SVCESSÆ

ET. FILIS. SVIS. QVI. VIXIT. CVM. EA

CONIVGE. ANN. XIII. MENS. VIII.

IPSE. AVTEM. VIX. ANN. XXXIII.

MEN. V. ET. LIBERTIS. LIBERTA

BVSQVE. POSTERISQVE.

Hanc vocem *Memoriae* passim antiquissimi Christiani usurparunt, ut ostendit *Liber Pontificalis* in vita Anacleti, ibi: *Hic* (idest Anacletus) *Memoriam B. Petri construxit & composuit, dum Presbyter factus fuisset à B. Petro, seu alia loca, ubi Episcopi reconderebantur sepulturae. Ubi autem & ipse sepultus est juxta corpus B. Petri.* Item apud eundem in Felice I. sic legitur: *Hic constituit supra sepulchrum, & Memorias Martyrum, missas celebrari.* Ex quo patet univoca vocabuli usurpatio apud Ethnicos, & Christianos. Confirmatur idem ex Lucifer. Calaritan. *Pro*

S. Atha-

S. Athanasio lib. 2. in *Max. Bibliotheca PP.* tom. 4. *Tu autem esse ex illis hinc intelligeris, quod cum sis Memoriam Martyrum Beatorum instaurans, tamen servorum unici filii Dei cruorem fundens &c.* Item ex *S. Augustino* contra *Fauft. Manich.* lib. 20. cap. 21. ibi: *Populus Christianus memorias Martyrum religiosa solemnitate concelebrat, & ad excitandam imitationem, & ut meritis eorum confocietur, atque orationibus adjuvetur: ita tamen ut nulli Martyrum, sed ipsi Deo Martyrum sacrificemus, quamvis in memorias Martyrum constituamus altaria.* Item lib. 22. de *Civit. Dei* cap. 10. sic loquitur: *Nos autem, Martyribus nostris non templa sicut Diis, sed memorias sicut hominibus mortuis, quorum apud Deum vivunt spiritus, fabricamus: nec ibi erigimus altaria, in quibus sacrificemus Martyribus, sed uni Deo & Martyrum & nostro sacrificium immolamus.* Repetitur quoque hujus vocis usus apud *S. Paulinum* in *Epistola* 13. *Ipsium tempus ante meridiem in votis nostris (quorum cura veneramus) per Apostolorum, vel Martyrum sacras Memorias consumentes.* Affluunt insuper hac voce collectanea *De vitis Sanctorum* apud *Bollandum*, qui candidè & sedulò, nullis adulteratis immutatisque vocibus, sed primigeniâ Scriptorum veterum phrasi omninò retentâ, conspicua volumina congeffit. Occurrit primò locus in *S. Claro Abate Viennensi* ad 1. diem Januarii c. 1. tom. 1. ibi: *Accidit quippe, ut puer matrem orbatam marito haberet, quæ devotè ad Memorias SS. Martyrum apud Viennam subinde orandi gratia accurrebat.* Secundò, in vita *S. Rigoberti* Episcopi Remen. ubi narratur, quod Sanctus hic in *Vasconiam Regionem* se-

Par. I.

cessit, ibique exulando multas sancta indefessus intentione Sanctorum Memorias lustravit, posteaque ad Memoriam Sancti Mauricii se contulit. Constat igitur satis abundè de præfatâ Memoriarum notione apud antiquos: ideò ad alias voces enuncleandas, quæ sunt Sedes Martyrum, Concilia Martyrum, & Martyria, procedamus.

De voce *Sedis* fit mentio in l. 6. *De Sepulchr. viol.* in *Codice Theod.* ubi Apostolorum, & Martyrum sepulchra *Sedes* appellantur: & apud *Ammian. Marcell.* lib. 22. cap. 11. ut scribit eruditissimus *Gothofred.* ad d. l. 6. ubi supra: *Cineres* (inquit *Marcellinus*) projecit in mare, id metuens, ut clamabat, nè collectis supremis (idest reliquiis) *Sedes* illis extruerentur. Imò & apud *Ethnicos*, unde puriores Latini sermonis latices, ut in 6. *Æneid.*

Nec ripas datur horrendas, nec rauca fluenta

Trasmigrare prius, quàm sedibus ossa quierunt. & infra.

Sedibus ut saltem placidis in morte quiescam.

Concilia autem Martyrum, ac Martyria, & Confessiones appellata fuisse hæc ædificia, testatur *Baronius* in *Martyrol.* ad diem 23. Junii in vers. *juxta Martyrum Concilia.* Et ad diem 6. Julii in vers. *cur ad Confessionem*, ubi scribit, Martyrium nil aliud importare, nisi locum in quo Martyr tumultatus est, ut habemus ex l. 7. *De Sepulchris violat.* in *Cod. Theod.* quo loci maximè ad rem plura cumulat laudatus *Gothofredus.* Ambo hi viri undique celeberrimi notant, haud semper *Martyrium* sonuisse præcisè locum, in quo Martyris ossa jacerent, sed non rarò totam ipsam Ecclesiam

importasse : quippe habemus Concilium Chalcedonense , ubi sæpè de Martyrio S. Euphemiæ , idest de Ecclesia , fit mentio . Aperto stylo loquutus est Valafrid. Strab. *De reb. Eccl.* cap. 6. *Martyria* (inquit) *vocabantur Ecclesiæ , quæ in honorem aliquorum Martyrum fiebant* . Sic alii passim , ac præsertim Eusebius .

Pro altaribus autem Confessiones fuisse acceptas , plurimis ostendit Codex Pontificalis , & primò in Hilario ibi : *Hic fecit Confessionem S. Joannis Baptiste , & Confessionem S. Joannis Evangeliste : in Oratorio S. Crucis fecit Confessionem , ubi lignum Dominicum posuit &c. fecit ex argento in Confessione januas* . Item in vita Xysti : *Hic fecit Confessionem Beati Laurentii Martyris cum columnis porphyreticis &c.* Plura ibidem loca , ubi sæpissimè Lector in hanc vocem offendet , quâ Casiodorus quoquè usus est lib. 10. epist. 2. ubi sic : *Tenemus aliquid Apostolorum proprium , si peccatis dividantibus non reddatur alienum , quando Confessiones illas , quas videre universitas appetit , Roma feliciter in suis finibus habere promeruit* . Atque hæc de his vocibus satis . De aliis porro sepulchris , nempe Monumentis , Conditoriis , Oratoriis &c. cum hæc notissima sint , silere expedit potiùs , quàm disceptare .

At quoniam nostri instituti scopus eò vergit , ut ea quæ scribimus , emblematicis , si fieri potest , comprobemus ; hinc multis revolutis Codicibus , nullum tot inter ac tantos inveni , quî mihi illa ullatenus indicaret . Quapropter mecum statui , non solum omnes Urbis Ecclesias perquirere , verùm & exteris amicis perlustrandas committere : cumque inter

alias quidquid Musivorum operum in Urbe Ravennateni reperiretur antiquum conspicuumque , delineatum habere curassem , nonnulla transmissa mihi fuere exemplaria fide dignissima , inter quæ celeberrimus Tholus Ecclesiæ S. Joannis Baptiste in Fonte appellata , quod scilicet vetustissimus Fons baptismalis inibi sit . De hac Ecclesia , ejusdemque Musivis operibus agemus inferiùs ; hîc tantummodò de ejus fundatione , ac de Figuris in Tholo expressis sermo erit , ut validiùs conjecturas fulcire possimus .

Templum hoc adeò vetustum ac venerandum est , ut è memoria hominum ejus Auctor exciderit . Constat tamen , Neonem Præsulem Ravennatem ad ann. 451. illud instaurasse , idemque etiam Musivis figuris ipsam Ecclesiam ornasse creditur , ut conjici probabiliter potest ex infrascriptis carminibus , ab Hieronymo Fabri in suis *Mem. Sac. Raven.* relatis .

Cede vetus nomen , novitati cede vetustas :

Pulchriùs ecce nitet renovati gloria Fontis .

Magnanimus hunc namque Neo , summusque Sacerdos

Excoluit , pulbro componens omnia cultu .

Icones in Tholo expressæ id ordinis habent . In ipsius centro repræsentatur baptismus Christi in Jordane , & circum undique per circumferentiam adfunt Apostoli . In exteriori ambitu propè Apostolos nonnulla veluti altariola indifferenter ornata cernuntur , ut in Tab. XLIII. ex quibus id me confirmare posse non dubito , quod supra de Memoriis , sive Martyriis prælibavi , nempe priscos Christico-

Fig. 1.




Fig. 2.

TAB XLIII




Fig. 3





Fig. 4.





fticolas exemplo Ethnicorum sepulchra SS. Martyrum columnis, aliisque ornatibus cohonestare consuevisse. Patet hoc ex Figura prima, per quam Martyrium, seu Martyris sepulchrum configuratur. Index est infallibilis palma in medio altaris assurgens, quâ nullum Martyrii symbolum aptius. Altaris à tergo florum, corona conspicitur, quæ etiam Martyrii coronam innuit; ni potius id Gentilium more factum dicamus, qui coronis floribusque monumenta spargebant.

Tertia Figura, seu tertius Iconismus videtur cum primo penitus convenire, si palmam excipias, cujus loco sunt veluti lilia, quæ fortè sepulchrum Virginis denotant, vel saltem Confessoris, non autem Martyris.

Secunda Figura valdè discrepat; in ea enim exprimitur veluti loculamentum in pariete, non uno modo perornatum. In ejus centro protenditur altare, ad instar mense pannis contextum, ac duabus gemmatis fasciis A. B. ex eo pendentibus concinnatum: ad pedem altaris jacet parvulum, demissumque suppedaneum C. tribus gemmis emicans: in frontispitio super aram producitur magnum involucrum D. cui supereminet in orbiculo Crux E. Hic, si hariolari liceat, molem hanc hieroglyphicam existimarem, & forsitan indicantem alicujus Pontificis Maximi, sive Episcopi monumentum. Hanc mihi speciem excitavit Ammianus Marcellinus lib. 16. cap. 8. ubi narrat de quadam muliere, quæ ab amasio illecebris capta, & impulsâ maritum defurto accusavit, nempe quod velum purpureum è sepulchro Diocletiani

avulsum occultasset. En in gratiam Lectoris Ammiani verba: *Is ut loquebatur jactantiùs, versabilem feminam, post nefandum concubitus periculosam in fraudem illexit, suavitque consarcinatis mendaciis læsæ majestatis arcessere maritum insontem, & fingere quod velamen purpureum à Diocletiani sepulchro furatus, quibusdam consciis occultabat.* Quem locum notis illustrat Henricus Valesius, qui velamen purpureum notum olim, certissimumque consecrationis indicium fuisse tenet. Lindenbergius etiam in notis ibidem, pretiosissimis vestibus ornata cadavera antiquitus comprobatur: unde infero, ex eo quod Imperatorum, Procerumque cadavera purpureis velaminibus contegi consuetum esset, id moris ad Christianos fluxisse, ut ex allatis monumentis docemur; similibusque integumentis eosdem Christi fideles tam Pontificum quàm Episcoporum defunctorum corpora, præsertim dum justa persolverentur, condecorasse. Cujus rei signum evidens, & argumentum quod omnem hæsitacionis nebulam dissipat, Crux est loculi in culmine expressa, quæ Pontificiæ dignitatis præcipua nota videtur: Pontificum quippe, & Antistitum est Crucem ante pectus præferre, quam Græci *Encolpium* vocitant. Consuetudinem hanc antiquissimam probat Du Saussay in sua *Panoplia Episcopali* lib. 4. & deducitur etiam ex Ciaconio primæ editionis in vita Hilari Papæ, qui vixit ann. 461. & sic Mulivo huic operi S. Joannis in Fonte Ravennæ synchronus fuit. Crucem hic tam simplicem, quàm gemmatam pro signo Pontificiæ majestatis usitavit; eandemque posteriores inde Pontifices, Honorius videlicet I.

Severinus I. Joannes IV. Donus, & alii pro simili nota usurparunt.

Insuper (quod magis magisque ad rem facit) adhuc hodie in Vaticana Basilica funebre stragulum, seu emortuale asservatur, quo prisci Fideles SS. Martyrum cadavera cooperire soliti erant, cum ad sepulchra deferebant, ut notat Turrigius in suis *Cryptis Vatic.* par. 2. pag. mihi 123. Unde non abit à verisimili, si velamen illud in Figura expressum, simile stragulum nobis indicare credatur. Sed jam ad Memorias redeamus.

Has etiam *Altaria* vocitatas invenio in Canone 83. Ecclesiæ Africanæ apud Justell. sic: *Item placuit ut Altaria, quæ passim per agros, & per vias tanquam Memoria Martyrum constituuntur, in quibus nullum corpus, aut reliquiæ Martyrum conditæ probantur, ab Episcopis, qui locis eisdem præsent, si fieri potest, evertantur; si autem hoc per tumultus populares non finitur, plebs tamen admoneatur nè illa loca frequentet, ut qui rectè sapiunt, nulla ibi superstitione devincti teneantur, & omnino nulla Memoria Martyrum probabiliter acceptetur, nisi ubi corpus, aut aliquæ reliquiæ sunt, aut origo alicujus habitationis, vel possessionis, vel passionis fidelissima origine traditur; nam quæ per somnia, & per inanes quasi revelationes quorumlibet hominum ubicunque constituuntur Altaria, omni modo improbantur.*

In quarta Figura ejusdem Tabulæ XLIII. aliam *Martyrii* iconem produxi, quæ *Confessio* solet denominari, depromptam ex suo prototypo, qui adhuc hodie Romæ integer manet in antiquissimo SS. Petri & Marcellini templo apud Lateranum, quod titulo Cardinalitio Gregorius Magnus in-

signavit, & in eo sextam ad populum Homiliam habuit. In hac Confessione visitur sub altari, prout in aliis antiquis Urbis Ecclesiis, quædam fenestra, & introrsum veluti ædícula, in qua Martyris corpus jacere asseritur, ex antiquo Ecclesiæ usu, secundum illud Apocal. cap. 6. *Vidi sub altare animas intersectorum propter verbum Dei, & propter testimonium quod habebant.* In hoc Confessionis iconismo observandum est etiam columnarum epistylum, ornatiori elegantia fabrefactum: recurrit namque supra idem veluti columellarum porticus, quibus superattollitur tympanus: ex quo ornatûs genere eruo, priscos Christi fideles animo habuisse, ut Martyris corpus tumulatum, si non magnâ, saltem parvâ, compendiosâque Basilicâ, in Martyrii trophæum honoraretur: Gentiles enim extruere porticus circa Basilicas consueverunt, ut demonstravimus supra in Cap. 1. ubi de ordine *Peripteros* scripsimus.

Hæc ædícula quatuor suffulta columnis fuit, & *Ciborium* nominata, cujus vocis etymon variis agitur diffidiis inter eruditos: nos tamen, omissis aliorum votis, *Ciborium* dictum esse censemus à sacro cibo, qui in sacra mensa, nempe in altari asservatur, unde & pyxides *Ciboria* fuisse vocatas notamus. Vox hæc *Ciborium* (de qua fusè Du-Cange in suo *Magno Glossario*, ac in sua *Constantinop. Christiana* n. 57. & recens Hofmannus in suo *Lexico universali*) redolet media tempora, quibus religiosissimè custodiri in Ecclesiis sacrosanctam Eucharistiam usu receptum est.

In Tab. XLIV. tres notâ speciali dignæ Figuræ occurrunt. Prima Confessio



Fig. 1.




Fig. 2.





Fig. 3.



HOC OPVS FECIT
MAGISTER DEODATVS

fectio est, quam cernimus etiam hodie in Ecclesiâ S. Clementis, ac supra in Tab. VIII. indicavimus: modò eam in ampliorem formam redactam hîc exhibemus, ut Lector faciliùs hunc pervetustum Confectiones construendi modum percipiat, cùm hæc parùm discrepet ab illa SS. Petri & Marcellini, atque eidem tempore æqualis sit.

Sepulchrales hæc moles labentibus annis coeperunt non nihil mutationis perpeti, cùm in sacrorum lipsanorum custodiam adhibitæ fuerint. Hîc Romę plurimas hujuscemodi constructiones vidit præteritum sæculum, quæ jam demolitæ sunt: vidique egomet adolescens illarum unam in Laterana Basilica, antequam Innocentius X. ipsam restauraret. Fuit etiam alia nonnullis ab hinc annis demolita in veteri Ecclesiâ S. MARIE in Porticu, à Sanctæ memor. Innocentio XI. Pontifice Maximo, ut nunc est, reædificata: Item alia in Ecclesiâ S. MARIE vulgò *in Campitelli*, quæ cùm disjecta jaceret, à Senatu Populoque Romano, occasione voti ob liberatam Urbem à pestilenti lue, anno 1657. fuit restituta. Conspexi insuper Ciborium in Ecclesiâ S. Alexii, in quo Deiparæ Virginis imago ab Edessa transvecta custodiebatur. Visuntur adhuc duo similia Ciboria (si ita eas moles denominare fas est) in Basilica Liberiana, in quorum uno cunabula Domini Nostri JESU CHRISTI asservantur; in altero verò multorum Sanctorum suprema, sive exuviæ. Horum schemata hîc reponere abstinui, cùm jam ea delineaverit Canonicus de Angelis in sua Basilica Liberiana.

Nec quales fuerint hæc sacrarum reliquiarum custodiæ, meo tempore de-

molitæ, possum ostendere, earum exemplaria exhibendo, nam eas transcriptas fuisse non invenio, præter illam S. MARIE *in Campitelli*, quam habes in Tab. XLIV. Fig. 3. Custodiam hanc cla: mem: Raymundus Cardinalis Capisucchus delineari jussit, quia à Proavis suis quatuor ferè ab hinc sæculis fuerat constructa, ut ejusdem nobilissimæ familiæ testantur Insignia ibi expressa. Ac ut clariùs, & facilius argui possit quo tempore hæ constructiones in usu essent, addam nonnulla desumpta ex vita Cardinalis Joannis Antonii Capisucchi, à Paulo IV. recol. mem. purpurâ donati: ubi Oldoinus perantiquæ hujus familiæ, quæ tam Romæ, quàm Neapoli, nec non in Gallia, & Germania radices propagavit, varios admodum illustres Viros describit, qui purpurâ, armis, aliisque præclaris muneribus refulserunt. Narrat etiam eundem in templo S. MARIE *in Campitelli* lipsanorum custodiam fecisse, quam nos vidisse recordamur, eximiis marmorum incrustationibus concinnatam, ubi ipsius Familiæ Capisucchæ insignia conspiciebantur, opere vermiculato affabrè composita, scilicet aureum, baltheum in cærulei coloris areolâ: ac insuper in fronte custodiæ Artificis nomen legebatur sic.

MAGISTER DEODATUS
FECIT HOC OPUS.

Vixit hic Artifex anno circiter 1290. ut indicat Abas Constantinus Cajetanus in vita Gelasii II. Romani Pontificis, addens in eodem templo eandem Familiam antiquum habuisse Sacellum, anno 1390. dotatum. Hæc idem Oldoinus ex variis Auctoribus collegit, quæ nos in aliorum exemplum

plum hîc annotare volumus, ut discant posterî quanti interest antiquas servare memorias; nam tempus quandoque advenit, ut ea quæ in tenebris delitescunt, lucem videant.

Ut autem magis appareat peculiaris ejusdem Cardinalis Raymundi diligentia non solum in asservandis, verum etiam in renovandis sacris memoriis, prætereundum silentio non arbitror, præfatum Sacellum unâ cum Ecclesia demolitum fuisse. Quapropter illud in aliâ Ecclesiâ sub eadem denominatione, ut diximus, noviter constructâ, idem Cardinalis Raymundus à fundamentis, in ampliori & augustiori forma, ac variis marmorum integumentis, nobilibusque picturis excitavit, ut omnibus intuentibus patet. Quædam verò in eo Sacello inscriptiones insculptæ sunt, quarum duas, utpotè ad ea quæ refe-

rimus concernentes, hîc in Lectoris gratiam subjicimus. Prima inscriptio sic se habet.

D. O. M.
 QVADRATVM
 SACRORVM LIPSANORVM
 TABERNACVLVM
 CVM ADSCRIPTO ARTIFICIS
 NOMINE
 HOC OPVS FECIT
 MAGISTER DEODATVS
 QVATVOR AB HINC SECVLIS
 A NOBILI CAPISVCCA
 FAMILIA
 PLVRIBVS EIVS INSIGNIBVS
 CVM AVREO BALTEO
 IN CAERVLEI COLORIS AREOLA
 OPERE MVSIVO
 REPRAESENTATIS EXTRVCTVM
 PER NOVAM HVIVS TEMPLI
 MOLITIONEM EVERSVM
 SVI MEMORIAM AD POSTEROS
 HAC INCRPTIONE
 TRANSMITTIT
 HOC ANNO MDCLXXXV.

Secunda inscriptio est quæ sequitur.

SACELLVM HOC DIVO PAVLO SACRVM
 IN VETERI TEMPLO S. MARIAE DE CAMPITELLO
 A NOBILI FAMILIA CAPISVCCA
 DOMICILIVM IN EADEM REGIONE A MVLTIS SAECVLIS
 HABENTE CONSTRUCTVM
 CELEBRIQVE PRAEDIO NOMINE S. CYRIACI
 VIA OSTIENSI SEPTIMO AB VBRE LAPIDE
 SVB IVRE PATRONATVS EIVSDEM PROSAPIAE DOTATVM
 ANNO MCCCXC.
 IN HVIVS INNOVATI TEMPLI MAGNIFICENTIORI STRVCTVRA
 RAYMVNDVS CAPISVCCVS ORDINIS PRAEDICATORVM
 S. R. E. PRESBYTER CARDINALIS
 DENV O EXTRVXIT, ORNAVIT, ET AVXIT.
 ANNO SALVTIS MDCLXXXV.

Fig. 1.




Fig. 2.

TAB XLV




Fig. 3.





Fig. 4.





Secunda Figura formam præfert aræ majoris in Ecclesia S. MARIE in Cosmedin, quæ antiquam speciem, aliarum Confessionum non retinet, sed in multis aberrat. Porro super singulis columnis turres campanariæ attolluntur, ac epistylum in formam arcûs curvatur, in cujus angulis Annunciatio B. Virginis Musivo opificio extructa est. Supra arcum fastigium prominet, & in tympani medio orbicularis fenestra panditur, ac decussato fornicis centro turris alia consurgit, ut ipse delineationis typus instruit. Altaris hujus antiquitatem perlustrans, duodecimo sæculo erectum didici ab ejus chronologia; at cum de illo, deque Ecclesia plura eruditè scribat amicus noster Abas Bartholomæus Piazza, literariæ Reipublicæ fatis notus ob sacras memorias, quas excolit in suo Tractatu *De Titulis Ecclesiarum*, ideò descriptioni ulteriori parcam, nè falcem in alienam messiem (ut in adagio est) videar intrudere.

Hactenus sensim ostendimus qualiter sepulchra, illorumque ornamenta, paucis ablatis, ex una in alteram nationem transierint: nunc verò cura erit ostendere, quomodò ipsius naturæ ductu, quæ optimum semper appetit, in sepulchris ædificandis ornatum monumentorum in Martyrum memoriam excitatorum ars æmulata fuerit. Indicat nobis hoc Figura 4. Tabulæ XLV. quæ est imago sepulchri in Ecclesia S. Laurentii in agro Verano, seu extra Urbis muros. Conspectur in eâ Confessionis, sive Ciborii forma cum columnis, epistylis, coronide, columellis, tympano, & fastigio, cæterisque ædificii partibus: statque in medio, veluti ara, quadra-

tus sarcophagus. In Fig. 3. quæ vilitur in Ecclesia S. Alexii de Urbe, & est nobilissimæ Familiæ de Sabellis, apparet alia sepulchri forma, quæ magnam habet affinitatem cum supra adductis, nimirum cum altare S. MARIE in Cosmedin, & ipsanorum custodiâ, quæ erat in Ecclesia S. MARIE in *Campitelli*. Aliæ duæ Icones, nempe Fig. 1. & 2. virorum illustrium præferunt monimenta, quæ Basilicæ, seu potius Basiliculæ nominabantur, ex eo quod formam Basilicarum ac speciem redderent, & adhuc conspicuæ sunt in porticu dictæ Ecclesiæ S. Laurentii in agro Verano. Vox autem hæc *Basiliculæ* nè alicui abstrusa, novaque videatur, en sæpè laudatus Du-Cange, qui eruditionem ex lege Salica tit. 58. § 3. 4. 5. depromit, ibi: *Si quis Basilicam super hominem mortuum expoliaverit, triginta solidis culpabilis judicatur*. Notat hic idem Auctor, *Basilicas* eo loci intelligi Magnatum tumulos, quos ad instar ædium sacrarum, seu Basilicarum extruere mos erat: quorum quoquè sit mentio in tit. 71. ubi agitur de mulcta illius, qui Basilicam ausu temerario, aut fortasse per negligentiam incenderit. Ex quibus verbis eruit prædictus Du-Cange ejusmodi Basilicas ligneas fuisse, proindeque incendiis obnoxias. Nostra tamen Italia cum marmoribus affluat, non ex ligno, sed ex marmore illas ædificare consuevit, ut geminæ jam allatæ confirmant, quæ ex Pario lapide constructæ sunt. *Basiliculæ* vocem mihi porrexit S. Paulinus in Epist. 12. ad Severum, ac legi apud Avitum Viennen. in Epist. 6. ubi pro facello, seu oratorio Basiliculam posuit; quem unum adducere satis sit, nè de nominibus

nibus vocibusque verba faciendo, Lectorem res, ac doctrinam sectantem expectantemque, diutiùs verbis inanibus oneremus.

C A P U T XX.

De Ecclesia Sanctæ Agathæ Majoris in civitate Ravennæ: ac de opere Musivo, in ea constructo ab Exuperantio ejusdem civitatis Episcopo, anno Christi circiter CCCC.

RAVENNA urbs toto terrarum Orbe præcipuâ, & quâdam singulari antiquitatis notâ celeberrima, Romanæ olim urbis in pluribus, præsertim in templorum magnificentia, ac splendore æmula fuit. Cum autem tum Romæ, tum Ravennæ adhuc in præsens aliqua Templâ sint, quæ vel peregrinâ molis structurâ, vel Musivi operis elegantiam eximium sui spectaculum, cæterorumque jam dilapsorum illustre testimonium reddant, libuit nobis ea literis demandare, ætatumque omnium oculis tam descriptionibus, & explicationibus, quàm variis Iconismis expressa repræsentare. Qua in re maximo nobis adjumento fuit mira sedulitas R. P. Cæsaris Pronti, ordinis S. Augustini, in picturis versatissimi, qui non solum de Pictore providit, sed ipsum docuit quâ potissimum arte fidelius Musiva delinearentur. Nequè exiguum est quod nos debemus R. P. Francisco Prandi, Clerico Regulari Theatino, qui ea loca perlustrans, ubi celebriora Musiva emicant, eorundem etiam colores notavit.

Inter Ecclesias Musivorum operum blandimentis concinnatas, quæ


prior vetustatis ordine servato nobis occurrat, ea est quæ in Civitate Ravennæ *Sanctæ Agathæ Majoris* appellationem sortita fuit. Hujus Ecclesiæ constructio, seu fundatio, à Hieronymo Fabri in suis *Memoriis sacris antiquæ Ravennæ*, vernaculo idiomate fusè describitur, & hîc ex eodem excerpta strictè subjicitur.

Reparatæ salutis anno 378. Sanctus Ursus, ex nobilioribus totius Siciliae Familiis natus, ad cathedræ Ravennatis regendæ munus evectus fuit. Inter potiora pietatis ejus monimenta commendatissimum illud est, nempe omnium bonorum, quæ jure hæreditario in Siciliae regno possidebat, Ecclesiæ Ravennati facta donatio. Unde hæc Ecclesia semper id moris habuit, in eodem Siciliae regno ministrum constituere, qui Vicarii, seu Præfecti titulo ea bona gubernaret, quæ Patrimonium Ecclesiæ Ravennatis appellabantur.

Primus autem, qui huic templo excitando animum applicuit, quidam fuisse creditur nomine Gemellus tempore S. Exuperantii, præfati Sancti Ursi successoris, nimirum in principio sæculi V. unde patet veneranda ejus antiquitas, quod à duodecim circiter sæculis adhuc extat. Initio fuit hæc Ecclesia splendide ædificata, & in honorem Sanctarum Virginum, & Martyrum Agathæ, & Luciae nuncupata: temporis tamen progressu tantum *S. Agathæ* denominationem retinuit, adjuncto titulo *Majoris*, fortè ad alterius Ecclesiæ discrimen, quæ mole minor, sub ejusdem sanctæ invocatione Ravennæ tunc aderat. Nominatur etiam Ecclesia ista in vetustis quibusdam Codicibus, *Monasterium*; & sic



& sic appellatam fuisse constat ex quadam donatione Archiepiscopi Arnol-di, sub anno 1018. in qua ipsum Petro Diacono Ecclesiæ Ravennatis Monasterium S. Agathæ Majoris contulisse narratur. Præterea duo diplomata, quorum unum de Alexandri III. legibus est, alterum ad Urbanum IV. spectans, hoc eodem titulo *Monasterii* eam appellant, & inter loca jurisdictionalia Capituli Ravennatis enumerant. Postmodum autem Parochialis evasit, ut fusiùs apud eundem Hieronymum Fabri videri potest.

Vetustissimæ hujus Basilicæ corpus in tres, & quidem ingentes naves, dividitur, vigintiquatuor columnis (diversæ tamen magnitudinis habitâ illarum mensurâ) ex Græco, & Numidico marmore suffultas; & in fronte habet absidem, sive Tribunam, perantiquo Musivo elegantissimè ornata. Hujus operis Iconismum damus in præcitata Tabula XLVI. ubi Christi Domini imago est, qui throno insidens gemmis undequaque conspicuo, apertâ dexterâ benedicere, seu potius loqui, ac docere videtur, lævamque codici superimponit, qui sinistro ejus genu innititur, & Evangeliorum volumen repræsentat. Ejus pallium, quod violaceum colorem refert, rubeum veluti suboscuro adumbrantem, hoc monogrammate distinguitur.  Caput pretiosi diadematis nimbo coronatur, in quo gemmea Crux est. Scabellum, quod Salvatoris pedibus premitur, duos gradus habet, gemmisque usque ad cathedram circumfulget. Ab utroque ipsius latere, in quodam veluti prato liliis, rosisque intersepto, stant duo Angeli, qui alas expandunt. Eorum

Par. I.

autem qui ad lævam Salvatoris est, dexteram manum ad pectus inflectit, sinistrâ pallium elevat, simul cum baculo, sive arundine aurea: alter verò dexteram elevatam perinde ac si benediceret attollit, sinistrâ baculum, sive arundinem auream tenet: ambo simplici diademate coronantur: ambo tam pallio, quàm vestibus albi coloris induti sunt. Parva stola, auroque nitens è dextro Salvatoris humero pendet; eademque visitur in Angelis colore solummodò excepto, qui albus est. Demum prospectus, sive totius Tribunæ campus lucidâ auri scobe conspersus undequaque, oculos raperet, nisi elapsis, ævoque dejectis lapillis, quæ calce oppletæ sunt. *De baculo*, sive arundine, quam Angeli manu gerunt, diximus supra in Capite XV. *De baculis*. Licet de certo tempore constructionis hujus Musivi operis apud Scriptores non constet, nec aliunde expiscari possit; apparet tamen ex gemmato, & in formam Crucis circumducto diademate, necnon ex gemmato folio, & ex Angelis cum baculo, sive arundine circa Christum Dominum adstantibus, ac in vestibus monogramma habentibus, vetustissimum opus esse, ac redolere tempora ædificationis ipsius templi, scilicet principium V. sæculi; ut conjicitur etiam ex figuris, quæ conferri possunt cum illis Liberianæ Basilicæ, infra afferendis.

C A P U T XXI.

*De Musivis operibus, in Ecclesia Sanctæ Sabinæ à Cælestino I. Summo Pontifice anno circiter 424. constructis;
& de ejusdem Ecclesiæ antiqua fundatione.*

MULTA quidem beneficia deberemus tempori, à quo maximum rebus pretium, hominibusque nomen accedit, nisi plura ex his injuriosa nimis edacitate corrumpere, & absumeret. Fertilis ævi fructus historiæ sunt, quibus profectò nequè utilius quid foret, si ad nos integri & incolumes pervenirent. At malo quodam ætatis genio fit, ut quæque antiquiora caligine perobscurâ involvantur, à qua eadem nequè provida cura Scriptorum, nec vigilantia nepotum, eximere & expedire ullatenus potest. Porro has tenebras, ut in tota de Musivis operibus, deque erectionibus Ecclesiarum tractatione, peculiariter in præsentī Ecclesia S. Sabinæ experimur. Vitio etenim sæculorum & de fundatore ambigitur, & de operibus vermiculatis, quibus undequaque ornabatur, nihil nobis nisi tenue vestigium, & grande desiderium relictum est; quod vel explebitur, vel incrementa suscipiet, si præmissis aliquibus circa templi hujusmodi fundationem, Musivorum reliquias proposuero, & conabor aliquo modo explicare. Marlianus in sua *Topographia Urbis Romæ* lib. 4. cap. 4. Appiani auctoritate subnixus asserit, ædem S. Sabinæ nunc esse, ubi olim fuit Dianæ templum. Contra tamen Donatus in sua *Roma* veteri lib. 3.

cap. 13. existimat, non Dianæ, sed Deum Reginæ Junonis Fanum ibi extitisse. Pancirolus verò in suo Tractatu *De Urbis Ecclesiis*, in IX. Regione, cap. 8. Ecclesiam S. Sabinæ Palatium ejusdem olim fuisse arbitratur, quod in Oratorium à Fidelibus versum fuerit, & SS. Sabinæ & Serapiæ ejus hospiti sacratum, ac postremò in Ecclesiam à Magno Constantino reductum: verum hæ meræ sunt conjecturæ. Certi nescio quid indicat in eadem Ecclesia inscriptio quædam, palmaribus literis fundatorem fuisse, asserens Petrum natione Illyricum, & ipsius Cardinalem Titularem, quam hic fideliter retuli, ac etiam in annexo picturæ exemplari, ubi etiam characteres imitatus sum. Inscripção hæc est:

Culmen Apostolicum cum Cælestinus haberet,

Primus & in toto fulgeret Episcopus Orbe,

Hæc quæ miraris fundavit Presbyter Urbis,

Illyrica de gente Petrus, vir nomine tanto

Dignus, ab exortu Christi nutritus in aula:

Pauperibus locuples, sibi pauper, qui bona vitæ

Præsentis fugiens, meruit sperare futuram.

Hanc Ecclesiam à supradictō Petro fundatam fuisse legimus quoque in Libro Pontificali, sed in Vita Xysti III. ubi sic: *Hujus temporibus fecit Petrus Episcopus Basilicam in Urbe S. Sabinæ, ubi & fontem construxit.*

In hac autem Historici narratione duplex error animadvertendus est. Primus, cum Xysti III. temporibus ædifi-

ædificatam Ecclesiam referat, quod inscriptioni prædictæ repugnat; ex ea namque Prædecessoris illius tempore constructa videtur: secundus, cum Petrum ejus fundatorem Episcopum dicat, quandoquidem in inscriptione Presbyter urbis appellatur, & urbis Presbyteri non Episcopi erant, sed Parochi: unde igitur Petrus Episcopus?

Ipsa quoque inscriptio notanda est, quæ ab eodem Petro posita minimè fuit, cum recta prudentiæ ratio nemini sibi ipsi laudem dare permittat, nam *Laus in ore proprio sordescit*: Proverb. 27. Legitur etiam in eadem: *Petrus vir nomine tanto dignus, &c. Pauperibus locuples, sibi pauper*: quod elogium certè ipse Petrus nunquam apposuit, sed potius ejus Successor, qui etiam opus absolvit, cum ille fortasse morte præventus ultimam ei manum imponere non potuerit. Nec tamen incongruum reor asserere, elogium illud aliquem ex restauratoribus, quos infra referam, apposuisse.

Ulteriùs prætereunda non est alia observatio, videlicet Petrum istum, egregium atque sublimem virum, fuisse ex gente Illyrica, ac in Patriarchio Lateranensi, aut in aliquo ex Monasteriis apud Vaticanam Basilicam constructis, educatum; ut colligitur ex verbis: *Christi nutritus in aula*: nam per aulam Christi unum ex dictis locis intelligo Romæ existentibus, quæ Christi aula dici potest, cum in ea Christi Vicarius resideat. Conjecturam hanc educo ex Pontificali Libro, ubi legimus plures Pontifices ejusdem locis ad Petri cathedram regendam evectos fuisse, ut habemus de Benedicto II. Gregorio II. Stephano I.

no III. Paulo I. Leone III. & de aliis pluribus.

Majori tamen animadversione dignum existimo secundum carmen, nempe:

Primus & in toto fulgeret Episcopus Orbe.

hæc enim vox *Primus* Pontificum ordinem haud respicit, ita ut Coelestinum ejus nominis Primum fuisse insinuet, cum hoc à veritate prorsus alienum sit. Nominibus enim numerus non apponitur, nisi cum superveniat aliquis ejusdem nominis, & hoc ad distinctionem, quæ in primo neutiquam est adhibenda, cum secundus à quo differat, haud inveniatur. Hic igitur vox *Primus* ad alteram vocem *Episcopus* referenda est, ita ut Coelestinus primus ac maximus Episcopus dicatur, qui in toto Orbe fulgeret. Idque jure optimo expressum fuit: nam Coelestinus I. per universum Christianum Orbem amplissimam sui nominis famam diffudit ob celebre, ac universale Concilium Ephesinum, eo jubente habitum, in quo impia Nestorii hæresis damnata fuit. Ex dictis igitur quis unquam fuerit, qui Romani Pontificis Primatum à trefdecim circiter sæculis palmaribus literis expressum fuisse, omnium oculis expositum non eliciat?

At à quibusdam objici statim audio, hæc pauci ac nullius momenti esse, quoniam Musiva opera ab aliquo ex restauratoribus facta fuerunt, atque ideò tempora ipsi Celestino posteriora redolere: proptereaque eam vocem *Primus* numerum Pontificis ejusdem nominis denotare. Sciant hi, respondeo, alium nominis hujus Pontificem non reperiri nisi in sæculo XII.

quo tempore sacrae picturae cum diadematis exprimebantur, quibus figurae in nostro Musivo opere expressae penitus carent; sicque vetustissimae erunt. Praeterea Musivum opus rude est, si ea respicias, quae sub XII. saeculo constructa fuerunt; prout etiam rudes sunt imagines, quae quandam venerabilem intuentibus antiquitatem ostentant. Insuper si opus XII. saeculi esset, ejus profecto historia haberetur, nec in oblivionis tenebris obvoluta jaceret; nec quisnam iste, Petrus fuisset ignoraremus; quippe in saeculo XII. omnes Cardinales qui electioni Coelestini II. interfuere, à Ciaconio referuntur, & eos inter nullus usquam Petrus Tit. S. Sabinæ invenitur: prout etiam inter Cardinales ab eodem Coelestino II. creatos non legitur.

Hanc veritatem, quod vox *Primus* primatum inter Sacerdotes denotet, confirmo ex praefatione Missae, in die natalis S. Xysti Papae urbis Romae, quae legitur in Missale Gothico, à saepe laudato Josepho Maria Thomasio in lucem edito, pag. 367. & iterum impresso etiam à laudato viro D. Joanne Mabillonio in sua *Liturgia Gallicana*, lib. 3. pag. 276. ubi sic: *Verè dignum & justum est &c. Ex quibus est sanctus ac venerabilis Xystus Martyr, cujus hodie solemnitas celebratur: qui cum Apostolicæ Sedis excepisset insignia, & se primum esse conspiceret Sacerdotum &c.*

Supradictam Ecclesiam anno 795. Leo III. restauravit, ut notat Bibliothecarius in ejus vita; ubi ait: *Similiter & Titulum S. Sabinæ studiosè renovavit, in quo idem egregius Praesul fecit ex argento coronas quinque &c.*


Postea Eugenius, ejusdem Ecclesiae pridem Titularis, in Pontificem electus an. 824. picturis illam ornavit, quarum adhuc vestigia super columnarum epistylia videntur. Colligitur insuper totam Ecclesiam fuisse non solum picturis, verum etiam vermiculatis operibus decoratam, ut ex murorum concatenationibus, quas in angulis propè majorem Portam sedulo & accuratè observavi, & examinaui: hodie verò destructae sunt novae restorationis causâ sub annum 1683.

Quod Eugenius Ecclesiam ornaverit, sic testatur Liber Pontificalis in ejus vita: *Tenuit autem Presbyteratus sui tempore Ecclesiam Beatae Sabinæ Martyris, positam in monte Aventino, quam Deo dispensante post Pontificalem sibi attributam gratiam, ad meliorem cultum perduxit.* Nec defuere alii Pontifices & Titulares, qui hanc sacram aedem restaurarunt, quos vide apud alios; mea namque unica intentio est de antiquioribus restorationibus agere, ad earundem antiquitatem probandam.

Reliquias inter Musivi operis, quae supersunt, est arcus Tribunae, cui quindecim orbes incumbunt, ac aliorum duorum vestigia apparent. Horum singulos implet togati viri facies & pectus, quales imagines Caesarum in numismatibus esse solent, ut in Tab. XLVII. videre est.

Medium in arcus fastigio orbem obtinet Christi Servatoris effigies. Icones reliquae, cum nullam praefereant tesseram peculiarem, praeter tunicam, quosnam referant viros dubium faciunt, quod ego minùs occupato Lectori explanandum relinquo: Adhaerent hinc inde orbium lateribus duae





Civitates, utraque portis patentibus, ex quarum arcu tres lampades pendent, figuræ partim rotundæ, partim quadratæ. In medio portæ dexteræ respectu intuentis, lampas est formâ rotundâ, aliæque duæ quadratâ. In sinistra verò è contrario, media quadrata est, laterales sunt rotundæ: singulis autem in medio inest orbiculus.

Nec suo carent mysterio hæc Hieroglyphica; nam & in diversis aliis Musivis ambæ hæ Civitates, quæ Bethleem, & Hierusalem denotant, conspiciuntur, licet eundem ubique locum non teneant: in aliqua enim Tribuna Hierusalem dexteram sedem, in alia sinistram obtinet, ad arbitrium scilicet Pictoris, vel Musivarii. Sed nè ullâ explicatione intentatum huiusmodi sacrum emblemata relinquam, meas aliquas conjecturas adjiciam.

Bethleem, & Hierusalem duo sunt fontes, è quibus humani generis salus emanavit. In Bethleem enim Salvator noster **JESUS** Christus natalia sortitus est: in Hierusalem primò verbum salutis annunciavit, ac postmodum mortem subiit. In Bethleem David, qui Christi typus & pater fuit, ut ex *Luce cap. 1.* ortum habuit, ac sepulchrum: eadem Civitas eo quod Christo nascenti hospitium præbuisset, à Matthæo cap. 2. num. 6. inter præcipuas Regni Judaici urbes reponitur, ibi: *Et tu Bethleem terra Juda, nequaquam minima es in principibus Juda, ex te enim exiet Dux, qui reget populum meum in Israel.*

Quare Mediolanensis Ecclesiæ Antistes D. Ambrosius in Sermonem in Michæam Prophetam, observatione prima ad *Horontianum*, plura de hac eadem urbe congeffit, inquit: *Ubi*

crudelitas, ibi pietas: ubi pœna innocentium, ibi universorum redemptio, sicut scriptum est: Et tu Bethleem, domus Ephrata, non es minima inter Principes Juda: ex te enim exiet Princeps in Israel. Bethleem domus panis erat, Ephrata domus furorem videntis: hoc habet interpretatio istorum nominum. In Bethleem natus est de Maria Christus: eadem autem Bethleem quæ Ephrata. In domo igitur furoris generatus est Christus; & ideò jam non domus furoris, sed domus panis, quia panem recepit eum, qui descendit de cælo. Domus autem furorem videntis Ephrata, quia illic Herodes dum Christum requirit, perimi statuit infantulos.

Nec minora dignitatis argumenta habuisse Hierusalem constat: legitur enim apud patres, Hierusalem (juxta Prophetæ Hieremiæ sententiam) in medio terræ positam esse, à Melchisedech conditam, à Davide in Regni Caput & Metropolim constitutam, & augustissimo templo juxta Dei mentem à Salomone decoratam.

De eadem Sedulius Hibernensis Episcopus in epist. ad *Ephesios* cap. 4. ait, hoc solo nomine *Hierusalem* quatuor figuras significari, nempe *Historiam*, *Allegoriam*, *Tropologiam*, & *Anagogen*. Secundum *Historiam* civitas est Judæorum: secundum *Allegoriam* Ecclesia Christi: secundum *Anagogen* civitas illa Dei, quæ nostrum omnium Parens, & Patria est: secundum *Tropologiam* anima hominis, quam frequenter hoc nomine interpretatus est Dominus.

Hæc breviter circa explicationem emblematum Civitatum. Superest nunc aliquid de lampadibus ab earum foribus pendulis addere. Hierogly-

roglyphicum idem in aliis Musivis pro portis ambarum Civitatum conspicitur, numero tamen lampadum impari; cum alibi duæ vel tres, alibi quatuor aut quinque lampades pendeant, ut è sequentibus emblematicis liquet. Conjecturæ autem nostræ, quod eæ sint lucernæ, favet Eusebius Cæsariensis lib. 4. cap. 23. *De vita Constantini*, ubi narrat quàm grandi ac splendido cultu Christianissimus Imperator Paschale Festum celebraret; ibique inter alia ait: *Sacram vigiliam* (subintellige Paschatis) *in diurnum splendorem converterat, accensis tota Urbe cereorum quibusdam columnis per eos, quibus id operis erat injunctum. Lampades quoque accensæ, cuncta passim loca illustrabant, adeout hæc mystica vigilia quovis vel splendidissimo die, splendidior redderetur &c.* Illustravit hunc locum eruditissimus Valesius sequenti notâ: *Christiani in vigilia Festi Paschatis maximam cereorum copiam accendebant, quod cum intra Ecclesiam dumtaxat facerent, Constantinus etiam extra Ecclesiam cereos passim accendi iussit in honorem tantæ Festivitatæ. Cumque in magnis Civitatibus noctu limina accendi solerent in compitis, Constantinus ea nocte multò plures & majores cereos voluit accendi, ut Gentilium animos ad Christianæ Religionis venerationem perduceret &c.* Idem Valesius prædictum ritum illuminandi nocturnis ignibus, facibusque, ac lampadibus magnas Civitates, ostendit in aliis notis, quas addit ad lib. 14. Ammiani Marcellini cap. 1. ubi agitur de Galli Cæsaris sævitia, qui *Vesperis per tabernas palabatur & compita, quæritando Græco sermone, cujus erat impendiò gnarus, quid de Cæsare quisque impensè sen-*

tiret. Et hæc confidenter agebat in Urbe, ubi pernoctantium luminum claritudo dierum solet imitari fulgorem. Quem locum sic explicat laudatus Valesius: *De hac urbe testatur Libanius in fine Antiochi.* Καὶ τὸ ἐλθε λαμπράδα λαμπρότερος ἐπεὶ ἀφδέχονται τὴν Αἰγυπτίων λυχνοαίαν παριόντες. *Sic enim legendum est, non παριόντες, ut vulgata habet editio, idest: Solis porrò facem aliæ faces excipiunt, quæ illam Ægyptiorum in Minervæ Saiticæ festo lucernarum accensionem longè superant.* Addit idem Libanius, *Tota nocte operari solitos in tabernis opifices, cum interim saltantium, & canentium vocibus compita personarent: macellum ipsum æquè ac interdiu pateret, in eoque omnis generis edulia essent proposita.* Idem in oratione adversus Tisamenum inquit, *miseros opifices à Curatoribus regionum cogi solitos, ut ea lumina accenderent, oleumque lucernis infunderent: erant autem hæc lumina inter ornamenta civitatum, ut idem Libanius scribit in Oratione gratulatoria ad Ellebicum.* Ελθόντες ὅτι τὸ πλησιάζον βαλανεῖον. κάλως ὦν ὀξήρτωτο τὰ τὸ φῶς ἐν νυκτὶ παρέχοντα μαχαίραις ἀπέκοπτον, δεικνύοντες ὅτι δεῖ τὸν ἐν τῇ πόλει κόσμον ταῖς αὐτῶν βελήπεσον ὑποχωρεῖν. *Idest: Cum venissent ad vicinum balneum, funes quibus appensæ sunt lucernæ, quæ noctu lucere solent, gladiis præciderunt, ut ostenderent ornamentum civitatis suo furori cedere debere.* Hinc est quod Basilii Magni in Epist. 39. ad Martinianum, quâ calamitates Patriæ suæ deplorat, hoc inter cætera recenset: γυμνὰ δὲ κακλεῖσιν αἶνα ἐν νυκτὶς ἀλαμπεῖς. Et Procopius in Anecdosis pag. 114. Justinianum accusat, qui omnes civitatum redditus sustulerat: quo factum est, ut nec lumina in publico singu-




CULMEN APOSTOLICVM CVM CAELESTINVS HABERET
 PRIMVS ET INTOTO FVGERET EPISCOPVS ORBE
 HAEC QVA EMIRARI SVNDAVIT PRESBITER VRBIS
 ILLYRICAE GENTE PETRVSVIRNOMINETANTO
 DIGNVS ABEXORTVCHRSTINVTITVS INAVLA
 PAVPERIBVS LOCVPLES SIBI PAVPERQVIBONAVITAE
 PRAESENTISEVGIENS MERVIT SPERARE FVT VRAM



ECCLESIA EX CIRCUMCISONE



ECCLESIA EX GENTIBVS



singulæ haberent; nec solatium ullum ac delinimentum incolis reliquum esset: ὅτε λύχνα τῶν πόλεων ἐν δημοσίῳ ἐκάσθη, ὅτε τις ἢ ἄλλη πῶς ψυχῇ τοῖς Ταύταις οἰκῇσι. Itaque in publico luctu ac mœrore hæc lumina vel penitens, vel magna ex parte removebantur. Sic Libanius in Oratione ad Antiochenſes de Imperatoris ira, suadet civibus, ut has lucernas tantisper reponant, aut rariores accendant: Τὸ πάλυ καὶ μάταμον τῷτο φῶς ἐν τρυφῇν ἄχρηστον βαλανεῖον δεικνύον, τὸ πρὸς τῷ βασιλείων κρεμάμενον εἰς πολλοσὸν τῷ νῦν ὄντο τασήσωμεν. De his luminibus loquitur Beatus Hieronymus initio Dialogi adversus Luciferianos: *Dum audientiam & circulum lumina jam in plateis accensa solverent, & inconditam disputationem nox interromperet, consputa penè invicem facie recesserunt.*

Hunc ritum lucernas accendendi primi docuerunt Ægyptii, ut ostendit Clemens Alexandrinus *Stromat.* lib. 1. & luculentiùs Casalius de veteribus Ægyptiorum ritibus, ac Fortunius Licetus *De lucernis*. Postmodum idem ritus ex Ægyptiis ad cæteras gentes transiit, à quibus ad nos Christianos, ut docet Tertullianus de idololatria n. 10. *Nunc (inquit) lucent tabernæ, & januæ nostræ: plures jam invenies Ethnicorum fores sinè lucernis & laureis, quàm Christianorum.* Quapropter quod hæ mysticæ Civitates, ac lampades, fulgidam Christi nativitatem innuant, & ejusdem Resurrectionem, quæ nihil unquam Ecclesiæ felicius eluxit, abundè demonstratum est. Sed Tribunæ descriptionem jam expediamus.

In arcus summitate volitant novem Columbæ, quæ quid indicent nescio. Scio tamen S. Eucherium sub

an. 440. Episcopum Lugdunensem, in libro *Formularum spiritualium* cap. 5. *De animalibus*, per Columbam simplicitatem denotari dixisse. Petrus Blesensis in serm. 10. *De Dominicis infra Epiphaniam* asserit, quod *Sicuti agnus inter animalia, sic est inter aves columba simplicior.* Et idem Dominus, qui Patris sapientia est, cum nos ad innocuam simplicitatem colendam perpetuò hortaretur, *Estote*, inquit, *prudentes sicut serpentes, & simplices sicut columbæ.* Hieroglyphicum simile conspicitur in Cruce existente in Tribuna S. Clementis, de quo suo loco.

Progrediamur modò ad aliam Musivi operis partem, quæ supra Januam majorem Ecclesiæ parietem interioriorem exornat, & exhibetur in Tabula XLVIII. In operis summitate symbola quatuor Evangelistarum apparent sub specie quatuor animalium. Cur autem Evangelistæ sic expriman- tur, diversæ sunt Patrum sententiæ, quarum nonnullas in unum collegit Zacharias Episcopus Chirifopolitanus, qui sub initio sæculi XII. *De concordia Evangelistarum* dilucidè scripsit. Is igitur in præfatione prima, *De figuris Evangelistarum* inquit, *non adversas, sed diversas Patrum sententias ponemus, ut Lector eligat quod sibi potissimum videbitur.* Hieronymus in argumento ante Evangelia. *Quatuor Evangelia multò ante prædicta Ezechielis volumen probat, in quo prima visio ita contextitur. Et in medio sicut similitudo quatuor animalium, & vultus eorum, facies Hominis, & facies Leonis, & facies Vituli, & facies Aquilæ. Prima Hominis facies Matthæum significat, qui quasi de homine exorsus est scribere: Liber Generationis JESU Christi. Secunda Mar-*

Marcum, in quo vox Leonis in eremo rugientis auditur: Vox clamantis in deserto. Tertia Vituli, quæ Lucam à Zacharia Sacerdote sumpsisse initium præfigurat. Quarta Joannem, qui ad altiora festinans, de verbo Dei disputat. Et in Apocalypsi eadem significatio est, ubi dicitur: Animal primum simile Leoni, secundum simile Vitulo, tertium simile Homini, quartum simile Aquilæ volanti. Sedulius:

Hoc Matthæus agens, hominem generaliter implet.

Marcus ut alta fremit vox per deserta Leonis.

Jura Sacerdotis Lucas tenet ore Juvenci.

More volans Aquilæ verbo petit astra Joannes.

Aliter Juvencus.

Matthæus instituit virtutum tramite mores,

Et benè vivendi jústo dedit ordine leges.

Marcus amat terras inter, cælumque volare,

Et vehemens Aquila stricto secatur omnia lapsu.

Lucas uberiùs describit prælia Christi, Jure sacer Vitulus, qui mœnia satur a vita.

Joannes fremit ore Leo, similis rugienti

Insonat, æternæ pandens mysteria vite

Augustinus verò sic in libro de concordia Evangelistarum: Matthæus Incarnationem Domini secundum Regiam stirpem suscepit. Marcus tanquam pedissequus, & brevior ejus esse videtur cum solo Joanne nihil dicens. Lucas Sacerdotalem Christi stirpem occupavit, ad David ascendens, non Regium stem-

ma sequutus, sed per Reges exit ad Nathan (qui Rex non fuit) filium David: Non sicut Matthæus, qui per Regem Salomonem descendens, ceteros Reges prosequutus est. Non autem habuit breviatorem Lucas, sicut Matthæus, & hoc forte non fuit sinè aliquo sacramento, quia Regum est non esse sinè comitem obsequio. Lucas verò non habuit comitem breviatorem, nam Sacerdos in Sancta Sanctorum solus intrabat. Hi tres maxime circa humanitatis facta versati sunt, Joannes verò circa divinitatem. Proinde cum duæ virtutes sint animæ, una activa, altera contemplativa, quas significaverunt uxores Jacob, Lia quæ interpretatur laborans, & Rachel quæ interpretatur visum principium, datur intelligi, tres Evangelistas circa activam virtutem fuisse versatos, Joannem verò circa contemplativam. Unde mihi videtur probabilius attendisse illos, qui Leonem in Matthæo, Hominem in Marco intellexerunt; Vitulum verò in Luca, Aquilam in Joanne: quàm qui Hominem Matthæo, Aquilam Marco, Leonem Joanni tribuerunt. De principiis enim librorum conjecturam capere voluerunt, non de tota intentione Evangelistarum, quæ magis fuerat perscrutanda. Multò enim congruentius Matthæus Regiam Christi Personam maxime commendans, per Leonem significatur: unde & in Apocalypsi cum ipsa Tribu Regia Leo commemoratus est, ubi dicitur: Vicit Leo de Tribu Juda. Secundum Matthæum Magi narrantur venisse ab Oriente ad Regem querendum, & adorandum, qui eis per stellam natus apparuit; & ipse Rex Herodes Regem formidat infantem, atque ut eum possit occidere, tot parvulos necat. Lucam per Vitulum significari neutri dubitaverunt, qui quasi ani-

animal hostiis deputatum, circa templum maximè, & Hierosolymam narrationis suæ versatur incessu. In principio Sacerdotem collocat ad aram orantem, populo foris stante. Mariam concepto Domino Hierosolymam mittit ad domum Pontificis. Ibi Baptistam natum refert, illuc Dominum natum cum hostia transfert, illuc cum parentibus singulis annis ducit, duodennem in templo choris Doctorum interfert: Et post cætera Discipulos Deum in templo laudantes in fine Evangelii concludit.

Concordia Augustini in 4. lib. Ideò Marcus videtur Hominis demonstrare personam, & Matthæi comes esse, quia cum illo plura dicit propter Regiam personam, quæ sinè comitatu esse non solet: vel quod probabilius est, quia cum ambobus incedit: nam quamvis Matthæo in pluribus, tamen in nonnullis Lucæ magis congruit, ut hoc ipso demonstretur ad Leonem, & ad Vitulum (hoc est ad Regalem quam Matthæus, & ad Sacerdotalem, quam Lucas insinuat personam) id quod Christus homo est pertinere: quam figuram Marcus gerit, pertineans ad utrumque.

Augustinus super Joannem cap. 86. Plerique ante nos in animalibus quatuor intellexerunt Leonem pro Rege positum, quoniam videtur esse Rex bestiarum, propter terribilem fortitudinem. Hæc persona tributa est Matthæo, quia in generatione Domini Regiam seriem prosequutus est. Lucas autem quoniam cæpit à Sacerdotio Zachariæ, Sacerdotis faciens mentionem patris Joannis Baptistæ, Vitulo deputatus est, quia magnæ victimæ Vitulus erat in sacrificio Sacerdotum. Marco homo Christus meritò assignatus est, quia nequè de Regia potestate aliquid dixit, nequè de Sacerdo-

Par.I.

tali, sed tantum ab homine Christo exorsus est. Hi omnes de Divinitate pauca loquuti sunt. Aquila est Joannes lucis æternæ contemplator: dicuntur enim puli Aquilarum sic à parentibus probari, patris scilicet ungue suspendi, & radiis Solis opponi: qui firmè contemplatus fuerit, filius agnoscitur: si acie palpitaverit, tanquam adulterinus ab ungue dimittitur.

Ambrosius super Lucam: Plerique putant Dominum nostrum quatuor formis animalium figurari. Ipse enim est Homo, quia natus est ex Maria: Leo, quia fortis est: Vitulus, quia Hostia: Aquila, quia Resurrectio.

Hieronymus super Marcum: Christus est homo nascendo, Vitulus moriendo, Leo resurgendo, Aquila ascendendo.

Animalibus ordo idem ubique non est, sed pro Pictoris arbitrio variatur. In hac enim pictura dignior locus (is nempe, qui inter medios aspicienti dexter occurrit) Aquilæ assignatur, secundus Leoni, tertius Homini, quartus Bovi.

In Arcubus S. Mariæ Transtiberim, & S. Clementis, dignior locus Homini, secundus Aquilæ, tertius Leoni, quartus Bovi tribuitur.

Homo pariter obtinet primum locum, & Aquila secundum in Arcu S. Marci; sed tertius à Bove, quartus à Leone occupatur.

In templo S. Pudentianæ locus primus Leoni, secundus Bovi, tertius Homini, quartus Aquilæ datur.

In Oratorio S. Venantii dexteram intuentis tenent Leo, & Aquila, & suus cuique liber appositus est: sinistram verò Angelus, & Bos, uterque alatus, uterque librum gerens.

Quarè ad antiquas imagines spectare non videtur Durandi assertio in lib. 1. cap. 3. num. 9. dicentis: *Quandoquè pinguntur quatuor animalia secundum visionem Ezechielis, & Joannis: facies Hominis, & facies Leonis à dexteris, & facies Bovis à sinistris, & facies Aquilæ desuper eorum quatuor.*

Ab eodem Durando loco citato affertur ratio, cur Evangelistis attribuantur hæc symbola, & libri apponantur. *Quia (inquit) quæ verbis & scripturis docuerunt, mente & opere compleverunt, Matthæus figuram sortitur humanam, Marcus figuram tenet Leonis: hi ponuntur à dextris, quia Christi Nativitas, & Resurrectio fuerunt omnium lætitia generalis: unde in Psalm. & ad Matutinum lætitia. Lucas verò Vitulus est, eo quod à Zacharia Sacerdote inchoavit, & Christi Passionem & Hostiam specialiùs pertractavit; nam Vitulus est animal Sacerdotum sacrificiis aptum: comparatur enim Vitulo propter duo cornua, quasi duo continens Testamenta, & propter quatuor pedum ungulas, quasi quatuor Evangelistarum sententias. Per hunc quoque figuratur Christus, qui fuit pro nobis Vitulus immolatus, ideoque ponitur à sinistris, quia mors Christi fuit Apostolis tristis. Joannes autem figuratur Aquila, quoniam ad excelsa pervolat, quum ait. In principio erat verbum. Hoc quoque significat Christum, cujus juvenis ut Aquila renovatur, quia resurgens à mortuis floret, & in Cælum ingreditur. Hic amen non juxtà, sed supernè depingitur, quoniam Ascensionem designat, & verbum apud Deum pronunciat. Alias in lib. 7. cap. 44. idem Durandus explicationes addit, quas causâ brevitatis omitto, nè de*

solis Evangelistis tractatum videar absolvisse.

Ad se igitur revocant nos figuræ, quæ in eadem posteriori Musivi operis parte adhuc supersunt. Dexterum aspicienti angulum togatus vir tenet, indicem dextræ elevans, togam sinistrâ, in cujus fimbria legitur monogramma L. de quo supra in Cap. XIII. quæ figura D. Paulum concionantem exhibet.

Huic ex adverbo ad angulum sinistrum alia figura respondet, quæ D. Petrum refert prædicantem: dexterâ quippe manu elevatâ, & pollice, indice, ac medio extensis, innuere quidpiam, ac suadare gestu videtur.

Imminet illi manus erumpens è nubibus, ac librum proferens, per quam porrò nihil aliud denotatur, nisi Fides Evangelica in libro descripta, & è Cœlo divinitus manans, non secus ac geminæ veteris Testamenti tabulæ, quæ Dei digito scriptæ, per Moysis manus populo proferendæ erant.

Subest ejus pedibus propè inscriptionem imago mulieris, sinistrâ apertum librum tenentis, & medium, ac indicem dextere manus digitos elevantis, cui lemma subscriptum est: *Ecclesia ex Circumcisione*. Ipsi ex adverbo alterius mulieris figura respondet, quæ etiam librum apertum sinistrâ sustinet, dexteramque cum indice extenso pectori admotam elevat, habetque subscriptum lemma: *Ecclesia ex Gentibus*. Et hæc consultissimè subditur pedibus D. Pauli, qui peculiari nomine *Doctor Gentium* dicitur, & divini Spiritus testimonio *Vas electionis* est, ut nomen Domini Gentibus portet. Sicut & illa prior

prior meritò pedibus D. Petri subdita est, illi enim Evangelium Circumcisionis creditum fuit, ut in Epist. ad Galat. cap. 2. Paulus loquitur, ubi mirificè, & fusè utrumque confirmat: *Sed econtra* (inquit) *cùm vidissent quod creditum est mihi Evangelium præputii, sicut Petro Circumcisionis (qui enim operatus est Petro in Apostolatam Circumcisionis, operatus est & mihi inter Gentes) & cùm cognovissent gratiam, quæ data est mihi, Jacobus, & Cephas, & Joannes, qui videbantur columnæ esse, dextras dederunt mihi & Barnabæ societatis: ut nos ingentes, ipsi autem in Circumcisionem &c.* Ex hujusmodi imaginibus declarare posse videor, quod plurimum negotii facessit Severano, & aliis, qui impensam operam collocarunt in illustrandis Cæmeteriorum picturis. Tomo enim 2. lib. 4. cap. 7. referatur tabula cubiculi secundi Cæmeterii in Viâ Latinâ, ubi inter alia est mulier, quæ sic à Severano describitur: *In arcuati verò monumenti pariete, mulieris extensis brachiis Deum exorantis imago exprimitur, ad cujus pedes vascula bina subsidunt, quæ servandis quondam voluminibus apud priscos Christianæ fidei cultores usui esse consueverant.* Hæc mulieris imago iudicio meo nil aliud repræsentat, nisi Christianam Religionem; ac illa vascula cum voluminibus nihil aliud denotant, nisi duas leges scriptas, Biblia nempe sacra, & Evangeliorum volumina, in quibus Christiana fides fundata est. In eodem lib. 4. cap. 14. conspicitur alia tabula, in qua duæ mulieres expressæ sunt, quæ Ecclesiam utramque significant. Item in eodem lib. cap. 28. & cap. 37. In

cap. autem 18. describitur mulier media inter duos senes, quorum brachiis fulcitur, referens (ut autumo) Ecclesiam sanctitate & doctrinâ robustis Apostolorum Petri & Pauli manibus sustentari.

C A P U T XXII.

De Basilica Liberiana, sive S. Mariæ Majoris: ac de antiquis Musivis operibus, à Xysto III. an. 443. in ea concinnatis.

INTER cætera Religionis Catholicæ testimonia, quibus Liberiana Basilica semper enituit, extrema non obtinent sacrae imagines, quibus ex primæva Ecclesiæ consuetudine ornata fuit à Beatiss. Pontifice Xysto III. Hæc satis integræ adhuc visuntur post diuturnum mille ducentorum & quinquaginta circiter annorum spatium; ac non minorem de tempore triumphum agunt, quàm de suis hostibus, cùm ætatem vincant incolumitate suâ: Novatorum verò errores manifestissimâ suâ vetustate redarguant. Referunt istæ quamplures tum veteris, tum novi Testamenti historias Musivo opere depictas, quemadmodum paullò post aperiemus, ubi aliqua pro instituti nostri disciplinâ, de fundatione, forma, & ornatu inclytæ hujus Basilicæ priùs attigerimus.

Nemo tamen hic exigat sacrae istius ædis laudes universas à me recitari, nam satis ampla proluxaque volumina occuparent; cæteraque quæ meditor expedire minimè possem, si earum affluentia indulgerem. Liberius Pontifex, teste Bibliothecario in vita ip-

sius, hujusce templi fundator fuit. *Fecit enim* (ut verbis ejusdem Auctoris utar) *Basilicam nomini suo juxta Macellum Libiæ* (alii legunt *Liviæ*) quod etiam consonat antiquæ traditioni, quâ invaluit ut nomen Liberianæ Basilicæ diù retinuerit. Nequè verò negotium facessere debet id, quod in vita Xysti III. idem Bibliothecarius asserit scribens, Xystum Pontificem fecisse Basilicam Sanctæ Mariæ, quæ ab antiquis dicebatur *juxta Macellum Liviæ*: sive ut legit Panvinus, Basilicam Sanctæ Mariæ Matris Domini, quæ ab antiquis *Liberii* cognominabatur, *juxta Macellum Liviæ*. Nè inquam alicui negotium facessat vox illa *fecit*, quam utrobique Bibliothecarius usurpat: constat enim hoc illi verbum familiare fuisse tum ad foundationes, tum ad refectiones & ornatus dicendos: quare sibi non refragatur, cùm de Liberio loquens, hoc verbo *fecit* primam Basilicæ foundationem indicat; de Xysto verò eatenus fecisse dicit, quatenus qui reficit, aut restituit, facere denuò non absurdè dici potest. Sicut itaque à *Liberio* nomen *Liberianæ* mutuata est, ita nomen *Xystinæ* adepta fuit à *Xysto* restauratore: Xystus enim Basilicæ tecta refecisse videtur, si fides præstanda est carminibus à Grutero relatis, & infra apposis, quorum initium:

*Virgo Maria tibi Xystus nova tecta
dica-vit*

Digna salutifero &c.

Assumpsit etiam ab adjecto Præsepe Dominici Sacello nomen Sanctæ Mariæ ad Præsepe: ac denique cum plurimas sacras ædes Deiparæ Virgini nuncupatas, mole & dignitate excelleret, nomenclaturam S. Mariæ Ma-

joris adepta est, eodemque titulo hætenus insignitur. Prætereà inter quinque Patriarchales Ecclesias Urbis recensetur, de quibus Joannes Monachus S. R. E. Cardinalis in cap. *Fundamenta*, De elect. in 6. cecinit:

*Paulus, Virgo, Petrus, Laurentius,
atque Joannes:*

*Hi Patriarchatus nomen in Urbe
tenent.*

Numeratur etiam inter eas septem, quas Christifideles ex universo Orbe adventantes, pia devotione ac ritu solenni perpetuò visitant: nec non inter quatuor præclarissimas, in quibus anno Jubilæi prætiosissimi Indulgentiarum thesauri confluentibus populis largiùs erogantur, & plena peccatorum remissio de Christi latere, Apostolicâ auctoritate impertiente, benignè conceditur. Plura de ejusdem dignitate, & laudibus congesserunt Abas Paulus de Angelis in sua *Basilica S. Mariæ Majoris*; Panvinus, & Severanus *De septem Urbis Ecclesiis*; alique Scriptores Ecclesiastici, quos consulere pro libito Lector poterit.

Ordo instituti postulat, ut à foundatione Basilicæ ad præsentem ejusdem situm, ac statum gradum faciamus. Frons, sive facies ad orientem vergit: interior autem forma tum ordine navium, tum ichnographicâ constructione, tum etiam frontis aspectu, similis erat quatuor aliis Patriarchalibus; licèt modò antiqua Vaticana penitus diruta sit, & Lateranensis solummodò porticus remaneat. Discrepat Liberiana Basilica à Lateranensi, ab antiqua Vaticana, & ab illa S. Pauli, ut supra demonstravimus, numero navium, cùm tres tantummodo

dò hic numerentur, distinctæ per columnas quadraginta miræ magnitudinis, ex Numidico seu Ægyptio lapide, vicens à quolibet latere, dexterâque levâque assurgentibus. Imminent columnis epistylia ordinis Dorici, quibus insidet hyperthyrum, cum zophoro Musivo opere ornato, in quo palmites revoluti, ac frondes cincinnatæ, miroque ordine & varietate dispositæ visuntur, quod opus *Arabicum* denominari solet.

In capite interioris porticûs, sive navium, admodum elevatur Presbyterium à pavimento palmos septem, & ultra; ad quod ascenditur per gradus undecim, & per duos alios ad Aram maximam. Notandum hic est, hujusmodi Presbyterium præ cæteris antiquis altius esse: cur autem sic constructum fuerit, habemus ex Bibliothecario in vita Sanctissimi Pontificis Paschalis I. ubi sic: *Præter idem summus Pontifex, & orthodoxus, Divina inspiratione pulsatus, Ecclesiam sanctæ & intemeratæ Virginis Mariæ Domine nostræ ad Præsepe cernens quondam tali more constructam, ut post sedem Pontificis, mulieres ad sacra solennia Missarum stantes, prope assistere, juxta Pontificem viderentur, ita ut si aliquid colloqui Pontifex cum sibi assistentibus voluisset, ex propinqua valde mulierum frequentatione nequaquam ei sinè illarum interventione liceret: largum ibidem locum inesse qualiter inde sedem mutare valeret concerneret, dato operis studio, cæpit indefinenter agere sedem inferius positam sursum ponere, ut eò familiarius Domino preces fundere posset, quo consortia populorum modestè declinare potuisset. Denique sedem optimè quàm dudum fuerat, pulcher-*

rimis marmoribus decoratam condidit, & undique ascensus, quibus ad eam gradiatur, construxit, pavimentumque altaris erigens pretiosissimis marmoribus stravit.

Convertamur nunc ad parietes, qui supra coronam assurgunt, quibus mediæ navis laquear cælaturâ, & primo auro ex detectis Indiis advecto, præclarè ornatum fulcitur. Parietes ab utroque latere perforant fenestræ, supra singula columnarum interstitia ita locatæ, ut inter illas, & coronidem zophoro incumbentem aræ singulæ relictæ sint ferè quadratæ, in quibus vermiculato pingendi genere plures imagines efformatæ, quædam historias ex veteri, ac novo Testamento desumptas referunt. Ruinæ quarundam occurrit pia sollicitudo cla. mem. Dominici Cardinalis Pinelli, cujus jussu & expensis quædam ævo corrosæ picturæ supplemento instauratæ, aliæ ex integro novis picturis restitutæ adhuc spectantur.

Præter has areas, sive Musivas tabulas, visitur etiam Pontificis Xysti Arcus major, sive *triumphalis* dictus, Musivo item opere pereleganter ornatus; quod Hadrianus I. testatur in epistol. ad Carolum Magnum *pro Imaginibus*. *Beatus* (inquit) *Xystus fecit Basilicam sanctissimæ Dei Genitricis Mariæ cognomento Majoris, quæ ad Præsepe dicitur, tum in metallis aureis, quamque in diversis historiis sacris decoravit imaginibus.*

Denotabant hoc ipsum nonnulli versus olim supra portam majorem intra Ecclesiam exarati, quorum reliquiæ in recenti restauratione ab eodem Cardinali factâ deletæ fuerunt; qui

qui tamen leguntur apud Gruterum pag. 1170. num. 7. hoc ordine.

VIRGO MARIA TIBI XYSTVS NO-
VA TECTA DICAVIT

DIGNA SALVTIFERO MVNERA
VENTRE TVO

TV GENITRIX IGNARA VIRI TE
DENIQVÆ FÆTA

VISCERIBVS SALVIS EDITA NO-
STRA SALVS

ECCE TVI TESTIS VTERI SIBI
PRÆMIA PORTANT

SVB PEDIBVSQVE JACET PASSIO
CVIQUE SVA

FERRVM FLAMMA FERÆ FLV-
VIVS SÆVVMQVE VENENVM

TOT TAMEN HAS MORTES VNA
CORONA MANET.

Cùm in nostræ Dissertationis progressu, & in figurarum Musivarum exhibitione forsitan apparere possit, illas his duobus posterioribus carminibus adamussim non correspondere; huic orituri dubitationi satisfacio innuens, Poetam, concessâ sibi licentiâ, more solito narrationem ampliâsse; cùm imagines supra coronam veteris Testamenti historiam tantùm repræsentent: illæ verò in triumphali Arcu constructæ, mysteria aliqua ad Incarnationem, & Nativitatem Domini nostri JESU CHRISTI spectantia demonstrent, inter quæ est Innocentium strages, quæ forsitan ad præfatum carmen *Ferrum, flamma* &c. revocari potest. Si verò hæc responsio legentis mentem non æquaret, posset addi, imagines per eadem carmina designatas, olim expressas fuisse in interstitiis, quæ sunt inter unam & alteram fenestram, ubi modò depictæ cernuntur imagines historiæ novi Te-

stamenti, in locum Musivorum subrogatæ, aut in tribuna à Martino V. ornata.

Quærent fortasse aliqui rerum antiquarum solliciti scrutatores, undenam fluxerit communis notio nominis *triumphalis* hisce Ecclesiarum Arcubus cum triumphalibus illis, quos Imperatoribus cum victoria redeuntibus antiqui statuebant; de jure enim, quo ego illos ita vocaverim, dubitari non posse credam, cùm & à Bibliothecario in Vita Paschalis, & à Maphæo Vegio in suo tractatu MS. de Basilica S. Petri, in ejusdem Archivio asservato, & à Petro Alfarano pariter MS. ac demum à Cardinale Baronio ad annum 440. num. 2. cæterisque recentioribus, hoc nomine efferantur.

Edò libentiùs ad absolvendam quæstionem accedo, quo mihi venia (ni fortè fallar) faciliùs habenda est, cum ejus denominationis originem in nullo Scriptore adhuc viderim.

Repetendum hîc ergo quod supra attigimus, cùm de Templis in genere sermo fuit in Cap. I. ubi diximus, veteres Fidei orthodoxæ cultores, pace Ecclesiæ restitutâ, Fana Gentilium in sacros usus vertisse, & ad exemplar priscorum nova Tempia, & Basilicas excitasse. Studebant quidem diligentissimè Majores nostri iisdem artibus, quibus cæca Atavorum superstitio vana numina olim coluerat, verum mundi Rectorem & Servatorem placare: transfigebant. Idololatriam telis suis, & instrumenta impietatis in veræ Religionis & pietatis usum accomodabant. Cogitarunt itaque in Dei cultum illa quoquæ redigere, quæ in fastum, & superbiam trium-

triumphantium excogitata olim fuerant. Arcus propterea triumphales, præcipua ac speciosissima præmia victorum, Christo Domino Regi Regum statuere jure optimo placuit, & inventum gloriosissimum optimâ translatione dicare. Igitur in ea templi parte, quæ maximè conspicua est, supra tribunam, pariete ipso hemicycli formam aptè excipiente, Arcum locarunt triumphis insignem; hoc est ejus summitatem imaginibus Crucis, vel ut plurimum ejusdem Domini nostri JESU CHRISTI, Crucem præ manibus tenentis, ac è lateribus aliorum Sanctorum figuris conspicuam reddiderunt; Romanorum exempla æmulantes, qui in Arcubus res ab Imperatoribus gestas, spolia Urbibus erepta, oppida capta, hostium arma, captivorum greges, & similia in ipso Arcu exculpebant. Unde Claudianus libro 3. de laudibus Stiliconis:

*Indutosque Arcus spoliis, æquataque
templa*

*Nubibus, & quidquid tanti struxere
triumphi.*

Et infra: *Spoliisque micantes
Innumeros Arcus.*

Adamus in Juvenalis in Sat. X.

*Bellorum exuviae, truncis affixa tro-
phæis*

*Lorica, & fracta de casside buccula
pendens,*

*Et curtum temone jugum, victæque
triremis*

*Aplustre, & summo tristis captivus
in Arcu.*

Similiter Corippus lib. 2.

*Innumeros vidit per secula plura
triumphos,*

*Innumerosque frequens victoriæ ve-
stit Arcus*

*Debellatorum spoliis, opibusque loco-
rum.*

Item Prudentius in Simmacho:

*Frustra igitur summo miramur
in Arcu*

*Quadrijugos, stantesque Duces in
curribus altis,*

*Sub pedibusque Ducum captivos popli-
te flexo*

*Ad jugâ depressos, manibusque in
terga retortis,*

*Et suspensa gravi telorum fragmina
trunco.*

Græci similes arcus τροπαιοφόρους nominavere: Dio enim lib. 53. de Marco Vinitio agens ob victos sub Augusto Celtas ἀφ' ἑν τ', ait, ἐν ταῖς Ἀλπεσι τροπαιοφόροι οἱ ἀνοδομήθη. *Arcus triumphalis in Alpibus ei constructus est.* Xiphilinus in Vespasiano ἀφ' ἑδ'ς, inquit, τροπαιοφόροι ἐψηφίσθησαν. *Arcus triumphales decreti sunt.*

Sicut igitur in illis victoris effigies, & instrumenta victoriæ exponebantur; ita Christiani in suorum Arcuum fastigio Crucem, vel Redemptorem locabant trophæo Crucis insignem, ac Martyres, aliosque Sanctos hinc inde habentem, tanquam Regem triumphantem de victa morte, & de Inferorum prostratis potestatibus, eique credentibus Coeli januas aperientem.

In antiquis, ac præcipuis Ecclesiis illud constanter servatum est, ut Arcus iste triumphalis Musivo præsertim opere pingeretur; quod apertè cernimus in Basilicis vetustissimis S. Pauli, S. Laurentii, & S. Praxedis; atque in aliis Urbis Ecclesiis similes Arcus fuisse facillimè deduci potest, sed temporis injuriâ dirutos.


Explicavimus hic sacri triumphalis

lis Arcûs denominationem ex analogia, quam cum profanis triumphantium Arcubus habet: ornatum verò ex Musivis operibus constantem, exhibet Tabula XLIX. quam modò aperiemus. In summo Arcus apicē area quædam circularis inspicitur, in qua plures notatu digna, sed perperam ab aliquibus descripta; tum quia ætas 1250. annorum plurimùm nocuit evidentiae colorum; tum quia à superiori lignea coronide, quæ subjacet lequeari, impeditur nè tota appareat. Sæpius tentaveram symbola picturæ Musivæ internoscere, adhibitis etiam instrumentis quampluribus aciem oculorum juvantibus: nam excepto per speculum solis radio parietem reddere lucidiorem, & multâ vitrorum supellectili visum promoveri tentabam. Quin etiam amicorum aliqui valentes oculis, & eruditionum copiâ præstantes (quæ cum picturæ vestigia inquirenda sunt, magis quandoquē profunt, quàm oculi) cum diligenter aciem intenderent, irritò conatu discedendum esse dolebant. Eò tamen acrius ad id impellebar, quò difficilius videbatur: quapropter rogavi Illustriss. D. Sanctem de Pilastris, ejusdem Basilicæ Canonicum, ut copiam faceret propiùs inspicendi parietem, ablatis etiam à laqueari contiguis tabulis, quo clariùs tota figuræ orbicularis area appareret. Petitioni meæ libenter indulgit; propterea denuò accessi, amotisque partibus tabulati, cum integra circuli superficies in conspectu esset, facillimum fuit illam diligentius exscribere, & schedulam delineare, quod præstitit laudatus Fabrettus, in conservandis antiquis memoriis studiosissimus.

Dum hæc scriberem, non solùm in explicatione præfatæ orbicularis figuræ maxima difficultas occurrit, verùm etiam in aliis imaginibus, quia ob earum vetustatem adeò denigratæ, ac pulvere obductæ erant, ut etiam acutissimo visu præditi eas dignoscere minimè possent. Rogavi iterum eundem Illustriss. de Pilastris, daret operam, ut Basilicæ ejusdem Capitulum tam venerabile testimonium antiqui Ritûs Catholicæ Romanæ Ecclesiæ magis conspicuum redderet, ac proinde emundari, ac ab omnibus sordibus expurgari juberet, ut faciliùs explicari possent. Petitioni meæ non solùm indulgit, verùm etiam propriis sumptibus emundari Musivum opus curavit (utinam aliæ supra coronidem expressæ Tabulæ eandem fortunam sortitæ fuissent) imò avulsâ ligneam coronide, quæ summitatem Figurarum primi ordinis usque ad capita earundem tegebat; veram historiam, quam dictæ Figuræ repræsentabant, aperuit. Detectus etenim fuit Spiritus Sanctus, & Gabriel Angelus Beatissimam Virginem MARIAM annuncians. Patuerunt quatuor Evangelistæ formis animalium expressi, & Capita Apostolorum Petri & Pauli; necnon gemmata Crux, & Arcus columnis impositi, Porticum repræsentantes.

Omnia igitur explicaturi, à præfata orbiculari figura, tanquam in excelsiori & digniori loco sitâ, initium sumimus. Hanc autem, ut visui magis distincta esset, formâ ampliori delineavimus, quàm locus pateretur in tabula Arcum triumphalem repræsentantē. Locus ubi hæc circularis figura cernitur, signatur in Tab.





littera A. ipsa verò figura ampliata cum omnibus in ea contentis litteris B. C.

Exprimitur in ea veluti altare, cujus in medio jacet volumen signatum sigillis septem, super quod imminet nigra Crux, veluti in velamine expressa, & in ejus apice corona gemmata, à qua ipsum velamen pendere conspicitur. Retrò coronam alia Crux gemmata attollitur, cujus à tergo stat thronus, & ipse gemmis distinctus, & in sessili ejus medio pulvinar panno coopertum. Summis autem extremitisque ab ipsius throni lateribus extant duo canum capita, è quorum ore duplicatus pendet funiculus, cujus extremitatibus floccus annexus est. Circa sedis medium, ad dexteram lævamque pulvinaris, singuli hinc inde visuntur orbiculi referentes SS. Petri & Pauli capita, eodem fermè ritu, quo Imperatorum effigies militaribus signis insertæ in vetustis marmoribus conspiciuntur. Thronus iste nonnullam speciem præfert Memoriam, seu Confessionis, Martyribus olim dicari solitæ, de quo supra in Cap. XIX. Tab. XLIII. Fig. 2.

Valde diversam hujus picturæ descriptionem reperies in historia Basilicæ Liberianæ, quam conscripsit Paulus de Angelis, ille siquidem Pictore fortasse usus non satis accurato, agnum loco voluminis, multasque alias figuras pro lubito variatas exhibuit. Nos accuratius, aut certè morosius ista prosequentes, labori nulli pepercimus, aut expensæ, ut fide quàm fieri posset maximâ è prototypo singula describerentur: propterea si quædam interpretabimur, æquo nostro jure id præstare videbimur, cum

Par. I.

minuta quæque non prætermiserimus observare.

Occurrit primò de Mensa, sive Altari aliqua breviter adnotare, quod floccis ornatum est, ut hodie videmus in eorundem Altarium vestibis, sive frontalibus.

Secundò animadvertendum volumen complicatum, & septem sigillis obsignatum; quod profectò nihil aliud denotat, nisi volumen Evangeliorum, quod sigillis olim obsignabatur, de quo plura peculiari capite XVI. supra congesimus, ubi de magnâ voluminis Evangeliorum veneratione, fusè differuimus. Quod autem septem obsignaretur sigillis, quid aliud in causa, nisi quòd librum illum repræsentaret, de quo in Apocalypseos cap. 5. num. 1. ibi: *Et vidi in dextera sedentis supra thronum librum scriptum intus & foris, signatum sigillis septem?* Antiqui Patres in pingendis figuris ut plurimum usi sunt mysticis sensibus in Apocalypsi latentibus, ut infra videri poterit in Ecclesia S. Pauli, & præcipuè in ejus majori arcu, tempore Leonis Magni constructo; & in aliis Ecclesiis in nostro opere describendis.

Tertio loco velamen, & in ejus medio depicta Crux, supraque velum gemmata corona notanda est. Ego quidem asserere non dubitaverim, velamine Cruce insignito priscos Fideles velum illud innuere voluisse, quo CHRISIVS Dominus noster ad detergendum sudorem suæ passionis tempore usus est, quod Veronica dicitur: Coronam verò gemmata, Coronam è spinis quæ ejusdem sanctissimum caput transfixit, indicasse.

Quarto loco gemmata Crux, quæ cum supplicium esset apud gentes, ac

Cc

rei

rei & latrones in ea criminum poenas luerent, antiqui Christifideles maxime circumspēcti, noluerunt in ea imaginem Christi patientis affigere, sed potius gemmis, margaritisque ornata[m] exposuerunt, ut facilius insipientium oculos absque horrore ad se alliceret, qui earundem gemmarum aurique fulgore perculsi, illam venerarentur. Similes gemmatae Cruces adhuc hodie Romae visuntur in antiquissima Ecclesia S. Pudentianae, in Ecclesia Sancti Stephani *in Rotundo*, & in Ecclesia Lateranen[si], quin etiam depictae in nonnullis Coemeteriis cernuntur, ut narrat Aringhius in sua *Roma Subterranea* lib. 2. cap. 22. & Casalius *De vet. sacr. Christian. Ritibus* par. 1. cap. 1.

Quintò post Crucem cathedra observanda est, sive thronus ornatus, quem ornatum fuisse antiquissimum apud Majores nostros animadverto: adeò ut Salomonis aëvo mos iste viguerit thronum regalem decorandi cælaturis & signis. Id apertè legitur lib. 3. Regum cap. 10. ubi sacer Historicus ait: *Fecit etiam Rex Salomon thronum de ebore grandem, & vestivit auro fulvo nimis, qui habebat sex gradus; & summitas throni rotunda erat in parte posteriori, & duæ manus hinc atque inde tenentes sedile: & duo leones stabant juxta manus singulas, & duodecim leunculi stantes super sex gradus hinc atque inde: non est factum tale opus in universis Regnis.*

A Regibus fortè Israelitarum edocti cæteri Principes, postmodum thronis suis ornatum conciliaverunt. Alexander Wilthemius in suo Diptycho Leodien[si] (ex quo postea transcripsit Ferrarius in suis *Analectis De*

re vestiaria pag. mihi 60.) pulcherrimum affert exemplar cujusdam Consul[is] Romani in throno sedentis, cujus brachiolis stant duo leones, in sedili verò visuntur gemina hominum capita, sicut in eo quem descripsimus. Hinc divinare non erit absolum, ideo jussu Pontificis Xysti thronum hunc BB. Apostolorum Petri & Pauli capitibus consultò decoratum fuisse, quod ipsis potestas à Christo Salvatore collata est judicandi duodecim tribus Israel; qua ipsi Regi gloriæ, tanquam à latere ad extremum orbis criterium assistere debent. Throni autem in summitatibus exprimi canum capita voluit idem Pontifex, ad denotandam fortasse vigilantiam & curam, quæ in Ecclesiis habenda est, quando legitur Evangelium, & in sede Majestatis suæ Deus adoratur. Huic hieroglyphico adaptari sanè potest S. Augustini locus in Epist. 56. *ad Dioscorum de curiosis Questionibus*, ubi sic: *Episcopi isti etiam si adolescentes, eodem tamen quo raperis animi ardore, vel potius errore, quasi aliquid magnum hæc dicerent, curarunt usque ad Canes Episcopales, & usque ad cathedras Ecclesiasticas.* Quare hæc S. Augustini auctoritas videtur hoc idem hieroglyphicum de Canum capitibus in summitate throni apposis luculenter explicare, illorumque temporum morem in Episcopalibus cathedris similia Canum capita cælandi, seu appingendi: hinc etiam istud doctoris maximi dictum aliquibus antea obscurum, illustrari videtur; cùm nonnulli censuerint loco *Canes*, *Canos* legendum esse. Non incongruum etiam puto, si aliud afferam exemplum picturæ, quæ est in
codi-

codice magnæ molis imaginibus ornato, qui olim erat in Monasterio S. Martini Metensis, nunc verò aservatur in Bibliotheca Colbertina. Exprimitur in eadem depicta tabula. Carolus Calvus Rex in throno sedens, & accipiens eundem codicem sibi dono datum. In angulorum summitate visuntur duo Canes invicem se respicientes, ore expanso quasi latrantes; ex quo deduci posse existimo antiquum morem similibus Canibus thronorum sublimia ornandi. Hanc Tabulam in lucem edidit eruditissimus Stephanus Baluzius in suis notis ad Capitularia to. 2. pag. 1276.

Sextò per pannum, quo tegebatur pulvinar, designasse Christifideles eam syndonem, qua Christi Domini è Cruce depositum corpus fuit involutum, rationi maximè consonum est.

Et hæc sunt, quæ in hujus orbicularis Figuræ brevi declaratione proferre congruum duxi; plura & meliora dicendi cui libeat liceatque, facultatem ac spatium relinquens.

Hanc verò mediam excipiunt duo viri, nempe S. Petrus à læva, & à dextera respectu aspicientis S. Paulus, uterque albâ tunicâ, pallioque superinduto conspicuus: in cujus oris laciniisque legitur monogramma I. de quo fusè sæpius egimus in cap. *De vestibus literatis*. Hinc inde capiti D. Petri imminet, Aquila à dextris, Angelus à sinistris; & ordine eodem à læva D. Pauli Leo, Bos autem à dextera: quæ quatuor animalia, ut sæpius dictum est supra in Ecclesia S. Sabinæ, quatuor Evangelistas representant.

Sub eadem orbiculari figura nomen Pontificis hujus operis auctoris
Par.I.

infectum est verbis sequentibus XYSTVS EPISCOPVS PLEBI DEI.

Si benè perpendantur hæc hieroglyphica, situsque quo posita sunt, ac consuetudo quandoque à priscis fidelibus observata, Romanorum ritus in proprios transfundendi, animadvertemus, nîl congruentius in triumphalis arcûs fastigio Xystum locare potuisse, quàm victorem Christum, quem exaltata Crux denotat, cùm in prophanis triumphorum arcubus triumphantis imago supernè collocaretur, ut supra ostendimus.

Adde, quòd & in cæteris aliorum templorum arcubus, quos describemus hoc loco, semper imago Christi locata est, ac in summa eorundem facie, quæ pavimentum respicit, aliquod monogramma conspicitur, Christi quandoque nomen, quandoque Pontificis Musivorum operum constructoris complectens; præsentis autem arcûs monogramma in eadem Tabula IL. lit. C. demonstratur. Literæ monogramma constituentes, Christi nomen exprimunt, ut fusè demonstrat Aringhius in sua *Roma Subterranea* lib. 6. cap. 23. Scio, Fortunium Licetum lib. 6. cap. 47. *De reconditis antiquorum lucernis*, simile monogramma à Gentilibus etiam usitatum referre; nihilominus id non obstat quin prisci Christifideles pro Christi nomine illud usurpârint, cùm (ut sæpè aliàs diximus) multa ab eisdem Gentilibus mutuati fuerint. Aliæ duæ literæ A, & Ω, nempe Α'ϕα, & Ω'μεία Græcæ sunt, ac ipsummet Deum innuunt, ut ipse Evangelista Joannes innotescere, ac terrarum orbi palàm fieri voluit. Apocal. enim cap. 1. & 22. *Ego sum* (inquit)

quit) *Alpha & Omega, principium & finis*; plura de hisce (si cupis) habes apud Aringhium loco cit. cap. 22.

Antequam tamen ad aliarum figurarum explicationem progrediamur, indagandum est, quidnam Xystus Pontifex per verba illa *PLEBI DEI* denotare voluerit. S. Cyprianus vocem hanc *Plebis* in *Epist. ad Florentium* nobis sic exprimit: *Ecclesia à Christo non recedit, & illi sunt Ecclesia Plebs Sacerdoti adunata, & Pastori suo grex adherens*. Unde *Plebs* nil aliud innuit, quàm Ecclesiam, seu coetum fidelium. Eundem ferè sensum huic voci tribuit Pontius Diaconus Carthaginensis in vita S. Cypriani, ubi sic: *Majores nostri Plebejis, & Catechumenis martyrium consecutis, tantum honoris pro Martyrii ipsius veneratione dederunt, ut de passionibus eorum, multa, aut prope dixerim, penè cuncta conscripserint, ut ad nostram quoque notitiam, qui nondum nati fuimus, pervenirent*. Quo loco pro *Plebejis* accipiendi sunt laici, nullo ordine initiati. Sic enim observat eruditissimus Holstenius, in notis *ad Passionem SS. Martyrum Perpetuae & Felicitatis* pag. 86. Paullò inferiùs distinguit idem Pontius: *Multa sunt, quæ adhuc Plebejus, multa quæ jam Presbyter fecit*. Quæ Pontii auctoritas nobis suggerit aliam conjecturandi causam, quòd Xystus Summus Pontifex voluerit his imaginibus Christi ortum denotantibus, Dei plebem erudire, ut conjicitur ex illis vocibus *Plebi Dei*, videlicet oculis plebis Dei, idest oculis laicorum, quos eà tempestate ut plurimùm sacrarum, historiarum ignorantia premebat.

Hinc (nò fallor) intelliges, cur familiare fuerit aliis etiam Pontifici-

bus, simili epigraphe opera sua inscribere. Ita Hilarus Papa, qui floruit anno 461. in Hyperthyrio oratorii S. Joannis Baptistæ in Baptisterio Constantiniano insculpi fecit: *HILARVS EPISCOPVS SANCTÆ PLEBI DEI*.

Ac Simplicius Hilari successor in Ecclesia S. Andreæ in Exquiliis, sive *Catabarbara Patricia*, in versibus subtus Musivum opus expressis, de quo infra, hæc etiam posuit.

Plebs devota veni &c.

Itidem Felix III. sive ut alii vocant IV. qui electus Ann. 526. in re-stauratione sive ornatu Ecclesiæ S. Stephani hanc inscriptionem à Grutero relata pag. 1164. n. 17. posuit.

OPVS QVOD BASILICÆ BEATI MARTYRIS STEPHANI

DECVIT A JOANNE EPO MARMORIBVS INCHOATVM

IVVANTE DNO FELIX PP. ADDITO MV-SIVO SPLENDORE SANCTÆ PLEBI DEI PRÆFECIT.

In Ecclesiæ item S. Pancratii, quæ etiam SS. Victoris & Pancratii fuit appellata, Tribuna sequens inscriptio olim legebatur. OB INSIGNEM MERITVM ET SINGVLAREM B. PANCRATHI MARTYRIS, BASILICAM VETVSTATE CONFECTAM EXTRA CORPVS MARTYRIS NEGLECTV ANTIQVITATIS EXTRVCTAM, HONORIVS EPISCOPVS DEI FAMVLVS ABRASA VETVSTATIS MOLE RVINA, QVAM ANTE A FVNDAMENTIS NOVITER PLEBI DEI CONSTRVXIT, ET CORPVS MARTYRIS, QVOD EX OBLIQVO AVLÆ JACEBAT, ALTARE INSIGNIBVS ORNATA METALLIS, LOCO PROPRIO COLLOCAVIT. Iste autem Honorius fuit Summus Pontifex ejusdem nominis I. qui floruit anno 626.

Leo etiam III. qui vixit in fine octa-

octavi sæculi, in janua confessionis S. Pauli Apostoli sequentia verba insculpi iussit:

LEO GRATIA DEI TERTIVS EPISCOPVS HVNC INGRESSVM SANCTÆ PLEBI DEI MIRO DECORE ORNAVIT. Narrat id Panvinius *de Septem Urbis Ecclesiis* in eadem Basilica S. Pauli Apostoli pag. 75. Martius verò Milesius Sarrazanius in *Notis ad carmina S. Damasi*, ad carm. xx. refert quosdam versus Leonis IV. qui erant in introitu urbis Romæ, per Portam Æliæ Arcis, ac inter illos iste legebatur:

PRO PATRIÆ AC PLEBIS ECCE SALVTE SVÆ.

Pariter in Porta Suburbii S. Pauli alia fuisse carmina Joannis VIII. inter quæ istud erat:

PLEBSQVE SACRATA DEI LIMINA SANCTA PETENS.

Ut autem idem Xystus arcum hunc triumphalem Incarnationis ac Nativitatis Domini nostri Jesu Christi mysteriis illustraret, motus eo maximè fuit, quòd tunc temporis Nestoriana blasphemiam jam adulta passim serpere cœperat, in Ephesino Concilio sub Cœlestino I. ejusdem Xysti Prædecessore Ann. 431. proscripta & profligata. Sapientissimus igitur Pontifex, Plebejis eruditionem intendens, icones illas compegit, ut ex assiduo exemplarium intuitu Christiana Plebs fidei firmitatem contra infandum Nestorii ausum nancisceretur.

Brevis Nestorianæ hæreseos enarratio.

Porrò Nestorius Byzantinæ Ecclesiæ Præsul, execrandæ blasphemiam defensor, sive Auctor fuit, quâ

dignissimum DEIPARÆ titulum Sacratissimæ Virgini DEI Genitrici denegare præsumpsit: dixi, sive Auctor, sive defensor, quia primus, qui palam pestiferum hunc errorem eructaverit, Anastasius fuit Constantinopolitanæ Ecclesiæ Presbyter, qui impiâ concione elatâ voce in Ecclesia, Nestorio in throno sedente, populisque auscultantibus, teterrimum vomuit impii dogmatis virus, de quo Evagrius *Historiæ Eccl.* lib. 1. cap. 2. ubi sic: *Anastasius* (inquit) *ut à Theodulo in Epistola quadam de iis rebus scriptum est, in disputatione apud Populum Christianum sanctè colentem, in Ecclesia Constantinopolitana habita, palam ausus est dicere: Nemo MARIAM DEIPARAM vocet. Nam Maria homo erat, atqui ab homine Deus nasci non potest; quæ quidem verba, cum Populus Christo consecratus graviter & acerbè ferret, & disputationem illam non sinè caussa haberet pro blasphemia, Nestorius istius blasphemiam auctor & Dux, non solum non prohibuit illum, neque rectam sanamque doctrinam tutatus est, verum etiam ejus verba re vera in primis roborare contendit, & in eisdem defendendis acrius institit, atque sua ipsius opinione hisce adjuncta, atque adeò adscripta, venenoque animi sui in Ecclesiam effuso & ejecto, multò majorem blasphemiam docere conatus est, adeò ut ad sui ipsius capitis perniciem, hanc impiam sententiam, nimirum, Ego eum, qui spatiiis mensuris, hoc est bimestri, & trimestri, & ita deinceps adoleverit, Deum certè non appellavero, proferre non dubitaret. Item Cyrillus Patriarcha Alexandrinus quoad ea, quæ ad hujusmodi hæreseos ortum spectant, hæc ait epist. 11. 14. 22. ad Cœle-*

Coelestinum Papam, & ad Acacium Berrhensem, ubi sic: *Erat Episcopus quidam Dorotheus nomine Constantinopoli, eadem, quæ Nestorius, sapiens & sentiens; vir quæstus causa adulationi impensè deditus, linguaque ad temeritatem usque promptus. Hic, dum sacra peragerentur, Reverendissimo Nestorio in Cathedra Ecclesiæ Constantinopolitaneæ sedente, surrexit, magnæque & alata voce inclamare ausus est: si quis MARIAM DEIPARAM dixerit, Anathema sit.* Tum sic de Nestorio Cyrillus. *Quamvis id ore suo facere noluerit, attamen sedens & audiens, Dorotheum, ut hoc diceret, induxit subornavitque, cui etiam confestim, cum è Cathedra descendisset, in divinarum mysteriorum celebratione communicavit.* De hæreseos hujus exordio multò ante hos auctores egerat Socrates Hist. lib. 7. cap. 32. ubi sic: *Erat familiaris Nestorii Anastasius Presbyter, qui unà cum illo profectus fuerat Antiochia. Hunc Nestorius magno in honore habebat, ejusque consilio in rebus gerendis utebatur. Hic igitur Anastasius quodam die cum in Ecclesia doceret, dixit hæc verba: Nemo MARIAM VOCET DEIPARAM. Maria enim homo fuit: ex homine autem Deus nasci non potest: id ubi auditum fuisset, multos tam ex clero, quàm ex plebe pariter conturbavit, &c.*

Ut ut tamen sit de primo hujus impietatis assertore, certum est, Nestorium pervicaci animo acerrimum hujus temerariæ thesæos defenforem, etiam antesignanum evasisse; cujus etiam consequens scelestissima execrandaque opinio, negans Christo Divinitatem, totumque dogma Christianum evertens, ab Ephesinâ Syno-

do damnata est tanquam sædissimè judaizans: Judæi enim eâ ratione Salvatore crucifixè, quòd cum videretur homo, filium Dei, Regemque se faceret, ut animadvertit præcisè in hoc proposito Lupus in Scholiis Canonis Ephesini pag. 314. §. Tertia ratio. Imò Nestorianum scelus Judæicum longè superat: quippè Nestorius adeò pertinaciæ adhæsit, ut nunquam ab obstinatione desciverit; Judæorum autem multi portentis in Christo obitu convicti, fateri exclamando coacti sunt: *Verè filius Dei erat iste.* Matth. cap. 27. vers. 54. Atque hæc de Nestorii historiâ satis superque. Modò iterum calamus ad hujus Basilicæ triumphalem arcum convertimus, præteritaque figura circulari, in qua diutiùs quàm par erat, videbimur immorati fuisse, ad reliqua ejusdem arcus ornamenta, sed breviter describenda, accedimus. Ne tamen dicendi brevitæ, & figurarum copia perspicuitati officiat, distinguam geminas picturæ sectiones, dexteram lævamque, in quinque partes, prout ab ipso Pictore divisæ sunt; & exorsus à superiori, ad inferiores gradatim descendam.

In læva itaque sectione, secundum aspectum, prima pars duplicem continet historiam, ortum videlicet D. Joannis Baptistæ Præcursoris Domini, quam Zachariæ parenti, ut num. 1. Angelus, ut num. 2. prædixerat, & Christi Domini conceptionem ab Angelo pariter Virgini Deiparæ nunciatam. Videre est accuratam Pictoris diligentiam in historiæ dispositione, ad Evangelistæ mentem probè digestæ. Angelus enim, quem denotat Figura 2. locatus est à dextris Altaris incensi,

incensi, ut num. 2. pallio tunicâque candidâ insignis, & pendulam ab utroque humero stolam cæruleam gerens (quem habitum omnibus Angelis in hoc opere datum videmus) Zachariam alloquitur, qui croceo pallio tunicam albam cooperit, eique filii nascituri laudes enunciare videtur. In fimbria vestis Angelicæ adest monogramma I. quod etiam commune est alteri Angelo sub num. 4. prioris veluti comiti. In hoc hieroglyphico animadvertenda est Pictoris solertia in locando Altare Incensi, quod concinnè expressum fuit. Confer enim ædificium 3. hujusce partis, quo altare significatur, cum ædificio num. 8. partis adversæ, per quod templum notatur, & videbis templo quidem præponi porticum, & gradus ascensionis substerni: Altare verò Incensi per tabernaculum exhiberi, si ex capite 40. Exodi formam illius repetis; ibi enim legitur: *Posuit & Altare aureum sub tecto testimonii contra velum, & adolevit super eo incensum aromaticum, sicut jusserat Dominus Moysi. Posuit & tentorium in introitu Tabernaculi testimonii.* Notandum est, duo fuisse Tabernacula, ut indicat D. Paulus Apostolus qui toties ea vidit in Ep. ad Hebr. cap. 9. *Tabernaculum enim (inquit) factum est primum, in quo erant candelabra, & mensa, & propositio panum, quæ dicitur Sancta. Post velamentum autem secundum Tabernaculum, quod dicitur Sancta Sanctorum, aureum habens thuribulum &c.* Secundum hoc Tabernaculum à Pictore fuit expressum, præ foribus pendens habens vas, prout in icone à nobis exhibita, ubi inter veli, sive tentorii finis ab utraque parte collectos idem vas pendu-

lum non valde absimile illis, quibus etiamnum utimur in thure adolendo cernitur. Qua de re Julius Morosinus Venetus in Bibliotheca Vaticana Hebræorum Codicum Interpres, & Sanctæ linguæ in Urbano Collegio de Propaganda Fide Lector, consulendus est in suo Tractatu Italicè conscripto: *Via della Fede mostrata alli Ebrei* cap. 41. Qui plura cupit, adeat Marium in suis *Commentariis in Sacram. Scripturam* cap. 30. Exod. vers. 6. & seqq. ubi discutiuntur opiniones de loco Altaris Incensi, & de Altari, in quo beatus Zacharias pater S. Joannis Baptistæ incensum adolevit.

Sex quæ in hoc ordine supersunt figuræ, meo quidem judicio ad mysterium Dominicæ Conceptionis pertinent; Spiritus Sanctus 5. & Angelus Gabriel 6. de Cœlo descendentes. Idem Gabriel Angelus 7. tantæ legationis minister in loco 7. stans alloquitur Virginem, quæ ut arbitror, per imaginem 8. notatur sedens, & intenta nuncii verbis, cujus vestis altera candida est, altera crocea, monilique gemmis discriminato circumdatur. Duo illi à tergo Spiritus adstant 9. 10. sive Gabrielis affecleæ, sive Deiparæ custodes, aut potius incarnato tunc Verbo obsequium exhibentes, ut innuit S. August. in Psal. 56. circa medium ibi: *Omnes enim Angeli creatura serviens Christo est. Ad obsequium mitti potuerunt Angeli, ad servitium mitti potuerunt, non ad adjutorium: sicut scriptum est, quod Angeli ministrabant ei, non tanquam misericordes indigenti, sed tanquam subjecti Omnipotenti.* Cæterum ex hoc etiam probandum est Pictoris ingenium, quòd ut Angelicam naturam corporis

expertem ostenderet, januam clausam adjecit, cui nos numerum 11. appingimus, quā adhuc obferatā Angelus penetrare ingressus est. Haberi etiam potest tanquam symbolum integerrimæ virginitatis in Deipara, cum Ecclesia præsertim ad eandem referat simile Ezechielis hieroglyphicum, dum ait: *Ante multum tempus prophetavit Ezechiel, vidi portam clausam, ecce Deus ante sæcula ex ea procedebat pro salute Mundi, & erat iterum clausa, demonstrans Virginem, quia post partum permansit Virgo.* Et rursus: *Portam quam vidisti Dominus solus transibit per illam.* De hoc Annunciationis mysterio sic cecinit Aurelius Prudentius in suo Testamento novo.

*Adventante Deo descendit nuncius
alto*

*Gabriel Patris ex folio, sedemque re-
pentè*

*Intrat Virgineam: Sanctus te Spiritus,
inquit,*

*Implebit Maria: Christum paries sa-
cra Virgo.*

Secunda verò pars primæ, seu finistræ sectionis Magorum Regum adorationem descriptam habet, ex Matth. cap. v. Stella, quæ veniens stetit supra ubi erat puer, notatur num. 12. Puer JESUS num. 13. MARIA mater ejus num. 14. Num. 15. alterius figuræ brachium visitur, reliquā ejusdem figuræ parte in recenti restauratione muro coopertā. Angeli duo num. 16. 17. sedem, seu lectum circumstant, in quo Christus Dominus sedens exhibetur. Inconveniens tamen id videretur nato paucos ante dies infanti, nisi idem ipse esset antiquissimus ille dierum, ante sæcula genitus, cui Pater idem dixerat Psal. 2. *Filius meus es*

tu, Ego hodie genui te. Postula à me, & dabo tibi gentes hereditatem tuam &c. quia alibi dixit in Ps. 109. *Sede à dextris meis donec ponam &c.* addens paulò post: *ante Luciferum genui te.* Videtur itaque prius inventor operis contendisse, ut exprimeret Christi divinitatem in humanitate apparentem: Infantem propterea exhibuisse sedentem, ut ostenderet eundem esse, cui pater simul dixit: *genui te, &: sede à dextris meis.* Hinc fit, ut sedes cui Christus insidet, folii potius speciem præferat, quàm cunabuli: adeò ut ad mysterium potius in hoc respexerit Pictor, quàm ad historiam. Magi Reges num. 18. 19. 20. prope urbem Bethleem num. 21. visuntur, ac sedentem puerum adoraturi, eidemque munera oblaturi accedunt. Horum primus, qui senior depingi solet, pallio cæruleo per totum cooperitur, quo etiam ipsius caput circumvolvitur: reliqui autem duo ad pedes usque braccati, gemmisque pluribus renidentes, cum galeis cristisque sequuntur, qui ferè omnium hinc expressorum militum est habitus, si ornatum & pretium excipias.

Figuræ verò 22. & 23. fortasse sunt duo Magorum focii. S. Joseph à tergo stat Beatissimæ Virginis, ut colligitur ex brachio, quod prope caput ejusdem Virginis visitur, ut num. 15. Ignorandum non est, Musiva opera in utroque angulo, qui cum Ecclesiæ pariete laterali formatur, ob restaurationem ejusdem mutilata fuisse. De hoc itidem mysterio metricè scripsit supra memoratus Prudentius: videlicet.

*Hic pretiosa Magi sub Virginis ubere
Christo*

Dona

Dona ferunt Puero, myrrhæque, & thuris, & auri.

Miratur Genitrix tot casti ventris honores,

Seque Deum genuisse, hominem, Regemque supremum.

Variæ sunt Patrum sententiæ de loco & tempore istius adorationis, quas exponit Gerardus in suo *Elucidario Romæ Sanctæ* tom. 2. lib. 6. cap. 7.

Tertia pars Innocentium stragem exponit, ubi tantum figuræ dimidium conspicitur, ob supradictam restaurationem, ac super illius caput leguntur tantummodo tres literæ, videlicet DES, quæ sunt partes integri nominis HERODES, ut colligitur tum è strage Innocentium, quam ipse iussit, tum è figura huic simili, è conspectu in altera parte, super quam hi characteres leguntur HE. reliqui ob eandem rationem defunt. Notanda est hæc Herodis figura, quæ in utraque parte habet in capite diadema, quod Magnatis aut Regis insigne erat, ut demonstravimus supra capite XIV. *De Coronis.* De hac Infantium in Bethlehemi cæde ita Prudentius.

Impius innumeris infantum cædibus hostis

Perfurit Herodes, dum Christum querit in illis.

Fumant lacteolo parvorum sanguine cunæ,

Vulneribusque madent calidis pia pectora matrum.

Quarta pars urbem Hierusalem denotat, ut apposita inscriptio docet. Quinta denique continet nonnullos agnos, non Musivo opere, sed pictura efformatos. Agnoscendi sunt per hoc symbolum Christifideles, ut in sequentibus emblematis uberius exponitur.

Par. I.

plicare conabimur. Hi tamen agni antiquitatis Musivo opere expressi erant, qui postea temporis injuriâ expuncti, picturâ iterum restituti fuere.

Absolutâ sectionis sinistræ explicatione, quinque partes adversæ, seu dexteræ sectionis, exponendæ supersunt. In harum suprema exhibetur Præsentatio pueri JESU in templo, quadraginta diebus expletis, ut in lege Moysis præcipiebatur, de qua S. Lucas cap. 2. Per figuram 1. intellige Deiparam Virginem, quæ unigenitum suum deferens, templum ingreditur, ut sistat eum Domino. Vestis ejus crocea est, gemmis versicoloribus fulgida, præter monile, & hoc gemmeum, collo circumdatum; uti etiam alibi in arcu depicta est. Num. 2. Simeon Sacerdos (quem virum iustum & timoratum Evangelium Lucæ fuisse tradit, cap. 2. 24.) tam pallio, quam tunicâ albescentibus obvolutus occurrit expansis ulnis ad excipiendum infantem; 3. S. Joseph, haud diverso, quo Zachariam in prima parte hujus arcus descripsimus, habitu, nempe albâ tunicâ, & pallio croceo sponsam suam præcedit. Anna Prophetissa filia Phanuel, quæ supervenit, num. 4. notatur, cujus & vestis & amictus, qui caput ambit, & inde per humeros ad usque poplites fluit, manibusque sustollitur ante pectus, colore subrubro splendescunt. Nu. 5. & 6. sunt duo Angeli comites, sive custodes Beatissimæ Virginis; num. 7. itidem alius Angelus custos sive comes S. Josephi; n. 8. templum indicat; num. 9. par turturum, aut pullos columbarum juxta legis præceptum offerendos. Reliquæ figuræ pro pictoris arbitrio adjectæ Levitas tem-

Dd

plo

plo inservientes, aut alios Hebræos referunt inibi adstantes, tunicâ & pallio subalbis indutos.

In secunda autem parte exprimitur disputatio Christi Domini adhuc pueri cum Doctoribus. Ejus vestis hic peculiaris non est; alba enim, ut etiam alibi. Notâ tamen speciali dignum est diadema duabus crucibus insignitum utrisque pueri JESU vertici imminetibus, quarum tamen unam complectitur diadema, altera ut vides num. 1. illud excedit. De hac autem disputatione hic Lucas Evangelista audiendus est cap. 2. in fine. *Puer autem crescebat & confortabatur, plenus sapientia: & gratia Dei erat in illo. Et ibant parentes ejus per omnes annos in Hierusalem in die solenni Paschæ. Et cum factus esset annorum duodecim, ascendentibus illis Hierosolimam secundum consuetudinem diei festi, consummatisque diebus, cum redirent, remansit puer Jesus in Hierusalem, & non cognoverunt parentes ejus. Existimantes autem illum esse in comitatu, venerunt iter dici, & requirebant eum inter cognatos & notos; & non invenientes regressi sunt in Hierusalem, requirentes eum. Et factum est post triduum invenerunt illum in templo sedentem in medio Doctorum, audientem illos, & interrogantem eos. Stupebant autem omnes, qui eum audiebant, super prudentia & responsis ejus, & videntes admirati sunt: & dixit Mater ejus ad illum: Fili, quid fecisti nobis sic? Ecce pater tuus, & ego dolentes querebamus te; & ait ad illos: Quid est quod me querebatis? nesciebatis, quia in his quæ patris mei sunt oportet me esse? Visitur enim eo loci Jesus n. 1. Virgo Mater num. 2. n. 3. Sanctus Joseph; num. 4. & 5. duo Angeli Pueri JESU*

custodes, num. 6. itidem alius Angelus; 7. Doctores, quorum vestes versicolores, alter enim albentem, alter caruleam, quidam croceam, vel subrubram, alius etiam viridem habet; verum præcipuè notandus est primus, cujus pallium monogrammate insignitur, & ultimus, in cujus dextero humero signum ✠ visitur; in tunicæ vero simbriis, aliud signum à cæteris longè diversum, nempe à forma, & colore, cum viridis arboris ramus appareat: denique num. 8. Hierusalem urbem conspicias; & hæc de secundæ sectionis parte secunda.

In tertia autem cernitur historia Herodiadis, quam sacer scriptor Marcus in Evangel. cap. 6. 21. sic exponit: *Et cum dies opportunus accidisset, Herodes natalis sui cœnam fecit Principibus, & Tribunis, & primis Galilææ; cumque introisset filia ipsius Herodiadis, & saltasset, & placuisset Herodi, simulque recumbentibus; Rex ait puellæ: pete à me quod vis & dabo tibi: & juravit illi: quia quicquid petieris dabo tibi, licet dimidium Regni mei. Quæ cum exiisset, dixit matri suæ: quid petam? at illa dixit: caput Joannis Baptistæ. Cumque introisset statim cum festinatione ad Regem, petivit dicens: volo, ut protinus des mihi in disco caput Joannis Baptistæ. Et contristatus est Rex propter iurandum, & propter simul discumbentes noluit eam contristare, sed misso spiculatore præcepit afferri caput ejus in disco, & decollavit eum in carcere, & attulit caput ejus in disco, & dedit illud puellæ, & puella dedit matri suæ. Num. 1. est Herodes diademate insignitus; 2. filia Herodiadis; 3. mater; 4. alia saltatricula, ut vestes indicant, non quidem talares, sed succinctæ; 5. spiculator; 6. di-*

6. discus, in quo caput Joannis Baptistæ velo coopertum est; 7. & 8. milites seu custodes Herodis. De his sic meminit Prudentius.

*Premia saltatrix poseit funebria
virgo,*

*Joannis caput, abscissum quod lance
reportet*

*Incestæ in gremium matris, fert re-
gia donum*

*Psalteria, respersis manibus de sangui-
ne justo.*

Quarta item pars oppositæ quodammodo picturæ respondet; sicut enim in illa urbs Hierusalem, ita in hac civitas Bethlehem expressa est, ut impositus titulus docet. De harum urbium hieroglyphico satis dictum est in Ecclesia S. Sabinæ: Hic tantummodo nonnulla ejusdem Prudentii carmina etiam referre placet, scilicet.

*Bethlehem caput est Orbis: quæ protu-
lit Jesum,*

*Orbis principium, caput ipsum prin-
cipiorum.*

*Urbs hominem Christum genuit: qui
Christus agebat*

*Ante Deus, quàm Sol fieret, quàm
Lucifer esset.*

In quinta demum & ultima parte, prout in opposita, plures adsunt agnorum figuræ, de quibus sermonem alibi instituimus.

Hæc de imaginibus in triumphali Arcu à Beatissimo Pontifice Xysto III. Musivo opere expressis: modò ad alias transeundum est, quæ super coronidem ambarum interiorum Porticum, sive in media navi, tam ad dexteram, quàm ad sinistram adhuc cernuntur. Quòd hæ quoque sacræ imagines auctorem eundem habuerint, quem superiores, præter epi-

Par. I.

istolæ Hadriani I. ad Carolum Magnum supra allatæ testimonium, videlicet, quod in *metallis aureis* (idest Musivis operibus) *quamquam in diversis historiis sacris decorando imaginibus* &c. patet etiam ex ipsorum Musivorum operum structura, ac specie tum delineationis, tum lapillorum; nam quoad structuram, glutine albo compacta sunt, quod magnum certumque antiquitatis indicium est, ut demonstravimus supra capite XI. Ex *quanam materia opera Musiva componantur, & quomodo ipsæ materiæ præparentur*: quoad formam verò lapillorum, hi sunt operis medii; ulterius nullæ extat memoria, alium Pontificem, præter eundem Xystum, neque ullum omnino quempiam hæc opera construxisse: sed de auctore satis; propiùs jam ad explicationem accedamus.

Si tempus, ea quæ summi, sanctissimique Romani Pontifices in primis Ecclesiæ sæculis ad erudiendam Dei plebem, scripturis, picturis, Musivis operibus, aliisque Ecclesiasticis monimentis posteritati demandârunt, non invidisset, innumera antiquæ Pietatis & Religionis testimonia superessent, quæ nos posterorūque nostros ad Dei cultum, & amorem allicerent vehementer & impellerent. Testes sunt hujus inclytæ Liberianæ Basilicæ Musivorum operum reliquiæ, quæ super coronidem porticûs interioris, ad utrumque latus adhuc visuntur; licet alicubi corrosæ sint, & picturis à Dominico Cardinali Pinello, ejusdem Basilicæ restauratore, suppletæ. Cum verò illæ ob vetustatem ac altitudinem visui vix perceptibiles sint, & earundem exemplaria in celebri Barberina Bibliotheca reperirentur, hæc

mihi commodavit prompto ac hilari animo Illustrissimus & Reverendissimus Dominus Franciscus Barberinus Camerae Apostolicae Clericus, ad praesens praefatae Bibliothecae dominus, cui ob id non exiguas rependo grates.

Prima igitur tabula, quae choro proximior est ad sinistram introeuntium, seu ad meridiem, Melchisedechum denotat, qui in manibus habet canistrum repletum panibus, & vas vino; occurritque Abrahæ redeunti à quinque Regum profligatione, spoliis hostium & laudibus onusto, eique benedictionem impertitur, Gen. cap. 14. 19. Deus inde è nubibus prodiens conspicitur, ac Melchisedechus annuens. Hanc picturam exhibeo in Tab. L. sub fig. 1. Lectorem autem admonitum volo, tabulas æri incisas fuisse, antequam illarum descriptionem inchoarem, & earundem ordinem, prout jacet, à Pictore minime servatum. Quare satius existimavi in earum descriptione eum ordinem sequi, quem in pariete habent, quam quem Pictor eis tribuit. Hoc in Lectoris gratiam dictum sit. Ut autem Musivi operis pars, quæ, ut supra animadvertimus, injuriâ temporum collapsa, picturâ a Cardinali Pinello suppleta fuit, ab omnibus dignosceretur, stellulas addidimus, quæ picturam a Musivo opere discriminent.

Nec dubitatio aliqua inferri potest, quod Melchisedechus panes offerat, non panem, contra id quod habetur in sacris Bibliis vulgatæ editionis, quia in Græca versione 70. Interpretum, Rex protulit *panes & vinum*; in Arabica verò *cibum & vinum*.

Secunda tabula, quam ponimus nu.

LI. Abrahamum refert, cum tres Angelos excepit hospitio, & tres videns unum adoravit, in hoc Trinitatis augustissimæ veneratus mysterium. Ad Genesios cap. 18. ubi hæc: *Apparuit autem ei Dominus in convallibus Mambræ, sedenti in ostio tabernaculi sui in ipso fervore diei: Cumque elevasset oculos, apparuerunt ei tres viri stantes prope eum: quos cum vidisset, cucurrit in occursum eorum de ostio tabernaculi, & adoravit in terram. Et dixit: Domine, si inveni gratiam in oculis tuis, ne transeas servum tuum: sed afferam pauxillum aquæ, & lavate pedes vestros, & requiescite sub arbore. Ponamque buccellam panis, & confortate cor vestrum, postea transibitis: idcirco enim declinastis ad servum vestrum. Qui dixerunt; fac ut locutus es. Festinavit Abraham in tabernaculum ad Saram, dixitque ei: accelera, tria sata similia commisce, & fac subcinericios panes: ipse verò ad armentum cucurrit, & tulit inde vitulum tenerrimum & optimum, deditque puero: qui festinavit & coxit illum &c.* Ex quibus verbis patet jam totius historiæ explicatio; habes porrò tres viros stantes in altiori typi parte notatos literis A. B. C. ante quos Abraham designatus lit. D. adoraturus prosternitur, qui etiam in parte inferiori præcipit Saræ uxori notatæ lit. E. ut tres panes subcinericios apponat, ut ex litera F.; qui etiam postea in mensa visuntur triangulares, ut G. quâ figurâ Pictor etiam Sanctissimam Triadem adumbravit. Stat à sinistris Abrahæ mensa, ad quam tres Angeli accumbunt, qui ut insigniores, diademate distinguuntur. Hanc historiam eximiis illustrant observationibus Patres, tanquam augustissimum





Trinitatis arcanum edocentem, inter alios S. August. *serm.* 171. circa medium, ubi sic: *Nonne unus erat hospes in tribus, qui venit ad patrem Abraham? hospes, & amicus pransor, & mansor, & omnia illi in Trinitate sunt exhibita humanitatis obsequia, quia Trinitatis gloria resulget. Trimum attulit vitulum pater, tres mensuras similaginis conspersit futura mater, paritura filium, pro quo pater mactaret agnum; & ipsum corpus Christi in Trinitate jam fecerat Sacramentum.*

Tertia, quæ hinc inde aliquos exhibet iter oppositum abripientes, historiam Lothi & Abrahami repræsentat: ut in dicta Tab. L. fig. 2. de his cap. 13. Genes. dicitur, quod exorto inter utriusque pastores jurgio, divisi sunt, unus ad dexteram tendens, alter ad sinistram. Verba scripturæ sic se habent: *Ne queso sit jurgium inter me & te, & inter pastores meos & pastores tuos; fratres enim sumus: ecce universa terra coram te est: recede à me obsecro, si ad sinistram ieris, ego dexteram tenebo, si tu dexteram elegeris, ego ad sinistram pergam; & paullo post: Elegitque sibi Loth regionem circa Jordanum, & recessit ab Oriente, divisi que sunt alterutrum à fratre suo.*

Post hanc aliæ tres tabulæ sequebantur, demolitæ quum constructus fuit magnus arcus ante capellam Paulinam.

Quarta in dicta Tab. LI. fig. 2. expressa, habet Jacob benedictionem, ab Isaac patre pro fratre Esau sub dolo, sed innocuo, matris, extorquentem. Quæ ut apertiùs agnoscas, en verba Genesios cap. 27. *Senuit autem Isaac, & caligaverunt oculi ejus, & videre non poterat: vocavitque Esau fi-*

lium suum majorem, & dixit ei: fili mi; qui respondit: adsum; Cui pater: vides, inquit, quoddam senuerim, & ignorem diem mortis meæ. Sume arma tua, pharetram & arcum, & egredere foras: cumque venatu aliquid apprehenderis, fac mihi inde pulmentum sicut velle me nosti, & affer ut comedam: & benedicat tibi anima mea, antequam moriar. Quod cum audisset Rebecca, & ille abiisset in agrum, ut jussionem patris imple-ret, dixit filio suo Jacob: audi vi patrem tuum loquentem cum Esau fratre tuo, & dicentem ei: affer mihi de venatione tua, & fac cibos ut comedam, & benedicam tibi coram Domino antequam moriar. Nunc ergo, fili mi, acquiesce consiliis meis, & pergens ad gregem, affer mihi duos hædos optimos, ut faciam ex eis escas patri tuo, quibus libenter vescitur: quas cum intuleris, & comederit, benedicat tibi priusquam moriatur. Cui ille respondit, nosti quoddam Esau frater meus homo pilosus sit, & ego lævis, si attrectaverit me pater meus, & senserit, timeo, ne putet me sibi voluisse illudere, & inducam super me maledictionem pro benedictione. Ad quem mater: in me sit, ait, maledictio ista fili mi: tantum audi vocem meam, & pergens affer quæ dixi. Abiit, & attulit, deditque matri. Paravit illa cibos sicut velle noverat patrem, & vestibibus Esau valde bonis, quas apud se habebat domi, induit eum: pelliculasque hædorum circumdedit manibus, & colli nuda protegit, deditque pulmentum, & panes, quos coxerat, tradidit. Quibus illatis, dixit: pater mi: at ille respondit: Audio. Quis es tu fili mi? dixitque Jacob: ego sum primogenitus tuus Esau, feci, ut præcepisti mihi: surge, sede, & comede de venatione mea, ut benedicat mihi ani-
ma

ma tua. Rursumque Isaac ad filium suum &c. dixitque, accede mihi, ut te tangam, & probem, utrum tu sis filius meus Esau, an non: accessit ille ad Patrem, & palpato eo dixit Isaac; vox quidem, vox Jacob est, sed manus, manus sunt Esau. Inferius verò Esau à venatu regressus, præreptæ sibi benedictionis ignarus, patrem Isaac adit, afferens ei cibos de venatione sua, & hic altum fratris intelligit. En verba Scripturæ cap. eodem: *Vix Isaac sermonem impleverat, & egresso Jacob foras, venit Esau, coctosque de venatione cibos intulit Patri, dicens: Surge Pater mi, comede de venatione filii tui, ut benedicat mihi anima tua. Dixitque illi Isaac: quis enim es tu? Qui respondit: Ego sum filius tuus primogenitus Esau. Expavit Isaac &c. cum reliquis quæ sequuntur.*

A. Isaac. B. Esau. C. Rebecca. D. Jacob.

In quinta, expressa Tabula LII. fig. 1. quinque hominum imagines vides, & ovium gregem; Jacob à Laban avunculo excipitur, cui ad obtinendam in uxorem Rachelem consobrinam, septenne servitium præstitit, quod inde iterare, & implere coactus est; ut Geneseos 29. ubi sic: *Quam (idest Rachelem) cum vidisset Jacob, & sciret consobrinam suam ovesque Laban avunculi sui &c. osculatus est eam, & elevata voce flevit, et indicavit ei, quòd frater esset patris sui, et filius Rebecca, at illa festinans nuntiavit patri suo, qui cum audisset venisse Jacob filium sororis suæ, cucurrit obviam ei, complexusque eum, & in oscula ruens, duxit in domum suam.* In inferiori iconismo describitur vespertina introductio Liæ loco sororis Rachelis; quam Laban promiserat Jacob, ut videre est

cap. eodem, num. 20. ubi. *Qui (idest Laban) vocatis multis amicorum turbis ad convivium fecit nuptias, et vespere Liam filiam suam introduxit ad eum, dans ancillam filiæ Zelpham nomine, ad quam cum ex more Jacob fuisset ingressus, factò mane, vidit Liam, et dixit ad socerum suum: Quid est quod facere voluisti? nonne pro Rachel servivi tibi? Quare imposuisti mihi &c.*

A. Laban. B. Rachel. C. Jacob. D. Lia.

In sexta eadem Tab. LII. fig. 2. exprimitur Historia Rachelis & Jacobi, quæ eodem cap. 29. Genes. sic traditur: *Jacob factò mane vidit Liam, et dixit ad socerum suum, quid est quod facere voluisti? nonne pro Rachel servivi tibi? quare imposuisti mihi? Respondit Laban: non est in loco nostro consuetudinis, ut minores antè tradamus ad nuptias, imple hebdomadam dierum hujus copulæ: et hanc quoque dabo tibi pro opere, quo serviturus es mihi septem annis aliis. Acquivit placito, et hebdomada transacta duxit Rachel uxorem, cui pater servam Balam tradiderat; tandemque potitus optatis nuptiis, amorem sequentis priori prætulit, serviens apud eum septem annis aliis.* In hac Tabula Laban videtur Jacobo indicare, quòd operam suam præstet in grege, & prope Laban est Rachel.


A. Laban. B. Rachel. C. Jacob.


In septima, Tabula LIII. fig. 1. Jacob finitâ hebdomadâ redit ad Laban, & instat pro uxore promissa Rachel. In infima autem tabulæ ejusdem parte tam diù, tam anxie exoptatæ Rachelis, & Jacob nuptiæ celebrantur.

A. Laban. B. Rachel. C. Jacob.

D. Balam.

Octavus iconismus in eadem Tab. LIII. fig. 2. spectat ad historiam, de qua
















qua Genes. cap. 30. 31. ubi ab invicem segregati fuere greges Laban & Jacob: facer textus sic: *Gyra* (inquit Jacob) *omnes greges tuos, & separa cunctas oves varias, et sparsa vellere: Et quodcunque furrum, et maculosum, variumque fuerit tam in ovibus, quam in capris, crit merces mea; respondebitque mihi cras justitia mea, quando placiti tempus advenerit coram te, et omnia, quæ non fuerint varia, et maculosa, et furva tam in ovibus, quam in capris, furti me arguent. Dixitque Laban, gratum habeo quod petis, et separavit in die illa capras, et oves, et hircos, et arietes varios, atque maculosos &c.*

Nona sub Tabul. LIV. fig. 1. expressa, docet historiam, de quâ Genes. 30. ubi dicitur Jacob apposuisse, virgas decorticatas in aquis, ut in conceptu bibentes oves ex undarum versicolorum intuitu vehementique imaginatione foetus suos coloribus variegatos eniterentur, quod & imagines ipsæ, & grex cum virgis in canali expositis satis indicant. Inibi etiam cernitur Deus dicens ad Jacob: *Revertere in terram patrum tuorum, & ad generationem tuam, eroque tecum*, Genes. cap. 31. In inferiori autem parte Dei præcepto Jacob obsequentissimus, vocat uxores suas Rachel & Liam in agrum, ubi greges pascebat, ac Domini mandatum eis patefacit.

In decima pictura, & eadem Tab. LIV. fig. 2., superiori parte, Jacob ad Esau viros mittit in terram Seir, qui se fratri reconcilient, & munera offerant, & ut sacra Scripturæ verbis utar Genes. cap. 32. *Misit & Nuncios ante se ad Esau fratrem suum in terram Seir Regionis Edom, præcepitque eis dicens: sic loquimini Domino meo*

Esau: Hæc dicit frater tuus Jacob: apud Laban peregrinatus sum, et fui usque in præsentem diem; habeo boves & asinos, & oves, et servos, & ancillas, mittoque nunc legationem ad Dominum meum, ut inveniam gratiam in conspectu tuo &c. In inferiori verò Esau fratri occurrit, eumque lacrymabundus amplectitur, quod factum Scriptura sacra sic tradit c. 33. *Elevens autem Jacob oculos suos, vidit venientem Esau, et cum eo quadringentos viros &c.* *Currens itaque Esau obviam fratri suo, amplexatus est eum, stringensque collum ejus, et osculans flevit &c.*

A. Esau. B. Jacob. C. Virorum turma.

In undecima sub Tabul. LV. fig. 1. Emor pater Sichem, & ipse Sichem, qui Dinam filiam Jacob ex Lia rapuerat ac violaverat, adeunt Jacob, & ejus filios, Dinamque in conjugem postulant, offeruntque ipsi mulieres suas, ut initâ sanguinis vinculo societate, simul habitent, & in populum unicum coalescant. Sic verba Genes. cap. 34. *Egresso autem Emor pater Sichem, ut loqueretur ad Jacob, ecce filii ejus veniebant de agro, auditoque quod acciderat, irati sunt valdè; eo quod scdam rem operatus esset in Israel, et violata filia Jacob rem illicitam perpetrasset. Loquutus est itaque Emor ad eos: Sichem filii mei adhæsit animæ filiæ vestræ, date eam illi uxorem, et jungamus vicissim connubia; filias vestras tradite nobis, et filias nostras accipite, et habitate nobiscum. Terra in potestate vestra est, exercete, negotiamini, et possidete eam; sed et Sichem ad patrem, et fratres ejus ait: Inveniam gratiam coram vobis, et quæcunque statueritis dabo, augete dotem, et munera postulate, et liben-*

libenter tribuam quod petieritis, tantum date mihi puellam hanc uxorem.

A. Emor. B. Sichem. C. Jacob. D. E. F. filii Jacob.

Inferior autem pars habet Simeon, & Levi fratres Dinæ, qui ut sororis injuriam facilius, & impunè ulciscerentur, Emor & Sichem suasere circumcissionem, per quos cæteris etiam oppidi civibus. Cum autem die tertio dolor sæviret, & gravissimus esset, sumptis gladiis, in Emor & Sichem irruunt, ut eos occidant, quod inde exequuti fuere, interfectis cum illis cæteris masculis, cujus cædis argumentum, & indicium præfert cadaver inibi stratum, quod tamen picturâ expressum est. En Genesis verba cap. eodem vers. 25. *Et ecce: Die tertio, quando gravissimus vulnerum dolor est, arreptis duo filii Jacob, Simeon et Levi fratres Dinæ, gladiis, ingressi sunt urbem confidenter: interfectisque omnibus masculis, Emor et Sichem pariter necaverunt, tollentes Dinam de domo Sichem sororem suam; quibus egressis, irruerunt super occisos cæteri filii Jacob, et depopulati sunt urbem &c.*

D. Emor. E. Sichem. G. Simeon. H. Levi.

In duodecima, dicta Tabula LV. fig. 2. in prima area, superior historia continuatur, quum Jacob à cæde, & ab urbis depopulatione reversos filios objurgat, conqueriturque de iis, quæ patraverant, unde in se odium finitimorum, & arma excitassent, sic habetur in eodem cap. *Quibus perpetratis audacter, Jacob dixit ad Simeon, & Levi: turbastis me, et odiosum fecistis me Chananeis, et Pherezæis habitatoribus terræ hujus. Nos pauci sumus, illi*

congregati percutient me, et delebor ego, et domus mea &c.


A. Jacob. B. Simeon. C. Levi.

Denique in infima Tabulæ hujus area, Deo novum iter jubente, Jacob familiam convocat, dicitque, quò eundum, quidve faciendum sit; hoc etiam legitur Genes. cap. 35. *Jacob verò convocata omni domo sua, ait: abjicite Deos alienos, qui in medio vestri sunt, et mundamini, ac mutate vestimenta vestra. Surgite, ascendamus in Bethel, ut faciamus ibi altare Domino, qui exaudivit me in tempore tribulationis meæ, et socius fuit itineris mei &c.*

Perlustratis jam è dextero principis aræ cornu iconismis, superest ut sinistrum lustremus, figuræque in eo sitas interpretemur. In hac ergo sinistra navis medianæ parte, quæ Xystinæ Capellæ proxima attollitur, ac Aquilonem respicit, prima Musivi operis Tabula supra coronidem deest, annorum serie collapsa; ideoque area picturis oppleta est. In hac fortè Moïsis historia referebatur; quum puer fiscellæ scirpeæ creditus, in carecto Ripæ fluminis expositus fuit ut Exod. cap. 2.: quod mecum quisque colligere potest ex aliis Tabulis, quæ sequuntur.

Ex his, quæ extant, Picturis, ea quæ Tabul. LVI. fig. 2. cernitur, Moïsis historiam prosequitur; hic enim filia Pharaonis A. inventi pueri matrem B. alloquitur, eidemque mercedem pollicetur, si eum enutriat. Huic tres puellæ comites, quarum una C. puerum in sinu involutum gerit, alia D. fiscellam è vimine, in qua illum repererant: sed ut meliùs, ac certiùs hæc conspiciantur, Exodi verba referam in







in dicto cap. 2. ubi sic: *Egressus est post hæc vir de domo Levi: & accepit uxorem stirpis suæ, quæ concepit, & peperit filium, & videns eum elegantem, abscondit tribus mensibus. Cumque jam celare non posset, sumpsit fiscellam scirpeam, & lini-vit eam bitumine ac pice: posuitque intus infantulum, & exposuit eum in caretto ripæ fluminis, stante procul sorore ejus: & considerante eventum rei. Ecce autem descendebat filia Pharaonis, ut lavaretur in flumine: & puella ejus gradiebantur per crepidinem alvei; quæ cum vidisset fiscellam in Papyrione, misit unam è famulabus suis, & allatam aperiens, cernensque in ea parvulum vagientem, miserta ejus ait: De infantibus Hebræorum est hic. Cui soror pueri: Vis, inquit, ut vadam, & vocem tibi mulierem Hebræam, quæ nutrire possit infantulum? Respondit: Vade. Perrexit puella, & vocavit matrem suam, ad quam locuta filia Pharaonis; Accipe, ait, puerum istum, & nutri mihi: ego dabo tibi mercedem tuam. Suscepit mulier, & nutriti-vit puerum, adultumque tradidit filiæ Pharaonis, quem illa adoptavit in locum filii, vocavitque nomen ejus Moyses, dicens: Quia de aqua tuli eum.*

Alter, qui immediatè subjicitur Iconismus, Moysis gesta continuat, & ea præcipue, quæ dictum Exod. c. 2. exequitur de viri Ægyptii cæde, quem Moyses obrutum fabulo interemit. En sacra verba: *In diebus illis postquam creverat Moyses, egressus est ad fratres suos, viditque afflictionem eorum, & virum Ægyptium percutientem quendam de Hebræis fratribus suis; cumque circumspexisset huc atque illuc, & nullum adesse vidisset, percussit Ægyptium abscondit fabulo. Et egressus die altero*

Par. I.

conspexit duos Hebræos rixantes, dixitque ei, qui faciebat injuriam; Quare percutis proximum tuum? Qui respondit: quis constituit te Principem & Judicem super nos? Num occidere me tu vis, sicut heri occidisti Ægyptium? Timuit Moyses, & ait: Quomodo palàm factum est verbum istud? audivitque Pharao sermonem hunc, & quarebat occidere Moyssem. Qui fugiens de conspectu ejus, moratus est in Terra Madian, & sedit juxta puteum. Signum A. denotat Mosen. B. Hebræum increpantem illum de homicidio. C. Pharaonem cum turba, Moysis sermonem audientem.

Secunda in eadem Tab. LVI. fig. 1. in superiori fronte connubium ipsius Moysis cum Sephora expressum habet, ut Exodi eod. cap. 2. *Juravit ergo Moyses, quod habitaret cum eo* (idest Sacerdote Madian, Sephoræ parente) *accepitque Sephoram filiam ejus uxorem.* In posteriori verò ipsum indicat, oves soceri Jethro pascentem, ut Exodi c. 3. ubi sic: *Moyses autem pascebat oves Jethro saceris sui sacerdotis Madian.*

A. Moyses. B. Sephora.

In tertia, Tab. LVII. fig. 1. Domino præcipiente, Moyses in Ægyptum è Madian revertitur cum uxore, & filiis, virgam præferens, in qua signa facturum erat, cui per desertum iter habenti, frater Aaron occurrit, ut ei Deus præceperat; auditisque à fratre, quæ Deus juberet, Seniores Israelitarum congregat, eademque eos edocet, non verbis solum, sed signis, quod parte inferiori videtur exprimi; & hæc habentur in Exodi cap. 4. *Dixit ergo Dominus ad Moysen in Madian: Vade, et revertere in Ægyptum; mortui sunt enim om-*

E e

nes,

nes, qui querebant animam tuam. Tulit ergo Moyses uxorem suam, et filios suos, & imposuit eos super asinum, reversusque est in Ægyptum, portans virgam Dei in manu sua &c. & infra: Dixit autem Dominus ad Aaron: Vade in occursum Moyfi in desertum, qui perrexerit obviam in montem Dei, & osculatus est eum. Narravitque Moyses Aaron omnia verba Domini, quibus miserat eum, & signa, quæ mandaverat, veneruntque simul, & congregaverunt cunctos seniores filiorum Israel; loquutusque est Aaron omnia verba, quæ dixerat Dominus ad Moysen, & fecit signa coram populo, & credidit populus, audieruntque, quod visitasset Dominus filios Israel, & quod respexisset afflictionem illorum, & prout adoraverunt. A. Moyses. B. Aaron.


Quarta, quæ est in Tabula LVIII. figura 1., historiam vituli aurei explicat cap. 32. Exodi, versu 1. & sequentibus ibi: Videns autem populus, quod moram faceret descendendi de monte Moyses, congregatus adversus Aaron dixit: Surge, fac nobis Deos, qui nos præcedant, Moyfi enim huic viro, qui nos eduxit de terra Ægypti, ignoramus, quid acciderit: dixitque ad eos Aaron, tollite in aures aureas de uxorum, filiorumque, & filiarum vestrarum auribus, & afferte ad me. Fecitque populus quæ jusserat, deferens in aures ad Aaron. Quas cum ille accepisset, formavit opere fusorio, & fecit ex eis vitulum conflatilem. Dixeruntque: Hi sunt Dii tui Israel, qui te eduxerunt de terra Ægypti; quod cum vidisset Aaron, ædificavit altare coram eo, & præconis voce clamavit dicens: Cras solennitas Domini est. Surgentesque mane, obtulerunt holocausta &c.


In quinta, ead. Tabula LVIII. figura 2. altè conspicuus Moyses ad populum verba facit, & ea, quæ à Deo acceperat, præcepta, legemque promulgat: è quibus pauca hæc apponam quæ habentur cap. 35. Exod. ibi: Igitur congregata omni turba filiorum Israel, dixit ad eos: Hæc sunt, quæ jussit Dominus fieri. Sex diebus facietis opus; septimus dies erit vobis sanctus, Sabbatum, & requies Domini: qui fecerit opus in eo, occidetur. Non succendetis ignem in omnibus habitaculis vestris per diem Sabbathi. Et ait Moyses ad omnem catervam filiorum Israel: Iste est sermo, quem præcepit Dominus, dicens: Separate apud vos primitias Domino. Omnis voluntarius, & prout animo offeret ea Domino, aurum, & argentum, & æs &c.

In sexta, quæ est Tabula LIX. sub figura 1. vides Israelitas rubri maris profunda sicco vestigio transeuntes, hinc inde Virgæ Mosaicæ imperio recedentibus undis, ac stantibus, quæ deinde iterum resolutæ, insequentes Ægyptios, cum equis & curribus obruunt; ut Exodi cap. 14. scribitur his verbis: Dixitque Dominus ad Moysen &c. Tu autem eleva virgam tuam, & extende manum tuam super mare, & divide illud, ut gradientur filii Israel in medio mari per siccum. Ego autem indurabo cor Ægyptiorum, ut persequantur vos, & glorificabor in Pharaone, &c. cumque extendisset Moyses manum super mare, abstulit illud Dominus, stante vento vehementi, & urente tota nocte, & vertit in siccum, divisaque est aqua, & ingressi sunt filii Israel per medium sicci maris. Persequentisque Ægyptii ingressi sunt post eos, & omnis equitatus Pharaonis, currus &c.

Cum-







Cumque extendisset Moyses manum contra mare, reversum est primo diluculo ad priorem locum, fugientibusque Aegyptiis occurrerunt aquae, et involvit eos Dominus in mediis fluctibus, reversaeque sunt aquae, & operuerunt currus, & Equites cuncti exercitus Pharaonis, nec unus quidem superfuit ex eis &c. De hoc per mare transitu hæc carmina cecinit Aurelius Prudentius:

Tutus agit Vir justus iter, vel per mare magnum

Ecce Dei famulis scissim freta rubra debiscunt:

Cum peccatores rabidos eadem freta mergant;

Obruitur Pharao: patuit via libera Mosi.

In septima sub Tabula LVIII. supra relata figura 3. Congregatio filiorum Israel queritur, nullitatque adversus Mosem ob carnes; quare ejus tum questus, tum fames à Deo sedatur missis ad vesperam conturnicibus per castra in circuitu; sic text. Exod. cap. 16. *Loquutus est autem Dominus ad Moysen, dicens: audi vi murmurationes filiorum Israel; loquere ad eos, vespere comedetis carnes, et mane saturabimini panibus; scietisque, quod ego sum Dominus vester. Factum est ergo vespere, et ascendens coturnix cooperuit castra. Mane quoque ros jacuit per circuitum castrorum &c.*

Hanc historiam sic metricè describit præcitatus Prudentius.

Panibus Angelicis albent tentoria Patrum,

Certa fides facti, tenet Urceus aureus exin

Servatum manna. Ingratis venit altera nubes,

Par.I.

Atque avidos carnis saturat congesta coturnix.

In octava autem sub Tabula LX. figura 1. superius Moses è petra ictu virgæ undas elicit, ut sitientes, & aridas populi fauces recreet, & maledictis, quibus impetebatur, occurrat: totum hoc habes in cap. 17. Exodi ibi: *Et ait Dominus ad Moysen; antecede populum, & sume tecum de senioribus Israel, et virgam, qua percussisti fluvium, tolle in manu tua, et vade. En ego stabo ibi coram te supra petram Horeb: percutiesque petram, et exibit ex ea aqua, ut bibat populus. Fecit Moyses ita coram senioribus Israel, et vocavit nomen loci illius, Tentatio, propter jurgium filiorum Israel, & quia tentaverunt Dominum.*

Inferius autem cum Amalec Israelitas invaderet, Moyses præcipit Josue, ut hosti militibus lectis occurrat, & pugnet adversus eum, qui dicto parens, copias in Amalechitas educit; Moyses interim, comitantibus Aaron, & Hur, montem oraturus ascendit; Exod. cap. 17. *Venit autem Amalec, et pugnabat contra Israel in Raphidim: dixitque Moyses ad Josue: Elige viros, et egressus, pugna contra Amalec cras. Ego stabo in vertice collis habens virgam Dei in manu mea &c.*

Nona, ut in Tabula LIX. figura 2. pugnam eandem repræsentat, & Mosén supra montem orantem, cujus ad Cælum levatas manus hinc inde Aaron & Hur fulciunt, de quo eodem cap. 17. *Fecit Josue ut locutus erat Moyses, et pugnavit contra Amalec: Moyses autem, et Aaron, et Hur ascenderunt super verticem collis, cumque levaret Moyses manus, vincebat Israel.*

Ee 2

De-

Decimæ prior area in Tabul. LXI. figura 1. Core, sociorumque ejus adversum Mosen & Aaron seditionem designat, qui postquam eos objurgavere, quod supra populum elevarentur, inciderunt in vindices manus Domini, quod fusè Num. cap. 16. n. 1. ubi: *Ecce autem Core filius Isaar, filii Caath, filii Levi, et Dathan, atque Abiron filii Eliab, Hon quoque filius Pheleth de filiis Ruben, surrexerunt contra Moysen, aliique filiorum Israel ducenti quinquaginta viri proceres synagoga, et qui tempore Concilii per nomina vocabantur. Cumque stetissent adversum Moysen & Aaron, dixerunt: sufficiat vobis, quia omnis multitudo sanctorum est, et in ipsis est Dominus, cur elevamini super populum Domini? pluribusque interjectis, sequitur sacer text. nu. 18. Quod cum fecissent (Core scilicet, & reliqui ejus alleclæ, quos Moses jusserat seorsim ab Aaron incensum adolere) stantibus Moyse & Aaron, et coacervassent adversum eos omnem multitudinem ad Ostium Tabernaculi, apparuit cunctis gloria Domini &c.*

In secunda autem area populus Mosi insensus, iratusque propter exitum Core, Dathan, & Abiron, quos terra dehiscens vivos exhauserat, & ducentorum quinquaginta Procerum, quos ignis ultor absumpserat, impetum facit in Mosen & Aaron, qui ad tabernaculum Dei statim confugiunt; hocque nubes cooperit, ut a furiis improborum eos reddat incolumes. Nu. 41. ejusdem cap. *Murmuravit autem omnis multitudo filiorum Israel sequenti die contra Moysen et Aaron dicens: vos interfecistis populum Domini. Cumque oriretur seditio, et tumultus in-*

cresceret (ut vertunt Septuaginta, cum irrueret synagoga super Moysen, et Aaron) Moyses et Aaron fugerunt ad tabernaculum fœderis, quod postquam ingressi sunt, operuit nubes &c. at in ultimis hisce verbis Græca versio aliquantulum dissonare videtur: cui cæteræ fære concinunt; nam hæc prius nube obvolutum tabernaculum tradit, quàm Moses, & Aaron ingressi essent: en verba: *Et cum impetu irerunt ad Tabernaculum Testimonii, illud verò obtexit nubes, et apparuit Gloria Dei, et intravit Moyses, et Aaron in faciem tabernaculi Testimonii:* vel ut translatio ex Hebr. Sanct. Pagnini: *Et operuit illud nubes, et conspecta est gloria Dei, et venit Moyses et Aaron coram tabernaculo Ecclesiæ.* Unde, ut verum fatear, nubes hæc maximas Tabulæ tenebras offundit, præfertim cum ea tres viros circumdet, populum fugientes, & in Sacra Scriptura nonnisi duo, Moses & Aaron enumerentur. Sed fortè hic aliquantulum ab historia pictor divertit, & quodlibet audendo semper sibi datâ potestate usus est, Mosi, & Aaron summo Dei Sacerdoti Levitam adjungens, ut ferè ubique in hoc opere duos Mosi comites dedit, Aaron scilicet, ac tertium nescio quem, licet aliquando fuisse Hur expressè legamus; quod vide in Tabula LIX. figura 2. & Tabula LX. fig. 1. in inferiori parte: in quibus Moses inter duos viros est. Præterea quo magis angebar, quique an pedibus (ut ajunt) in eam sententiam irem, necne, dubium diutiùs tenuit, ille virorum globus fuit, non utcunque irruentium, sed lapidibus impetentium fugientes; quod tamen minimè sacro

Textui





Textui concors est. Quare cum hæc vera lapidatio videatur, sacra Biblia consulens operosius, nullam lapidationem haurire potui, quæ hisce Figuris aptior esset, nisi eam quæ Josue cap. 7. Achan cum omni domo sua concidit, quod contra Dei præceptum in Urbis Hiericho depopulatione, quædam subripuisset, quocirca lapidibus obrui suoque igne consumi Deus imperavit. Sed neque ista cum Tabula concordat; nam post Mosis obitum sequuta est, hæc verò cum adhuc viveret; ejus enim excessus in sequenti undecima Tabulâ videbimus. Imo Achan post Hiericho expugnationem, quæ Tabulâ decima-quartâ exprimitur, interemptus occubuit, ac proinde in decimaquinta repræsentari debuerat, & sic ordo est præposterus: Præterea si hanc Deus lapidationem imperaverat, cur lapidatum nubes prodigiosa protegeret? cur extima superficies illius lapidum impetus frangeret, qui ab ea resili- rent? Adde quod extra castra, procul à tabernaculis, tentoriisque lapidibus ictus excidit; quomodo ergo ei ad tabernaculum foederis confugium patuisset? hîc verò contra tres ante tabernaculum impetus fit, qui in ipsum rectò confugiunt. Quapropter priori de Mose & Aaron sententia adhærens, ideo lapides populo datos dicerem, ut ejus impetus quoquomodo exprimeretur, qui nunquam inermis est, nudis enim (ut quidam cecinit) *furor arma ministrat*; & prima, potioraque iratæ plebi arma ut plurimum terra præbet.

In undecima, ut Tabula LX. figura 2. Moses Levitis volumen tradit, in quo Deuteronomium descripserat,

jubens in Arca foederis Domini custodiri; ut ex Deuter. cap. 31. hauserimus; en verba: *Postquam ergo scripsit verba Legis hujus in volumine, atque complavit, præcepit Levitis, qui portabant Arcam foederis Domini, dicens: tollite Librum istum, & ponite eum in latere Arcæ foederis Domini Dei vestri, ut sit ibi contra te in testimonium; Ego enim scio contentionem tuam, & cervicem tuam durissimam &c.* & paullò post: *Congregate ad me omnes majores natu per Tribus vestras, atque Doctores, & loquar audientibus eis sermones istos &c.* Quibus cum Dei beneficia recensuisset, & ingratitude exprobrasset, hortatur eos, ut Dei sui præcepta custodiant, ac servant, his verbis, quæ in sequenti cap. ejusdem libri leguntur: *Ponite corda vestra in omnia verba, quæ ego testificor vobis hodie, ut mandetis ea filiis vestris custodire, & implere universa, quæ scripta sunt in volumine Legis hujus, quia non incassum præcepta sunt vobis, sed ut singuli in eis viverent, quæ facientes longo perseveretis tempore in terra, ad quam Jordanem transmissis ingredimini possidendam.* Quibus completis, Deo jubente montem Abarim, idest *transituum*, ut explicat ipse textus, ascendit, & supra verticem Phasga, qui pars Abaris est, omnem terram ultra Jordanem promissam Israelitis intuitus contemplatusque, ibidem ultimum vitæ suæ diem claudit, & à Deo sepelitur: quæ accipe ex ultimo Deuter. *Ascendit ergo Moyses de campesribus Moab super montem Nebo in verticem Phasga contra Hiericho, ostenditque ei Dominus omnem terram Galaad usque Dan, & universum Nephtali, terramque Ephraim, & Manasse, & omnem ter-*

ram

ram Juda usque ad mare novissimum, & Australem partem, & latitudinem campi Hiericho Civitatis palmarum usque Segor. Dixitque Dominus ad eum: *Hæc est terra, pro qua juravi Abraham, Isaac, & Jacob, dicens: semini tuo dabo eam. Vidisti eam oculis tuis, & non transibis ad illam. Mortuusque est ibi Moyses servus Domini in terra Moab jubente Domino: & sepelivit eum in valle terræ Moab contra Phogor, & non cognovit homo sepulchrum ejus usque in presentem diem.* Univerſa hæc in altiori hujus Tabulæ parte adamuſſim videas: in infima verò Joſue habemus à Deo Moſis loco ſuſſectum, Ducemque populi conſtitutum, ut indicat haſta, quam gerit. Hic itaque monitu Domini electis duodecim viris è duodecim tribus Iſrael, præcepit, ut irent ante Arcam Domini ad medium Jordanis, & inde ſinguli ſingulos lapides juxta numerum filiorum Iſrael afferrent in humeris ſuis, ſic Joſue cap. 4. *Vocavitque Joſue duodecim viros, quos elegerat de filiis Iſrael, ſingulos de ſingulis Tribubus, & ait ad eos: Ite ante Arcam Domini Dei veſtri ad Jordanis medium, & portate inde ſinguli ſingulos lapides in humeris veſtris juxta numerum filiorum Iſrael, ut ſit ſignum inter vos.*

In duodecimæ Picturæ ſuperiori area, ut Tabul. LXII. fig. 1. prædicta continuatur Hiſtoria; cerniturque duodecim virorum reditus lapides totidem ſuccollantium è medio Jordane petitos: necnon Arca foederis, quam Joſue comitatur; ut legitur in lib. Joſue cap. 4. *Fecerunt ergo filii Iſrael ſicut præcepit eis Joſue, portantes de medio Jordanis alveo duodecim lapides, ut Dominus ei imperarat, juxta numerum*

filiorum Iſrael usque in locum in quo caſtrametati ſunt, ibique poſuerunt eos. Sic poeticè cecinit de iſtis lapidibus Prudentius ſupra memoratus:

In fontem reſſuo Jordanis gurgite fertur


Dum calcanda Dei populis vada ſicca relinquit.

Teſtes bis ſeni lapides, quos flumine in ipſo

Conſtituere Patres, in formam diſcipulorum.

Inferior autem area, cùm ſequentibus Tabulis oſtendenda ſit Urbis Hiericho maximè admirabilis expugnation; altiùs hiſtoriam repetit, orditurque à duobus exploratoribus, qui, Joſue jubente, Hiericho Civitatem ſubintrant, & à meretrice excipiuntur. Adi cap. 2. ejusdem lib. ubi hæc: *Miſit igitur Joſue filius Nun de ſetim duos viros exploratores in abſcondito, & dixit cis: Ite, & conſiderate terram, Urbemque Hiericho; qui pergentes ingreſſi ſunt domum mulieris meretricis nomine Raab, & quieverunt apud eam.*

In decimatertia, ut Tabula LXI. figuræ 2. inferiori parte Raab meretrix, quæ exploratores prædictos hoſpitio exceperat, clanculum è fenestra per funem demittit: accipe Joſue teſtimonium cap. 2. *Demiſit ergo eos per funem de fenestra; domus enim ejus hærebat muro; dixitque ad eos: Ad montana conſcendite, ne fortè occurrant vobis revertentes* (milites hîc intelligit, qui foeminæ ejusdem dolo extra Urbem exploratores conquirebant) *ibique latitate tribus diebus, donec redeant; & ſic ibitis per viam veſtram.* Hi porrò reduces omnia quæ acciderant Joſue enunciant, ut ex eod. cap. *Quibus* (ideſt







(ideſt militibus in eos immiſſis) *Urbem ingreſſis, reverſi ſunt, & descenderunt exploratores de monte: & tranſmiſſo Jordane, venerunt ad Joſue filium Nun, narra-veruntque ei omnia, quæ acciderant ſibi &c.* & hæc in ima Tabulæ parte viſuntur: in altiori verò continuatur hiſtoria, quàm ſacer Textus antiquæ vulgatæ verſionis in eod. lib. c. 5. ita narrat: *Cum autem eſſet Joſue in agro Urbis Hiericho, levavit oculos, & vidit virum ſtantem contra ſe, evaginatū tenentem gladium; perrexitque ad eum, & ait: Noſter es, an Adverſariorum? Qui reſpondit: Nequaquam; ſed ſum Princeps exercitus Domini* (prout talis è diademate capiti ejus impoſito arguitur, hoc enim inſigne Principum eſt, ut ſupra Cap. 14. De coronis oſtendimus) *& nunc venio: Cecidit Joſue pronus in terram, & adorans ait: Quid Dominus meus loquitur ad ſervum ſuum? Solve, inquit, calceamentum de pedibus tuis; locus enim, in quo ſtas, ſanctus eſt: fecitque Joſue, ut ſibi fuerat imperatum.*

In decima quarta, Tabul. LXIII. figura 1. videtur ejuſdem urbis excidium, clangentibus tubis, populo Iſraelis vociferante, & arca Domini ſepties circa mœnia ducta, collapſæ. Hæc Scripturæ verba in Joſue cap. 6. *Igitur omni populo vociferante, & clangentibus tubis, poſtquam in aures multitudinis vox, ſonitusque increpuit, muri illico corruerunt, & aſcendit unusquisque per locum, qui contra ſe erat, cæperuntque civitatem.*

In decima quinta, ut in Tab. LXII. fig. 2. obſidio eſt urbis Hiericho per quam nullus egredi, aut ingredi audebat, oppugnantibus, inſtantibusque Iſraelitis; quæ Tabula mirum quan-

tum conſonet ſacris paginis, è quibus hæc Joſue cap. eod. *Hiericho autem clauſa erat, atque munita timore filiorum Iſrael, & nullus egredi audebat, aut ingredi. Subtùs verò Joſue Deus alloquitur, edocetque, quid opus ſit ad urbis expugnationem; ut in eodem cap. Dixitque Dominus ad Joſue, Ecce dedi in manu tua Hiericho, & Regem ejus, omneſque ſortes viros. Circuite urbem cuncti bellatores ſemel per diem, ſic facietis ſex diebus: ſeptimo autem die Sacerdotes tollant ſeptem buccinas, quarum uſus eſt in Jubileo, & præcedant arcam fœderis, ſeptiesque circuibitis civitatem &c.*

Decima ſexta ſub Tabula LXIV. fig. 1. Joſue exhibet cum copiis ſuis pugnante contra Amorrhæos, in quos Dominus grandinem lapideam immittit. Vide Joſue cap. 10. ubi hæc: *Irruit itaque Joſue ſuper eos repente tota nocte aſcendens de Galgalis; & conturbavit eos Dominus à facie Iſrael: contrivitque plaga magna in Gabaon, ac perſecutus eſt eos per viam aſcenſus Beth-horon, & percuffit uſque Azeca & Maceda. Cumque fugerent filios Iſrael, & eſſent in deſcenſu Beth-horon, Dominus miſit ſuper eos lapides magnos de Cælo uſque ad Azeca, & mortui ſunt multò plures lapidibus grandinis, quàm quos gladio percufferant filii Iſrael.*

In decima ſeptima, Tabulâ LXIII. fig. 2. cernere eſt, ut Joſue contra Amorrhæos pugnantis imperio ſolſtat, ac eò uſque differt ad Occaſum pergere, donec integram palmam ex hoſte referant Iſraelitæ: hoc docet idem cap. 10. Joſue: *Tunc loquutus eſt Joſue Domino in die qua tradidit Amorrhæum in conſpectu filiorum Iſrael, dixitque coram eis: Sol contra Gabaon ne movea-*

movearis: & Luna contra Vallem Aialon: Steteruntque Sol & Luna, donec ulcisceretur se Gens de inimicis suis.

In decima octava, ut Tab. LXIV. fig. 2. Reges, qui ne in victorum manus inciderent, delituerant in spelunca, Josue imperante, extrahuntur, & ad eum vincti ducuntur. Ibidem num. 22. & 23. hæc habentur: *Præcepitque Josue dicens; aperite os speluncæ, et producite ad me quinque Reges, qui in ea latitant; feceruntque ministri, ut sibi fuerat imperatum, et adduxerunt ad eum Reges de spelunca &c.*

Tabulæ decima nona & vigesima defunt, sed earum aræ, ac lacunæ Picturis suppletæ sunt.

Et hæc sunt figuræ, quæ ad nostra usque tempora pervenere.

C A P U T XXIII.

De Ecclesia SS. Nazarii et Celsi, vulgò Galla Placidia appellata, in Civitate Ravennatensi; ac operibus Musivis ab eadem Galla Placidia anno 440. constructis.

GALLA Placidia, quam illustrem, cum Augustæ Profapiæ nobilitas, tum pereximiæ animi dotes, præsertim verò Religio, reddiderunt, præter quamplurima, egregiaque pietatis suæ relictæ monumenta, non modò Romæ, sed etiam Arimini, & alibi, quæ restauratis Basilicis, aut ornatis, quæ a fundamentis erectis; Ravennæ quoque quatuor conspicua templa excitavit, unum quidem Sancto Joanni Baptistæ, aliud Joanni Evangelistæ, tertium verò S. Crucis, quartum denique (de quo in præsentī plu-

ra dicemus) SS. Nazario & Celso Martyribus. Hoc Templum circa quadragesimum annum quinti sæculi constructum fuisse colligimus ex Rubeo in sua Historia Ravennatensi.

Basilica hæc, ut Hieronymus Fabri, quem sequimur, auctor est in suis sacris memoriis antiquæ Ravennæ, a multis Historicis celebratur; cum ab Alexandro Alberto *ditissima ædes, maximæ profectò artis et industriæ, maximique sumptus opus*, dicatur. Prope illam alia duo templa unum S. Vitalis, alterum S. Crucis tolluntur, molis quidem haud ingentis, sed materiâ, atque opificio nulli secunda; cum non modò tribuna, sed & fornix in muri pulcherrimo Musivo opere varias cum hominum, tum animalium figuras ad vivum referant.

Eam in Crucis formam prædicta Galla Placidia Imperatrix ædificavit an. sal. 440. & pro Mausolæo delegit, ut ibi non fuimet solùm, sed & aliorum è sua gente Cæsarum cineres recondenderentur. Propterea Regiam januam ingredientibus, per quam hodie Cassinensium Monachorum hortus aditur, geminæ hinc inde urnæ conspiciuntur ex Istrio quidem lapide, sed operis inelegantis, in quibus duos Valentiniani & Honoræ, filiorum Gallæ Placidia, morum Magistros sepultos fuisse, fama est. Utraque adeo muro inhæret, ut inde vix octo uncias promineat. Quæ ad dexteram ingredientium est, uti etiam alia è conspectu, quatuor, aut quinque uncias à pavimento elevatur, habetque in longitudine sex pedes, & sesquiunciam; in altitudine verò duos pedes & uncias septem; & Crucis signum in fronte præsert. Altera autem, quæ à fini-


à sinistris est, nullum omnino signum insculptum habet; longa tamen est pedes sex, & uncias septem, altatres pedes: atque ambarum operculum in acutum angulum definit. Paulò supra has Urnas, duo Augustorum monumenta tolluntur, ex Græco marmore, sed opificii, atque structuræ magnificentiâ multò nobiliora. Quod à dexteris est, Honorii Imperatoris, qui Ravennæ decessit, exsuvias asservat; Alterum verò Valentiniani III. sive Constantii Augusti, ut scribit Faber: Ferrettus tamen asserit in eodem sepulchro duorum cadaverum ossa reperiri, eademque amborum Imperatorum Valentiniani, & Constantii esse arbitratur. Nec obstare ait, Valentinianum Romæ obiisse, ibidemque sepultum: nam, haud inverisimile est, postmodum ejus cadaver illuc asportatum, & in majorum suorum sepulchro reconditum. Hic sarcophagus, qui in longitudine sex pedum est, ac unciarum septem, in altitudine pedum quinque, & in latitudine trium, in fronte tres agnos insculptos habet, duos in lateribus, unum in medio. Porro stat veluti supra rupem, ex qua quatuor flumina erumpunt, in eorum speciem, ac symbolum, quæ à Paradiso terrestri Genes. cap. 2. defluxisse dicuntur, & sunt Phison, Gehon, Tigris, & Euphrates. Agnus stans supra rupem caput habet diadematum cum litera P. quo Hieroglyphico præsci Christifideles Christum Dominum nostrum exprimere voluere; sicut per agnos adstantes Apostolos, ut infra fusiùs dicturi sumus. Ab agnorum lateribus duæ Palmæ fructibus onustæ assurgunt, quæ (ut opinor) vi-

Par. I.

ctoriam denotant, & justitiam. Sinistrum tumuli latus versùs altare, omni Hieroglyphico caret. Dexterrum verò ingressum respiciens, habet duas Palmas, inter quas est vas ansatum, unde fons quidam videtur effluere, in quo duæ columbæ tanquam bibentes expressæ sunt. Hieroglyphicum sic explicarem: Fons Christum Dominum innuit, ut docet Sanctus Augustinus in Psalm. *Quis est fons vitæ, nisi Christus?* Columbæ verò Christifideles, qui Christum sitire debent; columbarumque gemitus, charitatem, candorem, simplicitatem, ac mansuetudinem imitantur. Operculum monumenti in arcæ formam erigitur, habetque e lateribus hæc Hieroglyphica A ✠ Ω è quibus A & Ω communiter pro principio, & fine accipiuntur, ✠ verò pro Christo. Unde juxta earundem literarum ordinem, sic legi possent: *Principium Christus est, & finis.*

Quartus sarcophagus, qui regiam januam ingredientis dexteram respicit, Honorii Imperatoris (ut dictum est), & Gratae Honoriae cineres continet, cùm in eo duo cadavera conspiciantur, teste citato Ferretto. Hujus in anteriori parte tres januæ cælatae sunt, quarum quæ media est anguli acuti tympanum habet, quum laterali tympana portionem circuli præferant. Omnes Cruce insigniuntur, sed quæ in medio est, in brachiis duas columbas habet, & inferiùs ad pedem agnum veluti supra rupem, ex qua quatuor flumina dilabuntur: quæ Hieroglyphica satis superque in superiori sepulchro explicuimus. Præterea hujus à tergo eadem figuræ cernuntur, rudi tamen scalpulo elaboratae,

F f


tæ, & imperfectæ. Hinc inde à lateribus vas est, cujus labro duæ columbæ insident, quæ supra explicatæ sunt. Sepulchri operculum rotundum est, & squammâtim cælaturum; aliqua sui parte ab utroque laterum prominet, & in ea, quæ altare respicit, iidem characteres A  cum arabicis figuris insculpti sunt: in opposita verò Palmæ arbor cum fructibus, ac duo agni. Marmoreæ hujus arcæ altitudo est pedum quinque, & totidem unciarum; longitudo sex pedum; latitudo verò trium, & unciarum novem.

Omnia tamen, quæ in hac Ecclesia conspiciuntur, nobilissimum monumentum, ad ejus caput, videlicet post aram maximam elevatur. Hoc, quod amplitudine & marmoris nitore cætera antecellit, cælaturæ verò simplicis est, cum solummodò tam in anteriori, quàm posteriori facie, duæ cernantur illiteratæ volutæ, anaglyphico opere sculptæ, Gallæ Placidia cadaver excipit; quod quidem, non uti mos est, stratum, atque supinum in eo tumulo conditum fuit, sed in pulcherrima sede cypressina, tanquam federet. Hoc modo ut quamplurium testimonio cognitum est, ultra mille annorum spatium permanfit, & adhuc permaneret, ni fors diversa tulisset: Anno enim Domini 1573. die 3. Maji, cum quidam pueri per foramen, seu rimam sepulchrum immixtis faculis introspicere, tantum illicò incendium cypressinas tabulas, quæ tumuli interna ambiebant, invalit, ut omnem, quamvis sollicitam, expeditamque Monachorum operam præverterit, & nihil præter arida tantæ Imperatricis ossa relique-

rit, quæ procera staturæ ipsam fuisse ostendunt.

De titulo autem hujus Ecclesiæ non parva disceptatio est. Rubeus in sua historia Ravennatum, à quo Faber plurima mutuatus est lib. 2. ad an. 384. pag. 89., Divis Nazario, & Celso illam dicatam tradidit his verbis: *Divis etiam Nazario, & Celso elegantissimam extruxit ædiculam, in qua sepeliri voluit, ab Crucis haud procul: Parietes præclaro marmore undique incrustati; pavimento, ipsaque ædiculæ testudo vermiculato opere pulcherrimè exornata.* Discrepant tamen Leander Albertus, & Blondus, eam Sanctis Gervasio, & Protasio Martyribus sacram fuisse affirmantes; ut igitur omnis tituli quæstio auferatur, Ecclesia ista vulgò Gallæ Placidia simpliciter denominatur.

Hujus ædificii Tholus pulcherri-
mo, atque eleganti Musivo opere ornatur. Coelum enim stellatum repræsentat, ut videre est in Tabula LXV. in cujus medio Crux deaurata coruscat, longitudinis secundum aspectum trium pedum, latitudinis verò unius circiter. Caput ipsius Crucis Honorii, pes verò Valentiniani sepulchrum respicit. In quatuor tholi angulis, quatuor Evangelistæ sub animalium figura expressi sunt, & in singulis quatuor arcibus, qui tholum eundem sustentant, nonnullæ figuræ hominum. In arcu enim signato lit. A. qui Gallæ Placidia sepulchro imminet, duo viri cernuntur, tunica, ac pallio vestiti, in cujus fimbriis I. monogramma insertum est. Inter hos parva ad lucem excipiendam fenestra aperitur; uniuscujusque sub pedibus concha aquâ plena depicta est, fontem referens,



2
t
t
h
f
e
f
n
ii
c
t
a
a
d
l
n

c
n
c
F
r
v
t
c
a
F
d
f
f
t
F
u
f
v
r
F
i
t
b
i
c
c
a



Fig. 1.



Fig. 2.





Fig. 1.



Fig. 2.



rens, ad quem advolant duæ columbæ, quod Hieroglyphicum supra in tertii sarcophagi descriptione jam exposuimus. In dextro quoque arcu, qui litt. B. repræsentatur, sunt duo viri cum fonte, & columbis, ut etiam in reliquis duobus arcibus lit. C. D. designatis. Notandum hîc, quòd duo viri in areolâ lit. B. notatâ expressi, in opposita areola ad pedem Crucis collocandi erant, ac vicissim qui in areola C. in istorum loco ponendi, ut nobis significavit D. Franciscus Nigrius, qui has, aliasque figuras musivorum operum Ravennatensium, illorumque descriptiones à nobis Ravennâ absentibus factas cum originalibus pro sua humanitate contulit. Post has figuras aliæ eodem Musivo opere perlegantèr elaboratæ, extant in parietis summitate, retrò Gallæ Placidie sarcophagum; quod in Tabula LXVI. fig. 2. demonstratur.

In medio hujus musivi operis visitur Christus Dominus veluti incedens, Crucem humero dextro bajulans, ac sinistra librum apertum tenens: pallii fimbriæ, vento inflatæ, elevantur, habentque monogramma I. Ante pedes Christi craticula expressa est, sub qua ignis; supra verò parva fenestra, ac prope eam, craticulamque, codicum scrinium apertum, in quo librorum tituli leguntur, videlicet: *Lucas, Matthæus, Joannes*. Quid autem per hæc duo Hieroglyphica, nempe craticulam, & scrinium denotetur, si divinare mihi fas sit, exprimi per ea putaverim nuperrimum Theodosii, & Valentiniani decretum, quo impii, sacrilegique Nestorii codices in Ephesina synodo damnati, diligenti studio requiri, ac publicè comburi jubeban-

Par. I.

tur; ut habetur in lege ultima in Cod. Theodosiano; quem morem publicè comburendi libros hereticorum ostendit eruditissimus Gothofredus in notis ad supradictam legem; ubi alterum huic simile decretum refert Constantini Magni, promulgatum, cum Arius, ejusque opera damnata fuere: en Constantiniani decreti verba: *Illud etiam mandamus, ut si quis librum ab Ario compositum occultasse deprehensus sit, & eum non statim in medium adductum igne combusserit, morte mulsetur*. Proximo autem scrinio significatur, quàm magna, ac sollicita sacrosanctis Evangeliorum codicibus veneratio, atque cura habenda sit, qui in scriniis, seu arcis sunt custodiendi.

In arcu ingredientibus dextero, ac supra sepulchrum Valentiniani, visuntur etiam in muro nonnullæ musivæ figuræ, ut in Tabula LXVI. num. 1. Duo sunt viri stantes, volumenque manu tenentes, quorum alter in fimbriis pallii habet monogramma I. inter utrumque caput est laurea corona nunnulis lemniscis inserta; & in ejus medio est monogramma Jesu Christi nomen exprimens cum A. & Ω. de quibus literis supra jam dictum est. Reliquus tabulæ campus arborum truncis, & foliis, ac duobus cervis, aut apris, ornatur, aliquâ tamen parte injuriâ temporum corrosus calce obductus est.

Alterum huic cum hominum, tum animalium, atque arborum figuris simile in muro è regione opposita jacet supra sepulchrum Valentiniani, ut in Tab. LXVII. num. 1. In muro quoque, qui est supra januam majorem, per quam, ut diximus, hortus Monachorum aditur, est aliud musivum,

Ff 2

sed

sed in aliqua sui parte dilapsum, ut in eadem Tab. LXVII. num. 2. in qua Christus Dominus saxo insidere, sinistra Cruci inniti, dextra verò ovi blandiri videtur. Circa eum stant aliæ quinque oves, quasi ad ejus vocem, vertentes capita, illumque intuentes. Quid autem per istud symbolum denotetur, clarissimè patet ex Joannis cap. X. ubi Jesus ait: *Ego sum Pastor bonus. Bonus Pastor animam suam dat pro ovibus suis.* Et paullo post: *Ego sum Pastor bonus: & cognosco meas* (videlicet oves) *& cognoscunt me meæ.* Et inferiùs: *Oves meæ vocem meam audiunt, & ego cognosco eas, & sequuntur me.* Et ex communi Patrum iussu, qui sæpe pro Christifidelibus oves accipiunt.

C A P U T XXIV.

De majori Arcu Basilicæ S. Pauli via Ostiensi a Sancto Leone I. an. 441. musivo opere exornato.

Ostiensis via, quæ ad supremum vitæ, ac religionis certamen, Doctorem Gentium perduxit, emeritos Apostoli triumphos, sacrarum ædium testimoniis concelebrat. Cætera templa D. Paulo nuncupata longè antecellit, cum amplitudine molis, tum adorati sarcophagi pretio, regium illud, quod ab Imperatoria Magni Constantini liberalitate, teste Bibliothecario in vita Sylvestri, basilicè excitatum ornatumque, tantum addidit piissimi Principis nomini, quantum Christiani populi supplicationibus, & orantium opportunitati. De hoc Prudentius antiquus Poeta Catholicus sic cecinit in ea parte Pa-

ριστοφάνων quam Apostolorum Passioni addixit.

Parte alia Titulum Pauli Via servat Ostiensis,

Qua stringit amnis cespitem sinistrum.

Regia pompa loci est; princeps bonus has sacravit arces:

Lusitque magnis ambitum talentis.

Bracteolas trabibus sublevit, ut omnis aurulenta

Lux esset intus, ceu jubar sub ortu.

Subdidit & Parias fulvis laquearibus columnas,

Distinguit illic quas quaternus ordo.

Tum camyros hyalo insigni variè cucurrit Arcus,

Sic prata Vernis floribus renident, &c.

Constantini Magni religio cum Imperio, in alios, aliosque Cæsares transmissa est. Quare maximo splendide pietatis exemplo permoti Valentinianus, Theodosius, & Arcadius, pluresque ex Augusto germine Principes, cultum formamque nobilissimi hujus templi majori quadam æmulatione, promoverunt. Hos deinde sequutus Honorius, Sallustii Præfecti Urbis operâ, molem ab Atavis inchoatam absolvit.

Ita demum in eam amplitudinem, ac majestatem redacta est Basilica, quam hucusque retinet, quotidianis piorum erogationibus, priscæ elegantiae sæpius restituta.

Cæterum ut cum Augustis Principibus, Augustarum foeminarum animus certavisse videatur, in hujusce templi ornatibus comparandis; Galla Placidia Imperatoris Theodosii senioris filia, uxor Constantis Cæsaris, ac mater Valentianiani III. Imperatoris,

ris, non exiguam præstitit operam, ut sacrorum parietum cultus nitesceret: siquidem (suasu S. Leonis Papæ hujus nominis I.) Arcum triumphalem Musivo picturæ genere excoluit, pro ut illius reliquiæ adhuc superstites apertè testantur. Illas hîc depictas consule. Arcûs ejusdem Iconem Hadrianus Papa describit in Epist. 3. ad Carolum Magnum, ubi in responsione ad interrogata in Actione V. *In Basilica* (inquit) *B. Pauli, S. Leo* (qui electus fuit anno 440.) *Arcum ibidem majorem faciens, & in Musivo depingens Salvatorem Dominum nostrum Jesum Christum, & viginti quatuor Seniores nomine suo versibus decoravit, & à tunc usque hætenus fideliter à nobis veneratur.*

Reliquiæ duorum versuum, quos edax tempus nondum penitus sedavit, prout in icone annexa, sic se habent. *Placidie pia mens operis decus homn...*

*Gaudet Pontificis studio splendore,
Leonis.*

Integros verò eosdem retulit Gruterus in suis inscriptionibus in Appendice pag. 1170. num. 6. quinimò & alios, qui sequuntur, præposuit.

*Theodosius cæpit, perfecit Honorius
aulam*

*Doctoris Mundi sacratam corpore,
Pauli.*

*Placidie pia mens operis decus omne
paterni,*

*Gaudet Pontificis studio splendore,
Leonis.*

Aliis verbis supplevit Baronius mutilum carmen, præteritis omnino prioribus versibus, quippè qui nec hodie visuntur. Tomo itaque VI. ad annum 449. num. 167. ita priorem lacunam implet.

Placidie pia mens operis decus hoc faciebat,

*Gaudet Pontificis studio splendore,
Leonis.*

Pace tantî viri dixerim, præstare Gruteri sententiam, cum in Musivo opere palmaribus literis legatur HOMN. non verò HOC post verbum DECVS, ut assertum Baronii deposceret. Quòd si aspirationem H. abundare dixeris, cum juxta Gruteri mentem legimus; facillè invenies, eo sæculo hujusmodi accessionem contra omnes orthographiæ leges factam; prout videre est in quamplurimis inscriptionibus, ab eodem Grutero relatis. Utinam illâ ætate nihil iniquius bonis artibus evenisset, quàm unius literæ abusus! At expende, quàm labefactatæ tunc fuerint scientiæ, artesque universæ, cum integri sæculi sopor altus (si sopor dicendus est undequaque gravissimus, horridusque bellorum strepitus) veterum conclamatissimum ingeniis hominum induxisset. Non adstruit tamen Gruterus hac unicâ conjecturâ, sententiæ suæ firmanentum: asserit, se quatuor eosdem versus descripsisse ex quodam libro membranaceo Bibliothecæ Palatinæ, qui centum annos antiquus videbatur, exhibebatque Epigraphes plurimas, è templis almæ Urbis, præsertim verò è DD. Petri, & Pauli, excerptas.

Ut verum tamen fatear, mihi non satis liquet, quonam in loco duo priores Gruteri versus exstarent, cum nullum appareat in universo arcu vestigium literarum, præterquam in intimo arcûs limbo, cui proculdubio appositos non fuisse docent ornamenta, quæ ibi habentur, & tituli supra

Apo-

Apostolorum imagines adhuc conspicui, quorum area satis impletur ab aliis versibus, quos legis in Icone.

Nisi tamen (qui suspicandi locus unicè superest) in summo parietis fastigio fuerint adscripti (ut saepe solet) Angelorum illorum manibus, qui porrectis brachiis, curvatoque paulisper corpore quidpiam simile detinuisse videntur: ut ut sit, & vel operi vermiculato inserti fuerint, vel marmoris insculpti, hodie nullibi nec ipsorum quidem vestigia cernuntur.


Diutius fortasse, quàm par fuit, hæsimus in historia horum versuum, Figurarum nunc explicationem aggredimur, præmissâ brevi earundem descriptione.

Summo in arcu Christi Servatoris effigies eminet, prout Tab. LXVIII. indicat, rotundo, auratoque diademate ornata, quod circum caput inflectitur: erumpunt è postica diadematis parte quamplures radii, quibus subjacet circulus coloris albiduli: hunc verò excipiunt tres orbes sensim crescentes, illisque coloribus exornantur, quos in Apoc. cap. 4. D. Joannes vidit. *Et qui sedebat similis erat aspectui lapidis Jaspidis, & Sardinis; & Iris erat in circuitu sedis similis visioni smaragdinae.* Ad hoc utique respexisse videtur Pictoris intentio, & ad istius Iridis normam, suam composuisse, quam interiori ex parte veneto primum, deinde thalassino colore insignivit, extima verò ex janthinis primum, tum violaceis stellis compegit. Christi vestes sunt tunica, & pallium, utrumque colore rubro coruscum.

Manus sinistra (nam dextera ferè tota excidit, cujus vestigium videtur

indicare librum tenuisse) bacillum sustinet humero impositum, ac ultra caput è regione occipitis excurrens, cui arbitror Crucem fuisse innexam supremo in fastigio, licet inibi Musivi operis portio desideretur. Conjecturam confirmat similis Christi Domini effigies in arcu S. Laurentii in Agro Verano, ubi baculus pariter cruce insignitus apponitur. Liberum cuique fuerit judicare, an ad avitum morem ista sint referenda, quo Imperatoribus, Regibusque Sceptrum, & Insignia dignitatis appingimus; an vero ad illa Psalmi 22. verba: *Virga tua, & Baculus tuus ipsa me consolata sunt.* Diadema symbolum Regni est, atque Imperii, ut Isaia cap. 62. *Diadema regni in manu Dei.* Radii verò undequaque erumpentes Divinitatis indicium: insita enim luci majestas coeleste quidpiam apud animos antiquorum referebat. Hinc lampades (ut notat Justus Lipsius in excursibus ad Tacitum lib. 1. Annal.) inter Principatus insignia olim Imperatoribus præferebantur, eo quidem tempore, quo sacrilega hominum assentatio Augustos, humanitatem, ante obitum exuens, divinitate donabat.

Hæc de præcipuâ operis figurâ: Exponenda modò est series illarum, quæ circa arcum utrinque sitæ sunt; ex quibus ideam operis facillè erit arguere desumptam fuisse ex 4. cap. Apocalypseos: conspicuum enim est, quatuor supra viginti seniores, quos eo in loco recenset D. Joannes, hinc adumbrari, licet injuriâ temporum tres ex illis absumpti sint. Superfunt nunc a dextera Salvatoris, sive ad Aquilonem decem eorum nudatis capitibus; undecim a sinistra, sive ad Austrum, capi-



hominibus , aptè voluerunt , nihil priùs occurrere , quàm eandem throni coelestis effigiem . Dignissimo igitur templi loco eam ferè ubique collocatam inspicimus , itaut per maximam portam ingredientes , ad Eum

in Epistola 1. ad Corinth. cap. 11. n. 4. qui sicut eruditione , utinam ita Religione valuisset ! Is enim in eodem loco assignat causas , cur Judæi velato capite orarent ; scilicet ut hoc ritu demonstrarent se reverentes , & pude-



capitibus velatis; ſinguli albo pallio, & tunicâ induti. Veſtium verò ſinus projecti ſuper utramque manum, quas decentèr velant. Coronas inſuper offerunt, ac linteola ſub coronis, prono (more adorantium) capite tenent, ita ut dixeris, eos Apocalypſis verba repetere: *Dignus es Dominus Deus noſter accipere gloriam, & honorem, & virtutem, quia tu creaſti omnia, & propter voluntatem tuam erant, & creata ſunt*. Sæpe mihi de Senioribus iſtis inſtituendus erit ſermo, cùm in quampluribus illorum operum, quæ deſcripturi ſumus, reperiantur: ſemel itaque de illis egiſſe præſtiterit, ne in ſingulis templis recenſendis recoſtam eandem crambem apponere videamur. Religioſa æque, ac elegantia Patrum ingenia, quò aptius cum majeſtate templorum ornatum componerent, ea præ cæteris elegerunt emblemata, quæ & ſacris continerentur literis, & auguſtiori ſpecie oculos, animumque inſpectantium detinerent; quorum utrumque ad gravitatem, & ad dignitatem pertinebat. Elegerunt itaque præ cæteris myſterium illud, quod prophetico D. Joannis ſtylo in Apocalypſi c. 4. designatur; rati, tum demùm divina ſedis imaginem concinnè ſe exhibituros, cùm è cœleſti prototypo imitandam ſuſciperent. Sicut itaque prima poſt Cœlum apertum viſio ea eſt, de qua ibi Apoſtolus agit; ita introeuntibus ad tabernaculum Dei cum hominibus, aptè voluerunt, nihil priùs occurrere, quàm eandem throni cœleſtis effigiem. Digniſſimo igitur templi loco eam ferè ubique collocatam inſpicimus, itaut per maximam portam ingredientes, ad Eum

accedere nos pio quodam, & intimo honore ſentiamus, cujus altiſſimam Majeſtatem Cœli non capiunt, quemve univerſi Beatorum Ordines in ampliora laudum tributa profuſi, innoxie, feliciterque trementes adorant, & venerantur.

Cur verò præ cæteris Prophetarum, & Apoſtolorum enarrationibus, ſeu figuris Deum exhibentibus, hanc Beato Joanni ſpectatam elegerint, non difficile judicatu erit: ſiquidem Joannes ea, quæ ad theologiam ſpectant, uberiùs præ cæteris inſpexiſſe, & fuſiùs explicariſſe videtur, ut patet ex uno ejus hitoriæ Evangelicæ initio, in quo plura concludit unicâ periodo, exprimitque elegantius, quàm integris apud alios capitibus recenſeantur.

Quærendum etiam foret, quidnam per Seniores illos deſignetur, quos ibi evangelicus vates, hic verò imitator artifex exhibet. In ea ſententia eſt Andreas Epicoſopus Cæſarææ Capadociæ, qui floruit ſæculo iv., ut exiſtimet, duodecim Judæorum Patriarchas, & totidem Eccleſiæ proceres Apoſtolos per hunc numerum adumbrari: quod ad rem noſtram aptè admodum interpretatus eſſe videtur, cùm pro Patriarchis intelligendi ſint illi, qui obvoluta habent capita: pro Apoſtolis verò qui nudata; nam apud Judæos mos erat, ut non orarent, niſi priùs velato capite, ut oſtendit Joannes Lightfootus in *Horis Hebraicis*, & in Epiſtola i. ad Corinth. cap. ii. n. 4. qui ſicut eruditione, utinam ita Religione valuiffet! Is enim in eodem loco aſſignat cauſas, cur Judæi velato capite orarent; ſcilicet ut hoc ritu demonſtrarent ſe reverentes, & pude-

pudēfactos coram Deo, atque indignos, qui apertā facie in eum respuerent. Cur autem Apostoli revelato capite sint expressi, id desumitur ex eadem Epist. ad Corinth. loco citato, ubi dicitur, quod, *omnis vir orans, aut prophetans velato capite deturpat caput suum*. Quæ verba Remigius Episcopus, sive alius sit auctor, in explanatione ejusdem loci, sic interpretatur: *Omnis vir orans in Ecclesia, aut prophetans, idest docens vel prophetans, explanans, velato capite deturpat, idest debonestat Caput suum; vel orans, idest orationem Dominicam dicens; prophetans, symbolum Apostolorum recitans, ubi prophetatur adventus Christi in judicium*. Christus verò Dominus, qui in medio istorum Seniorum depingitur, idem hinc præstare videtur, quod alibi ab Apostolo Petro recensetur: *factus est in caput anguli &c.* &, *qui facit utraque unum*, nempe utramque Ecclesiam (& eorum, qui sub lege erant, & eorum, qui sub gratia degunt) suo interjectu unicam facit, & singularem. Aliquid etiam addemus de his Senioribus quum loquemur de templo Aquigranensi in nostra secunda parte, ubi Patrum auctoritates afferentur.

Cæterum quid sibi velint candidæ illæ vestes, & quid aureæ coronæ significent, nulli arduum fuerit definire, aut saltem conjicere; utrumque scilicet, dicemus, Insigne ad Beatorum merita, & felicitatem spectare; vel etiam ad eorum vitutes, qui ad divinam Sedem adorantes accedunt, quos & præclarā innocentiae veste indui æquum est, ne illud audiant: *Amice, quomodo huc intraſti, non habens vestem nuptialem?* & plenas ma-

nus, bonorum nempe operum fructu refertas habere, ut illud caveant: *Non apparebis vacuus ante conspectum Domini Dei tui*. Præcinente etiam in eandem ferè sententiam Regio Psalte, dum ait: *Quis ascendet in Montem Domini, aut quis stabit in loco Sancto ejus? Innocens manibus, & mundo corde &c.* Aurum verò in Sacris literis symbolum sæpe est munditiei, quandoque lætitiæ, vel dignitatis, ut constat ex Hieremiæ cap.4. quæ omnia illis aptari possunt, qui Deum adoratum appropinquant; mundo enim corde esse, & ei exultare in lætitia, & tremore jubentur. Imminent Senioribus animalia, quæ Joannes Apocal. 4. describit: duo tamen ex illis ævo absumpta interciderunt; reliqua duo, Leo, & Aquila alis instructa rotundo diademate ornata sunt.

Geminæ supersunt Imagines describendæ potiùs, quàm explicandæ, cum apertissimè constet, per eas Sanctos Petrum, & Paulum Apostolos referri. In ea arcûs parte, quæ respicienti læva est, D. Pauli; in altera verò, quæ dexterā occurrit, B. Petri effigies videas invicem se respicientes; utramque cum diademate & sandaliis, cum tunica, & pallio albertibus, mutilam tamen: priori nanque ambæ manus cum haud parva corporis, & Musivi totius portione vetustate interciderunt: alteri verò, quæ Petrum refert, dextera solùm, altius enim protendebatur, quàm sinistra; quæ pectori admota, claves, notissimum suæ, Successorumque suorum potestatis Insigne, adhuc stringit. Præter manus Apostolorum, verba etiam plura desiderantur in iis Carminibus, quæ vertici utriusque superscripta fue-

fuere. Quare supra Paulum hæc semesa leguntur.

*Persequitur dum Vasa Dei fit . . .
 . . . & delectum gentibus .*

Supra Petrum hæc adhuc remanent.

*. . . Dei Petra culmen honoris
 . . . or & omne decus .*

Literarum series, & dictionum quantitas satis ostendit, duplex dystichon ibi fuisse, hexametro utrumque & pentametro constans. Nullo in commentario illa reperio. Si Poësim illius ævileat imitari, suppleri fortasse ita possent ea, quæ interciderunt.

Persequitur dum Vasa Dei fit Paulus honoris

Vas , se & delectum gentibus esse probat .

Voce Dei sis Petre Dei Petra , culmen honoris ,

Aulæ Cælestis splendor , & omne decus .

At quia nostra præcipua intentio est de Musivis operibus tractare, prætermittere nolumus quædam carmina eodem Musivo opere descripta, quæ leguntur in parte exteriori porticus Atrii, sive claustrum, mutilata tamen, ut hîc referuntur.

Agmina sacra regit locus hic , quem splendor honorat .

Hic studet , atque legit Monachorum cœtus , & orat .

Claustales claudens , claustrum de claudio vocatur ,

Quo Christo gaudens , fratrum pia turma seratur .

Hoc opus exterius præ cunctis pollet in Urbe .

Hic . . . chalis regula turmæ .

Claustri per gyrum decus auro s . . . coratum .

Par. I.

Materiam mirum præcellit materiaturum .

. . . oc opus arte sua quem Romæ carta beavit .

Natus de Capua Petrus olim primitia . . it

Ardea quem genuit quibus Abbas vixit in annis ;

Cætera disposuit benè provida dextra Iohannis .

C A P U T XXV.

De Ecclesia S. Joannis in Fonte in Civitate Ravennatensi, à Neone ejusdem Civitatis Episcopo anno 451. musivo opere ornata .

Acceptissimus priscis Christifidelibus mos fuit sacros Baptismatis Fontes prope, & extra Ecclesias ædificare, ut bene animadvertit Joannes Stephanus Durantes de Ritibus Catholicæ Ecclesiæ lib. 1. cap. 19. n. 4. Nos igitur hujusmodi sacrorum Fontium exempla quædam afferimus, in nonnullis celebrioribus nostræ Italiæ Urbibus extantium; Romæ videlicet, Pisis, Florentiæ, Bononiæ, Parmæ, ac Ravennæ, & in aliis fortasse, quod nos adhuc latet. Inter antiquiora autem Fontium Baptismalium ædificia jure connumerandum videtur istud Ravennatense, quod ante lateralem Ecclesiæ Metropolitanæ portam situm est. De illius antiquitate sat constat, cum à Neone Ravennatensi Præsule anno Domini 451. reædificatum, musivoque opere ornatum fuerit, ut ex infra scriptis carminibus, quæ eodem Musivo opere expressa in præfato Fonte legebantur, quævè Hieronymus

Fabri refert in Sacris Memoriis Ravennæ antiquæ, ubi hanc Ecclesiam describit; & hæc sunt.

*Cede vetus nomen, novitati cede
vetustas,*

*Pulchrius ecce nitet renovati gloria
Fontis.*


*Magnanimus hunc namque Neon,
summusque Sacerdos*

*Excoluit, pulchro componens omnia
cultu.*

Licet verò præmemoratus Fabri, ac Seraphinus Pasolini, qui in aliquibus penè ad verbum Hieronymi sectator est, de hujusmodi ædificii structura quædam tradiderint; nihilominus, cum hæc pro materia perpauca sint, luculentiorẽ hujusce ædificii descriptionem expiscari coacti sumus. Confugimus itaque ad Reverendissimum Dominum Franciscum Cavallo, in Ravennatensi Ecclesia Archidiaconum, qui ad nos illam quàm humanissimè, cum ædificii Ichnographia transmisit, quæ Tab. LXIX. exhibetur. Vides ibi ædificium octangulare, duabus octanguli faciebus exceptis, è quibus duo semicirculi prominent; asseriturque à nonnullis antiquitùs alios duos his omninò similes semicirculos, sive loculamenta in faciebus oppositis extitisse. Olim enim Baptisteria octogonali forma constructa fuisse animadverti. Lit. A. denotat Oratorium, sive Cappellam, ubi in præsentì Sacra Missarum solemnia celebrantur. Lit. B. alteram Cappellam sive loculamentum, in quo antiquitùs erat janua Occidentem æstivum respiciens, nunc verò ibi è lapide Græco Vas est variis anaglyphis ornamentis elaboratum, utpotè Angelis, encarpis, & avibus. Vasis labrum


ferè octo pedes in gyrum protenditur; in basi verò quatuor, & in altitudine duo. In hoc autem vase sacri Baptismatis Ritus ad præsens peragitur, cum olim, quando baptismus per immersionem dabatur, in medio ædificii perageretur, ut indicat Lit. I. ubi octangulare aquarum receptaculum erat. Lit. C. marmoreum pulpitu, in quod per duos gradus in eodem marmore excisos ascendebatur: hoc ex pulpito Episcopus (ni tamen fallor) parvulos baptizandos in aquam immergebat. Lit. E. januam ingressus. Lit. F. alteram januam, sed angustiorẽ, per quam Parochi domus aditur. Sub Lit. G. sunt octo parvæ columnæ Græci marmoris, altitudinis quatuor, ac in gyro duorum circiter pedum Ravennatensium; earum verò capitulum unius pedis altitudinem non excedit: modò aliquantulum pavimento obrutæ sunt: an ita à principio locatæ fuerint haud scio; fortè tamen in pavimenti reparatione, eo sublevato, columnæ eatenus coopertæ fuerunt. His octo arcus imminet, quorum summitas plana est. Super hanc aliæ columnæ Histrii marmoris attolluntur, quæ in altitudine tertiam inferiorum partem excedunt. Hisce columnis alii octo arcus incumbunt, qui tholum, seu testudinem fulciunt, & alio substructo arcu stringuntur. Hujus autem interioris arcus latera duabus columnis imposita sunt; unde quælibet (ut ita dicam) parastata tres alias columnas habet, quarum major in medio sita est, ad latera verò duæ inferiores, altitudinis quinque pedum cum basi unciarum sex, & Capitulo unciarum quinque. Omnes hæc columnæ ex præfato Histrio marmo-

Fig. 1.




Scala decem pedum Romanorum

Fig. 2.







re sunt numero viginti quatuor.

Hujuscemodi arcus substructionem posterioris temporis esse puto ad firmius tholum sustentandum excogitam, quo superiores arcus navium gravabantur.

Tholus hic pereleganti Musivo opere ornatur: in ejus enim medio Tabula orbicularis nonnullas Imagines hominum exhibet, ut in Tab. LXX. quarum media est Sancti Joannis Baptistæ pallio violacei coloris amicti, ac ad ripam fluminis stantis, tenentisque sinistrâ oblongam Crucem, dextrâ concham, seu quidpiam aliud, unde in caput Christi Domini in flumine ad umbilicum usque immergi aqua profunditur. Supra Christi Domini caput diademate insigne, sub specie columbæ visitur Spiritus Sanctus. Notandus autem hic est ritus ipsius Baptismatis per asperisionem, & per immersionem expressus, de quo in nostra Secunda Parte veterum monumentorum plura dicenda sunt, occasione captâ a quorundam Baptismalium Fontium, ac marmoreæ tabulæ anaglyphicè elaboratæ structura, in qua sic administrandi Baptismatis ritus repræsentatur. Ejusdem marmoreæ Tabulæ exemplar Illustrissimus, & Reverendissimus Andreas de Aquino, olim Episcopus Tricaricensis, summâ suâ humanitate Nobis communicavit, asserens, illam hodie aservari in Palatio Excellentiss. Principis de Caramanico sui fratris germani. Notandum hic etiam est, Tabulæ hujusmodi Opificem non solum flumen viridi panno cinctum, verum & ipsius fluminis nomen expressisse, cum illud literis indicaverit, nempe: IORDANN. Idem præterea fallas,

Par. I.

ac vanas Ethnicorum opiones sequutus, Jordanem ipsum appinxit sub specie hominis aliquantulum è fluvio prominentis, linteolumque, seu mapulam, veluti ad detergendam, qua Christus aspersus fuerat, aquam, dextrâ tenentis; sinistrâ verò arundinem, quam, ut insigne quoddam, ac peculiarem notam dominii, Gentium superstitionis fluminum, cæterarumque aquarum Numinibus, vel manu gestandam dabat, vel capiti circumponebat. Hinc illud Virgil. Æneid. 8. v. 31.

Huic Deus ipse loci, fluvio Tyberinus ameno;

Populeas inter senior se attollere frondes

Visus: cum tenuis glauco velabat amictu

Carbasus, & crines umbrosa tegebat arundo.

Qua etiam coronâ arundineâ caput inclyti amnis Danubii in columna Trajana insculpti, redimitum inspicitur.

Circum has centrales figuras duodecim Apostoli depicti sunt, suumque unicuique nomen appositum. Sancti Petri vestis aurei, Pallium vero albi coloris est; è contra S. Pauli vestis alba, Pallium aureum: & hoc alternato colorum ordine, aliorum Apostolorum cernuntur vestes. Unusquisque verò elevatâ ambabus manibus anteriori pallii parte, super illam suas deferunt coronas, quæ inter se colore differunt. Speciali tamen notâ dignæ videntur, corona S. Petri rubei, S. Pauli verò aurei coloris, quæque in medio gemmis cerulei coloris decorantur. Hæ alludunt ad locum Apoc. cap. 4. ubi describuntur viginti qua-

tuor Seniores , qui procidentes mittebant coronas suas ante Thronum . Est enim communis Patrum opinio , per illos viginti quatuor Seniores duodecim Prophetas , ac totidem Apostolos denotari . Subest Apostolis alius circulus , variis & ipse figuris ornatus , quarum singulas describemus , præscripto à Pictore ordine servato . Numerus primus denotat pulpitem , sive suggestum aurei coloris , quatuor columnis sustentum , in cujus medio stat liber apertus , in quo hæc literæ impressæ sunt : EVANG. SEC. MATTHEVM , idest ; *Evangelium secundum Matthæum* . Num. II. aliud suggestum , ut in superiori , cum libro , in quo legitur : EVANG. SEC. LVCAM . Idem in III. nu. repræsentatur , cum hisce verbis in libro : EVANG. SEC. MARCVM . In IV. quoque suggestum est cum libro , in quo hæc : EVANG. SEC. IOANNEM . Ab utraque singulorum suggestorum parte , duæ cernuntur Sedes Episcopales , faldistoria appellatæ , albi coloris , quarum pedes , sive sustentacula aurea videntur : alii quatuor numeri , nempe V. VI. VII. & VIII. sibi ex adverso respondentes , nil aliud referunt , nisi Martyrum , Confessorum , ac Pontificum , seu Episcoporum sepulchra ; de quibus supra Cap. XIX. *De sepulchrorum formis , tam apud Ethnicos , quam apud antiquos Christifideles* , ubi in Tab. XLIII. num. 2. eadem hæc figura grandiori formâ exprimitur , luculentiusque explicatur . A latere huiusmodi sepulchrorum hinc inde alia duo parva sepulchra sunt , & ex eorum medio in aliquibus palma , in aliis verò lilium affurgit , quæ hac quidem in Tabula ob figurarum parvitatem

discerni vix possunt , grandiori tamen formâ , exhibentur in eadem Tabula XLIII. num. 1. & 3. ubi diximus , palmam sepulchrum Martyris , lilium verò sepulchrum Confessoris , vel Virginis indicare .

Absolutâ hac explicatione , ad reliqua Musiva opera deveniemus , in interstitiis primorum octo Arcuum picta , quæ tholo subjacent , sive testudini , & Arabicis numeris adnotantur , ut in Tab. LXXI. & LXXII. sub num. 1. Viri cujusdam imago est , qui togâ , ac pallio albi coloris superinduitur , in cujus fimbriis est monogramma I. tenetque involutum volumen : quem tamen , novi nè , an veteris Testamenti virum repræsentet , ignoro . Figura hæc encarpis , sive arabicis ornatibus circumquaque nobilitatur , ut in schemate videri potest .

Numerus 2. aliam figuram habet à prima , præterquam in gestu , vel situ voluminis , nihil ab similem . Idem de reliquis . Tertia tamen , & octava , temporis injuriâ , corrosæ sunt , ut ex ipsis emblematis patet .

Descriptis hucusque , cum hujus ædificii structurâ , tum Musivis operibus , superest modò , ut aliquot versus inibi extantes , ac quoddam monogramma explicemus . In dicta Tabul. LXIX. fig. 2. in arcu , qui altari imminet , notato num. 1. hæc leguntur ex Psalm. 31. *Beati quorum remissæ sunt iniquitates , & quorum tecta sunt peccata . Beatus vir , cui non imputavit Dominus peccatum .*

E conspectu hujus Arcus alter attollitur notatus num. 3. ubi nunc Baptismus administratur , in quo hæc : *Ubi deposuit Jesus vestimenta sua , & misit aquam in pelvim , cepit lavare pedes*

Fig. 5.



Fig. 6.



Fig. 7.



Fig. 8.





Fig. 1.



Fig. 2.

TAB. LXX



Fig. 3.



Fig. 4.



pedes discipulorum suorum. Hæc autem licet cum iis coincident, quæ Jo: cap. 23. continentur; nihilominus quo ad verba, neque antiquæ, neque vulgatae Sacrorum Bibliorum editioni respondent. In medio horum versuum est monogramma, quod habes in eadem Tabula eodem num. 3. & de quo infra agemus.

Præterea in arcu, qui januam imminet, signato num. 4. hæc notantur: *In locum Pascuæ ibi me conlocavit. Super aquam refectiōis educavit me*. Quæ sumpta sunt ex Psalmo 22. num. 1. quamvis in una voce discrepent, cum ibi *locum* pro *loco*, inscriptum sit. Medium inter hos versus est monogramma, simile alteri, de quo loquuti sumus.

Demum in eo Arcu, qui est è conspectu nuper memorati, unicum cernitur monogramma, ut num. 2. Quid autem sonent hæc monogrammata, incertum est. At si hac in re mihi Oedipi vices implendæ sunt, dicerem, in eo Monogrammate, quod in arcu spectatur sub num. 2. omnes literas hanc vocem BEATVS exprimere. In aliis verò sub num. 3. & 4. quantumvis primâ fronte tres tantum literæ videantur, nempe M. V. S. si tamen, aliquod ingenio dandum est, ex illis tribus nonnullæ aliæ formari possunt, videlicet A. X. I. N. Præterea si M. A. I. geminentur, habebimus insimul decem literas, quæ vocem hanc constituunt: MAXIMIANVS, qui, ut Ughellius testatur, trigesimus Ravennatis Episcopus fuit.

Licet autem nonnullis hoc monogramma MAXIMIANO tribui nequitiam posse videatur, cum illum in hoc Ædificio restaurando, ornando-

que animuni applicasse minimè constet: si tamen hac in historia probabilibus conjecturis stare oporteat (ut oportet quidem, cum adeò densa annorum caligine sit obvoluta: nam ab ævo Maximiani, qui floruit circa medium sæculum sextum, usque ad nos undecim, & ultra sæcula præteriere) id satis apertè conjicitur, ex ejus præcipuo quodam genio, atque animi propensione ad sacras Ædes excitandas, aut ornandas. Fabri enim in suis *Sacris Memoriis*, ac ejusdem Antistitis Vita, ipsum ornasse refert Basilicam S. Andreæ splendidis iis columnis è marmore Græco, quæ adhuc extant: absolvisse magnificum Ædificium Tricolli, sive Canonicam, a Chrysologo ejus prædecessore inceptam: ædificasse Ecclesiam S. Stephani, aliamque S. Joannis decollati, quæ nunc solo prostrata est: alias præterea plurimis, pretiosisque donariis locupletasse. Propterea maximè verisimile est, hoc quoque Ædificium ab ipso aliquâ sui parte restauratum fuisse, aut ornatum: fortè verò restaurationem, eam scilicet Arcuum substructionem inceptam, quam nos supra narravimus, & morte præventus haud absolvit; unde Agnellus ejus in Sede Archiepiscopali successor eandem ad debitum finem perduxit: ne autem hujus restaurationis memoria periret, ejusdem Maximiani nomen hoc Monogrammate expressit, suumque Agnelli reliquit, eo quòd laudem cum aliena jactura querere, & ea, quæ alii seminassent, metere, minùs æquum existimaret. Neque aliquibus in Ecclesiastica historia minùs peritis epitheton illud *Beatitudinis* Maximiano attributum ob stare potest, cum ea tempestate inter Episcopos familiaris,

ac honorarius titulus esset, ut ex Sancti Augustini Epistol. XI. LXXVI. CXXXIX. & passim apud alios antiquos Scriptores elicitur.

C A P U T XXVI.

De Oratoriis SS. Joannium Baptiste, & Evangelistæ in Lateranensi Baptisterio: ac Musivis operibus in iisdem Oratoriis, Hilario Papa jubente, anno 462. elaboratis.

COelius Mons licet eo potissimum titulo venerabilis sit, quod universalis Ecclesiæ principem cathedram fulciat, dignitatis tamen suæ testimonia etiam in minoribus sacellis profert amplissima. Quatuor mihi describenda modò sunt Oratoria ab Hilario sanctissimo Pontifice ibi constructa, quorum meminit Bibliothecarius in ejusdem Pontificis vita. Adjacent ista, imò, ut verius dicam, insunt veluti appendices quædam, Baptisterio Lateranensi, Divi Joannis nomine ab annexa Basilica nuncupato. Exeuntibus ex illa Basilicæ janua, quæ post summum chorum locata est, area se se offert parietibus circumsepta, in cuius fronte, quæ versùs Caurum tendit, a læva eminent porticus, a dextera verò Oratorium, sive Ecclesia S. Venantii, dicta etiam olim Basilica Domini Theodori, prout in secunda Parte docebimus. Cæterum porticus aditum præbet in Ædem octogonam, sacrae regenerationis Lavacro asservando addictam (Baptisterium compendiosè appellamus). Ædem hanc in singulis angulis polygonæ fulciunt lævigatæ columnæ, a parietibus adeo junctæ, ut latum ambulacrum cir-

cumquaque efficiant. In eo latere, quod Eurum prospectat, Ædícula visitur D. Joanni Evangelistæ dicata, cui è diametro in adverso parietum latere opponitur alia S. Joanni Baptistæ, & adventus Dominici Præcursori sacra. Quæ duo sunt è quatuor Oratoriis, de quibus est sermo. Tertiū locum designavimus, cum prope porticum Baptisterii S. Venantii Ædiculam memoraremus, quæ eadem omnino est, ac Oratorium S. Stephani, quod capite peculiari prosequi suo loco debemus. Quartum verò, de quo nihil exhibere, nisi desiderium, possum, sanctæ Cruci olim sacrum erat; sed in Ecclesiæ Lateranensis restauratione per Xistum V. Pont. Max. dirutum est.

De hoc eodem Oratorio Severanus in *Sacris Memoriis septem Ecclesiarum Urbis*, à se Italico idiomate in lucem editis: & deinde Cæsar Cardinalis Rasponus in sua *Basilica, & Patriarchio Lateranensi* libro 3. cap. 9. scribere.

Exordiar modò ab eo, quod D. Joanni Evangelistæ nuncupatum, ad dexteram occurrit iis, qui per porticum in Ædem Baptisterii se recipiunt. In zophoro, quod imminet portæ hujus sacelli, hæc leguntur.

LIBERATORI SUO BEATO
JOHANNI EVANGELISTÆ
HILARUS EPISCOPUS FAMU-
LUS XPI.

Quòd D. Joannem liberatorem suum Hilarus vocaverit, ad illud procul dubio discrimen referri debet, quod Ephesi subiit, & ab eo, Apostoli patrocinio tandem evasit. Cum enim jussu S. Leonis Papæ Hilarus tunc temporis Diaconus se ad Ephesinum Concilium con-

contulisset (postea reprobatum) restitit ipse Dioscoro Alexandriæ Episcopo in eodem Concilio Præsidenti, subscribere renuens damnationi S. Flaviani. Cujus tam generosæ constantiæ præmium, invidiam sibi Dioscori maximam comparavit; unde clam Romam fugiens, D. Joanni Ephesi-næ Civitatis Patrono pro sua liberatione Votum vovit. In alio epythilii zophoro præteritis annis additum fuit: DILIGITE ALTERUTRUM, nescio quo autore: scio tamen ipsum Evangelistæ præceptum esse: ego autem tantum Sacræ verustatis monumentum antiquæ suæ puritati relinquere maluissem.

Hujus Oratorii valvas argento fufas fuisse ab eodem constructore Hilario narrat Bibliothecarius, quæ cum inde fortassis in Urbis multiplici populatione direptæ, & aliò asportatæ fuissent; plura post sæcula, tempore scilicet Cœlestini III., Cencius Cardinalis Camerarius ex nobilissima Sabellorum familia, postea Pontifex creatus, & Honorius III. dictus, in earum locum æreas conflari curavit, prout Inscriptio docet in angulo superiori ad dexteram introeuntium insculpta, quam huc fideliter retuli.

ANNO V. PONTIF. DNI CELESTINI III.
PP. CENCIO CARDIN. S. LUCIÆ EIDEM
DNI PP. CAMERARIO JUBENTE
OPUS ILLUD FACTUM EST.

In sinistra verò parte valvarum ærea quædam viri imberbis Imago prominet, vix palmum alta; sedet enim talari tunica, casulaque superinduta: caput ejus quodam integumento circumambitur, duos circulos, sive coronas referente, prout in apposito schemate Tabula LXXIII. videre est;

dextera Globum, sinistra verò Librum sustinet.

TAB. LXXIII.



pag 239

Aliquantulum libet in istiusmodi viri non injucunda descriptione moram trahere; nam plura ex illius inspectione ad rem ecclesiasticam pertinentia deduci possunt. Primò enim figura Casulæ, sive Planetæ, quæ antiquitus rotunda erat, & undique clausa, eo modo, quem nunc apud Græcos obtinet, cujus formam exhibet. Macrus in suo Hierolexico, in verbo *Casula*. Integumentum illud capiti circumfufum, *Fanonem* barbarè vocitamus. *Fanon* verò (omissis aliis explicationibus) velum est variegatum, quo Papa post Albam ornatur, quando solemniter celebrat, & circa collum, ac supra caput ad formam cuculli reflectitur, donec Planetà induatur. De hoc ornatu, sive Fanone Innocentius lib. I. *De Mystério Missæ* cap. 13. ita scribit: *Romanus Pontifex post*


post Albam, & cingulum assumit Orale (quod idem est ac Fanon) quod circa caput involvit, & replicat super humeros, legalis Pontificis ordinem sequens, qui post lineam strictam, & Zonam induebatur Ephod.

Præter Fanonem, tegumen aliud rotundum in capite animadvertimus. Diu quæsi vi an camaurum, vel camelaucium dici posset: autoritatibus tamen allatis ab eruditis Viris Macro, & Du Cange in suis Lexicis, quæ diligenter perpendi, birretum posse denominari autumo, quod tegumen capitis Pontificum erat: legitur enim in Vita S. Henrici Episcopi Upsallensis num. 5. *Quod tollens de capite S. Pontificis birretum, quod gestare consueverat, imposuit capiti suo.* Extant etiam sequentia verba in Bulla Bonifacii VIII. *Illudque (idest beneficium Ecclesiasticum) eidem Thomæ contulimus, necnon de ipso per nostrum birretum præsentialiter investivimus.* Alia apud eundem Du Cange in hac voce videri possunt. Superest ut aliquid etiam de Globo attingam, quem dexterâ tenet: si liceat à simili arguere judicaverim, longè diverso consilio Imperatorum, ac Pontificum Romanorum Iconibus (qualem hanc esse contendo) Globum appingi posse: sicut enim in illis Globus appositus indicabat terrarum Orbem in eo tempore notum, sub ditione Principis constitutum, ita facilè arbitror, designare posse eandem in universas Terras potestatem Rom. Pontifici tanquam Christi Vicario collatam. Sæpè laudatus Du Cange in fine sui Magni Glossarii eruditam Dissertationem inserit de inferioris ævi *Numismatibus*, in qua num. 18. & 19. luculentam intexit Auctorum colle-

ctionem, qui de crucigeratis Globis aliquid enarrarunt. Inde fortassis extrahi potuissent nonnulla ad rem nostram illustrandam, nisi à scopo nimium abduci timerem si hæc prosequer, de quibus Viri præstantissimi integras dissertationes instituunt. Ex hucusque perpensis non temerè dicturum me arbitror, si contendam, Iconem hanc æream referre Cœlestium III. cujus fortassè jussu Cencius Camerarius valvas construxit.

Sed nimis, quàm par fuerat, hæsimus in limine, adeo ut expeditiùs ædem totam inspecturi simus, quàm valvas. In fornice enim licet Musivum opus asservetur pluribus sæculis vetustius, quàm valvæ; cum tamen nulla humana figura in eo reperitur, nihil est, quod longa animadversione detinere nos possit. Fornix itaque hujus Oratorii antiquo vermiculato opere elaboratus, variis segmentis constat, prout visitur in Tabula LXXIV. in quibus diversi generis aves, floresque interpositi, non inconcinna dispositione locantur. In meditullio situs est Agnus diademate ornatus, & laureâ coronâ circumdatus. Supervacuum esset hujus Hieroglyphici sensum inquirere: quis enim nesciat, per Agnum istum, quemadmodum olim per typicum legis, illum designari, *qui tollit peccata mundi.* Quis vel leviter in Sacra historia versatus ignoret, Christianos antiquos hujusmodi emblematis potiora fidei Sacramenta ab Infidelibus irrisoribus vindicasse? Cum enim tum Cathecumenis, tum Neophitis, Christus cruci affixus proponeretur, periculum erat ne occupatione minus decorâ (supplicium enim Crux ingerebat pravis hominibus





bus destinatum, usque ad tempora Constantini, ut docet Lipsius in suo tractatu *de Cruce*) in eorum animos aliquid horroris irreperet, nisi tantæ Christi humilitatis, & quæ Angelicum captum superat, exemplar mollius in fide novis proponeretur, & iis, quibus illud Apostoli prima ad Corinth. Cap. 1. 23. nuper dici potuisset. *Nos quidem prædicamus Christum Crucifixum; Judæis quidem scandalum; Gentibus autem Stultitiam.*

Exponebatur itaque Dominicæ Passionis veritas, Imagine Christi Domini in cruce pendentis, propositâ simul ejusdem innocentiam; idque, conquistis ad hoc aptissimis, cum testimoniis, tum Symbolis Sacræ Paginæ, graphicè exhibebatur. Quod verò hanc præ cæteris Agni Figuram in hoc Sacello, sicuti etiam in adverso S. Joannis Baptistæ Oratorio depingi voluerit Hilarus Pontifex, admodum scitè, ac prudenter fecisse videtur; cum uterque Joannes, Baptista scilicet, & Evangelista, sub Agni allegoria Christum Dominum nominaverit. Ille, quidem cap. 1. 29. de Christo ad se accedente ait: *Ecce Agnus Dei, ecce, qui tollit peccata Mundi.* Iste vero Apocalypsis cap. 5. & alibi passim Agni nomine Christum indigitat; quod evidentius patet, quàm ut probatione indigeat, vel expositione. Peculiarem haberi canonem scio de Agno sic picto, cum diademate circa cervicem inflexo, qui canon legitur in Concilio Quini-Sexto, sive Trullano, & ordine est secundus supra octogesimum. Sed qualis auctoritas tribuenda sit huic canoni, ab Auctoribus doctissimis eam indagentibus, nempe à Baronio, Binio, & aliis quærendum

Par. I.

est, præsertim verò à Christiano Lupo in Scholiis ad hunc eundem canonem.

Aliquid nunc dicendum est de laurea corona Agno circumducta, & floribus multis, ac fructibus distincta; quam licet ad ornatum potiùs arbitrer pertinere, quàm ad mysterium, quispiam tamen interpretari mallet laurum ei tanquam Triumphatori mortis, & inferni, fuisse dedicatam; flores verò, ac fructus tanquam Ecclesiæ amantis donaria Sponso suo oblata, & hujusmodi plurima, ad Oratorem potiùs, quàm Interpretem Sacræ vetustatis pertinentia.

Altari superstat ænea Statua humano corpori par, D. Joannem Evangelistam referens, de qua non constat, inter veterum ne, an verò inter recentiorum Artificum paulò nobis ætate præeuntium opera ponenda sit.

De Oratorio S. Joannis Baptistæ.

EX adversa Baptisterii parte (ut supra diximus) Oratorium aditur S. Joannis Baptistæ structurâ, & magnitudine parum discrepans a superiori; nam Hilarum eundem Auctorem habuit. Hoc etiam Sacellum fusili ex ære fores obstruunt, in quibus legitur.

IN HONOREM B. JO. BAPTISTÆ HILARUS
EPISCOPUS DEI FAMULUS OFFERT.

Supra Oratorii januam in zophoro inter Epistylum, & coronam unico ordine literarum Pontificis nomen legitur. ✠ HILARUS EPISCOPUS ✠ SANCTÆ PLEBI DEI.

Supra verò interiorem ejusdem portæ coronam in porphyreticâ zonâ incisa hæc habentur.

DOMINE DILEXI DECOREM DOMUS TUÆ.
H h quæ

quæ recenter sunt apposita . Fornix hujus Oratorii Musivo opere decoratus est avibus , floribusque , quibus pingitur aptè distantibus , & in areas probè digestas concinnè distributis , ut præfert Tab. LXXV. Medium occupat Agnus cum diademate circum caput , & corona laurea , floridaque circa corpus inflexâ , prout in superiori vidimus . Duæ ad Oratorii latera sitæ sunt fenestellæ , quarum in angulis duo hinc inde viri adstant , numero Evangelistarum , quos referunt , respondentes , diademate insignes , & apertum in manibus librum habentes . At singulorum supra caput nomen inscriptum est , & supra nomen Animal medium extat , è mysticis illis quatuor , quæ Evangelistis tribuuntur : De quibus porro Animalibus , cæterisque Hieroglyphicis in Ecclesia S. Sabinæ satis egimus .

Utriusque autem hujus Musivi Hilarus Papa Auctor fuit , qui utrumque Sacellum construxit ; idque ex allatis Inscriptionibus absque dubio argui posse existimo , & ipsorum operum musivorum vetustas miranda nos docet .


C A P U T XXVII.

*De Ecclesia Sancti Andreae in Barbara ,
seu Cata-Barbara Patricia , mu-
sivo opere a Simplicio
Papa Anno 643.
decorata .*

EDaci temporis morsu semefas hucusque prædas vindicavi , cum Ecclesias describerem , plures utique graves casus , vicesque perpeffas , at-

tamen adhuc stantes . Nunc verò ex ipsis cineribus , fatalique sepulchro reliquias quasdam eruere , & luci reddere aggredior , si tamen reliquias dixeris ea Musiva opera , quæ cum tota Ecclesia funditus corruere . At licet id negligentia eorum contigerit , ad quos maximè pertinebat eorum cultus , mihi certè eandem incuriæ notam inuri non patiar , quam jure subirem , nisi beneficio literarum posteris repræsentarem , quod modica temporis indulgentia nostris oculis intueri concessit . Præmissis itaque nonnullis ad Ecclesiam spectantibus , ut moris nostri est , & peculiaris dilapsæ Basilicæ memoria postulat , ad musivi operis descriptionem gradum faciam .

Occurrit itaque in vetustis Codicibus mentio Basilicæ Sicinianæ , sitæ ad Macellum Liviae , cui tractu temporis inditum fortè fuit nomen S. Andreae in Barbara , sive Cata-Barbara Patricia . Prima , quam legerim apud Auctores , memoria hujusce Ecclesiæ , reperitur apud Bibliothecarium in Vita Simplicii , qui ab hoc Pontifice , dedicatam fuisse narrat Basilicam Beato Andreae Apostolo juxtà Basilicam S. Mariæ . Satis apertè constare cuicumque potest , hanc eandem fuisse , quam nos hoc Musivo opere insignitam asserimus , si Versus legantur ipsi musivo subscripti , prout , opere incolumi , à Platina lecti fuere , quorum testimonio in ejusdem Pontificis Vita sic ait : *Simplicius Vir Sanctissimus has Basilicas interim dedicat : Basilicam Stephani Protomartyris in Caelio monte , Basilicam Andreae Apostoli non longè à templo S. Mariæ Martyris . In qua adhuc vestigia quedam antiquitatis apparent ,*
que







Ince hinc ovalde de orcu lpr
antestatoropus deluht ille s
AEDIA XPE SIMPLICIV SQVAE PAPA SACRIS CAELESTIBVS APIAN S ET QVOD APOSTOLICID EESSENT LIMIN ANOBIS VITVR HACHERES THVLIS ECCLIAIVS IS PLEBS DEVOTAVENI PERQVE HAE Crouancia dice
VAS EFFECTIT VERE OMNIERIS ES SETVI MARYRIS ANDREAE NOMINE COMPOS VIT SVCEDENS QVE DOMOMYSTICAIVR ALOCAT ET TERRENO SENS V REGNA Superna futi pag. 243



IVRHACHERES TITVLISECCLESIAIVSTIS PLEBS DEVOTAVENI PERQVEHAEC *commercia disce*
 NSQVEDOMOMYSTICAIVRALOCAT TERRENOSENSV REGNA *superna peti* pag. 243

quæ persæpe flendo etiam inspexi, ob incuriam eorum, quibus ipsa templa jam ruinam minantia commissa sunt. Hoc autem in templo hæc Carmina legisse me memini musico opere descripta.

Hæc tibi mens validè decrevit prædia Christe,

Cui testator opes detulit ille suas. Simpliciusque Papa Sacris Cœlestibus aptas

Effecit verè muneris esse tui.

Et quod Apostolici deessent limina nobis,

Martyris Andree nomine composuit.

Utitur hæc hæres Titulis Ecclesiæ justis;

Succedensque domo mystica juralocar.

Plebs devota veni, perque hæc commercia disce

Terreno censu Regna superna peti.

Mihi quoque præteritis annis contigit Versus eosdem, qua parte adhuc supererant, recognoscere priusquam Absis, & Musivum opus prosternerentur: quare quæ ego ex his Carminibus legi, grandiori, quæ verò supplevi ex Platina, minori charactere, exprimenda curavi, ut in Schemate hic in Tab. LXXVI. apposito.

Hujus itaque Basilicæ dedicatio Simplicio Pontifici proculdubio assignanda est: verùm Constructio longè diversum habuisse videtur Auctorem. Etenim ex aliquibus conjecturis profanam fuisse arguo hanc Basilicam; temporaque superiora Simplicio referre: qui deinceps illam ab omni Ethnicorum labe expiatam, in usus Christianorum consecraverit. Suadent enim cùm ejus constructio lateritia, tum fenestrarum summa am-

Par.I.

plitudo (quæ duo ex iis, quæ diximus Cap. VIII., & IX. ad prima sæcula pertinent) primordia vetustiora: quare non erit absolum, Basilicam hanc inter eas connumerare, quæ à magno Imperatore Constantino redditæ sunt Christianis, spoliatis antea templorum usu per impiissimas leges Diocletiani, divino cultui, & sacris ædibus usque ad excidium infensi; ut narrat Eusebius lib. 8. Hist. Ecclesiast. cap. 2. & lib. 12. itidem, cap. 2. & lib. 2. de Vita Constantini cap. 21. necnon Lactantius Firmianus nuper editus à Cl. V. Stephano Baluzio lib. 2. Miscellan. num. 48. Profanum Basilicæ usum ante quàm Sacris Veri Numinis manciparetur, indicare videntur plures animalium imagines, aliæque figuræ nihil sacri referentes, quas Capite VII. attulimus, ubi de Ecclesiæ istius ornatu sermo institutus fuit. Quin etiam ferarum multiplicitas aliquibus ansam dedit opinandi, templum hoc Dianæ sacrum fuisse, priusquàm expiandum Christianis concederetur. Nec verò me fugit, apud Christianos toleratum quandoque morem animalia in Ecclesiis effingendi, ut apertè constat ex Epistola Sancti Nili ad Olympiodorum, quæ in Actione 4. Conc. 2. Nicæni secundum Anastasii versionem sic se habet: *Scribis mihi (inquit Sanctus Nilus) si putas decorum, si tibi extructuro templum maximum ad honorem tam Sanctorum Martyrum, quàm Christi, quem ipsi per certamina, & dolores, ac sudores testificati sunt, vel imagines etiam ponere in sacrario, & variis animalium bestiis parietes implere, a dexteris, & à sinistris ita ut videantur in terra quidem extensa linea,*

Hh 2

& le-

& lepores, & capræ, & cætera animalia fugere: Porro illi capere festinantes cum catellis alacriter insequi: In mari verò laxari retia, & omne genus piscium capi, & ad aridam Piscatoris manibus ferri: Insuper & gypso fingi omnes species, & ostendi ad desiderium oculorum in Domo Dei: Sed & in communi Domo mille cruces infringi, & picturas volucrum, ac jumentorum, & repentium, ad diversorum genium fieri. Ego ad ea, quæ scripta sunt, dixerim, quia, nimirum infantium est, & parvulos decet his, quæ prædicta sunt, seducere fidelium oculum: firmi verò, & virilis sensus proprium est, in Sacrario quidem, ad Orientem divini templi unam, & solam Crucem formare.

Scio, inquam, ex aperto hoc S. Nili testimonio probari, receptam fuisse etiam apud Christianos consuetudinem ornandi Ecclesias non modò Sacris, sed etiam variis animalium figuris. In nostra tamen Basilica cùm præter animalium effigies, nonnulla etiam cernerentur, tempora constructionis apertè indicantia, non infirmatur conjectura asserentium ædificii profanos usus ex Musivorum animadversione. Longè minus officit nostræ assertioni subtilior quædam interpretatio, quam verbis Bibliothecarii nonnulli tribuunt, qui cùm scripserit *Basilicam, &c. Simplicius dedicat*, ita explicant, ut *dedicandi* verbum constructionem significare contendant: Mihi verò non ita sonare videtur legitima vocis illius vis, præsertim cùm evinci possit ex pluribus locis ejusdem Scriptoris, non modò verbum *dedicare*, sed etiam *facere* ab eo promiscuè tum constructoribus tribui, tum restau-
ratoribus, necnon iis, per quos Ba-

silicis incrementum, aut ornatus accessit. Hæc ipsa (ut aliàs diximus) optimè animadvertit Abbas de Angelis in sua Liberiana Basilica; unde benigniùs quandoque, quàm dura patiatur Grammaticorum severitas, verba Scriptorum interpretari fas est, immò magis decorum.

Basilicam hanc eandem fuisse, quam quæ ab Ammiano Marcellino describitur nomine Sicinianæ, audivisse memini a Clarissimo Viro Joanne Lucio rerum antiquarum eruditissimo: ac licèt omnino nullas ad id probandum rationes adduceret, asserentis unicum testimonium tanti semper habui, ut Auctores plurimos duxerim evolvendos, magna spe fultus id aliquando repertum iri: quærentem tamen hucusque fefellit spes ita præcox; nec aliquid satis certum inveni, præter nonnulla, quæ, quâ lætando, quâ meditando attentius mecum revolvens, cùm tenuem obscurissimæ rei lucem afferre posse arbitratus sim, literis hîc censeo consignanda.

Ejusdem itaque Ammiani ethnici Scriptoris auctoritatem profero, qui lib. 27. Hist. cap. 3. *Damasus* (inquit) *& Ursicinus supra humanum modum ad rapiendam Episcopalem sedem ardentes, scissis studiis asperrimè conflictabantur, adusque mortis vulnorumque discrimina adjumentis utriusque progressis: Quæ nec corrigere sufficiens Viventius, nec molli-
re, vi magna coactus secessit in suburb-
num, & in concertatione superaverat
Damasus, parte, quæ ei favebat, instan-
te; constatque in Basilica Sicinini, ubi
ritus Christiani est conventiculum, uno
die centum triginta septem reperta cada-
vera peremptorum: efferatamque diu ple-
bem, ægrè postea delinitam.*

In hac Narratione, ut Basilicæ Sicinini nomen profertur, ita situs non designatur. Scriptores, qui illum diligentius indicare conati sunt, omnes in eo consentiunt, quod propè Forum Esquilinum Basilica extiterit, cujus Fori memoria nuperrimè reperta est in lapide Tiburtino, in Vineâ PP. SS. Cosmæ, & Damiani Viâ Labicanâ supra Cœmeterium Beati Castuli, quam nos propriis oculis legimus.

C. CACIVS. C. L. HERAC.
ARGENTARIVS. DE. FORO
ESQVILINO. SIBI. ET. LIBE.
ET. LIBERTABVS.

Romanorum Ædificiorum Scrutator Nardinus, sequutus (ut arbitror) Pancirolum, peculiarem eidem Basilicæ locum assignat; ibi fuisse existimans, ubi nunc sita est Ecclesia Sancti Viti, nullis tamen rationibus id evincit: quin etiam ego, pace tanti Viri, eum haud benè ejusdem Ecclesiæ situm antiquum tenuisse dico. Distabat enim vetus Ecclesia Sancti Viti aliquantulum ab ea, quæ nunc visitur, fundata à Sixto IV. ut erui ex Codice M. S., in quo registrantur Visitationes Ecclesiarum Urbis pag. 1249. mihi commodato ab Illustribs. & Reverendis. D. Raphael Fabretto, dum hæc imprimuntur gloriosiss. Pontifici Alexandro PP. VIII. a libellis supplicibus. Qualis autem antiquæ Ecclesiæ Sancti Viti constructio fuerit, tam Pancirolus, quam Nardinus scire non potuerunt, cum nec illam viderint, nec etiam Codicem M. S. Ipsius autem Ecclesiæ Visitatio habita fuit die 6. Julii 1574.

Quare ab eorundem Auctorum sententia recedens, statuere posse videor, Basilicam Sicinianam Ecclesiam esse S. Andreæ, de qua loquimur; tum propter Basilicæ formam, quam retinet, tum propter antiquitatem, tum etiam ob viciniam cum Liberiana.

Si singulas, quæ in hujus Ecclesiæ narratione quæstiones insurgunt, examinare vellemus, nimis recederemus à brevitatis scopo nobis proposito; sufficiat igitur si tantum hinc indicemus Scriptorum discrepantiam in præfatæ Basilicæ denominatione: eam etenim aliqui Siccinini, alii Sifimini, nonnulli verò Siccinii vocant, prout etiam quidam Ursinum nominant, alii Ursicinum.

Ut ut sit, ista de nomine quæstio ociosioribus Criticis relinquatur, & ad graviora accedamus. Libet jam aliquid hinc attingere de historia paullò ante ab Ammiano Marcellino recensita; hoc est de cæde in schismate Ursicini perpetrata. Nam si Ammiani testimonium attendas, cædes illa contigit in Basilica Sicciniana: at si aliorum placita proferantur, constabit, hoc sacrilegio pollutam fuisse Basilicam Liberianam. Posterius assertum videre est in præfatione Libelli Faustini & Marcellini Presbyteri ad Imperatorem Valentinianum; in hoc enim legitur, centum & sexaginta Viros ea cæde sublato obsidione occubuisse in Basilica Liberiana. Quis itaque Judex hanc inter Auctores cævos Damasus litem tutò dirimere audebit? Erit itaque dignoscendum, uter ex illis majorem apud prudentes fidem obtineat, ut alter à testimonio ferendo removeatur.

De Ammiano plura congefferunt
To-

Tobias Magiri in Eponymologio critico, ac Hofmannus in suo Lexico, qui diverſorum Auctorum ſuffragio nominant Ammianum, Scriptorem, veritatis ſtudioſum, prudentem, gravem, ac ſerium, necnon dignum, qui ab omnibus ametur, & floruiſſe, ſub Gratiano, & Valentiniano aſſerunt.

Contrarium de Marcellino Presbytero ſentit Baron. in to. 4. ad Ann. 367. vocat enim hominem hunc Schismaticum, mendacem, inſenſum, inimicumque S. Damasi, Catholicorum calumniatorem, necnon Luciferianæ hæreſis Sectatorem. Baronii ſententia, ex lectione præſationis ipſiuſmet libelli confirmatur; ſi enim legatur attentè, conſtabit, non eſſe ab iſdem Fauſtino, & Marcellino conſcriptam, ſed ab aliis ex eadem factione Luciferiana, ac mendaciorum plenam. Communi ergo ſuffragio præferenda eſt Ammiani ſententia, cùm in ipſum conſentiant Ruſſinus, Socrates, Sozomenus, Nicephorus, & alii poſteriores Scriptores.

Hæc levi calamo proſequuti ſumus in gratiam eorum, qui locorum notitiæ conjungere hiſtorias amant. Incitat modò nos ad cætera perſtringenda, diverſa ejuſdem Eccleſiæ nomenclatura, quam ab initio expoſuimus in ipſo capitis titulo. Bibliothecarius itaque in Vita Gregorii II. Baſilicam iſtam appellat *Monasterium S. Andreae in Barbara*: & in Vita Leonis III. *Cata-Barbara Patritia*: eandem in *Barbaris* vocat Ciaconius in præſati Simplicii Vita, eò quod in ejus muris variæ ferarum imagines à Diana venatrice, & ab Hippocentauris conſectarum viſebantur, opere partim teſſelato, par-

tim vermiculato, ut ſupra expoſuimus in Cap. VII.

Martinellus verò in ſua Roma Sacra appellat in *Eſquiliis*, & in *Auriſario*, Grimaldi auctoritatem ſequutus. Cauſam autem, cur in *Barbara* vocitetur, exponit Severanus in ſuo tract. de ſeptem Urbis Eccleſiis, ubi ſic dictam aſſerit à nobili quadam ejusdem nominis Matrona, quæ tempore Gelatii I. Corpus S. Severini Neapolim transferri curavit, ut apud Baronium ad ann. 496.

Quid autem vox *Cata-Barbara Patritia* oſtendat, varium eſt: cùm *κατά* græca vox ſit diverſas habens ſignificationes, eaſque hic referre ſupervacaneum ſit, ſolummodò illam indicabo, quæ ad quæſtionem noſtram pertinere poteſt; nempe denotare, apud. *Cata* Matthæum pro *ſecundum* &c. Ex quo inferri poteſt, olim prope Baſilicam Siccinianam fuiſſe domum Barbaræ cujuſdam Matronæ, Patritii ſanguinis ſplendore conſpicuæ; unde *Barbara Patritia* fuerit appellata. Atque hinc, *Siccinianam Baſilicam* priſco relicto nomine, novum *S. Andreae in Barbara*, vel *Cata-Barbara Patritia*, ideſt juxta Domum Barbaræ, ſive *Barbaræ Patritiæ* adeptum fuiſſe. Has nominum mutationes noſtris etiam temporibus experimur. Sic Plateam Sfortiam in Barberinam, & Plateam Senarum in S. Andreae de Valle mutatas audimus. E quibus etiam perſpicuum eſt, vias, aut plateas fuiſſe ab Illuſtrioribus Domibus propter eas, aut in eis extantibus, quovis tempore denominatas.

Sicuti nominis lapſum ſæpiùs reparavit antiqua hæc Baſilica; ita quoque ut per nos tùm nomina, tùm orna-

ornatus duraturâ restitutione asseri possint, conabimur Musivum opus ab oblivionis periculo liberare, cum de nomenclatura satis hucusque dictum sit. Id eò libentiùs aggredior, quò rationabiliùs à nostra ætate repetere potest restitutionem in integrum venerandum hoc Antiquitatis vestigium, quod ultimum nostris diebus excidium ob incuriam aliquorum perpeffum est. Funditùs itaque hoc, quod describimus, opus Musivum interiit anno superiori 1686. cujus tamen Diagramma diligentèr incidi jussimus, antequam prototypus dilaberetur: figurarum verò dispositio peti potest à Tabula LXXVI. in qua septem videntur Virorum effigies. Medium obtinet Christus Dominus monti insistent, à quo quatuor flumina propagantur.

Dextera Christi Domini benedictis more elevata est: sinistra verò volumen utrinque complicatum inferto indice detinet, & collectum in plicas pallium cubito sustentat. Pallii fimbria notatur monogrammate H. Christi Caput diadematè ornatum est ab insertæ Crucis imagine concinnè decussato. Notandum verò, Figuræ partem lineâ circumvallatam, ubi adest lit. A. additam esse ex Pictoris judicio, cum Musivum opus temporis diuturnitate inibi deletum fuerit. Volumen illud, omissis aliis interpretationibus à Durando in *Ration.* lib. 1. cap. 3. & ab Aringhio in *Roma Subterranea* tom. 2. lib. 6. cap. 16. excogitatis, nihil aliud significat (ut opinor) quam novæ legis editionem Christo Domino referendam: sicut enim Deus legis antiquæ Tabulas Moyfi traditurus, illum accersivit in summum apicem

Montis Sinai, ut ab ipsa loci altitudine sublimitas Præceptorum dignosceretur; ita & æternus Dei filius *majora Præcepta* oblaturus *Populo, quem charitate jam liberari conveniat*. Et D. Augustinus ait lib. 1. *De serm. Domini in monte*: Par erat, ut è montis Cathedra cœlestis Doctrinæ suæ aperiret exordium. Præstat ipsius Augustini verba referre: *Si quæritur* (inquit ibidem S. Doctor) *quid significet mons, benè intelligitur significare majora præcepta Justitiæ, quia minora erant, quæ Judæis data sunt*. Volumina similia, quæ in Apostolorum Christo assistentium manibus visuntur, acceptam ab eodem docendi facultatem indicant; quam non incongruè manibus retinent, cum ab eodem Christo didicerint *facere, & docere*. Literæ H. significationem &c. in Dissertatione de monogrammate vestium supra in Cap. X. explicavimus.

Quatuor autem flumina, quæ è monte decurrunt, quatuor illa denotant, quæ è terrestri Paradiso erumpebant. De quibus Moses Barcephas Syrus cap. 2. in *Genesim in Commentariis de Paradiso* part. 1. cap. 28. sic ait: *Postquam is fluvius rigasset Paradisum, diductus, divisusque esset in quatuor fluvios, quos Moses (quia ipsius sæculo noti erant) suis & nominibus, & locis describit inquit: Nomen unius Phison; is est, qui circuit universam Terram Havile. Nomen igitur unius horum quatuor fluviorum est Phison; sive, ut Græcus vocat, Diyabis, qui fluvius postquam avulsus ab illo majore, & primario Paradisum perlucens, in terramque demersus est, sub ipsis etiam Oceani vadis fluit, donec ebulliens prorumpat in Occidentem; unde versus Septentrio-*
nem

nem regyrans delabitur, per universam Regionem Indorum, (quam vocat Moses Terram Harvile) ac tandem desinit in Mare Indicum. Sunt autem qui putent, Phison appellatum esse à verbo Phas; propterea quod cesset à fluctu aspectabili, quippè qui sub multis pelagis majorem cursus sui partem peragat, & ibi est aurum, & aurum ejus terræ præstans est; ibi Bedolach, & lapides Berylli ferunt in pleraque hujus fluminis arena, atque in ipsa ripa aurum probum, admirandasque margaritas ubertim reperiri. Hebræum enim Bedolach gemmas vocat, Beryllos verò lapides pretiosos. Alii Bedolach candidas uniones significare existimant, Beryllos verò sardos, Topazios, & ceteras id genus gemmas. Et nomen fluvii secundi Gibon; is est, qui circuit omnem Terram Chus. Secundus fluvius nomen habet Gibon, Græcus Nilum appellat, alii Sichor vocant: & hic quoque fluvius ut separatus est ab illo majore, sub Oceanum descendit, donec scaturigine vomitur in plaga Australi, atque peragrans perluit terram Cusiorum (Ethiopas vocamus) & Ægyptiorum, tandemque desinit in Mare Adriaticum, quod est apud Ægyptum. Cæterum nomen Chionis obtinuit à fluendo cum inundatione: hæc enim ripa sua supergrediens, irrigat Terras sibi circumjacentes. Et nomen fluvii tertii Diklat, qui it adversus Assur. Quartus denique fluvius est Perath. Diklat appellatus est tertius fluvius, quod impetuosus, ac rapidus sursum deorsum feratur, quasi homo violentus, ac fervidus, qui ad erumpendas angustias aliquas, nunc se subrigit, nunc demittit. Quartus denique fluvius dicitur Perath, quia fecundissimus est. Et hi quoque duo fluvii simul atque derivati sunt ab illo prin-

cipaliori flumine, absorpti sub Oceanum, tandem prosiliunt in medio terrarum Orbe fontibus non procul inter se dissipatis, ac prolapsi desinunt in Mare Australe ipsius Boreæ. Porro Assur vocat regionem Assur, & Ninevitarum, ac Bethgarme, aliaque circumquaque his adjacentia loca.

Accipiuntur & quatuor hæc flumina pro quatuor Evangelistis. Sic Christianus Grammaticus in *Exposit. in Matthæum* cap. 1. Per Gebon (inquit) qui dicitur terrenus, significatur *Matthæus*, qui terrena acta de Christo narravit. Per Tygrim, qui velocitas interpretatur, *Marcus*, qui cursim acta Domini exposuit. Per Euphratem, qui fertilitas interpretatur, *Lucas*, qui uberius, & latius Domini gesta decurrit. Per Phison, qui insufflatio potest dici, *Joannes*, qui excellentius afflatus Spiritu Sancto, de Domini dignitate attigit. Sicut ista quatuor flumina irrigant omnem Mundum, sic quatuor Evangelistæ irrigant omnem Ecclesiam.

Sed prosequamur jam reliquarum figurarum expositionem. Stat Salvatori dexterior senex pallio coopertus, quem D. Paulum suspicor esse: exierit hic à pallio dexteram, sinistrâ volumen sustinet, pari, quo Christus, modo; habetque in fimbria pallii monogramma L. Hujus picturæ inferior pars à Pictore suppleta est, ut in aliis quoque factum videmus.

Secundæ, & tertiæ figuræ (quæ & ipsæ à dextera Salvatoris stant) nil nisi Caput extabat, reliqua verò omnia à Pictore pro ejus ingenio reposita sunt.

Senior alter sinistram tenet, stans ipse quoque pallio coopertus, qui fortè Principem Apostolorum denotat: emi-

eminet è pallio cervici obvoluto dextra: sinistraque, uti aliæ Imagines, volumen obstringit.

In utraque pallii fimbria legitur Litera L. recta & inversa; ea fortasse de causa, quia interior pars fimbriæ exterius reflexa est. Teguntur sandaliis pedes, quorum sinister picturâ expressus est. Secunda Imago dexteram elevat more fermocinantis; habetque in ora pallii L. monogramma. Tertia demum, & ultima, quæ imberbem juvenem refert, dextram & ipsa manum attollit, atque indicem ori admoveat; sinistrâ pallio tectâ dexterum cubitum sustentat. In utraque togæ fimbria visitur litera L. recta & inversa; pedesque, quorum sinister veluti ad incesum, paulò est elevatior, sandaliis, ut in aliis, ornantur.

In suprâ expressis figuris cum quædam notari possint, ac debeant, de his singillatim nunc dicam. Non omnes igitur sunt eodem modo capillatæ, ac barbatae, sed ad morem Regionis, ut credo. Hanc conjecturam suggerit nobis eruditissimus Casaubonus in notis ad Julium Capitolinum, ubi loquens de Vero Imperatore, qui ad Amicæ vulgaris arbitrium in Syria barbam deposuerat, illustrat hunc locum, demonstrans, Antiocheneses, & Syros averfatos esse, & irrississe eos, qui barbam alerent: è quibus hæc infero: Cum Sanctus Petrus Antiochiæ, ubi septennium explevit, Cathedræ Apostolicæ præsideret, ne Antiochenensibus risui esset, & invisus, barbam eorum genio composuit, deposuitque; licet ultimò Romæ, ubi mos dispar vigeat, iterum resumpserit.

Principis Apostolorum exemplo ejus Successores Romani Pontifices ra-

Par. I.

tam barbam gestavere usque ad Julii II. tempora, qui omnium primus contra majorum consuetudinem prolixam aluit, ut majorem intuentibus reverentiam incuteret: idque reliqui post eum Pontifices Maximi probasse videntur, testante Ciacconio in ipsius Vita. Sed pace tanti Viri, tam Leo, quàm Clemens Julii Successores refectam omnino habuere: Clemens verò, Cæsarei exercitus Romam depopulantis impiam rabiem declinaturus, per septem menses in Arce Sancti Angeli, seu Mole Hadriana delituit, quo temporis tractu nullatenus in mento novaculam passus fuit: temporum deinde suorum, casusque luctuosioris mœrori tam proprius barbæ prolixioris horror sibi visus est, ut ad extremum usque vitæ tristem consuetudinem servaverit.

Testantur hoc ipsum Icones utriusque Pontificis in argenteis nummis expressæ, quorum nonnullos penes me asservo; & notat etiam Oldoinus in. Addit. ad ipsum Ciacconium.

Animadvertendum insuper est, in Emblemate, quod exhibeo, figuras omnes Sandalia deferre; quod certè non ad placitum Musivarii factum credas, nec ad temporum mores, vel Regionis, sed juxta Domini jussu, qui Marc. 6. præcepit Apostolis, *ne quid tollerent in via, nisi virgam tantum: non peram, non panem, neque in zona es, sed calceatos sandaliis &c.*

Observatione dignos etiam judico vestium Colores; nam ibi Christi tunica, & pallium rubei, Apostolorum verò pallia albi, tunicæ verò cærulei coloris erant.

CAPUT XXVIII.

*De Ecclesia Sanctæ Agathæ in Subura,
musivoque Opere, olim in ea
à Fl. Recimero circa ann. Do-
mini 472. constructo.*

O Pulentissimum sacrorum moni-
mentorum solum jure Romana
Civitas denominari potest, cum (ut de
ethnicorum templis nihil dicamus)
effulgente Evangelicâ Veritate ob
ædium in Martyrum, aliorumque,
Sanctorum honorem dedicatarum nu-
merum, & elegantiam, inclyta su-
per alias evaserit: Sed temporis diu-
turnitate, Barbarorum incursionibus,
& ruinis, ac reparationibus in Eccle-
siis factis, vix eadem dignosci pos-
sunt; itaut quandoque earum nonnul-
læ in propriis sedibus perquisitæ nul-
latenus inveniantur. Eorum, quæ as-
ferimus, exemplum præbere potest
Ecclesia in Subura Sanctæ Agathæ
nuncupata, quam Floravantes Mar-
tinellus, qui Romæ an. 1638. pecu-
liarem de ea tractatum edidit, asse-
rit, fuisse in regione Suburæ; eandem-
que, quam Magnus Gregorius ab Aria-
nis pollutam expiavit, ac deinde
multis miraculis insignem. Contra-
riam tamen tuetur sententiam Fami-
anus Nardinus in tractatu *De antiqua
Roma* Italicè scripto, ubi non solum,
non esse in Subura, sed neque illam
à Magno Gregorio dicatam, autumat.
Quare ad hanc indagandam veritatem
prolixiorē instituere sermonem co-
gor, ut relatis utriusque rationibus,
iisque ad trutinam revocatis, & no-
stris additis, Veritas è tenebris (si
possibile sit) elucescat,

Martinellum igitur, qui prior scri-
psit, primo loco audiamus. Is ad scru-
tandam meliùs hanc provinciam à no-
minis etymologia initium sumit, Var-
ronis auctoritatem adducens, qui li-
bro 4. De ling. Lat. *Subura* (inquit)
*quòd sub muro terreo Carinarum in ea est
Argeorum sacellum sextum. Subura Ju-
nius scribit, ab eo quòd fuerit sub antiqua
Urbe, cui testimonium potest esse, quòd
subest ei loco, qui terreus murus voca-
tur.* Nihilominus ipse Varro aliam,
sequitur etymologiam, nempe Subu-
ram à pago Succusano potiùs dictam
fuisse, quia succurrebat Carinis. Fe-
stus verò ex Verrio eadem ferè ha-
bet; *Suburam Verrius à pago Succusano
dictam ait: hoc verò maximè probat eo-
rum auctoritate, qui ajunt, ita appella-
tam, & Regionem Urbis, & Tribum à
stativo præsidio, quòd solitum sit suc-
currere Esquiliis, infestantibus eam par-
tem Urbis Gabinis. Indicioque esse,
quòd adhuc ea tribus per C. literam non
B. scribatur.* His Martinellus addit,
quòd aliquid amplius ejusdem Fe-
sti fragmentum habeat ex Farnesiano
Exemplari descriptum; *Suburanam vi-
delicet Tribum, antea Succisanam fuisse
dictam; veteremque Horatii Inter-
pretem à Jacobo Cruquio editum, ha-
bere: Suburam dictam esse à suburendo,
quòd in ea Regione Romæ aliquando su-
bustionibus Paludeta siccata fuerint.* Hæc
de Etymologia. Deinde idem Marti-
nellus ostendit, Suburam unico R.
scribendam esse, id quod lapideis in-
scriptionibus probat; at, cum hæc
sit Orthographica quæstio, Lectorem
brevitatis gratiâ ad eundem Marti-
nellum remittam. Nunc propiùs acce-
damus, loquamurque de situ, quem
indagantes Antiquarii verbis invicem
se

se laceffunt ; eorumque nemo huc ufque invenit , & in pofterum perquam difficile invenient .

Præcitatus igitur Varro INTRA URBIS POMOERIVM, Suburam fuiſſe indicat , inquiens ; *Reliqua Urbis loca olim discreta , in ſeptem & viginti partes Urbis ſunt diſpoſita : e quæis prima eſt ſcripta Regio Suburana .* Porro EXTRA ILLUD conſtituere videtur cùm ait : *Subura ſub muro terreo Carinarum ,* & ſubjungit : *Subura Junius ſcribit ab eo , quod fuerit ſub antiqua Urbe .* Urbs verò antiqua non Carinas , ſed Palatinum , & Capitolinum Colles comprehendebat ; ſicque Subura inter Carinas , & antiquam Urbem , videlicet extra Pomoerium conſtituta erat , quòd probat Thomas Dempſterus , cum Martiale , ita dicente libro 2. epig. 17.

Tonſtrix Suburæ faucibus ſedet primis ,

Cruenta pendent qua flagella Tortorum ;

Quia ſervus publicus , ſeu Tortor in Urbe habitare non poterat . Contrarium tamen elicitur ex Juvenale , Satyr. 10. ubi cum Annibale loquens , ait .

Actum , inquit , nihil eſt , niſi Pæno Milite portas

Frangimus , & media vexillum pono Subura .

Quaſi dicere voluiſſet : Nihil adhuc fecimus , niſi Romam capiamus , & vexilla noſtra in Subura ſitâ in media Urbe ponamus . Idemque etiam indicaffe videtur præcitatus Martialis lib. 12. epigr. 3. quo mittit librum in Urbem ad Stellam Confulem & Poetam in prima Subura habitantem , ubi ſic .

Par. I.

Ad Populos mitti qui nuper ab Urbe ſolebas ,

Ibis tu Romam nunc , peregrine liber .

Jure tuo veneranda novi pete limina Templi ,

Reddita Pierio ſunt ubi Templum Choro .

Vel , ſi malueris , prima gradiere Subura :

Atria ſunt illic Conſulis alta mei .

Laurigeros habitat ſacundus Stella Pernates .

Subjungit ſupra laudatus Martinelus , admodum difficile eſſe Suburæ locum designare ob Auctorum in hac re varietatem , quos ab ipſo in unum collectos , in Lectoris gratiam ſummatim hîc refero .

Junius apud Varronem ſub antiqua Urbe Suburam eſſe dixit , cujus teſtimonium eſſe poterat , quod ſubefſet ei loco , qui Terreus murus denominabatur .

Joannes Annius Suburam poſuit in vico Tuſco incipientem è Palatino Colle , & protenſam uſque ad murum fori Venalium circa Tyberim , & ad forum Piſcarium .

Blondus , Monticulum exiſtimat , ubi ſitum eſt monaſterium S. Laurentii in Pane , & Perna , ac totam illam viam , quæ incipit a Sancta Lucia in Silice , & porrigitur uſque ad Sanctum Hadrianum in foro Boario , Suburam comprehendere .

Marcellus Donatus ſequitur Blondum , locans in Subura Olympiadis , & Agrippæ Thermas juxta præſatam Eccleſiam Sancti Laurentii in Pane , & Perna , ubi Sanctus iſte aſſatus fuiſſe dicitur , & ad ſuam confirmandam ſen-

tentiam Prudentii Poetæ Christiani locum adducit Hymn. II. *Περί*.

*Non contentus, humum celsæ intra,
mœnia Romæ*

Tingere Justorum cædibus assiduus :

*Faniculum cum jam madidum, fora,
rostra, Suburam,*

Cerneret eluie sanguinis affluere.

Pomponius Lætus initium Suburæ esse vult, ubi Titi est Amphitheatrum, illiusque spatium usque ad Esquilias producit.

Andreas Fulvius vix à præcitis discedit, dum ait: *Ea inchoabat à regione Tabernolæ juxta Colosseum, ubi Suburæ caput, & principium Labicanæ versus Auroram tendentis. Suburæ verò per radices Esquiliarum longo ambitu producebatur usque ad ædem Sanctæ Lucie in Orphea, sive in Capite Suburæ.*

Bartholomæus Marlianus Suburæ caput non ad Amphitheatrum, sed ad forum Romanum posuit.

Aloysius Contarenus Marlianum sequitur, & Suburæ plateam collocat inter Quirinalis Montis, & Viminalis extremam partem, ubi Probæ puteus; qui puteus (ut refert Fulvius) erat sub proximo Templo S. Agathæ in Valle Quirinali, & juxta S. Mariæ in Campo, ubi à fronte incisæ sunt literæ quædam juxta Hospitale Epirotarum, sive Ecclesiam SS. Sergii & Bacchi, quare Platea ista fuit (ni fallor) ante ædem B. M. Virginis ad Montes in ea parte, ubi nunc fons cernitur.

Raphael Volaterranus, cæterique recentiores Suburam à Trajani foro usque ad S. Martinum in Montibus, & S. Agatham protendunt.

Pyrrhus verò Ligorius, qui Italico idiomate scripsit, latinè redditus, sic ait: *Subura non erat in Esquilis, sed in Suburana Regione, in qua signanter erat Cæliolus, ac Carinæ, & ut ipse perpendere potuerat, facile existimabat Suburam in illa fuisse valle, quæ est inter Cælium Montem, & Palatinum.* Hoc suum judicium deduxisse videtur Pyrrhus ex Lupanariis, quæ Q. Ruffus & P. Victor recensent.

Panvinus Ligorium sequitur, ac profitetur, se multa ab illo didicisse; proinde ejus vestigiis inhærens, ait: *Suburam voco viam illam, quæ Amphitheatrum, & Arcum Constantini ex uno capite habet, ex altero verò Septizonium Severi, & SS. Andreae, & Gregorii in Clivo Scauri Basilicam.* Septizonium erat ante dictam Ecclesiam Sancti Gregorii.

In tanta tot Auctorum, & sententiarum varietate subjungit supramemoratus Martinellus: *Non est facile de rebus præsertim remotissimis liquidò pronunciare.* Postea Ligorii auctoritatem refellit, allegans Epigramma Martialis, qui, à suis ædibus, quæ ad Pilam Tyburtinam sitæ erant, ad Esquilias per Suburanum clivum ascendi dicebat. Tiburtina Pila erat ad Circum Floræ in Quirinali Monte, ubi nunc Platea Barberina, sive Capuccinorum. Martialis carmina hæc sunt ex lib. 5. Epig. 23.

*Mane domi nisi te merui, voluique
videre,*

Sint mihi, Paulle, tuæ longius Esquilæ.

*Sed Tyburtinæ sum proximus accola
Pilæ,*

*Qua videt antiquum rustica Flora
Forum.*

*Alta suburbani vincenda est semita,
Clivi.*

Non dissimile habetur in alio Epigrammate, quo Musam alloquitur, jubens, ut librum deferat ad Plinium in Esquiliiis habitantem, ubi sic l. 10. Epig. 19.

. Brevis est labor; peractæ

Illuc Orphea protinus videbis

Altum vincere tramitem Suburæ.

Idem etiam videtur indicare Festus Pompejus, qui Suburam inter Montes commemorat. *Septimontium*, inquit, *dies appellatur mense Decembri, qui dicitur in Fastis Agonalia, quod eo die in septem montibus sunt sacrificia, Palatio, Velia, Fagutali, Subura, Cermalò, Caelio, Opio, Cispio.*

Quàm levi autem fundamento nitatur Ligorii sententia, nemo non videt; frivolum est enim ejus argumentum desumptum ex Lupanariis descriptis in regione secunda Coelimontana, cum illa alibi etiam fuisse appareat. Tacitus loquens de Stagno Agrippæ, ait: *Crepidinibus Stagni Lupanaria adstabant, illustribus feminis completa, & contra scorta viscebantur nudis corporibus*; lib. 15. Annalium cap. 37.

Alterum lupanar extabat in Agonali Circo, ad quod ducta est B. Agnes Virgo, & Martyr. Alia similia loca habebantur in Circo maximo, ex quibus non una, sed plures Suburæ deduci possent.

Nec firma Romanarum Regionum Auctoribus à Panvinio editis fides haberi potest, cum inter se contrarii sint. Nam P. Victor ab Aldo impressus in regione secunda Coelimontana lupanaria ponit nullo alio adjecto. Pan-

viniana verò editio addit: in *Subura*. Idem Victor juxta plures aliorum editiones *Suburam* in tertia Regione reponit, quam Panvinus in *Suburæ caput* commutavit. Denique Sex. Rufus ab ipso Panvinio vulgatus in Regione quinta Esquilina ponit *Vicum Succusannum*, à quo Subura nomen traxit. Propterea præcitatus Martinellus, ut ambiguitates tollantur, sic distinguendum existimat.

Si agatur de antiqua Urbe, in cuius Pomœrio Palatinus, & Capitolinus Colles includebantur, dicendum est, *Suburam fuisse viam sub antiqua Urbe extra Pomœrium in ea Valle*, ubi nunc est Amphitheatrum Titi: Ex quo deinde probat, quod ibi meretrices prostarent, cum Subura dicta fuerit sub antiqua Urbe, ac sub terreo muro Carinarum, & locus iste à nonnullis *Summænium* denominetur; Quare Martialis lib. 3. Epig. 82.

*Conviva quisquis Zoili potest esse,
Summænianas cœnet inter uxores.*

Et lib. 12 Epig. 32.

*Nec plena turpi Matris olla resina,
Summæniæ qua pilantur uxores.*

Et lib. 11. Epig. 62.

Lingua Maritus, mæchus ore Mancius,

Summænianis inquinatio buccis.

Quibus adde Epig. 35. lib. 1.

*At meretrix abigit testem, veloque
seraque:*

*Raraque Summæni fornice rima
patet.*

Ex his igitur argui potest, quod lupanaria à Ligorio allegata ad hanc Suburam referri queant.

Si verò loquamur de aucta Urbe, Suburæ limites videntur extensi usque ad forum Piscarium, & finem Vici Tu-

Tulci, ubi Janus Quadriformis, & imum Argiletum (nunc ni fallor Pons quatuor Caputum) & via, quæ ducit ad Sanctam Mariam Ægyptiacam, dicta *Porta Leone*. Perpendendus igitur est Martial. l. 2. Epig. 17.

Tonitrix Suburæ faucibus sedet primis,

Cruenta pendent qua flagella Tortorum,

Argique letum multus obsidet Sutor.

Tonitricis locum fuisse demonstrat ipse Martinellus Suburæ principium, ubi solebant verberari fontes, & tortores flagella suspendere, & erat prope Argiletum, quod pertingebat ad Theatrum Marcelli, nunc Plateam Montanariam.

Perpendendus est etiam Juvenalis, qui Sat. 5. vers. 105. sic ait:

*Aut glacie aspersus maculis Tyberinus
& ipse*

*Vernula Riparum pinguis torrente
cloaca*

*Est solitus mediæ cryptam penetrare
Suburæ.*

Ad quem locum notat laudatus Martinellus; *Si Subura Tyberim versus non protendebatur, quomodo possent Pisces Suburæ Cryptam penetrare, ut ibi pinguescerent?*

Deinde demonstrat, quod, auctâ, Urbe, Subura etiam producta fuit, ut ad forum Nervæ pertingeret, inde verò per planitiem inter Viminalem, Quirinalem, & Esquilinum Colles ad S. Luciam in Silice porrigeretur. Quod si (subjungit) divinare in re obscura, & antiqua tantisper liceret, Servio Rege, sequentibusque proximè temporibus, id contigisse crediderim. Collocatâ enim in Esquilis Regia, ac Vico Patriçio Senariis

Civibus ad ædificandum distributo, per eam planitiem valde Urbem crevisse non abs re judicari potest. Verùm quidquid sit de tempore, Suburam quandoque tandem eò pervenisse, ex vulgatissima loquendi ratione, quæ à majoribus accepta, ad nostra usque tempora propagata est, certissimè comprobatur. Hac eadem ratione ex ipso, quod hodie in usu est, nomine, Capitolii, Circi, Palatii sedem, ac locum, tam certè existimamus, ut nemo audeat dubitare, cur idem in Subura locum non habeat. Interdum verò à vulgo, inquires, recepta sunt falsa; Verùm ut falsa dicantur, debent apertissimis argumentis coargui, quæ hîc nulla sunt, ut idem ostendit. Faciunt huc, quæ supra narravimus de Clivo Suburano, qui a Pila Tiburtina tendenti ad Esquilias post Suburam scandendus superest, teste Martiale. Hæc enim, & similia, nisi hoc loco Subura locetur, explicari non possunt, cùm ex alia parte hanc sententiam sequuti, facillimè possint *Clivum Suburanum* designare, ut nimirum sit ille ipse, quem, ut ad S. Lucie in Silice Templum perveniamus, ascendimus, quique adhuc Suburæ nomen retinet. Huc usque Martinellus, qui multa dixit, sed Gordianum nodum non dissolvit, ut infra ex Nardino demonstrabitur.

Pergit deinde de hac re loqui, indicatque loca Auctorum, quæ Suburæ qualitates patefaciunt.

Primò, quod hominum multitudine abundaret, refert Juvenalis Sat. 11. v. 50.

Cadere namque foro jam non tibi deterius, quàm

Esquilias à ferventi migrare Subura.

Se-

Secundò, quòd ibi venalium rerum copia adesset, Martialis lib. 7. Epig. 30.

Quidquid villicus Umber, aut colonus,

Aut Tusci tibi, Tusculi-ve mittunt:

Aut rus marmore tertio notatum;

Id tota mihi nascitur Subura.

Et lib. 10. Epig. 94.

Hæc igitur media quæ sunt mihi nata Subura

Mittimus Autumni carea poma mei.

Quare, quòd clamoribus Præconum, & aliorum res venales exponentium, & clamitantium, perpetuò streperet, clamorifam eam vocat idem Martialis lib. 12. Epig. 18.

Dum tu forsitan inquietus erras

Clamosa Furvenalis in Subura.

Non edulia tantum, verum etiam medicamina ad Mulierum ornatum ibidem vendebantur: quod sic testatur Martialis lib. 9. Epig. 38.

Cum sis ipsa domi, mediaque ornere Subura,

Fiant absentes & tibi, Galla, comæ.

Tertiò, quòd eam coluerint etiam spectatissimi Viri, Suetonius probat, qui de Cæsare narrat, eum habitasse primò in Subura modicis ædibus; ac Martialis lib. 12. Ep. 3. de Stella Consule.

Vel si malueris, prima gradiere Subura:

Atria sunt illic Consulis alta mei.

Concludit denique idem Martinellus, intervallum istud obscurum esse non potuisse, in quo Romanorum Nobilissimi diversabantur; mirum ergo non esse, si Subura cum Sacra via, toti Urbi celeberrimâ, pari propemodum jure contenderet. Ait enim Festus: *October equus appellatur, qui in*

Campo Martio mense Octobri immolatur quotannis Marti, bigarum Victricum dexterior: de cujus capite non levis contentio solebat esse inter Suburanenses, & Sacravienenses, ut hi in Regiæ pariete, illi ad Turrim Mamiliam id figerent.

Sed nihil ad Suburæ dignitatem perinde facere aliquibus videtur, quàm quòd prima Regio, seu Tribus scripta est, teste Varrone, quæ ab ipsa Suburanæ nomen invenit. Hinc est, quod Tullius de lege Agraria, ait: *A Suburana usque ad Arniensem nomina vestra proponat.* Neque verò alio ordine, dum Tribus Urbanas enumerat, utitur Plinius: Aliter Dionysius, qui à Palatina incipit: Conciliare tamen utrosque nititur Manutius inquires: *Rem commodè posse temperari, ut Dionysius Ordinem, quo facta sunt: Varro eum, quo ad lationem suffragii vocabantur, spectaverit.* Equidem hanc Varronis fuisse mentem, affirmare non ausim: Cæterum hoc ipsum, quod prima citaretur, inhonorificum esse non potest.

Notandum hinc, temporum decursu ab Urbanis Tribubus ad Rusticas defecisse primarios viros, ex quo illarum amplitudinem fuisse imminutam; sed non idcirco Suburæ suam dignitatem periisse; adeout dicere potuerit Juvenalis Satyr. 3.

... Ego vel Prochyta præpono Suburæ. quasi nihil esset in Urbe præstantius.

Hæc à præcitato Martinello dicta, fideliter exponenda duxi. Modò in judicium est vocandus Famianus Nardinus, qui in sua *Roma antiqua*, in pluribus aliter, ac Martinellus sentit.

At antequam ad Nardini narrationem deveniam, operæ pretium fuerit summatim ejusdem assertiones referre, cum opus posthumum non sit ab Auctore,

ctore revifum , aut correctum , ideoque in aliquibus locis obfcurum .

Prima igitur Nardini assertio eft, opponere fe Donati iudicio , & nimum Suburam dilatare .

Secunda , Ecclefiam S. Agathæ , de qua fermo , illam minimè effe , cujus meminit D. Gregorius , neque effe in Subura .

Tertia , illam de qua differimus , effe Diaconiam S. Agathæ , diverfam tamen à Monafterio S. Agathæ in Subura .

Quarta , S. Gregorium Ecclefiam priùs in honorem S. Severini juxta domum Merulanam , poftea ob novas Reliquias in honorem S. Agathæ eandem confecrafle .

Quinta , huic ambiguitati anſam , dediffe muſivum opus in Tribuna Diaconiae extans , in quo Fl. Ricimeri nomen extabat . Negat propterea Nardinus contra opinionem Baronii , Ricimerum Arianum fuiſſe .

Sexta , tempore Herulorum quatuor ex Septem Urbis regionibus Catholicas extitiſſe , nempè 1. 3. 6. 7. reliquas verò tres , ubi erat Diaconia , prorsùs Arianas .

Septima , Muſivum opus non fuiſſe in Ecclefia à S. Gregorio expurgata ; quoniam , ſi ita fuiſſet , in decentiori loco hæretici nomen non reliquiſſet .

Octava continet ſitùs Suburæ deſcriptionem . Prolixiùs ipſum Nardinum loquentem nunc audiamus ; qui lib. 3. cap. 6. acerrimè tuetur , Suburam extitiſſe inter Ecclefiam SS. Petri & Marcellini , & Amphitheatrum Titi , Coloſſeum appellatum . Ait enim , ſe legiſſe in Rufo *Subura , & lupariæ* ; ac in Victore *Lupariæ in Subura* . Ex hoc deducit , velut ex validiſ-

ſimo argumento , in Regione ſecunda , ubi ſunt lupariæ , ibidem extitiſſe etiam Suburam . Ac juxta Varro- nis ſcripta major pars Suburanæ Tribus fuit Coelius Mons , & vice verſa in Coelii Regione , juxta præfatorum Ruſi , & Victoris dicta , Suburæ via fuit , quæ ſi recens fuiſſe aſſeratur , perneceſſè indagandus eſt modus , non ſolum extendendi Suburanam Tribum à S. Joanne in Laterano , & a S. Gregorio , ad S. Luciam in Silice , verùm etiam Cælimontanam regionem ad Ecclefiam S. Mariæ in Montibus , ac ultra ; quòd impoſſibile eſſe per ſe patet ; ipſe enim jam oſtendit , quòd Tribus Palatina , & Eſquilina adeò conjunctæ erant , ut earum Collium radices inter ſe connecterentur ; & Suburanæ Tribui è Coelio ad recentem Suburam ſe extendendi omnem adytum prohibeant . Secundò ex quatuordecim regionibus , tertia Iſidis & Serapidis dicta , & quarta Templi Pacis , ad invicem conjunctæ , eam ab Amphitheatro remotam aperte declarant . Secunda Regio è Coelio ad planitiem deſcendens Iſidis & Serapidis regionem finitimam habebat , quæ in Eſquiliarum parte à S. Matthæo in Merulana uſque ad S. Petrum in Vinculis , includendo Amphitheatrum , ſe extendebat , quare ab iſto Cælimontana ſejuncta erat : quæ etiam quartæ Regioni templi Pacis , ut dictum eſt , vicina fuit ; nam progrediens per Palatium , & Amphitheatri fines lambens , Metam ſudantem eidem Amphitheatro proximam , ac Titi arcum amplectebatur . Per quam igitur viam , per quem adytum , per quem Pontem (Nardinus exclamat) Cælimontana ad recentem tranſire Suburam potuit ?

Huic

Huic sententiæ Alexander Donatus eruditè, ac peracutè accurrit, tuendo contrariam; ac duabus præcipuè de causis movetur.

Prima ex Gregorio Magno desumpta est in 3. Dialog. cap. 30. qui, *Arianorum* (inquit) *Ecclesia in Regione Urbis hujus, quæ Subura dicitur, cum clausa usque ante biennium remansisset, placuit, ut in Fide Catholica introductis illic B. Sebastiani, & S. Agathæ Martyrum Reliquiis dedicari debuisset, quod factum est.* Ac in lib. 3. ep. 19. *Quia ergo* (inquit) *Ecclesia S. Agathæ sita, in Subura, quæ spelunca fuit aliquando pravitatis hæreticæ, ad Catholicæ fidei culturam, Deo propitiante, reducta est* &c. quæ Ecclesia sita est in illa Quirinalis parte, quæ Viminalem respicit, nunc sub Viridario Excellentissimæ Aldobrandinorum familiæ.

Secunda autem ratio elicitur ex Martialis Epigr. 19. lib. 10. in quo de Plinii Nepotis domo sic cecinit.

*Illic Orphea protinus videbis
Altum vincere tramitem Suburæ,
Udi vertice lubricum Theatri,
Mirantesque feras, ævemque Regis,
Raptum quæ Phryga pertulit Tonanti.*

Ex his antiquam Suburam à Clivo S. Lucie in Silice, ad *Pantanos* nunc vulgò dictos, ad Amphitheatrum Titi, ad Cæsaris forum, ad S. Agatham in Quirinali, & per consequens ad magnam Viminalis partem extendit.

At hæc adductæ rationes minimè quæstionem solvunt, talisque dilatio, vastitatem sapit. Primò Urbana Tribus quatuor fuere: Esquilina, quæ secundum Varronem, Esquilias capiebat, Collina Quirinalem, ac Viminalem, Palatina Palatinum collem, & Suburana Cœlium Montem; At

Par.I.

poterit ne (exclamat idem Nardinus) Subura Esquilinæ partem occupare, in qua nunc est S. Lucia in Silice, magnam Collinæ portionem, ac in se etiam Viminalis, & Quirinalis partem capiens, monti Cœlio à se distinctissimo, atque remotissimo, Suburanæ Tribus nomen, imponere? Præterea Cœlimontanæ Regionis Subura, Vicus semper extitit, ob idque minor, quàm una ex quatuordecim regionibus, quas divisit Augustus; sed eo modo Subura totam integram quartam Regionem cœpisset, magnam partem quintæ, videlicet Esquilinæ, partem sextæ, quæ est alta semita, partem tertiæ, quæ est Isis, & Serapidis, ac solummodo à Cœlimontana, in qua Victor, & Rufus eam ponunt, longè distaret. Perquirantur demum (subdit Nardinus) aliæ antiquæ Regionēs, & nulla tantæ amplitudinis invenietur. Quisnam legere, vel constanter asserere poterit, Carinas, Ceriolsensem, Pacis Templum, Forum Nervæ, Forumque Cæsaris, ac sexcenta alia ædificia, quæ in tam vasto spatio, ac diversis Regionibus sita sunt, in Subura extitisse? Præterea idem Nardinus, se cogitare minimè posse, ait, quænam causa impulerit duos tam diligentes indagatores, simulque scriptores quatuordecim Regionum, ut Suburam in secunda Regione, ad quam non spectabat, describerent, absque ne levi quidem mentione quartæ, in qua non extremitatem, sed umbilicum habebat, & ferè tota detinebatur. Observat tandem, quòd, si Umbilicus in secunda Regione locetur, & caput in tertia, quod fuit intra Amphitheatri limites, cætera membra à capite distantia abs-

K k

que

que monſtruoſitate collocari minimè poterunt .

Eccleſiam S. Agathæ ad Quirinalem , illam eſſe , de qua S. Gregorius loquitur , nemo eſt qui aſſerat , ſubdit Nardinus , cùm iſta in diverſo ſitu , etiam à recenti Subura poſita ſit ; Erro-
roneum eſt id ſuſpicari , multò magis credere . Quadringentas , plureſve antiquas Eccleſias jam extitiſſe , quæ ampliùs non extant , vel nomen im-
mutarunt , aſſeruit Martinellus in ſua Roma Sacra . Inter tot non abs re con-
numerari poteſt S. Agatha in Subura ; ſed certitudo , & evidentia elicientur ex Anaſtaſio in ea donariorum ferie ,
quæ Leo III. Urbis Eccleſiis fecit ; ſæ-
penumerò enim poſuit Diaconiam S. Agathæ abſque ulla denominatio-
ne , ſæpe Monafterium , vel Baſilicam S. Agathæ ſuper Suburam ; ac ſæpiùs alia Oratoria , vel Eccleſias S. Agathæ ,
videlicet : *Et in Diaconia S. Agathæ fe-
cit veſtem de Stauraci cum periclyſi de-
blattin.* Et infra ; & *in Monafterio San-
ctæ Agathæ Martyris ſuper Suburam fe-
cit veſtem rubeam alythinam.* Inferiùs :
*Immò & in Diaconia Sanctæ Agathæ fe-
cit coronam ex argento .* Et paulò infe-
riùs ; & *in Monafterio S. Agathæ Mar-
tyris , quod ponitur ſuper Suburam , ſimi-
liter fecit &c.* Deinde , & *in Oratorio
S. Agathæ , quod ponitur in Monaſte-
rio apud Africi , Caniſtrum ex argento
&c.* Et penè immediatè : *ſimulque &
in Oratorio S. Agathæ , quod ponitur in
Monafterio Templi , fecit Caniſtrum
ſimiliter .* Et infra : *Immò verò & ſarta
tectæ Baſilicæ B. Agathæ Martyris ſitæ
ſupra Suburam , quæ præ nimia vetuſta-
te jam emarcuerant , noviter reparavit .*
Inferiùs : *Porro in Diaconia S. Agathæ
Martyris fecit ipſe Sanctiſſimus Ponti-*

ſex Veſtem &c. Et tamen in Anaſtaſio
Diaconiarum , Titulorum , Monaſterio-
rum , Oratoriorum , aliorumque ædi-
ficiorum nomina diſtinctè ſemper ob-
ſervantur . Et quòd Monafterium ex-
titit , eodem tempore Diaconia eſſe non
potuit , quoniam Monachi non pote-
rant exercere munus , quod proprium
ſeptem Diaconorum erat ; & licèt in
veteri Eccleſia Diaconiſſarum Mona-
ſteria extiterunt : hæc ab Aurelianenſi
Concil. II. an. 533. celebrato , vide-
licet 263. annos ante Leonem III. à
Latina Eccleſia interdicta fuere . Hinc
abſque dubio pronunciandum eſt ,
Diaconiam S. Agathæ in Quirinali di-
verſiſſimam eſſe à Monafterio S. Aga-
thæ in Subura .

Ac ad demonſtrandum veriſimili-
tudinis argumentum idem S. Grego-
rius in præallegato lib. 3. Dialogorum
cap. 30. narrat ejuſdem Eccleſiæ San-
ctæ Agathæ dedicationem , introdu-
ctis in eam Reliquiis SS. Agathæ , &
Sebaſtiani . Et ferè ante annum in
Epift. 19. lib. 2. Indictione 11. ſcripta
ad Petrum Subdiaconum Campaniæ ,
ſe velle dedicare Eccleſiam ab Aria-
nis occupatam , ac in ea S. Severini
Reliquias deponere , ait , ideoque eaſ-
dem Romam mittendas . *Quia igitur
(inquit) Eccleſiam poſitam juxta domum
Merulanam Regione tertia , quam ſuper-
ſtitio Ariana diu detinuit , in honorem
Sancti Severini cupimus conſecrare ; ex-
perientia tua Reliquias B. Severini ſum-
moperè debita cum veneratione transmi-
tat &c.* De cujus Eccleſiæ in Sancti Se-
verini honorem factâ dedicatione
non conſtat , ac ferè eodem tempore
ipſum Pontificem duas conſecraſſe
Arianorum Eccleſias non apparet , id-
que abſque audaciæ nota affirmari ne-
quit .

quit. Imò hujus Ecclesiæ S. Agathæ consecratio, tanquam singulare Sancti Gregorii opus narratur ab Anastasio. A vero igitur alienum non est, quòd eadem Ecclesia, quæ in Sancti Severini honorem consecranda erat, supervenientibus aliorum Sanctorum venerabilioribus reliquiis, vel ex alia causa, in S. Agathæ honorem dicata fuerit. Quæ Ecclesia, quòd sita esset juxta Domum Merulanam, idest propè Ecclesiam Sancti Matthæi, jam in Merulana appellatam; jure denominari potuit super Suburam, ut meliùs infra ipse Nardinus demonstrare pollicetur.

Magnæ huic ambiguitati (idem sequitur) dedisse ansam creditur vetus Musivum opus, quod in ejusdem Diaconiae Sanctæ Agathæ Tribuna videbatur; teste Baronio in Annotationibus Martyrol. ad 5. diem Februarii: **FL. RICIMER. V. I. MAGISTER VTRIVSQ. MILITIÆ PATRICIUS ET EXCONS. ORD. PRO VOTO SVO ADORNAVIT.**

Quod Ricimerus Arianus fuerit, non constat. Sidonius in Panegyrico ad Anthemium, Suevum dicit: at Suevia unà cum aliis Occidentalibus Provinciis Valentiniano, & Gratiano Catholicis Imperatoribus subdita erat, ideo tanquam Catholicæ illo tempore reputandæ sunt. Exercituum Dux sub nonnullis Imperatoribus Ricimerus fuit in Aëtii locum Valentiniani III. tempore subrogatus: Anthemii Imperatoris gener evasit, & magnam Italiæ partem gubernavit; quare tanquam Catholicus probabiliùs reputandus est, licèt barbaris moribus indutus; ex his enim non deducitur, quòd Ecclesia ab ipso ornata Arianorum

fuerit. Sed concessò, quod talis fuerit, sola non fuit, neque fuit Ecclesia S. Agathæ supra Suburam. Jam vidimus (idem ait) tempore Herulorum (& tunc verè Arianismo Roma inquinata fuit) in quatuor solummodò ex septem Regionibus extitisse Catholicos, nempe in prima, tertia, sexta, & septima: reliquæ verò, præsertim quarta, ubi hæc erat Diaconia, ab Arianis occupabantur; & illa Ecclesia, quam Sanctus Gregorius ab Arianorum labe expurgavit, hîc non fuit, sed juxta domum Merulanam. Dato etiam, quod Ricimerus Arianus fuerit, Sanctus Gregorius in illa expurganda Ecclesia, ad hoc, ut omnem antiquam memoriam aboleret, & quasi Ecclesiam renovaret, Musivis ornavit operibus, picturisque. Ita habet epistola Hadriani Papæ ad Carolum Magnum de Imaginibus. Eà tempestate Musivis operibus sacrarum ædium tribunas ornare mos erat; si igitur (addit Nardinus) in S. Agathæ Diaconia nostri Patres musivum opus viderunt, inscriptionemque S. Gregorio antiquiorem, ipsa non fuit Ecclesia S. Agathæ in Subura ab eodem renovata; nam procul à vero est, tantum Pontificem in expurganda ab Ariana labe Ecclesia, decentiori, honorabiliorique loco hæreticam relinquere voluisse memoriam, cùm ipse Pontifex destructor, & everfor profanorum Gentilitatis monumentorum asseri possit, ac per consequens etiam hæreticæ pravitatis.

Orpheum à Martiali descriptum in recenti Subura ob solum nomen convenire Ecclesiæ Sanctæ Lucæ in Orphea, vel Sancti Laurentii in fonte, valdè infirma est conjectura.

Pro S. Lucia in *Orphea* legitur etiam aliquando in *Orthea*, neque à Donato negatur nomen Moenianum, five Pergula ad instar Septizonii non procul distantis, ac atiam quod fuerit in *Orphea*, accepto nomine ab aliqua Orphei statua, quod abs re minimè est; talem enim statuam fuisse perhibent in Thermis Trajani, aut Titi, quæ huc usque protendebantur. Innumeri tandem Romæ undique fontes erant, ut ab eorum aliquo S. Laurentii in Fonte nomen fortiretur; Veluti de uno fonte Domus Stellæ Poetæ, positæ in Subura, Martialis narrat lib. 12, Epigram. 3.

Vel si malueris, prima gradiere Subura,

Atria sunt illic Consulis alta mei.

Laurigeros habitat facundus Stella Penates,

Clarus Hyanthæ Stella sititor aquæ.

Fons ibi Castalius vitreo torrente superbit,

Unde novem Dominas sæpè bibisse ferunt.

Alium non absimilem asseri potest fuisse in Plinii domo juxta Suburam in Esquiliis cum Orphei statua, nec ob tam leves causas Suburæ situs, & magnitudo commutanda sunt. Sed, ut veritas elucescat, In fonte S. Laurentii ædes nominata fuit, ob venerabilem fontem, qui adhuc perennat, in quo idem Sanctus, Lucilli, forniciorumque crimina cœlesti lavacro expiavit. Parum mea interest (exclamat Nardinus) in descriptione Regionum, quæ in utriusque Imperii notitia legitur, Suburam in quarta Regione positam esse, cum mihi sat sit, Victo-

rem, & Rufum dissentisse; sed etiam Jovis Statoris Templum contra istorum assertionem extat; deinde sic sequitur.

Antiquam Suburam juxta Panvinium fuisse inter Palatinum, & Cœlium Colles in illa intercapedine, quæ ab Ecclesia S. Gregorii usque ad Constantini Arcum extenditur, dicendum est; sed aliter ipse Nardinus existimat, Varronis, & Festi dicta examinans. *A Pago potius Sucusano* (inquit Varro) *dictam puto Sucusam; nunc scribitur tertia litera B. non C. Pagus Sucusanus, quod succurrit Carinis;* ac Festus, *Suburanam Tribum antea Sucusanam per C. appellabant, ex nomine Regionis, nam partem imam illam quoque tradunt fuisse Sucusanam dictam.* Verrius autem ait, *se miratum esse, cur non à nomine Pagi Sucusani, in quo milites exercebantur; & infra: Verrius in alio libro, Suburam à Pago Sucusano dictam ait.* Hoc verò maximè probat eorum auctoritate, qui ajunt ita appellatam, & Regionem Urbis, & Tribum, à stativo præsidio, quod solitum sit succurrere Esquiliis, infestantibus eam partem Urbis Gabinis, indicioque esse, quod ea Tribus per C. litteram non per B. scribitur. Addit ad hæc: Vera aut adulterina sit derivatio, credidisse sufficiat, Succusanum Pagum, à quo Subura nomen sumpsisse fertur, eidem fuisse conjunctum. Exinde arguitur, eundem Pagum in Esquiliis extitisse, ubi præsidium contra Gabinos, Urbem infestantes, easdem Esquiliis succurrere consuevit, antequam tamen à Servio in Urbe includerentur; Postea verò non amplius Pagus, sed Vicus, ac ob id inter Esquilinæ Regionis Vicos connumeratur à Ruffo: Sed ista Regio nunquam Constan-

stantini Arcum, neque Amphitheatrum, neque ædem Sancti Clementis attigit, cum ab Iside, & Serapide pars illa occuparetur, imò neque ad Sanctos Petrum, & Marcellinum, quia illuc usque, aut paulò ultra, Isidis, & Serapidis templa progrediebantur. Vicus ergo Succufanus, qui in Esquilina, erat inter Sanctos Petrum & Marcellinum, ac Portam Prænestinam, nunc Majorem, per illam viam, quæ Labicana fuisse creditur, ac per consequens Subura, quæ exinde nomen desumpsit, cum Vico Succufano conjuncta esset; quare inter Sanctos Petrum & Marcellinum, ac Amphitheatrum Subura extitit. Ex præcitatis Festi verbis argumentum corroboratur. *Stativo præsidio, quod solitum est succurrere Esquiliis, infestantibus eam partem Urbis Gabinis.* Præsidium istius Pagi in Esquiliarum contra Gabinos defensionem ineptè inter Palatinum, & Coelium ponitur, sic enim ab Esquiliis, & Gabinis remotissimum extitisset; & è contra inter Sanctos Petrum & Marcellinum, ac Prænestinam Portam defensioni aptum fuisset. Hinc explicari potest Juvenalis, qui differens de Tyberino pisce, sic ait Satyr. 5. vers. 105.

*Aut glacie aspersus maculis Tyberinus
& ipse*

*Ternula riparum pinguis torrente
cloaca,*

*Est solitus mediæ cryptam penetrare
Suburæ.*

Piscibus facilis patebat aditus ad Cloacam maximam, ac in præcipua brachia, quæ in eam se exonerabant, quâ facilius poterant subitus permeare Suburam, inter Coelium, & Esquilias; at quòd inter Palatinum, & Coelium

permeassent, nulla ratio; vel simplex conjectura id suadet; sed Plinii Secundi domus (quæ, ipsomet teste in epistola ultima lib. 3., in Esquiliis erat: *Alloquitur Musam, ut domum meam in Esquiliis quærat*, ac juxta supracitati Martialis assertionem, ibi erat annexa Subura) penitus locum inter Coelium, & Palatinum fecudit, quòd Esquilias nunquam pervenisse patet.

Nec momenti est, Varronem scripsisse Suburam, *quæ sub muro terreo Carinarum, quia cum Caelio conjunctæ Carinæ, sed inter eas, quæ locum Cæroliensem appellatum apparet*: & inferius: *Cæroliensis à Carinarum junctū dictus Carinæ.* Carinarum nomen etiam Cærolienti inserviebat; qui erat ubi nunc est Titi Amphitheatrum, ad quod Suburæ caput pertingens, Succufanus Pagus per eam usque ad Carinas transire potuit; salvo tamen remanente, antiquissimarum Carinarum partem non fuisse Suburam, antequam tale sibi nomen adscisceret.

Tandem Panvinius deceptus Junii dictis à Varrone relatis, nempe: *Subura ab eo, quòd fuerit sub antiqua Urbe, cui testimonium potest esse, quòd subest ei loco, qui terreus murus vocatur*, sub Palatino Romuli veram Civitatem sitam fuisse credidit; sed antiqua Urbs, sub qua Subura erat, & Succufanus Pagus in Esquiliaram defensionem, antequam à Servio Tullio Romæ includerentur, jam Coelium ambiebat, ad quem aut à Romulo, aut à Servio jamdiu antea protensa fuerat; ideo Coelius non erat, ut Esquilias, à Gabinis incurfionibus agitato; nam murus terreus potius supra Coelium, quàm supra Palatinum fuit. Succufanus

nus Vicus Pagum denominari non potuisset, nisi inter duos fuisset Montes, muris inclusos, ut Romuli, ac Hostilii temporibus; quia in Romæ centro extitisset, dum Esquilix incursionibus obnoxia alio Pago, aliove, quod eas tueretur, indigebant auxilio.

Nec infirmum argumentum, addit idem Nardinus, mihi videtur esse, Plutarchi verba in Problemat. ubi de Equi capite Marti sacrato differit. *De capite verò inter se decertant alii de Sacra via descendentes, alii de Subura adversus eos impetum facientes*; cum oportet, utraque acies, uti ad invicem sibi obviam euntes, ac inter se confligentes, ex oppositis diametraliter viis discedere.

Idem copiosè à Festo narratur: *October (inquit) Equus appellatur, qui in Campo Martio mense Octobri immolatur quotannis Marti, bigarum Victricum dexterior; de cujus Capite non levis contentio solebat esse inter Suburanenses, & Sacravienenses, ut hi in Regiæ pariete, illi ad Turrim Mamiliam id figerent*. Ex quibus deducitur, quòd sicuti Regia, in cujus muro equi caput à Sacravienfibus figebatur, in Via Sacra erat, ita etiam Turris Mamilia in Subura fuit. Si verò certius indagetur argumentum: in Baronio ad annum 795. num. 29. legitur Ecclesia SS. Petri & Marcellini *de Subura*, ac in libro Anniversariorum Sanctissimi Salvatoris Lateranensis, Martinellus refert, erratè legi *de Secura*. At dicendum erit, alienam esse à SS. Petri & Marcellini Ecclesia, quæ adhuc extat juxtà S. Joannis Lateranensis. Sed quo speciali indicio, & quare? Solummodò ad suam tuendam sententiam Ecclesiam S. Agathæ in Monte Balnea,

Pauli, vulgò *Magnanapoli*, ab antiqua S. Agathæ in Subura non discrepare subdit, licèt non sit in recenti Subura, ac ab Anastasio diversa exprimatur.

Demum, quòd inclyta vetus regio locum permutaverit, idque non sine magno intervallo, non erit difficile judicatu illi, qui tot Barbarorum incursiones, quas Urbs passa est, benè perpenderit, ac signanter, facillimeque existimabit, id contigisse Gregorii VII. tempore, quando Roberti Guiscardi exercitus Romam ingressus in Pontificis defensionem, quicquid inter Capitolium, & Lateranum habitabile erat, evertit; unde tunc Suburæ cultores in alteram Esquiliarum partem se recepisse credibile est. Quare, cum Regio hæc in Suburanorum incolatum conversa esset, eversæ forte Suburæ nomen reviviscere cepit, eo modo, quo Burgi Regio denominatur etiam *Saxia*, quia Saxones eam inhabitaverunt: antiquus Vicus Tuscus à Tusciæ populis nomen traxit, qui è Cœlio Monte, quem colebant, in illam Vallem translati fuere.

In Subura Luparia, ac Lupanaria fuere; quod præter Rufi, & Victoris, qui hîc ea locant, ex innumeris Poetarum auctoritatibus probatur, Horatii præcipuè ode 5. Epod. cum antiquo Scholiaste, Propertii eleg. 7. lib. 4. Martialis diversis in locis, & aliorum.

Ob Populi frequentiam, locique amoenitatem inter præcipuas Urbis Regiones Subura connumerabatur. Quare Juvenal. Sat. 3. in Umbricii Sat. personam cecinit.

Ego vel Prochytam præpono Suburæ.

Quare tanquam amœnum ambulacrum in cam

Meretricantes Mulieres confluebant.
Efcu-

Esculentarium mercium frequens
inibi emporium erat. Martialis Epig.
30. lib. 7.

*Raucae Cortis aves, & ova matrum,
Et flavas medio vapore Chias,
Et sætum querulæ rudem capellæ,
Nec jam frigoribus pares olivas,
Et canum gelidis olus pruinis,
De nostro tibi rure missa credis.
O quam, Regule, diligenter erras!
Nil nostri, nisi me, ferunt agelli.
Quidquid villicus Umber, aut co-
lonus,
Aut Tusci tibi, Tusculivæ mittunt,
Aut rus marmore tertio notatum;
Id tota mihi nascitur Subura.*

Et Epig. 94. lib. 10.

*Hæc igitur, media quæ sunt mihi na-
ta Subura,
Mittimus Autumni cærea poma
mei.*

Ibique etiam horâ Vespertinâ furtivæ
res vendebantur, ut scribunt Arco,
& Porphyrius Horatii Scholiastes ad
Satyram 7. lib. 1. Ibidemque flagello-
rum Officina, ac Tonstricis, ut testa-
tur idem Martialis Epig. 17. lib. 2.

*Tonstrix Suburæ faucibus sedet pri-
mis,
Cruenta pendent qua flagella Torto-
rum.*

Suetonius Cap. 46. Cæsarem Suburam
coluisse narrat: *Habitavit primò in Su-
bura modicis ædibus.*

Omnis planities igitur inter Cœ-
lium, & Esquilias à SS. Petri & Mar-
cellini usque ad Amphitheatrum, Su-
bura denominata fuit, ac in Regione
secundâ Cælimontana extitit. Animad-
vertendum tamen est, fines ejus pro-
pe Amphitheatrum in Isidis & Sera-
pidis Regione fuisse. Huc usque Nar-
dinus. Audistis igitur quas unusquis-

que ex præcitatis Auctoribus rationes
afferat pro sua de Suburæ situ tuenda
sententia. Superest modò, ut ad ipsos
conciliandos (si fieri potest) meas affe-
ram conjecturas, quæ licet auctorita-
tibus careant, fortassè apud indagandæ
veritatis studiosos locum invenient.

Conveniunt Auctores ex Varro-
nis auctoritate, quòd Subura dicta
fuerit, quia sub muro terreo esset, ac
cum Martinello, locum istum ali-
quando dictum fuisse Summoenium,
quod idem est, ni fallor, ac Suburba-
num, unde Subura; quare Suburæ ety-
mon non a Pago Succusano, sed a Sub-
urbano corruptè contrà Varronis, &
aliorum sententiam desumi existimo.
Sed hîc statim audio contra me cla-
mantes, Varroni, & aliis Scriptoribus
utpote antiquissimis fidem non esse,
denegandam; sed increpantium pa-
ce respondeo: Varronem anno Urbis
conditæ 726. videlicet ante Christi
adventum 25. obiisse, ac scripsisse de
Historiis a suo tempore valdè remotis,
nempe de Collibus Quirinali, Vimi-
nali, & Esquiliarum intra Urbem in-
clusarum à Servio Tullio, qui præcef-
sit Varronem annos circiter 575. qua-
re non abs re est dicere, ipsum Varro-
nem in hujus nominis Etymologia er-
rasse, quòd concisè forsitan etiam tem-
pore Servii dictum fuerit loco *Subur-
bii, Suburæ*: Neque possumus præcisè
asserere, qualisnam fuerit Latina lin-
gua, transactis jam bis mille, ac ter-
centis annis. Junii dictum Varronis an-
tiquioris perpendatur, quod meam fo-
vet conjecturam: ille enim *Subura*, ait,
quòd fuerit sub antiqua Urbe. Hunc lo-
cum videtur declarasse Isidorus de
Originibus lib. 15. cap. 2. ubi: *Suburba-
na* (inquit) *sunt circumjecta Civitatis*
ædi-

edificia. Hanc meam conjecturam alia quoque ratione suffulcio.

Si Subura est locus Suburbanus, & sub muro terreo Carinarum; indagandum nunc est, quo nam loco fuerit; quod ita explico: Antequam Romana Urbs in decorem, & venustatem redacta fuisset, septem intra eam aderant colles, prout adhuc sunt, quorum nonnulli inter se adeò conjuncti erant, ut media Vallis valde angusta esset, quare ad illam amplificandam, ac planitiem eodem tempore efformandam, perneceesse fuit collis crepidines refecare, sicque illa pars refecti collis remansit, veluti murus terreus; si collis erat ex duro lapide, substructione non indigebat; si verò ex terra, indigebat substructione, scilicet lateritii, vel lapidei muri ad sustentandam terram; ut pluribus Urbis in locis observari potest, præsertim ubi nunc dicitur *Muro Torto*; ibi enim expressè visitur murus iste ad Montis crepidines situs, tam ad ipsum Montem, quàm ad Vallem complanandam constructus. Ex hac conjectura aliam deduco, nempe, omnibus in locis, in quos Suburæ nomen cadere potest, hujuscemodi muros terreos olim fuisse, postea verò lapideos, vel lateritios; ac, ut ulteriùs veritas appareat, eos recensendos existimo. Si Suburæ initium, sive caput constituamus penes Ecclesiam S. Hadriani in Foro nunc Boario, in ipso principio sinistrorsum erat murus terreus, qui Capitolium sustentabat: deinde, si ulteriùs procedamus per forum Nervæ, nunc Arcum *De' Pantani*, & per viam Baccinam divertamus, ibi erat alter murus terreus, qui sustentabat crepidinem Quirinalis collis; si ulteriùs progrediamur ad S. Mariam in

Montibus, ac flectamus ad sinistram, non procul ab hac via sinistrorsum inveniemus Ecclesiam S. Agathæ ad ejusdem Quirinalis radices, quæ pariter sub muro terreo sita est: si retrocedamus, & revertamur per viam rectam ante Ecclesiam S. Mariæ ad Montes in plateam Suburæ perveniemus: si ad sinistram tendimus, intramus in Vicum olim Lateritium non procul à S. Laurentii in Pane & Perna, in quo visuntur alii muri terrei: & si denuò retrocedamus ad plateam Suburæ, flectamusque ad sinistram, & ascendamus per clivum novæ viæ denominatæ *Gratiosa*, quæ anno præterito 1684. referata fuit, ad ejus viæ medium ad dexteram invenitur alius vicus, qui ducit ad Monialium Monasterium, vulgò *le Torchine*, noviter constructum. Prope igitur dicti Vici ingressum in angulo inchoata nunc est domus D. Domini Ciampini mei germani, ubi dum ipsius fabricæ effodiebantur fundamenta, repertus fuit antiquissimus murus reticulati operis, in quo adsunt tres magnæ concamerationes, & fortassis aliæ plures inventæ fuissent, si ulteriùs effossum essent. Omnes tamen terræ repletæ erant, ac Theatri formam, & prospectum præseferabant; sunt autem retro, ac supra Ecclesiam S. Laurentii in Fonte, olim in Vico Lateritio: istæ magnæ concamerationes musivis operibus ornatae erant, ut nonnullæ demonstrabant reliquiæ, & ad sustentandum collis à tergo imminentis terram inserviebant. Ante concamerationem in medio positam quadratus lapis ex marmore Pario ad instar columnæ basis inventus fuit aliquantisper acuminatus, in cujus medio foramen erat, ex quo in altum aqua erumpebat, prout

prout plumbeus aquæductus ibidem repertus testabatur. Una ex ipsis concamerationibus non solum simplici terrâ repleta, verum etiam Urnarum fragmentis, ac nonnullis cadaveribus brachiis extensis more Gentilium, & non in modum Crucis more Christianorum, magnisque regulis inclusa erat. Ante concamerationem sub dio, ac propè fontem tria statuarum fragmenta adinventata fuere, quorum unum Mulierem Bacchantem repræsentabat. Post hæc adinventata, præcitatum consideravi Epigramma 3. lib. 12. Martialis, ubi ad suum librum loquens ait:

*Fure tuo veneranda novi pete limina
Templi,*

*Reddita Pierio sunt ubi templum
Choro.*

Vel, si malueris, prima gradiere Subura;

*Atria sunt illic Consulibus alta mei.
Laurigeros habitat sacundus Stella
Penates,*

*Clarus Hyanthæ Stella sititor
aque.*

Fons ibi Castalius vitreo torrente superbit,

*Unde novem Dominas sæpè bibisse
ferunt.*

Ac aliud Epigramma; scilicet 19. lib. 10. in quo librum suum mittit ad Plinium, sicque ait:

*Neque doctum satis, & parum severum
Sed non rusticulum nimis libellum,
Facundo mea Plinio Thalia*

I perfer: brevis est labor; peractæ

Illic Orphea protinus videbis

Altum vincere tramitem Suburæ,

Udi vertice lubricum Theatri,

Mirantesque feras: avemque Regis,

Raptum quæ Phryga pertulit Tonanti.

Par. I.

Illic parva tui domus Pedonis

Celata est Aquilæ minore penna.

Ex quibus conjicio, istuc fuisse Suburanam viam, & Stellæ Poetæ domum, in qua atria, & fortasse Orphei statua erant, posterioribusque sæculis ædificium Orphei domum appellatam fuisse; de qua mentio fit à Benedicto Canonico in suo Cæremoniæ libro manuscripto, dum is Processionem narrat, quæ fiebat in die Purificationis è Laterano ad Sanctam Mariam Majorem, in qua aderat statio, sic inquit: *Pontifex cum aliis dicit Psalmos, & procedens discalceatus ante arcum Nervæ, intrat per Forum Trajani, & exiens arcum Auræ in porticu absidata ascendit, per domum juxta Eudossiam, & transiens per Siliicem juxta domum Orphei ascendit per titulum Sanctæ Prædix usque ad S. Mariam &c.*

Idem Benedictus Canonicus alteram describens Processionem, quæ fiebat in die Assumptionis Beatæ Mariæ Virginis, sic profectur: *Deinde transiunt juxta domum Orphei propter Basiliscum, qui tunc temporis latitabat ibi in caverna &c.* quæ duo Benedicti Canonici loca, unà cum Bacchantis statua ibidem reperta, proprium Orphei locum à Martiale descriptum, nobis indicant: Nam, si consideremus ipsius Bacchantis statuam, unam ex illis mulieribus, quæ Orpheum decoriarunt, repræsentare dicemus: & si ulterius terra effoderetur, fortasse aliæ Bacchantium statuæ, prout etiam ipsius Orphei, invenirentur: Quare existimandum est, locum istum ab eisdem statuis Orphei nomen desumpsisse.

Sed hic liceat ab instituto sermone aliquantisper deflectere: Diximus su-

pra, in Cærimoniali Benedicti Canonici legi: *juxta domum Orphei propter Basiliscum, qui tunc temporis latitabat ibi in caverna*; de hoc vide Bibliothecarium in Leonis IV. Vita. Hinc ego conjicio, in illis magnis concamerationibus, seu cavernis subterraneis, cadaveribus repletis, olim forsitan Basiliscum latitasse; unde processiones cogebantur ab eadem via deflectere, & aliam tenere, scilicet juxta Ecclesiam Sanctæ Luciae in Silice, quæ etiam in Orphea dicebatur, ac huic loco erat proxima. Sed unde discesserat, oratio revertatur.

His præsuppositis, in eodem etiam loco domus Orphei, murum terreum fuisse, conjici facile potest. Concludendum propterea esse judico, omnia supra relata loca ab initio muros habuisse terreos, deinde lapideos reticulati operis, ut sæpè in diversis locis animadvertitur.

Quare, cum extra Urbem essent aliquot ædificia, meritò hæc, Suburbia, & corrupto vocabulo, Subura denominata fuere.

Ut validiùs mea conjectura roboretur, perpendendum est, ut supra narravimus, in Subura olim Emporium fuisse, in quo omnis generis merces vendebantur. At non valdè distans ab Ecclesia Sanctæ Luciae in Silice, sive ad Orphea, quæ caput Suburæ existimatur, nunc est alia Ecclesia Sancti Viti in Macello: quid autem vox hæc *Macellum* denotet, ostendit Fulvius *De Antiquitatibus Urbis* lib. 2. cum, *Varia*, inquit, *est de Macello hoc Etymologia: Quidam id dictum putant Macellum Liviae. P. Victor scribit Macellum Liviani in 6. Urbis Regione; nec desunt, qui velint à Macello,*

idest eade Martyrum derivatum. Plura fuerunt in Urbe Macella, sed duo præcipua; Macellum magnum in Cælio monte, & Macellum Liviani in Esquilis, de quo nunc agitur. Macellum propriè locus est, ubi venalia omnia ad usum humanum contrahuntur. Plautus in Aulularia, „ Venio ad Macellum, inquit „ rogito pisces, indicant caros, Agni „ nam caram, Bubulam, Vitulinam, Cæ „ tum, Porcinam, cara omnia. Macellum verò à Macello quodam Viro dictum, qui in Urbe latrocinium exercebat, quo damnato, Censores Æmilii, & Fulvius statuerunt, ut, domo ejus diruta, obsonia ibi venderentur; redactis in Fiscum bonis. Aliqui tradunt, quòd ibi fuerit hortus, quem Lacedæmonii Macellum vocant, ab eo Macellum in foro. Hæc Fulvius: quare ambigi non posse autumo, locum istum fuisse illum, in quo variæ res vendebantur, ut innuit supracitatus Martialis. Hucusque de Subura propè Esquilias diximus.

Nunc perpendamus aliam Suburam in Quirinali, ad Pilam Tiburtinam, quæ, secundum laudati Martinelli sententiam, erat ad Circum Floræ, ubi nunc magnificum, ac celebre Barberinorum Palatium: ibi etiam erant muri terrei cum substructionibus.

Retrocedamus ad Amphitheatrum Titi, & observemus Suburam Nardini, sitam ab Amphitheatro usque ad Ecclesiam SS. Petri & Marcellini, & inveniemus etiam ibidem murum terreum cum substructionibus, qui sustentat collem Esquiliarum.

Hinc convertamus nos ad aliam Suburam Panvinii ad Arcum Constantini usque ad Septizonium, quod ante Ecclesiam Sancti Gregorii situm erat,

erat; & videbimus etiam duos muros, quorum unus imperiale Palatium, alter verò Ecclesiam, & vineam SS. Joannis & Pauli sustentat.

Tandem ad Theatrum Marcelli procedamus, prope quod est Forum Piscarium, ubi finis Vici Tusci, ac Janus quadrifrons: ibi etiam est murus terreus Capitolii prope Plateam Montanaram. Quare in hunc locum rectè applicatur Martialis Epigramma de Tonitrice, ac Juvenalis dictum de Piscibus, qui Suburam per cloacam subintrabant, quæ quidem cloaca per eandem Plateam etiamnum (ni fallor) transit, ac ante Viridarium Conventus S. Bartholomæi in Insula non procul à cloaca maxima in Tyberim ingenti gurgite se exonerat. Iis allatis conjecturis, alia, quam pro coronide affero, est, quòd Martialis in præcitato Epigrammate de Libro suo ad Stellam Poetam ait:

Vel, si malueris, prima gradiere Subura.
Ubi notanda hæc vox, *prima*, quæ licet à Domitio Scholiaste interpretetur pro prima parte Suburæ, attamen censéo intelligi debere, vel saltem posse, quòd plures essent Suburæ, ac illa denominaretur prima, quæ fortasse eo tempore antiquior erat. Si igitur ex his conjecturis plures fuisse Suburas admittatur, nulla erit inter præcitatos Auctores discrepantia, atque lis.

Intactam tamen relinquere nolo aliam a Varrone, tanquam propriam, deductam nominis Etymologiam, nempe: *a Pago Succusano Succusam*, ac suo tempore per Litteram B. non C. Pagum Succulanum scribi consuevisse, quia succurrebat Carinis. Hic Lectorem rogo, ut hunc locum attentè perpendat. Si littera C. in B. fuit com-

Par. I.

mutata, loco *Succusæ* dicendum erat *Subusæ*; sed quum vox ista nil denotet, autumo, ab Amanuense errorem codicibus manuscriptis irrepsisse, tam in tertia, quàm in quinta litera, nempe in tertia, quæ erat B. ut scribit Varro, in quinta verò R. quibus literis sic restitutis, resultat vox *Subura*. Voluit enim (ni fallor) Varro suam proferre sententiam, Suburam à Pago Suburano (videlicet Suburbano) dictam fuisse, in quo aderat militum præsidium ad succurrendum Carinis.

Verrius autem citatus a Festo, qui floruit sub Tiberio, desumpsit a Varrone, sed illius dicta conturbavit; nam ait, quod Subura a Pago Succusano dicta fuerit, ac ita etiam appellata Regio, & Tribus a stativo præsidio, quod solebat succurrere Esquiliis, infestantibus eam partem Urbis Gabinis, eâ ratione, quia adhuc ea Tribus per litteram C, non per B scriberetur. Perpendatur etiam istius assertio, qui tanquam Grammaticus statim Orthographiam corrigit, addens unam litteram, nempe C, ac scribens Succusam, ad confirmandam sententiam suam, quòd vox *Suburæ* derivet à verbo *Succurrere*.

Quintilianus etiam lib. I. cap. 13. de hac eadem voce sic scribit: *Suburra cum tribus literis notatur, C tertiam ostendit*. Quid verò denotare voluerit Quintilianus, Lector judicet; observet tamen, quòd ille, tanquam Grammaticus voci Subura addit unum R contra Inscriptiones antiquas marmoreas, a Martinello relatas, quibus demonstrat, unicâ literâ R Suburam scribendam esse, ut supra retulimus.

Paulus verò Diaconus, qui vixit nono Christi sæculo, à Festo desumpsisse videtur, dum scripsit: *Subura Re-*

Ll 2

gio

gio Romæ a Pago Succusano vocabulum traxit, quod ei vicinum fuit.

Omnia, etiam minima indicare volui, ut suam Lector sententiam certius promere possit, quæ, si opinioni meæ adhæreat, nempe, plures fuisse Suburas, lis absoluta est, ac pax inter Auctores inita.

Modò ad secundum argumentum à Nardino allatum accedamus; cùm ad primum de Suburæ situ, pleno calamo jam responderimus. Nardini igitur sententia hæc est: *Nostram Ecclesiam illam minimè esse, cujus meminit D. Gregorius: plures enim ait in honorem hujus Sanctæ Ecclesias dedicatas fuisse, quæ ad præsens non extant, aut alio nomine insignitæ sunt.*

Sed antequam Nardini objectionibus responsum demus, audiamus ipsum Sanctum Gregorium sic in cap. 30. Dialog. lib. 3. loquentem: *Sed neque hoc sileam, quod ad ejusdem Ariane hæreseos damnationem in hac quoque Urbe ante biennium Pictas superna monstravit: ex his quippè, quæ narro, aliud populus agnovit, aliud autem Sacerdos, & Custodes Ecclesiæ se audisse & vidisse testantur. Arianorum Ecclesia in Regione Urbis hujus, quæ Subura dicitur, cùm clausa usque ante biennium remansisset, placuit, ut in Fide Catholica, introductis illic Beati Sebastiani, & Sanctæ Agathæ martyrum Reliquiis, dedicari debuisset: quod factum est: Nam cum magna populi multitudine venientes, atque Omnipotenti Domino laudes canentes, eandem Ecclesiam ingressi sumus. Cùmque in ea jam missarum solemnità celebrarentur, & præ ejusdem loci angustia populi se turba comprimeret, quidam ex his, qui extra Sacrarium stabant, porcum subitò intra suos pedes*

huc illucque discurrere senserunt: quem dum unusquisque sentiret, & juxta se stantibus judicaret, idem porcus Ecclesiæ januas petiit, & omnes, per quos transit, in admirationem movit: sed videri à nullo potuit, quamvis sentiri potuisset. Iterum ipsum audiamus in Epist. 16. lib. 3. indict. 12. ita differentem: Locorum venerabilium cura, nos admonet de eorum utilitate per omnia cogitare: Quia ergo Ecclesia Sanctæ Agathæ sita in Subura, quæ spelunca fuit aliquando pravitate hereticæ, ad Catholicæ Fidei culturam, Deo propitiante, reducta est: Ideo hujus auctoritatis tenore commotus, pensiones omnium domorum in hac Urbe constitutarum, quas prædictam Ecclesiam temporibus habuisse Gothorum constiterit, annis singulis congregare non desinas, & quantum in sartis tectis, vel luminaribus, aliæque reparatione ejusdem Ecclesiæ necessarium fuerit, erogare modis omnibus studebis. Quidquid verò exuberare potuerit, fideliter te rationibus Ecclesiasticis inferre præcipimus. Ex præcitatis igitur locis clarissimè deducitur, S. Gregorium de Ecclesia Arianorum, scilicet Gothorum, sita in Subura, in honorem S. Agathæ dicata, differere.

His præmissis respondeo, nostram Ecclesiam in Regione Suburæ esse (scilicet in antiqua Subura, non autem in hodierna, quia aliter se res haberet) ut supra probavimus. Quòd esset Arianorum etiam Ecclesia, ipsa Inscriptio patefacit, cùm Fl. Ricimerus, ut infra ostendam, Natione Gothus, & per consequens Arianus fuerit, ac Gothorum Natio tunc Arianismo maximè polluta, ut ostendit Baronius ad an. 370. num. 105.

Quòd esset Natione Gothus, eruitur

tur a Sidonio, sic eum describente in *Panegyrico ad Anthemium*.

*In Regnum duo regna vocant: nam,
patre Suevus,*

*Ac Genitrice Gethes: simul & remini-
scitur illud,*

*Quod Tarteſſiacis avus hujus Wallia
terris*

*Vandalicas turmas, & juncti Mar-
tis Alanos*

Stravit &c.

Sidonium ſequutus eſt Sigonius *De Occidentali Imperio* ad ann. 454. ubi ſic: *In ejus locum ſubſtitutus eſt Ricimer Suevus, ut inquit Sidonius; nam, alii Vandalum prodiderunt, qui genus maternum ad Valliam Gothorum Regem proximum referebat.*

Cùm ergo Ricimerus ex materna proſapia deſcenderit a Vallia Gothorum Rege, qui Arianus fuit: ipſe quoque Ricimerus uti talis reputandus eſt, eò magis, quòd plures id aſſerunt Scriptores: quare, hoc poſito, ipſam etiam S. Agathæ Eccleſiam ab illo muſivis operibus decoratam, Ariano- rum templum fuiſſe, haud eſt ambigen- dum, atque adeo illud eſſe, de quo S. Gregorius diſſerit, cùm ſit in Re- gione Suburæ, ut eſt demonſtratum.

Nec ſubſiſtit Nardini aſſertio: Nemp- pe, Ricimerum Arianum fuiſſe mini- mè apparere, Sidoniumque in *Pane- gyrico ad Anthemium*, Suevum ap- pellare; quare, cùm Suevia cum aliis occidentalibus Provinciis Valentinia- no, & Gratiano Catholicis Principibus ſubdita fuerit, cum Catholicum exiſti- mandum eſſe. Hæc Nardini aſſertio, tanquam frivola rejicienda eſt, cùm nihil probet, quoniam Sueviæ duæ ſunt; & ex quanam Suevia Ricimerus fuerit, Nardinus non aſſerit. Una enim

ea eſt, quæ magnam illius Regionis partem (per quam Suevus labitur flu- vius) continet, nimirum Provincias Mechelburgiam, Pomeraniam, & Marchiam. Altera verò Suevia eſt Provincia ampla Germaniæ, Baviaræ- que contermina. De iſta autem ego lo- cutum fuiſſe Nardinum judico; de pri- ma verò ſuam duxiſſe originem Ri- cimerum, eamque Sueviam tunc tem- poris Arianam fuiſſe. Scio, proban- dum eſſe hîc a nobis, Sueviam a Go- this fuiſſe inhabitatam; ſed difficil- ima admodum hujusmodi redditur probatio, cùm de Gothiſ, quinam ipſi fuerint, inter Scriptores valdè diſce- ptetur, ut fuſè demonſtrat Cluverius in ſua *Germania antiqua* lib. 3. cap. 34. Ideo calamum, in hoc dilucidando dubio, ſuſpendo, ne a brevitatîs ſco- po nimium diſcedam.

Admiſſo etiam, quòd Suevia fue- rit Catholica, non per hoc ſequitur, quòd fuerit libera, & immunis ab om- ni hæreſi, quoniam inter Catholicos aliquando nonnullos Hæreticos mix- tos fuiſſe, probatione minimè indi- get, cùm meridianâ luce clarius ſit. Quare concludo, non ob id, quòd Sue- via fuerit Catholica, etiam Ricime- rum Suevum fuiſſe Catholicum, cùm potuerit eſſe Arianus. Fatetur ipſe Nardinus, Herulorum tempore in- quatuor tantum ex ſeptem Regionibus Catholicos fuiſſe, in reliquis verò tri- bus Arianos habitafſe. Si verò quæra- tur: omnes iſti Ariani, qui Romam co- lebant, erantne Romani, vel ex unica tantum Natione? Reſpondendum pu- to, non ſolum Romanos, ſed etiam alios ex cæteris Nationibus ſimili Ari- niſmi labe inquinatos fuiſſe, inter quos eſſe potuiſſe prædictum Ricimerum.

Ad

Ad tertium Nardini argumentum, Diaconiam nempe, de qua est sermo, diversam esse a Monasterio S. Agathæ in Subura, facilis est responsio; Nam tota argumenti vis consistit in asserendo, Anastasium pluribus in locis simpliciter Diaconia S. Agathæ mentionem fecisse; quando verò de Monasterio sub ejusdem Sanctæ denominatione, ipse Anastasius loquitur, Suburæ vocem addidisse. Insuper laudatus Nardinus suam prosequitur orationem, dicens, illam Ecclesiam, quæ Monasterium erat, minimè potuisse, eodem tempore Diaconiam esse.

Quibus Nardini conjecturis sic respondeo. Nihil officit, quòd, quando Anastasius loquitur de Monasterio Suburæ, denominationem addat: quoniam hanc adjectionem Bibliothecarius apposuit, ut illud ab altero Monasterio distingueret, in ejusdem Sanctæ honorem dicato, quod dicebatur *apud Affrici*.

Quare, cum vicina esset Diaconia sub ejusdem Sanctæ nomine, illa nullà indigebat distinctione. Quo verò ad alteram conjecturam, nempe, quòd Diaconia erat diversa à Monasterio, etiam respondeo, nos cum eodem Nardino unanimes esse, idque comprobamus ex descriptione Urbis relata a R.P. Mabillonio Tom.4. Analect. p. 507. ubi Diaconiam, prope Monasterium fuisse demonstratur. Si igitur Monasterium erat in Subura, Diaconiam etiam in eadem Regione fuisse, asseri posse puto ob ejus vicinitatem.

Quartum Nardini argumentum desumptum est ex Epistola 19. lib. 2. Indict. 11. S. Gregorii, qui Petro Subdiacono Campaniæ sic scribit: *Còr nostrum pia Divinitatis inspiratione com-*

pungitur, loca quondam execrandis erroribus deputata in Catholica Religionis reverentiam dedicare. Quia igitur Ecclesiam positam juxta domum Merulanam Regione tertia, quam superstitio diu Ariana detinuit, in honorem S. Severini cupimus consecrare, experientia tua Reliquias B. Severi summo perè debita cum veneratione transmittat: quatenus quæ nostris animis perficienda decrevimus, implere Omnipotentis gratia suffragante possimus. Ex hac epistola, ut supra narravimus, Nardinus deducit, nullam extare memoriam consecrationis hujus Ecclesiæ S. Severini; ac absque insignis audaciæ nota asseri minimè posse, S. Gregorium duas Ecclesias consecrasse, unam S. Severino, alteram S. Agathæ. Sed quàm frivolum hoc illius argumentum sit, nemo non videt.

Quum enim Nardinus dixerit, tres ex Urbis Regionibus Arianismo coinquinatas fuisse, unicam tantum Ecclesiam ab Arianorum labe expurgatam ait; an hoc verisimile sit, Lector judicet; equidem puto, plures fuisse, in ipsius Regionibus Ecclesias simili Arianâ labe coinquinatas, ac à S. Gregorio, ut præfertur, expurgatas, sed illarum memoriam periisse. Præterea in hac ferenda sententia Nardinus oblitus est adagii: *distingue tempora, & concordabis Scripturas*. Supradicta enim epistola ad Petrum Subdiaconum Campaniæ scripta est Indict. XI. quæ incidit in annum 593. ac ipsius Epistolæ tenor respicit futurum, nempe, quòd transmittat Reliquias; quare Ecclesiam videtur velle consecrare; sicque Ecclesiæ consecratio, vel eodem anno 593. vel sequenti peracta fuit. Dialogorum autem liber à S. Gre-



TAB · LXXVII.



S · IACOBVS ALPHEI · S · SIMON ZELOTES · S · IACOBVS · S · IVDASIA · S · IOHANNES



S. Gregorio verisimiliter compositus fuit eodem anno 593. ut ex ejus epistola 50. lib. 2. Indict. XI. quæ cadit in eundem annum : cujus Epistolæ tenor est : *Fratres mei , qui mecum familiariter vivunt , omni modo me compellunt aliqua de Miraculis Patrum , quæ in Italia facta audivimus , sub brevitate scribere &c.* Supposito, quod D. Gregorius per hæc tempora Miracula scripserit, animadvertendum est, ipsum in eodem lib. 3. *Dialog.* cap. 30. differere, quod *ante biennium* Ecclesiæ in Subura fuerit ab Ariana hæresi expurgata: sic id accidisse colligitur anno 591. & ideo ante consecrationem Ecclesiæ S. Severini; quod etiam aliâ conjecturâ firmatur, nam in lib. 3. Epistolarum Indict. XII. scilicet 594. Epist. 19. scribit idem Pontifex Leoni Acolyto, cui Ecclesiam S. Agathæ commendat: ex cujus Epistolæ lectione deducitur, jam antea ipsam Ecclesiam consecratam fuisse.

Quinto argumento, in quo Nardinus negat, Ricimerum Arianum fuisse, jam supra respondimus, quando de secundo disseruimus.

Sextò asserit, tres prorsus Regionēs fuisse Arianas. Hoc argumentum potius contra illum, quàm contra nos facit, ut diximus in quarto.

Septimo argumento, in quo ait, aliam, non hanc Ecclesiam a S. Gregorio ab Arianorum labe expurgatam, eò quod aliàs hæretici Ricimeri nomen non reliquisset in decentiori loco, sic responderi commodè posse existimo. Veteres Pontifices non adeo proclives fuere in abolendis Gentilium memoriis, quin cùm Catholicæ Fidei non repugnabant eas tolerarent. Nam usque ad nostra tempora vidi-

mus in Basilica Siciniana, de qua supra Capp. VII. & XXVII. disseruimus, varias extitisse profanas figuras, quæ fidelium mentes a devotione avertebant: nihilominus cùm Ecclesiæ ornatum respicerent, illas relictas fuisse. Idem dicendum arbitror de nomine Ricimeri, relicto in musivo opere, quod, cùm non esset nomen antesignani hæretici, ibi relictum fuerit, ne musivum opus deturparetur. Aliam addi posse conjecturam judico, nempe Ricimeri nomen in Catholicorum exemplum relictum fuisse, ad eos edocendos, qualiter erga Divinum cultum Ecclesiarumque ornatum ipsi se exhibere deberent, cùm & Hæretici hoc facerent.

Octavum diximus in Suburæ descriptione consistere; sed de hac satis disseruimus.

Nobis ab enodando hoc diversarum opinionum nodo tandem liberatis, superest, ut ad musivi operis explicationem pro instituto deveniamus.

Hujus Musivi operis, quod suâ vetustate consumptum, ruit anno 1592. memoria penitus periisset, nisi sedula diligentia Francisci Peña Sacræ Rotæ quondam Auditoris, illiusque Decani, antiquorum monumentorum amantissimi, occurrisset, illudque antequam periret delineari jussisset. Ab ejus exemplari, quod nunc in Bibliotheca Vaticana asservatur, aliud nos diagramma fieri curavimus aliquantulum à prototypo immutatum, cùm in illo singulæ Apostolorum figuræ sint separatim expressæ, ad altitudinem unius palmi Romani & ultra: Nos illas in unum collegerimus, ut verisimiliter in ipsa Tribuna extabant; hoc videre est in Tab. LXXVII.

Cùm

Cùm quid figuræ ipsæ repræsentent, ipsa epigraphe indicet, colores tantummodò describere debemus, quibus impressoria ars destituitur.

Vestium colores, ut in Vaticano exemplari cernuntur, sic se habent. Christi tunica versicolor est; nam ubi ex umbris obscurior est, ceruleus, ubi verò clarior, albus color apparet. Stola crocei, pallium coccinei, Monogramma itidem crocei, Sandaliorumque ligamina nigri coloris sunt; Apostolorum vestes in coloribus à veste Christi minimè discrepant. Stolæ tamen carulei, palliaque cinericii, monogrammata coccinei, ligamina sandaliorum nigri coloris itidem sunt. Hæc de coloribus. Modò ad alia animadversione digna descendimus, scilicet ad figurarum explicationem. In medio est humani generis Salvator Christus Dominus noster, qui globo insidens dexteram pectori admotam, palmam verò expansam habet, ac si benedicat, & sinistrâ librum tenet. Pari modo eundem Redemptorem nostrum expressum observo in Tribuna Musivi operis constructa a Pelagio II. in Ecclesia S. Laurentii in Agro Verano, & in alia Tribuna Ecclesiæ S. Theodori, de quibus suo loco differemus. In uno aliæ figuræ ab hac differunt, nempe quòd loco libri hastam cum parva Cruce in summitate tenent. Quid autem denotet globus illè, in quo Christus sedet, explicandum est. Prisci Christifideles per globum illum orbem terrarum indicare voluerunt, Christumque super illum insidentem, scilicet dominantem, necnon triumphantem, ut Crux demonstrat, quæ trophæi nota dici potest, ob partam de diabolo victoriam.

Ad Christi lævam stat S. Petrus, in cuius icone duo notanda sunt. Primum, capillitium, tres in ordines, sive circulos distinctum: quod mysterii expers minimè est; nam aliam similem Imaginem cum pari capillorum ordine Urbani V. tempore, scilicet circa annum 1362. depictam asservari in archivo Vaticanæ Basilicæ narrans Turrigius in suis *Cryptis Vaticanis* pag. 76. hoc simul hieroglyphicum explicat, dicens, per hunc triplicem capillorum ordinem denotari triplex Regnum, de quo infra, quum fortasse de tribus clavibus differemus, aliqua dicenda sunt.

Secundum in D. Petri figura notandum est, quòd unicam tantum clavem in manu tenet contra inveteratum morem illum pingendi cum duabus clavibus, ut demonstravit Alemannus in suis *Lateranensibus parietinis*, Cap. IX. ubi plura affert numismata sive signa, quorum duo tantum adduco, cum reliqua apud præcitatum Auctorem videri possint.

Primum est Victoris II. qui floruit Anno 1054. Secundum verò Alexandri II. qui Victori penè synchronus fuit. Eadem signa in eorundem Pontificum vitis a Ciacconio etiam relata, ne præcitatos Auctores adire quis cogatur, sub oculos pono in eadem Tabula LXXVII. figur. 1. & 3. ubi unicam tantum clavem; at in fig. 2. tres claves simul annulo inclusas præ manibus S. Petrus habet. Huic Hieroglyphico duo alia eddere possem, quæ brevitatis gratiâ omitto, ac curiosum Lectorem ad laudatum Alemannum ablego.

Quid autem unica tantum denotet clavis, S. Ambrosii auctoritate sufful-

tus Petri fidem denotare autumo: quæ conjectura, Victoris II. numismatis allati inscriptione, confirmari potest, nempe: *Tu pro me navem reliquisti, suscipe clavem*, scilicet: cum tanta fuerit tua fides in relinquenda nave, accipe nunc supremam auctoritatem, in fidelium animas: ut innuit alterius etiam numismatis Alexandri II. inscriptio, quæ sic: *Quod nectes nectam, quod solves ipse resolvam*.

Audiamus nunc ipsum Divum Ambrosium in fine sermonis *De jejunio Elie* sic loquentem: *Ecce video Cælos apertos, & Stantem Jesum ad dexteram Dei*. Ergo cui clausi sunt Cæli, agendum est, ut aperiuntur illi, quatenus super Cælum Christum possit aspicere: Nam quamdiu clausi sunt homini, Christum non potest videre regnantem. Quemadmodum autem clausi cæli aperiendi sunt, inquirere nos oportet. Puto autem, aliter eos aperiri non posse, nisi claves Petri Apostoli sumpserimus, quas Domino largiente suscepit, sicut ipse dixit: *Tibi dabo claves Regni Cælorum*. Immo rogemus Petrum, ut ipse nobis tamquam bonus Fanitor Regiæ Cælestis aperiat. Quæ autem ista clavis sit, diligentius requiramus. Clavem Petri, fidem esse dixerim Petri, per quam Cælos aperuit, penetravit inferna securus, maria calcavit intrepidus: Sancta enim Apostolicæ Fidei virtus est, ut cuncta illi elementa pareant, hoc est, non illi Angelicæ claudantur janux, non portæ prævaleant tartari, non aquarum fluenta subsidant. Ista autem ipsa clavis, quam fidem dicimus, videamus quemadmodum constet, & quemadmodum solida sit: Arbitror, illam duodecim Artificum operatione conflata: Duodecim enim Apostolorum Symbolo fides Sancta concepta.

Par. I.

est, velut periti Artifices in unum convenientes, clavem suo consilio conflaverunt: Clavem enim quandam ipsum Symbolum dixerim, per quod referantur diaboli tenebræ, ut lux Christi adveniat: aperiuntur conscientie clausa peccata, ut justitiæ fulgeant opera manifesta. Igitur hæc clavis ostendenda est fratribus nostris, ut ipsi tanquam discipuli Petri inferna sibi referare, cælos aperire consuevant.

Alterà verò unius clavis Apostolorum Principi Petro datæ explicatio assignari potest: nempe denotari per hoc Symbolum clavem illam David, de qua Divinitatis intimus contemplator S. Joannes Evangelista in *Apocalypsi* cap. 3. versu 7. loquitur sic: *Qui habet clavem David: qui aperit, & nemo claudit: claudit, & nemo aperit*. Hunc Sacræ Scripturæ textum diversorum Patrum, & piorum Theologorum auctoritate sic explanat Cornelius à Lapide: *Clavis David est refferatio, & intelligentia Sacræ Scripturæ, & omnium Prophetarum, inter quos David genere, gestis, regno, vaticinio eminuit, & ad vivum mysteria Christi expressit: ut qui Davidem intelligat, ceteros Prophetas facile intelligere possit*. Sic enim Luc. 2. 52. dixit Christus Scribis: *Tulisti clavem scientiæ*. Hæc de unica clavi dictum sit.

Duas alii claves eidem apponunt, literalis sensui Sacræ Scripturæ se accommodare volentes, nimirum, supra citato loco Matthæi cap. 16. 19., ubi dicitur: *Tibi dabo claves Regni Cælorum, & quodcumque ligaveris super terram, erit ligatum & in Cælis, & quodcumque solveris super terram, erit solutum & in Cælis*. Duas, inquam, apponunt claves; per unam enim dixerunt

M m deno-

denotari Scientiam, per alteram verò Potestatem claudendi, & aperiendi, scilicet ligandi, & solvendi, ut tradit Magister sententiarum lib. 3. dist. 18. quem sequutus est Angelicus Doctor S. Thomas Aquinas *In 3. lib. Sentent. dist. 18. quest. 1.* ubi de clavibus sic. *Claves istæ sunt non corporales, sed spirituales, scilicet discernendi scientia, & potentia judicandi, idest, ligandi, & solvendi, qua dignos recipere, indignos debet excludere à Regno Ecclesiasticus Judex. Qui sicut habet jus ligandi, ita & solvendi. Unde Ambr. Dominus par jus solvendi esse voluit, & ligandi, qui utrumque pari conditione permisit. Ergo qui solvendi jus non habet, nec ligandi habet. Et infra. Certum est, quòd Ecclesiæ utrumque licet, hæresis utrumque non habet. Jus enim hoc solis permisum est Sacerdotibus. Rectè ergo Ecclesia hoc sibi vindicat, quæ veros Sacerdotes habet. Hæresis vindicare non potest, quæ veros Sacerdotes non habet. Hæc breviter dicta de duabus clavibus sufficiant; modò de tribus explanationem dabimus.*

Laudatus Alemannus in dicto cap. 10. tres claves sic exponit: Triplici ergo clave cum amplissimam Petri potestatem majores adnotaverint, quid præter geminum illud ligandi, solvendi que jus, ulterius innuerunt? Scilicet senserunt potestatem illam, quæ ad continendam in officio Christianorum Rempublicam Petro concessa est, jure suo longè latèque manare, extendique cum opus est, ad civilem quoque statum temperandum, qui tum optimè temperatus, ordinatusque putatur; cum ne latum quidem unguem à pietate discedit, qua una & uno animorum bono civile omne negotium metitur Christiana Religio. Tertiæ igitur classis

munus est illud, quod ex ligandi, atque solvendi jure consequitur, nempe sæcularia ad spiritualia dirigendi auctoritas. Earundem trium clavium alteram nobis suggerit explicationem eruditissimus Raynaudus in suo tractatu De Corona Romani Pontificis, sub prænotione 4. §. Et juxta, ubi fusè nostras confirmat assertiones, nimirum: Ad clavem primam pertinet reformatio, sive propositio veræ doctrinæ. Eam quippe propositionem Christus ipse Lucæ 11. expressit nomine clavis Scientiæ, cum dixit, Ve vobis Phariseis, qui accepistis clavem Scientiæ, idest quibus in vestro supremo capite data est potestas directiva, seu legislativa, & consequenter correctiva delinquentium. Ad clavem tertiam pertinent functiones aliæ in reformatione adequata incluse, quibus & dispensationes, & Sacramentorum administrationes, ac hujusmodi alia continentur. Et juxta hoc, ut significaretur omnes has inadequatas potestates integrasse unam plenam Sancti Petri potestatem in universam Ecclesiam, olim (seclusa etiam clave inferorum, quam Ecclesiæ præter claves vitæ tribuit creditam Augustinus homil. 2. in Apocal.: ea, inquam, clave seclusa, quæ à Deo non est collata, sed ab unoquoque sibi perversè fabrefacta;) ternæ claves S. Petro appingi solebant. Passim tamen nonnisi binæ claves S. Petro appinguntur, & quidem una aurea, alia argentea, ut ex multis Ecclesiis Romanis, & portis variarum Italiæ Civitatum, ac insignibus Pontificum notat Molanus lib. 3. de Imag. cap. 21. auream referens ad potestatem judicariam in foro poenitentiae, argenteam verò ad potestatem vibrandi excommunicationem. Dixerim potius, hoc clavium binario exprimi duo illa vulgata membra, clavium scien-

scientiæ, & potentiæ; comprehendendo sub potentia Judisdictionem, & omnia ad eam paulò ante reducta. Et infra: Est verò longè manifestissimum, quomodo claves adequatè sumptæ, ac ut comprehendentes functionem referendi infallibiliter mysteria Fidei, sive docendi Veritates revelatas, specialiter solo Petro, ejusque Successoribus sint commissæ. Et paulò inferiùs: Tametsi enim alibi, datus legitur cæteris quoque Apostolis, & sequentibus illos Sacerdotibus, clavium usus; non tamen in ea plenitudine, ac excellentia, qua datus est Petro; ita, scilicet, ut claves extendantur ad omnes functiones supremæ potestatis fidelium, rectoris, & nominatim ad potestatem ordinariam irretractabiliter tradendi doctrinam Fidei. Hæc de clavibus, quæ licet aliquibus fortassis pluribus verbis dicta, quàm par esset, videantur,

maluimus tamen in re non parvi momenti locupletes esse. Modò ad alias earundem figurarum explanationes deveniamus.

Inter alias figuras notandus est Sanctus Philippus, qui in capite tonsuram habet, quam primo aspectu calvitiam esse putabam, sed ostensâ figurâ R. P. Josepho Mariæ Thomasio sæpè citato, ipse indicavit mihi Baronii locum ad ann. 394. num. 4. ubi Theodosii Senioris numisma refertur, cujus in antica ipsius Imperatoris Imago est, in postica verò (ut ipse Baronius asserit) S. Joannes, & S. Philippus ambo Apostoli, ambo tonsurati cernuntur, qui tamen potiùs Arcadius & Honorius ipsius Theodosii filii ab aliquibus esse putantur. Hujus numismatis exemplar, ne Baronium adire cogaris, habes hîc:



Notandæ etiam sunt in musivis figuris literæ, sive characteres, aut signa in vestibus. At de his differuimus supra cap. XIV. *De Monogramm. L. &c.*

Pariter observatione digna videntur volumina, quæ omnes Apostoli præ manibus tenent. Sed de his etiam differuimus cap. XVI. *De Evangeliorum volumine &c.*

Ad coronidem hujus de antiqua Ecclesia Dissertationis, vetustam admo-
Par. I.

dum Inscriptionem, in ea olim extantem, à Martinello primùm, ac postea ab Aringhio in sua *Roma Subterranea* lib. 1. cap. 26. relatam, addere libet, in qua plura eruditus Lector observatione digna notare poterit; cujus inscriptionis tenor sic se habet.

IC REQVIESCIT IN PACE DOMNA BONVSA
QVÆ VIXIT ANNOS XXXX. ET D. MENNA
QVI VIXIT ANN. E ABEAT ANATHEMA
A IVDA, SI QVIS ALTERVM OMNE SVPER ME

POSVER. . . . ANATHEMA ABEAS. . . . DA
TRICENTI DECEM ET OCTO PATRIARCHÆ
QVI CANONES EXPOSVERVNT, ET DA SAN-
CTA CHRISTI QVATTVOR EVANGELIA,

Licet aliqua notatu digna expone-
re omiserim ad finem properaturus,
nolo sub silentio præterire Canon. II.
Capitularis incerti anni à Balutio in
fuis Capitularibus Reg. Francor. Tom.
I. pag. 153. relat. ubi pariter mortuum
super mortuum ponere interdicitur.

Accipe, benigne Lector, has meas
lucubrationes, quas, si tibi gratas in-
veneris, non mihi, sed omnipotenti
Deo, Patrique Luminum, ac bono-
rum omnium Datori, grates repende-
re debes, utpotè qui tuâ infinitâ bo-
nitate mentem meam illuminare, ac
vitam, bonamque valetudinem, ope-
que in lucem edendas concedere di-
gnatus est. Vale.

F I N I S.



INDEX RERUM. ET VERBORUM MEMORABILIVM

IN HOC OPERE CONTENTORUM;

Ubi numerus primus paginam designat, secundus columnam.

A

A Et α Christi nomen significant 303. 2.
A X ω Hieroglyphicum 225. 2. & 226. 1.
 Abbas Bartholomæus Piazza laudatur 183. 1.
 Abel & Cain Deo munera primi obtulerunt 2. 1.
 Abraham Deo Aram construxit 2. 1. Eiusdem historia, quum tres Angelos hospitio excepit 212. 2.
 Absida cum B., an cum P. scribenda sit 8. 2.
 Absida idest lucida 8. 2. idem ac Tribuna. Ibid. 1.
 Accipitris caput; vide Osiris.
 Achan lapidatio 221. 1.
 Ædiculam in sepulchris fuisse ex antiqua inscriptione colligitur 172. 1.
 Ædificia lateritia antiqua, Romæ adhuc extantia 69. 2.
 Ædificiorum constructionis tempus ex cæmentis quomodo argui possit 65. 2. Eorundem divisio apud Romanos 2. 2.
 Ægyptiorum pompa 58. 1.
 Eorundem Sepulchra 163. 2.
 Eosdem aquas adorasse Firmicus affirmat 60. 1.
 Æternitas denotata per Phœnicem, sive Pavonem radiatum 115. 2.
 Æthiopum Jacobitarum unio cum Ecclesia Romana 45. 2. Eorundem Legatorum in Urbem ingressus 45. 1.
 S. Agathæ majoris Ecclesiæ Ravennæ descriptio 184. 2.
 Agni in Arcu triumphali S. Mariæ Majoris figuris expressi 209. 1. & 211. 1.
 Agni Symbola Apostolorum 225. 1.
 Agnus Christum Dominum representans, quo tempore depingi cœperit 28. 2.
 Agnus supra rupem caput habens diadematum Symbolum Christi 225. 1. Cruce insignitus Symbolum Christi Crucifixi est 27. 1. Symbolum Christi 240. 2.
 Albanus lapis in duritie differt à Gabino 5. 1.
 Alexander Magnus diademate usus est 111. 1.
 Alexander VII. è nobili Chisiorum familia lau-

datur 34. 2. Valdè sollicitus de Urbis magnificentia 169. 1.
 Altare Deo Moyse erexit. 2. 1.
 Altare Domino Noe ædificavit 2. 1.
 Altare incensi 307. 1.
 Altare majus in Ecclesia S. Mariæ in Cosmedin 182. 1.
 Altaria, Confessiones appellata 178. Memoriarum Martyrum 180. 1.
 Ambo marmoreus in Ecclesia. 18. 1. & 22. 2. duplex 23. 1.
 Ambonis vocis origo 18. 1.
 Ambrosius Spetia laudatur 34. 1.
 Amerina Corona 108. 1.
 Ammianus Marcellinus Auctor veridicus 245. 2.
 ANACTACIO, idest, revocatio ad vitam. 38. 1.
 Anaxenor Citharœdus 53. 1.
 Andreas de Aquino olim Episcopus Tricaricensis laudatur 235. 1.
 Angelorum Capita diademate redimita 212. 2. Cur baculos manu teneant. 125. 2.
 Angelus de Nuce Archiepiscopus Rossanensis laudatur 19. 2. & 84. 1. & 135. 1.
 Animalia diversa in Ecclesiarum Januis ad ornatum insculpta. 35. 1. in Ecclesiis appingendi vetus mos 243. 2. & seqq. Animalium Evangelistas representantium ubique ordo non servatur 193. 2.
 Anna prophetissa depicta in Arcu Sanctæ Mariæ Majoris 209. 2.
 Annuli ferrei in januis Ecclesiarum ad suspendenda vela 12. 2. & 14. 1.
 Annuntiatio B. M. V. expressa in Arcu S. Mariæ Majoris 207. 2. in altari majori S. Mariæ in Cosmedin 183. 1.
 Antioja Corona 107. 2.
 Antis quæ 6. 1.
 Antonius Triumvir primus, qui Leones iugo submitterit 52. 2.
 Anubis, idest, Cynocephalus apud Ægyptios cum capite canis designatus, apud Græcos idem ac Mercurius 59. 1. & seqq.
 Apii Corona. 108. 1.
 Apostoli nudato capite depicti, & cur 231. 2. & 232. 1. ubique Sacras Synaxes celebrabant 138. 1. Apo-

INDEX RERUM

Apostolorum XII. imagines depictæ in tholo Baptisterii S. Joannis Ravennatis 235. 2.
 Aqua iclu virgæ è petra erupit 219. 2.
 Aquæ Marcia ductus ex lapidibus quadratis, ut est cloaca maxima 66. 1. ejusdem aquæ origo, & ductus, ibid.
 Aquila in Epistilio Januæ Ecclesiæ Sancti Laurentii in agro Verano 29. 2. In Epistilio januæ Ecclesiæ SS. Joannis & Pauli descriptio, & Symbolum 30. 1. & 33. 2.
 Arabicum opus quale 197. 1.
 Aræ in Sepulchris 173. 1.
 Aramacea Corona 108. 2.
 Archisubdiaconus & Secretario Evangelium deferbat 128. 2.
Arco de' Pantani 264. 1.
 Arcus Aureæ ubi 265. 2.
 Arcus musivo opere ornatus in Basilica S. Pauli pag. 229. 1.
 in Arcu S. Mariæ Majoris Annuntiatio B. M. V. expressa 207. 2. Bethleem Urbs in eodem 211. 1.
 Arcus Constantini constructus ex ruinis Arci Trajani 13. 2.
 Arcus major, sive Triumphalis Basilicæ Liberianæ 197. 2. Nervæ ubi 265. 2.
 Arcus Triumphales Ecclesiarum adhuc extantes 199. 2.
 Argentariorum Basilica 8. 1.
 Argiletum, ubi olim 254. 1.
 Argonautarum coena. 62. 1.
 Arit Codices, Constantini Magni jussu, combusti 227. 2.
 Artes bonæ Romæ olim deperditæ 13. 1.
 Arundo Symbolum fluminis. 235. 2.
 Ascensionis Domini figuræ explicatio 49. 2.
 Assumptio B. Mariæ Virginis 50. 1.
 Auctoris opinio de coronarum inventoribus 107. 1.
 Ejusdem conjectura de vestibus literatis. 100. 2. & seqq.
 S. Augustinus Rhetoricam docuit in Ecclesia S. Mariæ in Cosmedin 12. 1. Ejusdem locus illustratus usque ad *Canes Episcopales* 202. 2.
 ex Auro primo ab India advecto deauratum fuit laquear S. Mariæ Majoris 197. 2.
 Aurum Symbolum munditiæ, ac lætitiæ 232. 2.

B

Bacchus & Janus idem est 107. 1. Coronarum inventor ibid.
 Baculi 116. 2. Antiquitus deponebantur in lectione Evangelii 117. 2.
 Baculorum Episcopaliū forma 122. 1. Fractio 121. 1. Ligneorum antiquissimus usus 121. 2. Eorundem usus quando cessavit 119. 1. Usus in quibus Ecclesiis remansit 119. 1. Usus apud Abbates 121. 1. Usus hodie apud diversas personas 119. 2.

Baculus S. Augustini ubi servatur 124. 1. Gubernium significat 124. 2. S. Herimogoræ ac S. Vedasti 124. 1. S. Isidori 124. 1. E Sambuco 122. 1. S. Saturnini 122. 2. Pastoralis quid denotet 122. 2. S. Petri ubi servatur 124. 1. Regius aureus 124. 2.
 Baculus unde dicatur 116. 1. Idem ac Virga pastoralis, Pedum, Ferula, Capuita 121. 2.
 Baptismus per asperersionem, & immersionem, Baptisterii Lateranensis descriptio 238. 1. 235. 1.
 Barbam Antiochenes & Syri averfabantur 249. 1. Prolixam Julius II. primus gestavit 249. 2. Rasam antiqui Pontifices gestare, & cur 249. 1. Resectam, & postmodum proluxam Clemens VII. gestavit, & cur 249. 2.
Barbetti qui sint 120. 2.
 S. Barnabæ Apostoli corpus inventum cum Evangelio 132. 1.
 Basilica etymon 7. 1. & 9. 1. Basilica seu Basilicæ forma sepulchrorum 183. 2. Argentariorum 8. 1. Liberiana 196. 2. S. Mariæ Majoris cur ita vocata ibid. S. Pauli in via Ostiensi constructa à Constantino Magno 228. 1.
 Basilica S. Pauli à Valentiniano, Theodosio, & Arcadio in nobiliorem formam redacta, ac a Sallustio Urbis Præfecto absoluta 228. 2. A Galla Placidia musivo opere ornata, ibid. Ejusdem Ichnographia 10. 1. Orthographia 11. 1.
 Basilica juxta Macellum Liviæ 196. 1. S. Mariæ ad præsepe 196. 2.
 Basilica Siciniana eadem ac S. Andreæ in Barbara 245. 2. Est in foro Esquilino 245. 1. Ejusdem Basilicæ denominationes variæ 245. 2. Ichnographia & Orthographia 9. 1. Eadem ad Macellum Liviæ 242. 2. Ejusdem constructio 243. 1. & 2. olim Dianæ templum, ibid. Ejusdem ornamentorum descriptio 52. 1. In eadem pugna 244. 2.
 Basilica Sessorianæ Ichnographia, & Orthographia 9. 2.
 Basilica cur à viris Romanis ædificata 7. 2. Romæ novemdecim fuere 8. 1. Earundem forma 7. 2. & 8. 2. De Basilicis qui scripsere 7. 1. In iis quid peragebatur 7. 2. & 8. 1. In iisdem porticus duplex 7. 2.
 Basilica vox quid denotet 183. 2.
 Basiliscus olim latitabat in caverna juxta domum Orphei 265. 2. & 266. 1.
 Belphegor, vide Fanum Phegor.
 Benedictus Cardinalis Pamphilius laudatur 77. 2.
 Benjamin tumulus 165. 2.
 Bethleem & Hierusalem cur in Musivis expressæ 189. 1.
 Bethleem Urbs depicta in opere musivo Arcus S. Mariæ Majoris 211. 1.
 Biretum ducale 114. 2. Eodem Præfectus Urbis insignitus, ibid.
 Boetii locus de literis P. T. 97. 1.

INDEX RERUM

C

C Adavera coronandi antiquus usus 109. 2.
 Procerum purpureis velaminibus contegi consueta 179. 2.
 Gentiles extensis brachiis sepeliebant 265. 1.
 Celestius hereticus abjuratus in Ecclesia S. Clementis 11. 2.
 Cementorum species quo tempore immutatae 70. 2.
 Cimiteria diebus natalitiis Sanctorum frequentari solita 150. 2. Diu habitare non permittitur 147. 1. In iis Missae & Concilia celebrata 151. 1. Eorundem amplitudo & vastitas 141. 2. Descripta a S. Hieronymo 147. 2. Eorundem habitatio quomodo intelligenda 149. 1. & sequenti.
 Cimiterii janua obruta, tempore quo multi Christiani intus aderant 150. 2.
 Caesar Pronti laudatur 184. 1.
 Caesar Vacchi Musivarius 88. 1.
 de Caffarellis nobilis familia 66. 2.
 Calices lignei 122. 1.
 Calyptra quid? 45. 1.
 Cambuta quid sit 121. 2.
 Camillus Cardinalis de Maximis antiquitatum amantissimus 58. 1.
 Cantharum quid sit 27. 2.
 Canum capita cur expressa in Throni summitate 202. 2.
 Capisuccae familiae insignia 181. 2.
Capo di Bove 271. 2.
 Caputa, idest, Baculus Pastoralis 121. 2.
 Carmina in atrio Ecclesiae S. Pauli 233. 1.
 Carmina in libris Evangeliorum 137. 1.
 Carolus Antonius à Puteo Eques laudatur 58. 1. & 83. 1.
 Carolus Cardinalis Barbarinus laudatur 82. 2.
 Carolus Bartholomaeus Piazza laudatur 12. 2.
 Carolus Magnus Imperator primus, qui Canonicus S. Petri creatus fuerit 134. 2.
 Carpentum quid sit 55. 1.
 Caryatides in fabricis cur appositae 52. 1.
 Cassandra cum circulo, sive diademate in capite 114. 1.
 Catabarbara vox quid denotet 246. 2.
 Catalogus persecutionum Christianorum 150. 1.
 Cathecumenis exponebantur contenta in Evangeliiis 130. 1. Eorundem & Poenitentium stationes in Ecclesiis 18. 2.
 Cathedra Episcopalis in Ecclesiis 18. 1. Sive thronus expressus in fastigio Basilicae Liberianae 202. 1.
 Cencius Cardinalis Camerarius construxit valvas aeneas Oratorii S. Joannis Lateranen. 239. 1.
 Cereostata in pavimento posita 19. 1.
 Cerimoniae variae ante lectionem Evangelii, 129. 1.
 Chaldaeorum, & Maronitarum cum Ecclesia Romana unio 45. 2.

Characteres, scilicet literae cur adinventae 126. 2.
 Chorus marmoreus in Ecclesia ubi 18. 1.
 Christiani primitivae Ecclesiae variis coronis utebantur 109. 1.
 Christi nomen significant literae A Ω 203. 2.
 Christi Symbolum Agnus 240. 2.
 Supra rupem caput habens diadematum 225. 1.
 Crucifixi symbolum est Agnus Cruce insignitus 27. 1. Disputatio cum Doctoribus expressa in arcu triumphali S. Mariae Majoris 210. 1. Tunica inconsutilis 103. 2. Infans in solio sedens cur sic expressus 208. 1.
 Chori Ecclesiae S. Clementis Orthographia 19. 1.
 Ciborium quid sit 19. 1. Ciborii vox quid denotet 180. 2.
 Ciceronis caput detruncatum in Comitibus Marco Antonio exhibitum 55. 2. Ciceronis locus à Victorio emendatus, sed male 53. 1.
 Cifrae vestes 99. 1.
 Circus, idest Diadema 115. 1.
 Circus extra Portam Capenam à quo constructus 70. 2.
 Civitates in musivis operibus Bethleem, & Hierusalem demonstrant 189. 1.
 Clavatae vestes 95. 2.
 Claves duae, insignia Romanorum Pontificum quid denotent? 44. 1. Una, duae, ac tres, depictae in manu S. Petri quid significant? 273. 2. & seqq.
 Clerici Romae antiquitus educabantur in Patriarchio Lateranensi, aut in Monasteriis Urbis 187. 1.
 Cloaca maxima ubi 267. 1.
 Codex Evangeliorum pulcherrimus, & antiquissimus in Bibliotheca Cottoniana 132. 2.
 Antiquissimus Sacram Scripturam continens, in quo Regis Francorum imago depicta conservatur Romae in Coenobio Monachorum Cassinensium 135. 1. Virgilianus celebris in Vaticana Bibliotheca 127. 2.
 Codex unde dictus 127. 2.
 Codicem inter, & volumen differentia 128. 1.
 Codices Aarii combusti iussu Constantini Magni 227. 2. Nestorii combusti iussu Theodosii Imperatoris 227. 1.
 Coelestini III. Papae figurae explicatio 239. 2.
 Coenacula in superiori aedis parte antiquitus erant 138. 2.
 Color violaceus lugubris nota est 120. 1. Viridis infestus ibid.
 Columbae quid denotent 191. 2. Symbolum Christianifidelium 225. 2.
 Culumbaria quae erant 173. 2. Innumera in Via Appia 174. 1.
 Columna ante Ecclesiam Sancti Pauli 25. 1. Pro cereo Paschali usa 22. 2. & 23. 2. & 24. 2.
 Columnae in Basilica S. Pauli desumptae ex Mole Hadriana 10. 2.
 Columnae Marci Aurelii Antonini 170. 1. Trajani 169. 2. Pro sepulchris adhibitae 175. 1.
 Comes quis dicatur 54. 1.

Con-

INDEX RERUM

Concilia Martyrum appellata sepulchra 177. 2.
 Confessio locus in Ecclesia, & quid denotet 19. 2.
 Confessiones quandoque Altaria 178. 1. Quandoque Sepulchra Martyrum appellata 177. 2.
 Constantinus Magnus erat erga Ecclesiam liberalis 142. 1.
 Constantinus Pogonatus misit Evangelia aurea gemmisque ornata ad S. Petrum 132. 1. Imperator vigiliam Paschatis lucernæ splendore celebrabat 190. 1.
 Constructiones ex lapidibus quadratis antiquissimæ 66. 1.
 Consulatus tempus Felicis, & Rufini ignoratur 80. 1.
 Consules Teodosius Aug. & Romoridus V. C. 174. 2.
 Conventicula, idest, Ecclesiarum ædificia 144. 2.
 Coræ & Sociorum contra Moysen & Aaron seditio 220. 1.
 Corniculi opus reticulatum ex marmore tiburtino 68. 2.
 Coronæ cur inventæ 107. 2. Coronarum inventor 107. 1. Earundem usus antiquissimus a Moysi tempore, ibid.
 Corona Amerina 108. 1. Antinoia 107. 2. Apii 108. 1. Aramacea 108. 2. Arundinea 61. 2. Castrensis 109. 1. Convivalis 107. 2. ejusdem. Etymon 106. 1. geminata 201. 2. graminea 109. 1. Hederacea 107. 2. Hypoglottis 107. 2. Hypothymis 108. 1. Imperatoris 111. 2. Laureæ 108. 2. Laureæ circa agnum 241. 1. Lotina 107. 2. mortuorum 109. 2. muralis 109. 1. Myrtea 107. 2. Navalis 109. 1. Obsidionalis ibid. 1. Ovalis ibid. Querna 103. 2. Rosacea 107. 2. Rostrata 109. 1. Triumphalis ibid. 1. Violacea 108. 2. Vallaris 109. 1.
 Corona turrata in capite Virginis quid denotet 27. 1.
 Coronæ stellarum, Poetarum figmenta 112. 1. Quid denotent? 232. 1.
 Coronandi cadavera usus antiquus, 109. 2. A veteribus Christianis reprobatus 110. 1.
 Coturnicum pluvia 219. 1.
 Craticula in musivo expressa quid 227. 1.
 Crustumii rudera ubi 67. 3.
 Crux duplex in diademate 114. 2.
 Crux Signum Pontificiæ Majestatis 179. 2.
 Curia Calabra ex lapidibus quadratis 66. 2.
 Custodiæ Sacrorum Lipsanorum 181. 1. Plurimæ Romæ, ibidem. In Ecclesia S. Mariæ in Campitello 183. 2.
 Cynocephalus 58. 2. Idem ac Anubis, ibid.

D

Deiparæ titulus Beatissimæ Virginis 205. 1.
 Delongarii qui 120. 2.
 Delubra quæ 5. 1.
 Delubri exemplar 5. 2.

Deorum templum Alexandria extructum à Severo Imperatore 145. 1.
 Deus est Circulus seu Sphæra intelligibilis, cujus centrum est ubique, circumferentia nullibi 115. 2.
 Deuteronomii voluminis traditio Levitis facta à Moysè 221. 1.
 Diaconia S. Agathæ diversa à Monasterio ejusdem 258. 2. & 270. 1.
 Diadema Aurelianus Imperatorum primus adhibuit 110. 1.
 Diadema in capite Herodis 209. 1. 210. 2. Fascia candida subtilis, capitique vinculum 110. 2.
 Diadema Christi cum duplici cruce 210. 1.
 Diadema cur Christiani imaginibus apposuerint 115. 1. In capite Angelorum 212. 2. Insigne Principis est 223. 1. Dicitur etiam sphærule, sive circulus, aut nimbus 115. 1. Non solum hominibus, sed etiam animalibus antiquitus dabatur 115. 2. Eo Alexander Magnus usus est 111. 1. Illud inter, ac Coronam discrimen ibid. Ejusdem capitibus statuarum impositi Henrici Salmuth sententia impugnatur 115. 1.
 Diademata, sive Circuli in Sanctorum capitibus cur posita 113. 1. Etiam in capitibus Imperatorum, ibidem. Umbellæ non fuerunt adinventæ ad avium stercorea removenda 115. 1. Iisdem ornandi capita heroum mos per pluræ sæcula duravit 114. 2.
 Didoron 68. 2.
 Diis templa quibus in locis sacabant Romani 4. 1.
 Dipteros quid 6. 2.
 Disputatio Christi cum Doctoribus in Arcu Triumphali S. Mariæ Majoris expressa 210. 1.
 Divisio ædificiorum apud Romanos 2. 2.
 Dominicum idem ac Ecclesia 144. 1.
 Dominicus Cardinalis Pinellus instaurator Liberranæ Ecclesiæ 197. 2.
 Domus Merulana 259. 1. Orationis, idest, Ecclesiæ 144. 2. Stelle Poetæ ubi 260. 1. Juxta Eudoxiam ubi 265. 2.
 Dormitio B. Mariæ Virginis 50. 2.
 Dromus, idest, cursus 3. 2.
 Drungarii qui 120. 2.
 Ductus Aquæ Marcæ ex lapidibus quadratis. 66. 1.

E

Eccliesiarum in tribus primis a Christo sæculis per universum orbem a fidelibus extructarum elenchus 154. 2.
 Ecclesiæ, non Cryptas, aut speluncas habuisse priscos fideles, demonstratur 141. 2. & 142. 2. Easdem super cæmeteriis fuisse ostenditur 148. 1. & seq. Easdem alicubi semper fuisse, indicatur 140. 2. Easdem nullas fuisse in tribus primis Ecclesiæ sæculis, contendunt Hæretici

INDEX RERUM

- retici 138. 1. Easdem recuperandi facultas data Christianis 146. 2.
- Ecclesiæ erectæ in Æthiopia seculo I. 156. 1. In Asia sæc. I. 155. 1. In Gallia sæc. I. 159. 1. In Hispaniis sæc. I. 159. 2. Apud Hunnos sæc. I. 158. 1. In Perside sæc. I. 159. 1. In Scythiæ sæc. I. 155. 2. Apud Tungros sæc. I. 160. 2.
- Ecclesiæ erectæ Agenni sæculo I. 157. 1. Alexandria sæc. I. ibid. Altinæ sæc. I. 157. 2. Antiochiæ sæc. I. 155. 2. Arelati sæc. I. 160. 1. Asyli Castri sæc. I. 157. 2. Arvernæ sæculo primo 157. 1. Apud Bituriges sæculo primo 156. 2. & 157. 2. Bononiæ sæc. III. 161. 1. Burdigaliæ sæc. I. 156. 2. Casaraugustæ sæc. I. 155. 2. Cangranori sæc. I. 156. 1. Carnuti sæculo I. 158. 1. Cataniæ sæculo I. 155. 2. Chersonæ sæculo I. 160. 1. Coloniae sæculo I. 157. 2. Compostellæ sæculo I. 155. 2. Crotonæ sæculo II. 160. 2. Diovanti sæculo I. 158. 1. Ephesi sæculo I. 160. 1. Fulginei sæc. II. 160. 2. sæc. III. 161. 1. Hieropoli sæc. I. 158. 1. Hierosolymæ prima fundata in domo S. Joannis Evangelistæ sæc. I. 155. 1. Interamnæ sæc. III. 161. 1. Lemovici sæc. I. 156. 1. & 158. 1. Lucæ sæc. I. 156. 1. Mantuæ sæc. I. 157. 1. sæc. III. 161. 1. Mediolani sæc. I. 160. 1. sæc. II. ibid. 2. Metis sæc. I. 157. 2. Prope Moshaim sæc. I. 157. 2. Mutinæ sæc. II. 160. 2. Narbonæ sæc. I. 159. 2. Natoober sæc. I. 159. 1. Paduæ sæc. I. 157. 1. & 160. 1. Papiæ sæc. I. 156. 2. & 158. 2. Parisiis sæc. I. 159. 2. Perusiæ sæc. II. 160. 2. Puteoli sæc. I. 158. 2. Ravennæ sæc. I. 160. 2. Remis sæc. I. 158. 1. 2. Romæ sæc. I. 156. 1. Ap. Senones sæc. I. 158. 1. Soræ sæc. III. 161. 1. Syracusis sæc. III. 160. 2. Tarvisii sæc. I. 159. 2. Thebaidæ sæc. I. 159. 1. Tholosæ sæc. I. 157. 1. Trajecti sæc. I. 160. 1. Treveri sæc. I. 157. & 2. 158. 2. Vafati sæc. I. 155. 2.
- Ecclesia S. Agathæ major Ravennæ 184. 2. Ejusdem descriptio, ibid. Ejusdem Sanctæ, Romæ in Subura 268. 1. Ejusdem descriptio 250. 1. Eadem quo anno expurgata ab Ariana labe 271. 1. Dedicata à S. Gregorio Magno 257. 1. & 258. 2. Hoc negat Nardinus 258. 1. Ejusdem Sanctæ variæ Ecclesiæ in Urbe 258. 1.
- S. Anastasiæ in Urbe 15. 2. Ejusdem navium magnitudo, ibid. 1.
- S. Andreae in Barbara 52. 1. Ejusdem diversa nomina 246. 1.
- SS. Celsi & Nazarii Ravennæ à quo constructa 224. 2. Ejusdem ornatus & forma, ibidem.
- S. Clementis de Urbe antiquissima ac titularis Cardinalis 11. 1. Ejusdem descriptio, ibid. 1. 2. & 13. 1. & 14. 2. Ejusdem geographica tabula 11. 1. Ejus Ichnographia 14. 1.
- S. Joannis Baptistæ in Fonte, Ravennæ à quo restaurata 178. 2. Musivum opus in eadem extans, ibidem 2.
- S. Lucie in Silice, seu in Orphea creditur caput Suburæ 266. 1.
- Ecclesia S. Mariæ in Cosmedin 12. 1. Ejusdem Ichnographia, ibid.
- S. Mariæ trans Tyberim in Urbe antiquissima 140. 1.
- S. Michaelis in Burgo Pifarum 16. 2. Ejusdem navium magnitudo, ibid.
- Narniæ 17. 1. Ejusdem navium magnitudo, ibid.
- SS. Nazarii & Celsi Ravennæ à quo constructa 224. 2.
- Otricoli 16. 2. Ejusdem navium magnitudo, ibid.
- S. Pancratii, olim Monasterium Monachorum S. Benedicti 24. 2.
- S. Pauli ad Ripam Arni Pifarum 16. 1. Ejusdem navium magnitudo, ibid.
- S. Perini Pifarum 16. 2. Navium magnitudo, ibid.
- S. Petri in Arce Veronæ 16. 2. Navium magnitudo, ibid.
- SS. Petri & Marcellini de Subura, seu de Secura 262. 1.
- Primitialis Pifarum 15. 2. Ejusdem descriptio, ibid.
- S. Pudentianæ de Urbe antiquissima 140. 1.
- S. Sabinæ restaurata à Leone III. 138. 1.
- Eadem picturis ornata ab Eugenio II. ibid. 2.
- Quale ædificium olim fuerit 186. 1. Ejusdem navium magnitudo 183. 2.
- S. Severini, tempore S. Gregorii Magni 258. 2.
- S. Xysti Pifarum 16. 1. Navium magnitudo, ibid.
- Ecclesiæ dirutæ tempore Severi Imperatoris. 145. 1.
- Ecclesiæ Imperatorum Gentilium tempore extantes sæculo II. 145. 1.
- Patriarchales V. in Urbe 196. 2.
- Tituli appellatæ tempore Evaristi Papæ 141. 1.
- Ecclesiæ vox non solum pro fidelium coetu, verum etiam pro ipso ædificio sumpta 143. 1.
- Ecclesiæ ex Circumcisione imago 195. 1.
- Ex Gentibus Icon, ibid.
- Emmanuel à Schelfstrate 174. 1. Idem laudatur 4. 2.
- Emor, & Sichem, Dinæque historia 215. 2.
- Epistola Hadriani PP. ad Carolum Magnum de Musivis operibus Romæ extantibus citata 211. 1.
- Equi immolatio in Campo Martio 262. 1.
- Esau benedictus à Patre Jacob 213. 1.
- Essendum vehiculi genus 54. 2.
- Evangelia in Altaris quatuor angulis deportantur 130. 1.
- Sub S. Barnabæ Apostoli corpore inventa 132. 1.
- Cathecumenis exponebantur 130. 1.
- In Conciliis in sublimiori loco posita 133. 1.
- Deosculandi consuetudo 129. 2.
- A Judicibus pro tribunali ponebantur 133. 2.


INDEX RERUM

- Evangelia mari demersa triduo post pulchriora reperta 132. 2.
 Obvoluta & signata Archisubdiaconus è Secretario deferbat 128. 2.
 Ante Pontificem deferbantur 139. 2.
 In scriniis asservata 227. 2.
 Sepulchris imposita 135. 1.
 Sigillo obsignata & cur 130. 2.
 Veneratione magnâ habita 131. 2.
 Evangelii ante lectionem ceremoniæ variæ, 139. 1.
 In lectione Auditores tam masculi quàm scemina olim stabant, ibidem. M. Magister Equitum Hierosolymitanorum in die Nativitatis B. Mariæ Virginis evaginat ensen 137. 1.
 Poloni gladium stringunt 137. 1.
 Evangeliorum Codex cur antiquitus ornaretur 132. 2.
 Gemmis ornatus à Constantino Pogonato ad S. Petrum missus 132. 1.
 Gemmis ornatus à Leone III, 132. 1.
 Itidem à Paschale. Ibidem
 Evangelistarum symbola quatuor animalia quid denotent 191. 2.
 Evangelistæ quatuor in forma animalium expressi in arcus summitate S. Mariæ Majoris 203. 1.
 Supra januam Ecclesiæ S. Sabinae 191. 2.
 In Oratorio Lateranensi S. Joannis Baptistæ 243. 1.
 Evangelium in collo vel pectore pendulum prisci Christiani fideles deferbant 134. 2.
 Evaristi Papæ tempore Ecclesiæ, Tituli denominata 141. 1.
 Eugenii IV. effigies genuflexi ante imaginem Divi Petri 45. 1.
 Europe fabuli musivo speciei minimæ opere expressa 82. 2.
- F**
- F**æminæ in Ecclesiis seorsim a viris stabant 19. 1.
Facere verbum, aliquando dedicare solummodo denotat 244. 1.
 Familiæ Capisuccæ insignia 181. 2.
 Fana quæ fuerint 3. 1. 2.
 Fani vox quando cessavit 5. 2.
 Fanon quid sit 239. 2.
 Fanum Phégor Numen Moabitarum & Madianitarum 2. 1.
 Fascia idem, ac Diadema 111. 1.
 Faustini & Marcellini Presbyteri libellus ad Imperatorem Valentini num 245. 2.
 Februarii mensis die II. quæ secta agebant Gentiles 13. 1.
 Christiani in pium ritum illa commutarunt, ibid.
 Fenestræ Basilicæ Sessorianæ cur magnæ 75. 1.
 Sicimane cur magnæ 75. 1.
- Fenestræ Vaticanæ, ibid. 2.
 Veronenses cur parvæ 77. 2.
 Ecclesiarum cur magnæ, & cur parvæ 77. 1.
 Ecclesiæ S. Sabinae cur magnæ 75. 1.
 SS. Cosmæ & Damiani, ibidem 1.
 S. Gregorii Turonensis, ibidem 2.
 SS. Joannis & Pauli, ibid. 1.
 S. Pauli, ibid. 1.
 S. Sabinae, ibid. 1.
 S. Symphorose, ibid. 2.
 SS. Cosmæ & Damiani in Vico aureo cur parvæ 77. 2.
 S. Gregorii in Clivo Scauri, ibid. 2.
 S. Priscæ, ibid. 2.
 S. Sabbæ, ibid. 2.
 SS. Vincentii & Anastasii ad Aquas Salvias, ibid. 2.
 Ferula, idest, baculus Pastoralis 121. 2.
 Festum Lucernarum 62. 1.
 Fictile opus encausto pictum non durabile 86. 1.
 Fideles antiquitus in ædificiis imitatores Gentilium erant 9. 1.
 Vigiliam Paschatis maximâ cercorum copiâ celebrabant 190. 1.
 Figlinum opus antiquitus encausto pictum 79. 2. Nostro tempore revocatum 81. 1.
 Figura orbicularis in majoris arcus Basilicæ Libेरianæ summitate explicata 205. 2.
 Flagellorum officina in Subura 263. 1.
 Flavius Cardinalis Chisius laudatur 83. 1.
 Flavius Ricimer Arianus minimè fuit 259. 1. & 268. 2. & seqq.
 Flumina Paradisi terrestres quatuor, eorumque nomina 248. 1. & seqq. Quatuor hæc flumina quid denotent 247. 2. & 248. 2.
 Fluminum imagines cur arundinibus depinguntur 135. 2.
 Fons Baptifmalis Ravennæ 233. 2.
 Fons symbolum Christi 225. 2.
 Forum Trajani ubi 265. 2.
 Franciscus Barberinus laudatur 212. 1.
 Cardinalis Nerlius laudatur 58. 1.
 Blanchinus laudatur 4. 2. & 16. 2.
 Brandi laudatur 184. 1.
 Cavallo laudatur 234. 1.
 Maria Granchi vestis inconsutilis Artifex 105. 1.
 Maria Lancianus laudatur 68. 2.
 Negri laudatur 227. 1.
 Eschinardi Soc. Jesu laudatur 70. 1.
 Penna laudatur 271.
 Furtivæ res in Subura horâ vespertinâ vendebantur 263. 1.
- G**
- G**litera in vestibus 98. 1. & 99. 1. & seqq.
 Gabinus lapis qualis 5. 1.
 Differt ab Albano, ibid. 1.
 Gabriel à Puteo Eques laudatur 83. 2.

I N D E X R E R U M

Gallæ Placidie Sacra monimenta 224. 1.
 Sepulchrum casu combustum 226. 2.
 Gammadia erat vestis sacra 98. 1. & 99. 1.
 Gammadia vestes 90. 2.
 Gaspar del Torto laudatur 15. 2. & 46. 2.
 Geniorum apud Romanos infinitus numerus 171. 1.
 Genius populi Romani in Nummo Diocletiani expressus 172. 2.
 SS. Gervasii & Protasii Ecclesia Ravennæ 226. 2.
 Gibellinorum, & Guelforum origo 29. 2.
 Globus in manu Regum appingi solitus, quid denotet 240. 1.
 Super quo Christus sedet, quid significet 272. 1.
 Gluten indicat tempus constructionis musivi operis 87. 2. Pro musivo opere quale sumendum 86. 1. Quanto tempore tractabile 87. 2. Ut muro adhæreat, quid faciendum 87. 1.
 Gothi quinam fuerit, inter Scriptores disceptatur 269. 2.
 Graduale locus quid sit, & ubi Graduale cantetur 21. 1.
 Graci ab Hebræis, Hebræi ab Ægyptiis multa desumpserunt 2. 2.
 Græcorum sepulchra qualia 167. 1.
 Grando lapidea in Amorrhæos 223. 2.
 S. Gregorius Magnus Homilias in Ecclesia S. Clementis recitavit 11. 2.
 Eiusdem mentio de Ecclesia Sanctæ Agathæ 268. 1.
 Guelforum, & Gibellinorum origo ex Germania 29. 2.

H

H Litera in vestibus 99. 1. & seqq.
 Hæresi laborantes, malè fratres dicuntur 137. 2.
 Hæretici sacras literas adulterant 131. 1.
 Harpocrates, silentium denotans 60. 1.
 In templorum vestibulis positus, & cur ibidem.
 Hebræi in sepulchris sepeliebantur 166. 1.
 Eorundem sepulchra varia 165. 2. & seqq.
 Hederacea Corona 107. 2.
 Heliogabalus primus, qui Diademate usus sit 110. 2.
 Herodes depictus cum circulo capiti circumducto 114. 1.
 Eiusdem figura diademate insignis 209. 1. & 210. 2.
 Herodiadis historia opere musivo expressa in Arcu S. Mariæ Majoris 210. 2.
 Hierichi Urbis excidium, & clangentibus tubis moenia collapsa 223. 1.
 Eiusdem expugnatio, ibid.
 Eiusdem obsidio, ibid.
 Hieroglyphicum A  225. 2. & 226. 1.
 Leonum 30. 2.
 Hierusalem Urbs depicta in musivo opere Arcus

S. Mariæ Majoris 210. 2.
 In Ecclesia S. Sabine 189. 1.
 Hierusalem, & Bethleem in musivis operibus cur expressæ 189. 1.
 Hilaria ibi defuncta, ubi Ecclesia ædificata 148. 1.
 Hilarus Papa fundavit Oratorium S. Joannis Baptistæ 241. 1.
 Ædificavit etiam Oratorium S. Joannis Evangelistæ Romæ 238. 2.
 Hippocentauri imago in Basilica Siciniana 56. 1.
 An detur, ibid.
 Historia Abrahæ quando tres Angelos hospitio excepit 212. 2.
 Honorii Imperatoris sepulchrum 225. 1. 2.
 Horrea Babylonis Joseph ex quadratis lapidibus ædificavit 67. 1.
 Horus, idest, mundus 58. 2.
 Hospiniani lapsus Chronologicus detegitur 155. 2.
 Hospitale Epirotarum Ecclesia SS. Sergii & Bacchi 252. 1.
 Hylæ fabula marmore insculpta 60. 2. & 62. 1. & 63. 1.
 Hypethros quid 6. 2.
 Hyroglottis Corona 107. 2.
 Hypothymis Corona 108. 1.

I

J Acobi benedictio loco Esau fratris, expressa in corona Ecclesiæ S. Mariæ Majoris 212. 1.
 Eiusdem historia de nuntiis missis ad Esau 215. 1.
 Eiusdem historia, quæ exprimit ipsum Jacobum objurgantem filios 216. 1.
 Eiusdem continuatio, ibidem 2.
 Eiusdem historia de Virgis decorticatis, appositisque in aquis 215. 1.
 Jacobi & Laban, necnon Rachelis historia, expressa in eadem corona Sanctæ Mariæ Majoris 214. 1. & seqq.
 Jacobitarum Æthiopum unio cum Ecclesia Romana 45. 2.
 Janua clausa symbolum virginitatis 208. 1.
 Ecclesiæ S. Pudentianæ quo tempore extructa 28. 2.
 Eiusdem januæ descriptio 26. 2.
 Janus & Bacchus idem sunt 107. 1.
 Quis fuerit 161. 2.
 A Gentilibus pro Deo habitus, ibid. & seqq.
 Jao Deus Gnosticorum 59. 2.
 Idem ac Sol, ibid.
 Ichnographia Ecclesiæ S. Clementis 14. 1. & 18. 1.
 Idolorum templa quando devastata 71. 1.
 Ildeprandi Monachi, & Archidiaconi mentio in Valvis æneis Ecclesiæ Sancti Pauli 42. 1. & seqq.
 Imagines cur radiatæ 112. 2.
 Sceptrum manu tenentes 125. 1.

INDEX RERUM

Imperatoribus lampades præferebantur 330. 2.
 Imperatoris Palæologi Ferrariam pro unione
 Græcorum cum Latinis accessus 44. 2.
 Eiusdem ad pedes Pontificis genuflexio,
 44. 2.
 Itidem Sessio in Concilio Florentino, ibid.
 Imperatores, ac Reges Romam venientes Ca-
 nonici S. Petri creantur 134. 2.
 Innocentium strages, musivo opere expressa in
 Arcus summitate S. Mariæ Majoris 209. 1.
 Inscriptio antiqua Musivi operis 80. 1.
 In basi columnæ ante Ecclesiam S. Pauli
 25. 1.
 In Astragulo 25. 2.
 Fl. Ricimeri in musivo S. Agathæ 259. 1.
 Sepulchralis antiqua, & barbara olim in
 Ecclesia S. Agathæ 276. 1.
 In valvis æneis Ecclesiæ S. Pauli errata con-
 tra Baronii assertionem 42. 2.
 Inscriptiones familie Capisuccæ 182. 1. 2.
 Insignia concessa Guelfis, & Gibellinis 30. 1.
 Gentilitia Eugenii IV. in valvis Vaticanæ
 Basilicæ 44. 1.
 Intervallum, sive spatium inter ædificia privata
 quantum olim erat 65. 1.
 Joannes Baptista Callandra Musivarius 38. 1.
 Joannes Dominicus Ricciardi laudatur 172. 2.
 Joannes Matthæus Naronus Bibliothecæ Vati-
 canæ Orientalium linguarum Interpres lauda-
 tur 42. 1.
 Joannes Pastricius laudatur 104. 2.
 Joannes Petrus Bellorius laudatur 169. 2.
 S. Joannes Theologus apud Græcos idem ac apud
 Latinos Evangelista 37. 1.
 S. Joannis Baptistæ ortus ab Angelo Zachariæ
 denunciatus in arcu S. Mariæ Majoris expres-
 sus 206. 2.
 Joseph Maria Thomassius laudatur 21. 2.
 Joseph Ponthia laudatur 205. 1.
 Josue cum Amalechitis pugna 219. 2.
 Ex præcepto solvit sibi calceamenta sua
 223. 1.
 In locum demortui Moysis suffectus 223. 1.
 Solem stare jubet 223. 2.
 Jovis Capitolini aræ substructiones ex lapidibus
 quadratis 66. 2.
 Iris coloribus expressa retro Salvatoris caput in
 summitate arcus Basilicæ S. Pauli 230. 1.
 Isai patris David sepulchrum 165. 2.
 Isaïæ Prophetæ tumulus 165. 2.
 Isidis fabula 58. 2.
 Eadem ac Luna, ibid.
 Simulacrum quando eversum 34. 2.
 Ubi effossum, ibidem.
 Isidis, & Serapidis Templum olim erat, ubi
 nunc Ecclesia S. Mariæ supra Minervam 34. 2.
 Judæi velato capite orant 232. 1.

K

K Alendæ Januarii potiùs Cavendæ antiquitus
 dicendæ erant 162. 1.
 Celebres apud Gentiles, ibidem.
 Kalendis Januarii præsci fideles jejunabant 162. 2.

L

L Litera est gamma græcum inversum 100. 2.
 & seq.
 Lampas accensa in manu Virginis quid significet
 27. 1. 2.
 Lampades inter Principatus insignia connumera-
 bantur, ac Imperatoribus præferebantur 230. 2.
 In portis Civitatum quid denotent 190. 1.
Lance spezzate qui sint 120. 2.
 Lapidatio Achon 221. 2.
 Lapidés duodecim, è medio Jordani petiti 222. 1.
 Lapidibus quadratis antiquitus moenia fiebant
 64. 1.
 ex Lapidibus quadratis Cloaca maxima 66. 1.
 A quo constructa, ibid.
 Lapidum proprietas circa duritiem 5. 1.
 Lapis Albanus 5. 1.
 Gabinus 5. 1.
Peperinus 5. 1.
 Lateranensis regio ab exercitu Roberti Guiscard-
 i everfa 262. 2.
 Lateritia ædificia perpulchra 69. 2.
 Antiqua Romæ adhuc extantia 29. 2.
 Lateritium opus cur sumptuosum 70. 2.
 Lateritium tectorium opus è Græcia Romam al-
 latum, & quo tempore 69. 1.
 Laterum copia quando cœpit 68. 1. 2.
 Eorundem differentia 63. 2.
 Laureæ Corona 108. 2.
 Laurentius Zaccagna laudatur 174. 1.
 Legatorum Æthiopum ingressus in Urbem 45. 1.
 Legile marmoreum 21. 1.
 S. Leo Magnus suadet Gallæ Placidia, ut mu-
 sivo opere arcum Ecclesiæ S. Pauli ornet 229. 1.
 Leo Taurum dilanians in Basilica Siciniana 56. 1.
 Leones in basi Obelisci Vaticanæ antiquitus erant
 32. 1.
 Cur illorum Fontana Architectus, & Mer-
 catus historicus non meminerint, ibid. 2.
 In Fontibus 31. 1.
 In janua Ecclesiæ SS. Joannis & Pauli 33. 2.
 Eorundem descriptio, ibid.
 In janua Ecclesiæ B. Mariæ Purificationis
 34. 1.
 In janua Ecclesiæ S. Laurentii in Agro Ve-
 rano 29. 2. & 33. 1.
 Eorum symbolum, & descriptio, ibid.
 In janua S. Laurentii in Lucina 34. 1.
 In janua Patriarchii Lateranensis 34. 1.
 Ad pedes Capitolii, ubi antiquitus stabant
 34. 1.

Leones

INDEX RERUM

Leones in porticu Ecclesiæ S. Sabbæ 34. 1.
 In sepulchris 31. 2.
 Stantes ad fontes prope Thermas Diocletianas, ubi antiquitus siti erant 34. 1.
 Eorum descriptio, ibid.
 Trahentes currum in tabula marmorea insculpti 52. 2.
 In throno Consulis Romani 31. 1.
 In throno Salomonis 31. 1.
 Leonum Hieroglyphicum 30. 2.
 Leonini versus quo tempore inventi 28. 2.
 Leopardus, Cervum devorans, expressus in Basilica Siciniana 56. 1.
 Liber quid sit 128. 1.
 Lingua latina qualis à bis mille & 300. annis, difficile est asserere 265. 2.
 Litera T Crucem Salvatoris denotat 96. 2.
 Litera in vestibis non ob nomen alicujus, sed ad arbitrium texta 100. 1.
 Literæ, scilicet characteres cur adinventi 126. 2.
 Literatæ vestes 90. 2.
 In diversis figuris Ecclesiarum Urbis 101. 2.
 Literatæ ac cistratæ vestes 99. 1.
 Literæ in Laciniis Palliorum 91. 1.
 In vestibis Christianorum peculiare quoddam mysterium denotant 96. 2.
 Symbola sive tesserae appellatæ 90. 2.
 Non nisi Artificis nomen, seu officinarum insignia denotabant 105. 2.
 Erant occultæ notæ 99. 1.
 Literæ P. T. Θ. in Philosophiæ veste inscriptæ 97. 1.
 Lithostrata quid 79. 1. & seq.
 Loth, & Abraham historia depicta musivo opere in corona Ecclesiæ S. Mariæ Majoris 213. 1.
 Lotina Corona 107. 2.
 Lucernæ, sive lampades in portis Civitatum, expressæ quid significant 190. 1.
 Earundem accensio ab Ægyptiis defluxit 191. 1.
 Earundem Festum 62. 1.
 Luciani testimonium priscos Fideles habuisse 141. 2.
 Ludovici Imperatoris imago cum Diademate 114. 2.
 Lumina antiquitus nocte accendebantur 190. 1. & seq.
 Lupanaria ubi olim 253. 5.
 Luparia, ac Lupanaria in Subura erant 262. 2.
Λυπηναίον 62. 1.

M

Macelli vox quid denotet 266. 1.
 M. Magister Religionis Hierosolymitanæ in die Nativitatis B. Mariæ Virginis, quando legitur Evangelium, evaginat enssem 137. 1.
 Magorum Regum adoratio, expressa in summitate arcus S. Mariæ Majoris 108. 1.
 Majorense quid 120. 2.

Manus, è Coelo erumpens quid denotet 194. 2.
 Marcellus Severolus laudatur 92. 2. & 98. 2.
 Marci opinio de literis in vestibis 98. 1.
 Marcus Antonius ex Herculis profapia 56. 2.
 Ejusdem triumphus de Artabazo 57. 1.
 Marcus Scaurus marmore obduxit parietes 79. 2.
 B. MARIA Virgo, an assumpta cum corpore, nec ne? 50. 1.
 S. Mariæ in Cosmedin Ecclesiæ Ichnographia 11. 1.
 S. Mariæ Magdalænæ domus, in Ecclesiam conversa 155. 1.
 Maris rubri Israelitarum transitus 218. 2.
Marmorata 86. 1. & 87. 1.
 Marmore parietes primus obduxit Marcus Scaurus 79. 2.
 Marmorearum crustarum copia unde prodierit 71. 1.
 Maronitarum, & Chaldæorum unio cum Ecclesia Romana 45. 2.
 Martyrum memoriæ Altaria 180. 1.
 Eorundem sepulchrorum orthographia demonstratur 178. 2.
 Materiæ plures ad scribendum adinventæ 126. 2.
 Matronæum quid & ubi 18. 2. & seqq.
 Mausolea etiam Hebræi construxere 165. 1.
 Regum sepulchra erant 164. 2.
 Mausoleum Artemisiæ inter septem mundi miracula connumeratum 163. 2.
 Hadriani Imperatoris 168. 2.
 Octaviani Cesaris Augusti in Campo Martio 167. 2.
 Primum quale fuerit 163. 2.
 de Maximis Cardinalis Antiquitatum amantissimus 58. 1.
 Melchisedech historia musivo opere expressa in coronide Ecclesiæ S. Mariæ Majoris 212. 1.
 Memoriæ erant sepulchra 176. 1.
 Mevania olim Civitas 83. 1.
 Michael Baudrand laudatur 3. 1. & seq.
 Mima Cytheris quæ? 52. 2. & seqq.
 Mœnia antiquitus ex lapidibus quadratis fiebant 64. 1.
 Monachi Benedictini olim degebant in Ecclesia S. Pancratii 24. 2.
 Monachorum locus in Ecclesiis 18. 2.
 Monasteria Benedictinorum olim erant quingentaduomillia 78. 1.
 Monasterium S. Agathæ Ravennaten. 185. 1.
 Monasterium S. Agnetis in via Nomentana quo tempore constructum 72. 1.
 Monasterium Monialium *le Torchine* denominatarum ubi 264. 2.
 Monialium, sive Virginum locus in Ecclesiis 18. 2.
 Monumenta sepulchralia Magistrorum Gallæ Placidie filiorum 224. 2.
 Monogramma quid 90. 2.
 Monogramma A. & ω. Christi nomen exprimens 227. 2.
 Monogramma I. in Christi veste 227. 1.
 Idem in fimbriis vestis cujusdam viri 227. 2.
 Mo-

INDEX RERUM

- Monogramma in arcu S. Joannis in Fonte; Ravennae, explicatur 237. 1.
 In summitate arcus S. Mariæ Majoris Christi nomen depotat 203. 2.
 In Ecclesia S. Clementis, contra opinionem Ugonii Alemanni, & Du Cange explicatum 12. 1.
 In veste Christi, in Ecclesia S. Agathæ Ravennaten. 185. 1.
 Monogrammata varia in vestium fimbriis 210. 2.
 In vestibus Apostolorum 249. 1.
 Monogrammata vestes literatæ 90. 2.
 Monogrammaticum erat insigne Patriæ, vel Gentis 100. 2.
 Monoptera quid 6. 2.
 Mons Balnea Pauli, seu *Magnanapoli* 262. 2.
 Montis Testacei incrementi Auctoris opinio 175. 1.
 Moses Deo Altare erexit 2. 1.
 Legem promulgat 218. 2.
 Supra montem orans durante bello contra Amalechitas 219. 2.
 Virgam præferens 217. 2.
 Moses & Aaron ad Tabernaculum fuga 220. 1.
 Moses historia, musivo opere expressa in corona Ecclesiæ S. Mariæ Majoris 216. 2. & seqq.
 Ejusdem Levitis voluminis Deuteronomii traditio 221. 1.
 Ejusdem obitus, & humatio 221. 2.
 Mosi duo Comites à Pictore dati, scilicet cum musivo expressi 220. 2.
 Mulier sedens, dum Evangelium legeretur, vocem audivit, quod surgere deberet 137. 1.
 Multioculus, sive Osiris, idest Sol 58. 2.
 Sub accipitris forma 59. 1.
 Munera Deo primi obtulerunt Abel & Cain 2. 1.
 Muralis corona ex auro 109. 1.
Muro torto ubi 68. 1.
 Murus terreus ad Capitolium 203. 1.
 Ad Ecclesiam SS. Petri & Marcellini 266. 2.
 Ad Imperiale Palatium, & Ecclesiam SS. Joannis & Pauli 267. 1.
 Ubi nunc Barberinorum Palatium 266. 2.
 Olim ubi erat Domus Orphei 266. 2.
 Musiva opera, in Basilica Liberiana constructa à Xysto I. Papa 158. 1.
 Ex qua materia componantur, & quomodo formentur 84. 2. & seqq.
 Musivarii Artifices, Constantinopoli evocati 84. 1.
 Musivi operis antiqua inscriptio 80. 1.
 In Ecclesia S. Agathæ descriptio 271. 2.
 In Ecclesia S. Andreae in Barbara descriptio 247. 1.
 Romæ pretium laboris quantum olim, & quantum hodie 88. 2.
 in Musivo opere vitanda figurarum copia 39. 2.
 Musivorum origo 78. 2.
 Varia nomina 79. 1.
 Sub Sylla incepere 79. 2.
 Eorundem diversæ species; aliæ majores, aliæ minores, seu mediæ, aliæ minimæ 81. 2.
 Majores 82. 1.
 Mediæ sive minores 82. 2.
 Eorum exemplum, ibid.
 Minorum exemplum, ibid. 1. 2.
 Musivum opus ad hoc, ut pulchrum sit, quid requiratur 88. 2.
 In Basilica Siciniana constructum à Simplicio Papa 242. 2.
 In Ecclesia S. Agathæ 259. 1.
 S. Agathæ Ravennaten., ejusque descriptio 185. 1.
 Immortale est 89. 1.
 Lugduni 81. 1.
 Mevania 83. 1.
 Minimum, ac mirabile 88. 1.
 Oratorii SS. Joannis Baptistæ, & Evangelistæ constructum ab Hilario Papa 242. 1.
 Perennitate sua superat picturam 89. 1.
 Præneste in Palatio Exc. Principis Barberini 81. 1.
 Aliud, ibid.
 Romæ quo tempore cessaverit 84. 2.
 Ecclesiæ S. Sabine, ejusque descriptio 188. 2.
 In tholo Baptisteri S. Joannis Ravennaten. 235. 1.
 Myrtea Corona 107. 2.
 Ea qui primus usus fuerit 109. 1.
- ## N
- N**ardini opiniones de Ecclesia Sanctæ Agathæ summam relate 256. 1. & seqq.
 Nationes finitimæ ad invicem ritus, ac mores mutant 161. 2. & 163. 2.
 Navalis Corona 102. 1.
 Naves Ecclesiarum disparis latitudinis erant, & cur 14. 2.
 Nestorius auctor Nestorianæ hæreseos 205. 1.
 Ejusdem Codices, jussu Theodosii Imperatoris combusti 227. 1.
 Nicolaus V. Obeliscum Vaticanum transferre in mente habuit 32. 2.
 Nimbus, idest, Diadema 115. 1.
 Noe Altare Domino ædificavit 2. 1.
 Nomen, in vestibis expressum 95. 1. 2.
 Numisma à Baronio relatum potius filios Theodosii Imperatoris, quam SS. Joannem, & Philippum repræsentat 275. 2.
- ## O
- O**beliscus parvus, erectus ab Alexandro VII. ante Ecclesiam S. Mariæ supra Minervam 34. 2.
 Obsidionalis Corona 109. 1.
 Octavianus Roboretus laudatur 77. 2.
 Opus tumultuarium quando cœperit 72. 2.
 Oratorium S. Joannis Baptistæ fundatum ab Hilario

I N D E X R E R U M

Iaro Papa 241. 1.
 Orbiculi in vestibus quid 92. 1.
 Ornamenta templorum, propria cuilibet Deitati 4. 1.
 Ornamentorum Basilicæ Sicinianæ descriptio 52. 1.
 Orphei denominatio 259. 2.
 Orphei domus ubi 265. 2.
 Orthographia ambonum 23. 2. & 24. 1.
 Chori Ecclesiæ S. Clementis 19. 1.
 Osiris frater Isis 58. 2.
 Multioculus, ibid.
 Sub accipitris forma 59. 1.
 Deus Gnosticorum, ibid. 2.
 Dictus est Sol, ibid.
 Ovalis Corona 109. 1.
 Oves circa Christum stantes quid denotent 228. 1.

P

Pagus Sucusanus 267. 1. & seq.
 Palma symbolum Victoriæ & Justitiæ 225. 1.
 Pannus pulvinar tegens expressus in summitate arcus S. Mariæ Majoris Christi syndonem denotat 203. 1.
 Pantaleo Consul Auctor Valvarum Ecclesiæ S. Pauli 40. 1. & 42. 1.
 Papæ Cœlestini III. figuræ descriptio 239. 2.
 Parietes privatarum ædium ultra sesquipedem crassæ olim non erant 69. 1.
 Paschalis vigilia à Fidelibus cereorum copia celebrabatur 190. 1.
 S. Pastoris imago 28. 1.
 Patera boni ominis nota est 62. 2.
 Patriarchæ XII. Hebræorum velato capite expressi 231. 2.
 Patriarchales Ecclesiæ quinque in Urbe 196. 2.
 S. Pauli Basilicæ Ichnographia 10. 1.
 Orthographia 11. 1.
 S. Pauli decollatio ubi facta 46. 1.
 Eundem Romæ fuisse ostenditur 139. 1.
 Eundem cum S. Petro Romæ prædicasse, ac passum fuisse demonstratur 67. 1.
 Pavo radiatus æternitatis symbolum 115. 2.
 Pedum, idest, Baculus Pastoralis 121. 2.
 Pentadoron 68. 2.
 Peperinus lapis qualis 5. 1.
 Periptera quid 5. 2.
 Peripteros quid 6. 1.
 Persecutionum Christianorum Catalogus 150. 1.
 Petrus Cardinalis fundator Ecclesiæ S. Sabinæ 186. 2.
 S. Petrus, depictus cum triplici ordine Capillorum 272. 2.
 Et cum unica clave, ac cum duabus, & tribus, ibid. & seqq.
 Ejusdem crucifixio ubi facta 46. 1.
 Eundem Romæ fuisse demonstratur 139. 1.
 Idem à lava, & S. Paulus à dextris 203. 1.
 Eosdem Apostolos Romæ prædicasse, ac

passos fuisse ostenditur 65. 1.
 Eorundem effigies, in arcu majori Ecclesiæ S. Pauli expressæ 232. 2.
 Philippus Bonarota laudatur 58. 1.
 Philippum Imperatorem fuisse Christianum demonstratur 145. 2.
 Phoenix radiata æternitatem denotat 115. 2.
 Pictura antiqua in Basilica Siciniana 64. 1.
 Picturæ antiquæ ut plurimum desumptæ ex Apocalypsi 201. 2.
 Pila tiburtina ad Circum Floræ 252. 2.
 Plerum Ecclesiæ Primitialis descriptio 15. 2.
 Plebs Dei vox quid denotet 204. 1.
 Sæpius à Pontificibus usitata, ibid.
 Plinius 119. annis decessit post Ciceronem 53. 1.
 Ejusdem domus juxta Suburam 206. 1.
 Pluvia Coturnicum 219. 1.
 Pœnitentium locus in Porticu 14. 2.
 Eorundem, & Cathecumenorum stationes in Ecclesiis 18. 2.
 Poloni in lectione Evangelii gladium stringunt 137. 1.
 Pontifex Romanus an utatur Baculo 122. 2. & 123. 1.
 Pontifices quo tempore cessaverint deferre baculos 123. 2.
 Eorundem sepulchrorum orthographia ostenditur 179. 1.
 Porticus duplex in Basilicis 7. 2.
 Et aliquibus in Ecclesiis cur 17. 1.
 Posthumius Tubertus primus myrtæa coronatus fuit 109. 1.
 Præfeti Navales qui 120. 2.
 Præfectus Urbis cum Biretto 114. 2.
 Præsentatio Pueri Jesu in templo opere musivo expressa in arcu S. Mariæ Majoris 209. 2.
 S. Praxedis imago 27. 2.
 Presbyterium, sive confessus Presbyterorum, ubi in Ecclesia 18. 1.
 Liberianæ Basilicæ cur altum constructum fuerit 197. 1.
 Priamus depictus cum circulo capiti circumducto 114. 1.
 Primatus Romani Pontificis tempore Cœlestini demonstratur 187. 2.
 Processio in die Purificationis antiquitus fiebat è Laterano ad S. Mariam Majorem 65. 2.
 Pronai vox quid denotet 3. 2.
 Prostýlos quid 6. 1.
 Pseudipteros quid 6. 2.
 S. Pudentianæ Ecclesiæ januæ descriptio 26. 2.
 Ejusdem imago 27. 1.
 S. Pudentis imago 28. 1.
 Puteus Probe ubi 252. 1.
 Pyramis ad Portam Ostiensem 169. 1.
 Scipionis 169. 1.
 Pyramidis Scipionis Africani imago 46. 1.
 Pyramides apud Egyptios in usa 164. 1.
 Hebræi etiam fabricarunt 165. 1.
 Diversarum adhuc Memphis extantium orthographia 164. 1.

Quer-

Q Uercina Corona 108. 2.

R
P. T. Θ. Literæ in Philosophiæ veste 97. 1.
 Raab meretrix Exploratores e fenestra per funem demittit 222. 2.
 Radiatus vultus Moſis 112. 2.
 Radii in capitibus Cæſarum 112. 1.
 Raphael Fabrettus laudatur 4. 3. & 135. 1. & 169. 2. & 200. 1.
 Libellorum ſupplicum à Secretis a Summo Pontifice Alexandro VIII. declaratus 245. 1.
 Ravenna antiſſima Urbis Romæ æmula 184. 1.
 Ravennatis Eccleſiæ Sanctæ Agathæ majoris deſcriptio, ibid. 2.
 Raymundus Cardinalis Capifuccus laudatur, 181. 2.
 Reges, ac Imperatores Romam venientes Canonici S. Petri creantur 134. 2.
 Reges quinque, à Joſue victi, deque ejus juſſu e ſpelunca extracti 224. 1.
 Regiones Urbis tantum quatuor ex ſeptem erant Catholicæ tempore S. Gregorii 259. 2.
 Religio Chriſtiana quomodo antiquitus repræſentata 195. 2.
 Reſtauratio murorum Urbis facta à Belifario 71. 2.
 Facta à Carolo Magno 72. 1.
 Reticulatum certum opus 67. 2. & 68. 1.
 Incertum opus 67. 1.
 Rhedarum varia nomina 55. 2.
 El. Ricimer Arianus minimè fuit 259. 1.
 Idem natione Gothus, & Arianus dicitur 268. 2. & ſeqq.
 Ritus in Evangelii lectione 22. 1. & 23. 1.
 Romani e Græco fonte nonnulla hauſere 2. 2.
 Roſacea Corona 107. 2.
 Roſæ in veſtibus 102. 1.
 Roſtrata Corona 109. 1.

S
 de **S** Abellis familia laudatur 183. 1.
 Sacrificia in monimentis fieri, docet antiqua inſcriptio 172. 1.
 Sacrificium Boni eventus 62. 2.
 Salaria antiqua ubi 66. 2.
 Salmuthi ſententia impugnatur quoad diadema impoſitum capitibus ſtatuarum 115. 1.
 Salomon templum Domino ædificavit 2. 1.
 Salvatoris imago, crucem manu gerentis 230. 2.
 Quid denotet, ibid.
 Salvatoris imago, depicta in ſummitate arcus Baſilicæ S. Pauli, illiuſque explicatio 230. 1.

Sanctuarium in qua parte Eccleſiæ 18. 1.
 Sandalia Apoſtoli geſtabant ex Domini præcepto 249. 2.
 Saturnus, coronarum inventor 107. 1.
 Saxa, in agris jacentia, in reſtauratione Urbis conceſſa 71. 2.
 Saxia, à Saxonibus dicta 262. 2.
 Scaligeri ſententia impugnatur quoad diadema impoſitum capitibus ſtatuarum 115. 1.
 Scarabæus radiatus Solem denotat 115. 2.
 Sceptrum manu tenentes diverſæ imagines 125. 1.
 Supremæ dignitatis, & dominationis eſt nota 124. 2.
 Schola ſtimulatorum quæ 120. 2.
 Scipio Provenzalis Muſivarius 88. 1.
 ad Scribendum materiæ plures adinventæ 126. 2.
 Scriptorium librorum in muſivo expreſſum 227. 1.
 Sectile opus quale 80. 2.
 Sedes Apoſtolica Avinionem translata adduxit ſecum Urbis decorem 72. 2.
 Sedes appellata ſepulchra 177. 2.
 Sedes Episcopalis, ſive Falditorium expreſſum in tholo baptiſterii S. Joannis Ravennatenſis 236. 1.
Σημεῖα quæ? 91. 1.
 Senatorium quid, & ubi 18. 2.
 Seniores xxiv. expreſſi in arcu Baſilicæ S. Pauli 230. 2.
 Sepulchra Ægyptiorum quæ 163. 2.
 Apud Athenienſes lege fuerunt moderata 167. 2.
 Columpis ornata 175. 1.
 Ad Baſilicæ formam 183. 2.
 Ad Confeſſiones, ſive Confeſſionis formam 183. 1.
 Gallæ Placidie 226. 2.
 Honorii Imperatoris 225. 1.
 Metellæ 72. 2.
 Valentiniani III. Imperatoris 225. 1.
 Magiſtrorum Gallæ Placidie filiorum 224. 2.
 Græcorum qualia 167. 1.
 Lateritia mirificè elaborata 170. 1.
 Martyrum, &c. expreſſa in tholo Baptiſterii S. Joannis Ravennatenſis 236. 1.
 Memoriæ dicta 176. 1.
 Regum domus David 165. 2.
 in Sepulchris ædiculæ Genii familiæ erant 170. 2.
 in Sepulchris ædiculas fuiſſe docet antiqua inſcriptio 172. 1.
 Sepulchrorum internarum partium deſcriptio 170. 2.
 Servius Tullius Romanorum Rex, natus ex nobili fœmina Corniculana 68. 2.
 Ejuſdem Palatium Corniculi olim erat, ibid.
 Seſſorianæ Baſilicæ ichnographia, & orthographia 9. 2.
 Severus Imperator templum Deorum Alexandria extruxit 145. 1.
 Siciſiana Baſilica ad Macellum Livie 242. 2.
 Ejuſ conſtructio 243. 1.
 Olim Dianæ templum, ibid.

INDEX RERUM

Sicinianæ Basilicæ ichnographia, & orthographia 9. 1.

Ejusdem ornamentorum descriptio 52. 1.
Sigillo cur Evangeliorum volumina obsignarentur 130. 2.

Signa in vestibus quomodo ab Auctore explicata 102. 1. & seqq.

Silicium, marmorarum crustarum, ac tophorum ædificia quo tempore facta 70. 2.

Simeonis Justi sepulchrum 165. 2.

Simeonis, & Levi fratrum Dinæ historia 216. 1.

Simplicius Papa construxit musivum opus in Basilica Siciniana 242. 2.

Sol ab Ægyptiis dictus multioculus 58. 2.

Sol denotatus per Scarabæum radiatum 115. 2.

Solis statio iussu Josue 223. 2.

Somni imago, musivo opere expressa 82. 2.

Spatium, sive intervallum inter ædificia privata quantum olim erat 65. 1.

Speluncæ Hebræis pro sepulchris inserviebant 160. 1.

Spherula, idest, diadema 115. 1.

Sphinges lapideæ erant in fanis 3. 2.

Stellæ in capitibus Cæsarum 112. 1.

Stellæ Poetæ domus ubi 260. 1. & 265. 2.

Stemma Congregationis Casinensis 25. 1.

Stephanus Fantonus laudatur 82. 2.

Subressii opinio de literis in vestibus 97. 2.

Suburæ vox correctæ 297. 2.

Ejusdem initium 257. 1. & 260. 2. & 261. 1.

Intra ne, an extra Pomœrium fuerit 251. 1.

& 253. 2.

Unico R. scribenda 250. 2.

Unde dicta, variæ opiniones 250. 2. & seqq.

Dicta quia sub muro terreo 263. 2. & 264. 1.

A pago Sucufano dicta 260. 2. & 263. 2.

Hominum multitudine abundabat 254. 2.

In ea venalium rerum copia erat 255. 1.

Clamoribus plena 255. 1.

A spectatissimis Viris inhabitata, ibidem.

Ad S. Lucie in Silice 266. 1.

Inter præcipuas Urbis regiones connumerata 262. 2.

In Quirinali ubi 266. 2.

Olim Emporium fuit 266. 1.

Suburæ plures fuisse 263. 2. & seqq.

in Suburæ officina Flagellorum, ac Tonstricis erat 263. 1.

Inibi furtivæ res hora vespertina vendebantur, ibid.

Suburana via ubi 265. 2.

Sucufanus Pagus unde dictus 260. 2.

Olim per B. scribebatur 267. 1.

Sueviæ duæ 269. 2.

Symboli Apostolici articulus: descendit ad inferos, explicatus 49. 1.

Symbola Apostolorum sunt Agni 225. 1.

T

T Litera Crucem Salvatoris denotat 96. 2.

Tabellæ quadratæ in vestibus quæ? 91. 2.

Tabernacula duo erant in Templo 207. 1.

Tabularium ex lapidibus quadratis 66. 2.

Templa, & Ecclesias præcos fideles habuisse demonstratur 152. 1.

Templa unde dicta 4. 1.

Antiquitus absque tecto erant, ibid.

Vel habebant in summitate magnum foramen 4. 2.

Quibus in locis antiquitus diis templa faciebant Romani 4. 1.

Prope sepulchra 170. 2.

Eorundem partes quatuor erant 4. 2.

Forma 6. 1.

In iis sepeliendi cadavera ritus 171. 1.

Templi antiqui forma reperta 4. 2.

Templum Isis & Serapidis olim erat, ubi nunc est Ecclesia S. Mariæ supra Minervam 34. 2.

Deorum Alexandria extructum à Severo

Imperatore 145. 1.

Domino Salomon ædificavit 2. 1.

Tempus, quo constructa sunt ædificia, quomodo ex cementis argui possit 65. 2.

Tessellatæ vestes 95. 2.

Tessellatum opus quid sit 80. 1.

Tessera in vestibus quæ? 91. 2.

Tetradoron 68. 2.

Texendi genera duo apud veteres 104. 1.

Theagenes Thasius in Olympicis excellentissimus lucratur mille & ducentas coronas 108. 2.

Thronus Caroli Calvi qualis 203. 1.

Consulis Romani 202. 1.

Salomonis qualis 202. 1.

Thronus, sive Cathedra, expressus in summitate arcus Liberianæ Basilicæ 292. 1.

Tituli Romæ tempore Cornelii Papæ quot fuisse 141. 1. & 146. 1.

Tonsura in capite S. Philippi Apostoli expressa 275. 2.

Tophorum quadrilaterum ædificia quo tempore facta 72. 1. Tophorum, & Laterum insimul 70. 2.

Transennæ ubi erant, & quid denotabant 19. 2.

Transitus Beatæ Mariæ Virginis 50. 2.

Tribuna à Tribunali nomen sortita est 8. 1.

Tribuna etiam Absidia dicitur, ibid.

Tribus Urbanæ quatuor 257. 1.

Triumphalis nomen quare Arcubus majoribus Ecclesiarum inditum 198. 2.

Triumphalis Corona 109. 1.

in Triumphis victimæ humanæ cæse 57. 2.

Triumphus de Artabazo M. Antonini 57. 1.

Τροπαιοφόρος Arcus cur denominatus 199. 2.

Tumultuarium opus quando coeperit 72. 2.

Turris Mamilia 262. 1.

Tusci ædificabant ex lapidibus quadratis 67. 1.

Typhon 58. 2.

INDEX RERUM

V

V Alentiniani III. Imperatoris sepulchrum, 225. 1.
 Vallaris Corona 109. 1.
 Valvæ aneæ in Ecclesia S. Pauli, earumque descriptio 35. 2.
 Earundem constructionis tempus 42. 1.
 Vaticanae Basilicæ, ab Eugenio IV. constructæ 43. 2.
 Earum altitudo, & latitudo 44. 1.
 Tempus duodecim annorum, in earundem fabrica consumptum 44. 1.
 A Paulo V. restauratæ, ibid.
 Versus, qui olim apud eas stabant, ibid.
 Earundem icon, ibid.
 Earundem descriptio 43. 1.
 Pisarum quo tempore, & è quonam loco in illam Urbem adductæ 46. 2.
 Eadem ante millesimum constatæ, ibid.
 Earundem in Ecclesia primitiâli descriptio 47. 1.
 Valvas aneas construxit Honorius III. Papa in Oratorio S. Joannis Lateranen. 239. 1.
 Valvæ argenteæ olim in Vaticana Basilica, & quando directæ 43. 1.
 Quando denuò etiam argenteæ resectæ 43. 2.
 Construxit Hilarus Papa in Oratorio S. Joannis Lateranensis, 239. 1.
 Vander Linden Decanus Ecclesiæ Aquisgranensis laudatur 7. 2.
 Varro obiit anno ante Christi nativitatem xxv. 253. 2.
 Vas, expressum ad pedes imaginis Sancti Pauli quid denotet 45. 1.
 Vela in foribus Palatii Imperatoris antiquitatis erant 64. 2.
 Velum purpureum, in sepulchro Magnatum, olim positum 179. 1.
 Vermiculatum opus 81. 2.
 Verrius floruit sub Tiberio 267. 2.
 Versus in arcu S. Pauli mutili, ac à Baronio suppleti 229. 1.
 Alio modo ab Auctore, ibid.
 In basi columnæ ante Ecclesiam S. Pauli 25. 1. 2.
 In epistyllo januæ S. Pudentianæ 26. 2.
 In libris Evangeliorum 137. 1.
 Inscripti circa peripheriam Agni cruce insigniti 27. 1.
 Circâ peripheriam imaginis S. Pastoris 28. 1.
 Circâ peripheriam imaginis S. Prædix 27. 2.
 Circâ peripheriam imaginis S. Pudentianæ 27. 2.
 Circâ peripheriam S. Pudentis 28. 1.
 Leonini quo tempore inventi 28. 2.

Insculpi in valvis aneis Ecclesiæ S. Pauli 37. 2. & 40. 2.
 Qui erant in tribuna Basilicæ Sicinianæ 243. 1.
 Vestes antiquitatis inconsutiles, 103. 2.
 Gammadiæ 90. 2.
 Candidæ, ac Coronæ quid denotent 232. 1.
 Literatæ 90. 2.
 Variis figuris depictæ 93. 2. & 94. 2.
 Pretiosæ Virginis quid denotent 27. 1.
 Inconsutiles nostro ævo revocatæ 104. 1.
 Vestis empta pretio centum viginti talentorum 94. 2.
 Inconsutilis; Artifex Franciscus Gujot 105. 1.
 Via *Gratiola* 264. 2.
 Victimæ humanæ casæ in triumphis 57. 2.
 Vincentius Cardinalis Ursinus laudatur 35. 1.
 Violacea Corona 108. 2.
 Virga justitiam denotat 124. 2.
 Pastoralis, idest, Baculus 121. 2.
 Ejus icu aqua erupit 219. 2.
 Virginum sepulchrorum orthographia expenditur 179. 1.
 Viridarium Excellentissimæ Familiæ Aldobrandinorum ante Ecclesiam S. Agathæ in Subura 257. 1.
 Vitreum opus 81. 2.
 Vituli aurei adoratio 218. 1.
 Ulyssis tunica variegata animalium figuris 92. 2.
 Umbellæ, in statuarum capitibus positæ pro tegumento, ne ab avibus conspurcarentur, 125. 1.
 Unio Chaldæorum, & Maronitarum cum Ecclesia Romana 45. 2.
 Jacobitarum Æthiopum cum Ecclesia Romana 45. 2.
 Volumen in Christi manu quid denotet 247. 1.
 Evangeliorum obvolutum 128. 2.
 Idem cur sigillo obsignatum 130. 2.
 In magna veneratione habitum 131. 2.
 Septem sigillis obsignatum, ac expressum in arcu Triumphali Basilicæ Liberianæ quid denotet 201. 2.
 Voluminis, & Codicis differentiæ 128. 1.
 Volumina unde dicta 227. 1.
 In Apostolorum manibus quid significant 247. 2.


X

X Litera in vestibus 100. 1.
 Xystus III. Papa musivis operibus ornavit basilicam Liberianam 196. 1.

Z

Z Acchariæ Propheta sepulchrum, 165. 2.
 Zeno Imperator Evangelium S. Barnabæ reposuit in suo Palatio 132. 1.

FINIS PRIMÆ PARTIS
 VETERUM MONIMENTORUM.



SPECIAL
FOLD

86-B

21431

V.1

